




G6.32

R53365



Digitized by the Internet Archive
in 2016



Ex Libris Publ. M.
C O N S P E C T U S

MEDICINÆ THEORETICÆ.

Colleg. AD USUM ACADEMICUM. *Reg.*

Medic. AUCTORE *J. G.*

JACOBO GRÈGORY, M.D.

MED. THEORET. IN ACAD. EDIN. PROF. COL. REG.

MED. EDIN. SOC. SOCIET. REG. MED. EDIN.

60D. HONOR. ET SOCIET. PHILOS. EDIN.

SOD. EJUSDEMQUE A SECRETIS.

EDITIO ALTERA
AUCTIONIOR ET EMENDATIORE

V O L. I.

EDINBURGI:
APUD GULIELMUM CREECH; ET
L O N D I N I,
APUD T. CADELL, ET P. ELMSLY.
MDCCLXXXII.

of John D. M.D.

CONSPECTUS

MEDICINAE THEORETICAE

AD USUM ACADEMICUM.

AUCTOR

JACOBO GREGORY, M.D.

MED. THEORET. IN ACAD. EDIN. PROF. COL. REG.

MED. EDIN. SOC. SOCIET. REG. MED. EDIN.

SED. HONOR. ET SOCIET. PHILOS. EDIN.

SED. SUSCEPIT ACADEMIA

EDITIO ALTERA

AUCTOR ET REVISOR

VOL. I.

MDCCCLXXII

AUDITORIBUS SUIS

JACOBUS GREGORY

S. P. D.

NUNC iterum ad vestrum, Auditores ingenui, usum, prodit meus Medicinæ *Theoreticæ* Conspectus; sed auctior nonnihil, et emendatior ut spero, adjectaque altera, in qua de *Therapeia* agitur, parte locupletior.

Experientia haud paucorum annorum, discens pariter atque docens artem medicam, probe noveram quam utilis, et quam necessarius sæpe esset hujusmodi rerum quæ in prælectionibus Academicis tractarentur conspectus cum professori tum dis-

VOL. I,

a

cipulis.

cipulis. Quocirca, ex quo tempore honorificum in alma hac Academia docendi munus adeptus essem, mecum decreveram, meisque Auditoribus promiseram, tale opusculum ad usum eorum me quamprimum editurum; idque profecto eo magis necessarium esse existimavi, quod ordinem quodammodo novum, in rebus quæ meæ provinciæ sunt tractandis, secutus essem.

Medicina *Theoretica* tres partes complectitur, quæ seorsum tractari solebant; *Physiologiam* scilicet, *Pathologiam*, et *Therapeiam*: quarum priores duas, quam maxime potuerim, simul docere conatus sum; quippe quæ sæpe difficillime separentur, nonnunquam omnino inseparabiles sint. Hinc metuendum erat, ne ordo inusitator, nulloque libro explicatus, quamvis revera simplex et naturalis, studiosis quodammodo obscurus videretur.

His argumentis inductus, et hoc promisso me teneri ratus, ante biennium, primam

nam hujus opusculi partem, *physiologiam* scilicet et *pathologiam* complectentem, in lucem edidi; sed nimis festinanter conscriptam, neque ea qua decuisset cura correctam et expolitam. Ad talem profecto laborem, multo magis necessarium quam facilem, quum tempus tunc urgeret, ipseque aliis et gravibus implicarer negotiis, parum omnino valebam. Postea vero, (quod et meum me munus, et Auditorum meorum, aliorumque in hac Academia medicinæ studio incumbentium, candida, pro more ingenuæ juventutis, in libello, quamvis tot maculis fœdo, recipiendo benignitas, usque hortabantur), quum tempus et aliæ res magis faverent, eundem qua potuerim cura emendare et expolire tentavi, quædam ex multis quæ deessent ei supplere, nonnulla quæ superflua viderentur delere, cunctaque in meliorem ordinem reducere. Totum denique opusculum, his modis haud parum auctum, ne quid formidinis haberet volumen nimis crassum, in duos tomos dividendum cu-

ravi, adeo graciles, ut forma faltem vel delicatissimos lectores non terreant. Quoniam vero pars prima hujus Conspectus, *Physiologiam* scilicet et *Pathologiam* complexens, altera longe major est, ne bina volumina nimis inæqualia forent, illam ita divisi, ut tria ejus capita, nempe, de generatione, de nutrimento, incremento, et immutatione corporis, et de constitutionum varietatibus, in secundo volumine, una cum *Therapeia*, continerentur.

Mirabimini forte, quod et olim mirati sunt multi, me latino sermone usum esse, atque adhuc uti, neque vestitum quo primo prodiit libellus hætenus mutasse; præsertim quum pauci in Britannia nostra hoc sermone nunc conscribantur libri, et ipse, ut mos est Professorum in alma Academia Edinensi, vernaculo sermone docere soleam. Quin et multi erga me benevoli me de hac re serio admonuerunt, et Bibliopola meus, vir honestus, et mihi amicissimus, et in re literaria apprime sagax, me
certiorem

certiorem fecit, parum ex re mea fore latinum librum scripſiſſe, paucos enim nunc exiſtere talium de re medica librorum aut lectores aut emptores.

Nequibam cum tanto viro de ſuo negotio controverſiam inire; quamvis haud facile crediderim, ſcientiæ medicæ ſtadium aggreſſurum eſſe quenquam literarum humaniorum adeo neſcium, ut vel aſpectus latini libri prorſus terreret. Neque proſecto negaverim, latini ſermonis ſcientiam, quanta aut nunc cuiquam competat, aut olim ipsis veteribus fuiſſet, ægre ſuffecturam ad plurimos libros intelligendos, pseudo-latinos, ſed ferreo adeo et intorto ſermone contextos, et tot barbaris ſeſquipedalibusque vocabulis horridos, ut *Julio Ceſari Scaligero* ipſi, ſi hoc ſolo conſilio reſurgeret, eorum fatiſ ardua foret interpretatio.

Post tot jam barbara elapſa ſecula, nemo ſanus conatus fuerit, auream *Ciceronis* aliorumque

rumque veterum scriptorum latinitatem et miram elegantiam æmulari; præsertim de arte quavis, puta de re medica, scripturus: singulæ enim artes et scientiæ vocabula quædam sibi propria, multaque sensa exprimenda a sermonis elegantissimis omnino abhorrentia, nequeunt non habere. Tamen, ut opinor, penes unumquemque semper fuerit, et quacunque de re scripturum, sermone uti simplice et perspicuo, quicum contentus esse debet; non enim credo cuiquam nunc fas esse optimos et elegantissimos propius attingere scriptores. Prima certe elegantia est simplicitas et perspicuitas orationis; quippe cujus usus sit, sensa cujusvis exprimere, et cum aliis hominibus communicare. Quamobrem etiam sermone quam purissimo uti oportet, et omnia vocabula nova, barbara, arti cuilibet propria, quantum fieri possit evitare. Sin minus, metuendum erit ne talia vocabula, vel totus demum sermo, aut prorsus non intelligantur, aut, quod pejus est et frequentius incommodum, credantur intelligi

ligi a scriptoribus pariter et lectoribus, cum vix in iis sit quod intelligant; aut denique, capiantur quodammodo, sed parum accurate, et sensu forte a vero auctoris sensu multum alieno. Antiquum enim et usitatissimum apud medicos est, sibi aliisque persuadere se rem intelligere, cum nomen tantum didicerint, novamque rem se credere invenisse, cum novum tantum rei antea bene notæ nomen imposuerint. Caveant autem medici, caveant imprimis medicinæ studio incumbentes, ne hoc modo sibimet ipsis dent verba, umbramque pro substantia captent.

Hanc vero simplicitatem et perspicuitatem sermonis et cogitationis super rebus medicis, quam vehementer vobis commendare aveo, certe multo melius et multo facilius attigissem vernaculo quam latino sermone usus; et simul forte rem magis gratam meis auditoribus et lectoribus fecissem. An igitur rationem reddere oportet cur hanc linguam anteposuerim, qua
per

per aliquot annos scriptores medici in quibusdam Europæ regionibus, et præsertim in insula nostra, tam parum usi sint? Veram fatebor causam. Nobilis et utilissima lingua nimis negligi mihi visa est, eo pejore cum effectu, quod per trecentos fere annos postquam literæ humaniores, et cum iis scientiæ fere omnes, in Europa reviviscerent, communis doctorum virorum lingua fuisset, per totum terrarum orbem intellecta, qua, inventorum omnium et observationum quotquot sciri aut propagari mererentur, facillimum et commodissimum per omnes quæ scientiam colerent gentes commercium fieret. Nondum vidi, nec facile credere possum, consuetudinem quæ nuper increbuit, libros plerosque, tum medicos, tum quoque ad alias scientias pertinentes, scribendi vernaculo variarum regionum fermone, studia aut breviora aut facilia reddidisse, scientiamque nostram ullo modo aut provexisse hætenus, unquamve esse provecturam.

Præterea,

Præterea, latino sermone tam male in defuetudinem abeunte, non modo nova in omni genere scientiæ reperta tardius pervulgantur, vel penitus cohibentur intra fines regionis ubi primo nata sunt, verum etiam multi et æstimabiles auctores, præsertim antiquiores, qui hoc sermone usi erant, immerito neglecti, aut raro evolvuntur, aut in caligantibus bibliothecis repositi, duro somno damnantur, digni meliore fato. Forte etenim et tempus veniet, quum medici de latino prædicaverint scripto, mutato tantum vocabulo, quod olim in tenebricosis seculis de Græco *monachi* solebant prædicare, “ Latinum est, nec “ potest legi nec intelligi.” Cum bonis literis, scientiæ omne genus, artesque elegantes, et imprimis utilissima ars medica, florere olim. Illis tandem neglectis et corruptis, hæ communem sortem subierunt, et iisdem tenebris obvolutæ dormiverunt, per duodecim secula pene extinctæ, et generi humano prorsus inutiles. Resurgentibus tandem ad pristinum decus literis

humanioribus, scientiæ resurrexerunt simul: vereor autem ne tempus, quandoque veniat, quod forte et nunc prope abfit, quum extincta face quæ primo lucem præbuit, et amisso duce qui per asperum et obscurum iter feliciter eduxit, in pristinam relapsuræ sint caliginem.

Rem igitur, neque inutilem vobis, neque a proposito mei officii alienam, me facturum existimavi, si hæc studia, et præceptis, et, quantum in me facultas fuerit, exemplo quoque, vobis commendarem. Neque vero hoc arroganter aut dictum aut factum existimari vellem, quasi solus adversarer consuetudini, quæ Academia, et qui eam ornaverint tot spectatissimis viris, placuisset; meaque auctoritate et exemplo vindicarem res, quæ aliis levis omnino momenti visæ essent. Ante aliquot annos, quum Professores Medici in hac Academia vernaculo sermone docere statuerunt, legesque de studiis in re medica ordinandis primo stabilitæ fuerunt, almae
Academiae

Academiæ auctoritate sancitum fuit, ne usus latini sermonis apud nostrates periret prorsus, neve indoctis honores academicos adipiscendi, gravissimumque medendi munus suscipiendi, copia daretur, ut omnia tentamenta, omnesque exercitationes, ad se suosque in medicinæ studio progressus comprobandos, a juventute peragenda, hoc sermone peragerentur. Quin et vir summus, olim præceptor meus in arte medica, nunc collega spectatissimus, cujus vestigia, quamvis haud passibus æquis, in plurimis Medicinæ *Theoreticæ* partibus, persequi conatus sum, eodem, ut puto, consilio, eadem lingua conscripsit suum de *Nosologia Methodica* æstimabile opus, quo primus ingentem et indigestam molem in formam, et decus, et elegantiam quandam redegit. Igitur, cum hoc exemplo, tum quoque consilio et auctoritate ipsius Academiæ legum fretus, me hac de re neque errasse multum opinor, neque operam quam dedi male collocasse; scilicet qui non mulierculis, aut circumforaneis medicis, artem

nullis principiis nitentem, nullaque doctrina aut scientia ornatam, impertiar, sed artem liberalem, cui et favet et necessaria est doctrina haud exigua, juventutem ingenuam doceam, jam literis humanioribus probe eruditam, et plurima scientia imbutam.

Hæc de forma qua prodiit meus libellus sufficiant. Quod ad ejus materiam attinet, quod dudum fatebar, id nunc iterum lubentissime fateor, nempe hunc Medicinæ *Theoreticæ* Conspectum, utilitatis non novitatis studio conscriptum, adque usum academicum solum destinatum esse; nec unquam mihi in voto fuisse, medicos jam multa doctrina et longa experientia eruditos docere, sed juvenes tantum medicinæ studio incumbentes, scientiæ nostræ principiis imbuere. Nequis igitur vitio mihi vertat parum novi meum libellum continere. Novum studium ineunti, id totum novum est; et professoris officium, ut mihi visum est, in hoc maxime consistit, ut quicquid

quicquid de re quam docet sciri dignum cognitum sit, five novum id fuerit five vetus, idem qua possit cura, et brevitatem, et perspicuitatem, suis auditoribus exponat et explanet. Oportet quoque medicinam *Theoreticam* docentem, non modo scientiæ medicæ principia et elementa explicare, sed eorum usum, et ad medicinam *Practicam* accommodationem, sedulo ostendere. Male ergo meo functus essem officio, si rerum novarum nimia cupidine abreptus, propriarumque opinionum, five veræ five falsæ illæ fuissent, defensione occupatus, innumerisque ad quas sic via strata fuisset controversiis implicitus, plurimas res, multo majoris momenti, vel neglexissem penitus, vel leviter omnino tetigissem, neque ea quam ipsarum magnitudo postulasset cura.

Neque sane, ut opinor, plena et diserta rerum quæ in prælectionibus academicis docentur explicatio, in hujusmodi opusculo requiritur; quippe quæ a professore ipso, per suas prælectiones, plenius explicandæ

candæ et illustrandæ sint : sat erit, si disciplinarum, quæ in illis prælectionibus docentur, conspectum generalem exhibuerit, si principia ipsarum breviter ostenderit, et denique, si discipulis postea utile fuerit ad res quas didicerant in memoriam revocandas. Neque revera plena et perfecta scientiæ cujusvis, variarumque ad illam pertinentium rerum explicatio et notitia, a prælectionibus academicis petendæ sunt. Nulla enim ad scientiam, aut medicam aut aliam quamlibet, patet via regia et facilis ; nec sine proprio labore et diligentia viam ullam quisquam sibi apperit. Professor vero nihil aliud agit, quam si vastam et fertilissimam regionem discipulorum suorum oculis patefaceret, viasque per illam ducentes ostenderet, et difficultates undique prementes indicaret, viatoresque demum, per talem regionem iter suscepturos, cum suis monitis et præceptis dimitteret. Discipulorum vero unusquisque, quam sibi met viam elegerit, proprio Marte persequatur, variasque immensæ regionis partes,

tes, prout ingenium suum tulerit, aut fortuna copiam fecerit, exploret, et quæ ei maxime rident omni diligentia excolat. Suus sic quidem cuique labor erit, sed et suæ simul cuique constabunt bene meritæ laudes.

Plurimas res quæ una cum *Medicina Theoretica* alibi comprehendendi solent, et in libello, et in prælectionibus ipsis, silentio præterivi; scilicet quæ, ut Professores Medici in alma hac Academia provincias fortiti sint, ad meam minime pertinent.

Hæc causa fuit cur res omnes *Anatomicas* sedulo evitaverim, tanquam a proposito mei officii alienas, et quas omnis studiosus alibi didicisse debuit. Ob eandem causam, quædam ad *Pathologiam* pertinentia omisi; vitia illa scilicet quæ a læsa organorum fabrica omnino pendent, (morbos *solidorum continentium*, et morbos *solidorum instrumentarios* Illustris Gaubii), quæ chirurgia, non medicina sanantur,

tur, et quæ cum *Anatomia* et *Chirurgia* suo loco plene explicantur. Quædam denique ad *Therapeiam* pertinentia similiter præterivi, illa nimirum remediorum genera, illasque medendi rationes, quæ in *chirurgia* sola, et minime in *medicina*, locum habent. Usus tantum partium quarum fabricam studiosi antea didicissent, et functiones vivi corporis, morbosque qui singulas illas functiones impediunt, et principia generalia de remediorum viribus atque effectibus in talibus morbis sanandis, docere, meum esse putavi.

Aliam quoque, ut quidam volunt, *Physiologia* partem, quam silentio omnino præteriisse nefas fuisset, quam levissime tetigi; *Metaphysica* nempe quæ vocantur, seu de functionibus mentis humanæ, ejusque cum corpore nexu conjecturas; nam præter conjecturas nihil super hac re habemus. Quicquid autem veri aut verisimilis, quicquid pulchri aut ingeniosi, istæ conjecturæ habeant, fas sit dicere, optimas quasque earum

earum nihil hæcenus ad usum medicum contulisse.

Noluerim equidem credere, Naturam tam arcto limite ingenium humanum compescuisse, ut ad has quoque regiones viam sibi nunquam patefaciat. Vereor autem ne vel infausto omine vel malo duce iter tentaverint qui hæcenus ingressi sunt, vel tempus longe absit quo alter hic orbis visibus humanis pateat. Interea igitur satius esse duxi, rem intetatam relinquere, quam me meosque discipulos ignoto æquori committere, donec certior factus fuero de fine et præmio laborum. Quod si vir, ingenio, doctrina, industria, insignis, qui physiologiam corporis humani præ omnibus hujus seculi scriptoribus ornavit et auxit, calculis subductis serio conatus sit ostendere, imagines vel vestigia rerum ducenta et quinque millia quadringenta quinquaginta duo, condi vel imprimi in particula medullæ cerebri quæ unicum granum penderet; et

alii non parvi nominis auctores, magna solertia quæfiverint in qua parte cerebri anima habitaret, nonne concludere æquum est, multum adhuc requiri ut hæc scientia usibus nostris accommodetur?

Quamvis igitur mihi sit persuasissimum, actiones vivi animalis ab anima cum corpore juncta pendere, nec, nisi alterius cum altero mirabilis nexus ratione habita, plenam explicationem esse accepturas; non tamen ausus eram tantum aggredi laborem, quantum prævideram fore, ut rei adeo obscuræ, vel etiam multarum quæ de ea prolatae sint opinionum, rationem redderem. Res veras tantum de ea singulares, experientia et observatione compertas, et ad usum medicum accommodatas, recensere conatus sum. Leges vero harum rerum generales, et modum quo mens corpus afficit et ab eo afficitur vicissim, nec noverim ipse, nec quenquam hætenus novisse crediderim. Forte etiam sat medico fuerit novisse, tantum inter mentem corpusque

pusque intercedere nexum, ut plurimum, et sane mirum in modum, se invicem afficiant; neque solius corporis in morbis sanandis rationem semper habendam esse, sed menti quoque interdum subveniendum, quippe in qua sæpe hæreat fons et origo mali.

Utcunque vero cautum fuerit de his aut aliis rebus quæ nondum certa fide cognitæ et exploratæ sint, metuendum est ne quicquid sub nomine Medicinæ *Theoreticæ* prodeat, multi, non vulgi solum, sed medicorum etiam, sic enim mos jubet, suspectum habeant.

Non est dissimulandum, *Theoriæ* Medicæ scriptores hominum patientia multum abusos esse, et sibi aliisque nuper et olim miris ineptiis imposuisse. Hinc factum est, non prorsus sine rationis specie, ut multis, tum medicorum, tum aliorum hominum, persuasum sit, omnem *Theoriam* Medicam prorsus vanam et futilem esse, et

non modo non prodesse, sed revera multum nocere, animum nempe a vera notitia, quæ sola, ut volunt, experientia discatur, ficta scientia, avocando.

Verum enimvero non ideo concludere fas est, nihil veri aut certi de *Theoria* artis medicæ unquam repertum iri; neque si aliquid tale repertum fuerit, idem inutile futurum. Plurimas alias artes, bene novimus, detectis philosphorum industria veris quibus nitebantur principiis, illico multum provectas esse. Quod profecto magnus olim *Bacon*, veræ philosophiæ naturalis auctor atque parens, solita sua sagacitate, et perspexit et prædixit. “ Interim (inquit) nemo expectet magnum
“ progressum in scientiis, (præsertim in
“ parte earum operativa), nisi philosophia
“ naturalis ad scientias particulares pro-
“ ducta fuerit, et scientiæ particulares
“ rursus ad naturalem philosophiam re-
“ ductæ. Itaque non mirum est si scien-
“ tiæ non crecant, cum a radicibus suis
“ sint

“ sint separatae *.” Neque profecto *theoria* artis cujuscunque vanas et incertas conjecturas aut opiniones continere debet, sed res veras generales, observatione compertas, unde singulares derivantur, et ad quas singulae quae observantur res referri possunt. Nemo sanus contenderit, hujusmodi *theorias*, quales multarum artium et scientiarum habemus, aut vanas aut inutiles esse. Utinam et tales rei medicae haberemus; quod profecto eo magis necessarium mihi videtur, quod insigne inter artem nostram et alia artificia quae artes *mechanicae* vocari solent, discrimen intercedat. His enim sunt praecepta quaedam fixa et certa, quibus artifex fretus, errare nequeat, et quibus usus, opus quod susceperit perficere, hoc est, mutationes in rebus quas tractat ad arbitrium efficere, possit; parum omnino refert, principia quibus ista artis suae praecepta nituntur, intellexerit, necne. Sic faber scalpellum e ferro effin-

* Nov. Organ. § 80.

xerit, et medicamentarius quodvis medicamentum secundum regulas præscriptas præparaverit, neque alteruter horum artificum in opere suo repererit quod negotium susceptum impediverit. Materia quam tractat constans est, semperque eadem; in manibus inque potestate ejus penitus est; naturam ejus bene novit, viresque quæ eam afficiant adque libitum mutant; et certus igitur promittere potest, mutationem desideratam, vel mutationem quamlibet ad quam materia apta sit, se effecturum.

Sed longe alia est ars medica, et longe aliis difficultatibus implicata. Materiam enim atque compaginem tractamus delicatissimam et valde mutabilem, quæ scilicet neque variis hominibus prorsus eadem est, neque eidem homini variis temporibus; quæque igitur ab iisdem rebus variis modis afficitur; ita ut quod nunc valde prodest, nunc iterum vehementer noceat, quodque interdum corpus vix afficit omnino, idem interdum vehementissime afficiat, non sine
vitæ

vitæ discrimine. Maxima autem difficultas in hoc consistit, quod sæpe haud perspicuum sit, quænam ad morbum tollendum requirantur mutationes, aut quid omnino faciendum; quænam scilicet conditio morbofa fuerit, et qua ratione summovenda. Quocirca medicum et decet et oportet, non modo remedia novisse quæ adversus certos morbos prodesse soleant, sed horum quoque morborum naturam et causas, et remediorum vires, et administrationem, et modum quo contra morbos profunt, intellexisse; quo melius sciat idoneam singulis ægrotantibus medendi rationem accommodare, aut si illa quam primo instituit curatio male cefferit, eandem mutare et corrigere, vel, si opus fuerit, aliam prorsus et novam medendi rationem tentare. Et profecto tot tamque varix existunt morbosæ corporis conditiones, aliam atque aliam remediorum administrationem postulantes, ut neque mens sit adeo capax quæ complectatur singulas, neque memoria quæ retineat. *Theoria* igitur medica, seu principis

principiis quibusdam generalibus, egemus, quibus innixi in novis aut arduis occasionibus dirigamur, et ad eam medendi rationem tentandam perducamur, quæ naturæ morbi et conditioni ægri rite accommodata, et tutissima ipsa fuerit, et maximum simul beneficium et auxilium promiserit. Igitur, quo longius a debita accuratione distet ars salutifera, et quo magis futiles fuerint *theoria* hæcenus propositæ, eo majore cura et diligentia opus erit ad novam et perfectiorem reperiendam; quippe sine qua ars nostra neque pulchra qua decet forma erit, neque eam quam generi humano debet utilitatem unquam præstabit.

Plerisque vero *Theoria* Medicæ scriptoribus hoc vitium fuit, ut scientiam nostram pene vel penitus perfectam repræsentaverint; qualis scilicet non modo sani corporis munera bene explanaret, sed ad omnium fere morborum rationem reddendam facile sufficeret, et idoneam singulis curationem

tionem ostenderet. Nemini vero latere potuit, qui vel *theorias* quas varii protulerint auctores sedulo perpendisset, vel artem medicam talibus principiis innixus exercere tentasset, quantum his de rebus hallucinati essent scriptores medici; quorum unusquisque, quod vera scientia deesset, imaginatione et conjecturis supplere solebat: opus profecto facilius multo quam utile. Præterea, hoc modo factum est, ut multi et egregii auctores tempus et operam suam pessime luferint, in cruendis *theoriis* quæ patribus placuissent, novis, sæpe haud melioribus, in locum earum successis. Hinc controversiæ innumeræ, nonnunquam de rebus feriis et magni momenti, sæpius vero de lana caprina, quæ medicorum animos a rebus gravioribus, quales sciri meruissent, male vocabant. Hinc suas quodque seculum *theorias* medicas vidit; superioris jam sæculi opiniones et nos haud immerito nunc ridemus, proximo forte ævo vicissim ludibrium daturi.

“ Non autem (si verbis *Ciceronis* uti fas
 “ est) sumus ii quibus nihil verum esse
 “ videatur, sed ii qui omnibus veris falsa
 “ quædam adjuncta esse dicamus, tanta
 “ similitudine, ut in iis nulla insit certa
 “ judicandi et assentiendi nota.” — Ma-
 xime vero dolendum est, unumquem-
 que fere scriptorem medicum, de variis
 quas vel ipse vel alii protulissent opinionibus
 differentem, causidici (neque profecto
 honestissimi semper) partes suscepisse, ju-
 dicis muneris, quod suum erat, plerumque
 immemorem; totumque ingenium, et doc-
 trinam, et laborem, et eloquentiam, in
 hoc collocasse, ut causam quam defenderet,
 si posset recte, si non, quocunque modo
 tueretur; quod plerique auctores se effec-
 tuos crediderunt, celando quæ prorsus
 adversarentur, fingendo quæ deessent et
 necessariae viderentur suæ causæ, vindi-
 cando multa falsa et futilia, vel saltem in-
 certa et dubia eidem inservientia, resque
 demum satis notas et manifestas ita tor-
 quendo, ut a vera et simplice significatione
 distractas,

distractas, easdem in alias quæque magis
 faverent sententias traherent.—“ Quid
 “ autem (ut idem *Cicero* bene monet)
 “ tam temerarium, tamque indignum sa-
 “ pientis gravitate atque constantia, quam
 “ aut falsum sentire, aut, quod non satis
 “ explore perceptum sit et cognitum, sine
 “ ulla dubitatione defendere.”

Quamvis plurimæ et admodum diversæ
 causæ, nostram variis modis variis tempo-
 ribus corruperint scientiam, tamen haud
 est negandum, unam alteramve ex gravissi-
 mis omni pariter ætate et adfuisse et no-
 cuisse multum.

Principio igitur memoria semper tenere
 oportet, puram et nudam super rebus me-
 dicis veritatem nusquam extitisse; artem-
 que pariter atque scientiam nostram, mul-
 tis et gravibus erroribus, ab ipsis etiam
 earum primordiis, semper corruptas fu-
 isse.

Frustra omnino de origine medicinæ disputatur, quippe quæ nusquam ignota fuerit, nusquam non magis minusve culta, non secus ac aliæ artes quæ variis naturæ humanæ necessitatibus ministrent, ejusque acerbissimis ærumnis opem ferant, et conditionem hominum, nusquam suis incommodis vacuum, jucundio rem, aut tolerabiliorem reddant. Omnes scilicet ab omni ævo homines suum exercuerunt ingenium et industriam, ut voluptates sibi acquirerent, et dolores quibus obnoxii essent lenirent et summo verent. — Variæ profecto res, in variis regionibus atque temporibus, eorum conamina ita dirigere potuerint, ut vel prospera vel fere inania evaserint. — Non est igitur dubitandum, artem medicam ubique terrarum suam habuisse exordium inter homines recentes et rudes, naturæ rerum, et philosophandi legum, et bonæ ratiocinationis, pariter nescios; quos ideo oporteret ad observandos aut tractandos morbos, eorumque naturam et originem

nem explorandas, omnino imparatos accessisse.

Ad observandos profecto morbos omni tempore manifesta necessitate coguntur homines; quippe qui ægrotantium æque eorumque amicorum attentionem summo sibi jure vindicent. Ad causas quoque, et originem, et naturam, morborum investigandas, instinctu quodam peculiari, neque sane inutili, etiam quam maxime inculti perducuntur. Docet enim sensus communis, nullam novitatem, aut mutationem, aut a solito naturæ cursu et ordine aberrationem, fieri, sine causa aliqua, vel occulta vel manifesta. Ad has vero detegendas causas, multis et accuratis observationibus, et cauta admodum et sobria opus est rationatione.

Gravissime autem erraverunt auctores, qui sibi met persuaserint homines rudes atque indoctos ad tale inceptum valere, tutoque fidendum esse eorum observationibus

bus et opinionibus ; nimirum quos crederent, quamvis omni ope et auxilio doctrinæ et scientiæ in hoc opere carerent, tamen nullius falsæ scientiæ præceptis irretiri, aut in errorem duci, et ideo rectam et planam sensus communis semitam ingredi, eandemque constanter persequi, et observare bene, et describere fideliter, et ratiocinari parum, idque tantum rebus veris, et principiis paucis et certis innixos.—— Res facta enim in omni ævo et gente satis superque demonstravit, homines rudes et indoctos, cum apud recentes et feras gentes, tum quoque apud cultiores et politiores populos, quorum par omnino hic ratio est, parum accurate observare eas res quæ sub ipsis sensibus cadunt, et plurimum sæpe et pessime ratiocinari, a principiis scilicet non modo falsis, sed aliquando etiam absurdis, qualia imaginatio sola iis suppeditare potuisset. Talibus præterea hominibus ingens solet esse et inexhausta credulitas, et inexplibilis omnium mirorum aviditas, quæ fere eo magis appetunt, et facilius amplectuntur,

amplectuntur, et constantius et pertinacius retinent, quo ipsa incredibilia fuerint, et a communi sensu alieniora.—Sic ab antiquissimis etiam temporibus, solenne fuit, morborum, si non omnium, saltem multorum, originem et causas, ad numina offensa, aut dæmones iratos, aut fidera malignius micantia, aut artem magicam, referre, et idoneam, quæque his causis responderet, medendi rationem instituire, donec variis piaculis, et ritibus superstitionis, et carminibus magicis, pacatis numinibus aut dæmonibus, expiata et semota malignitate fiderum, frustrataque magice quæ noceret, et sic sublati eorum causis, semet urgentibus malis liberarent. Et profecto apud omnes quotquot hætenus cogniti fuerint recentes populos, sacerdotes vel soli medendi munus occuparunt, tanquam religionis et magices partem, vel divisum cum mulieribus officium medicum habuerunt, quibus, præsertim vetulis, peritia aliqua in arte magica, et ideo notitia quædam plus quam humana, imputari

putari solebant. — Nec defuere unquam
 vafri quidam, ignorantiam, et superstitio-
 nem, et credulitatem populi ad suum usum
 et quæstum convertere callidi, et errores
 tam pretiosos omni cura et diligentia fo-
 vere et stabilire solliciti, probe distinguen-
 tes inter finem artis et finem artificis. Nil
 mirum igitur, per tot secula inter rudes
 gentes artem medicam tam parum provec-
 tam, et ad *Hippocratis* usque tempora in-
 numeris hujusmodi ineptiis et superstitio-
 nibus plurimum corruptam fuisse; quum
 plerorumque medicinæ cultorum tantum
 interesset, res omnes ad eam pertinentes a-
 lios homines celare, et cum insigni et per-
 petua fraude artem ipsam exercere.

Neque profecto sola vulgi hominum ig-
 norantia et credula superstitione semper et
 ubique corrupta fuit scientia medica:
 multi enim se credentes a talibus errori-
 bus immunes, et philosophorum nomen
 sibimet fumentes, aliosque docere affec-
 tantes, artem nostram, quam promovere et

a multis erroribus purgare promiserant, aliis sæpe et novis corruerunt ineptiis, eo magis nocivis et difficilius corrigendis, quod validiore quam quos hi philosophi refellere suscepissent errores, fundamento viderentur niti, et argumentis magis ingeniosis et probabilioribus stabiliri. Quin et plurimæ et fatis futiles de rebus naturalibus et medicis opinionum, solo philosophiæ titulo, et clari auctoris nomine, innixæ, quamvis revera prorsus imaginariæ, lapsu temporis venerationem et auctoritatem quandam sibi nactæ, diu florere, et fere ubique pro veris certis et stabilitis receptæ sunt, neque per multa secula quisquam extitit tam audax qui eas vel in dubium vocaret. Annales medicinæ testantur, opiniones quasdam, vel prorsus falsas, vel saltem lubrico admodum fundamento innixas, ab *Aristotele*, et *Platone*, et ipso *Pythagora*, et Magis Ægypti, forte et ultimis Indiæ oris, primo derivatas, de elementis, et temperamentis, et harmonia numerorum, et imparium numerorum vi et

VOL. I. e excellentia,

excellencia, apud medicos invaluisse, et vix tandem, aut ne vix quidem, post bis mille annos et amplius, pristinum imperium deposuisse.

Gravius autem malum, et difficilius delendum, ab ipsis medicis derivatum est, qui cum artem suam proprio Marte colere, deque ea philosophari inciperent, et tantam molem propriis observationibus et doctrinis fundare cuperent, in pessimum errorem inciderunt, raro distinguere soliti inter res veras et factas, quas vel observando vel periclitando didicerant, suasque de his rebus opiniones et conjecturas. Quæ cuique placuit de re quavis opinio, eam pro vero et ipse sumpsit et alios docuit. Quam male vero hæc artem medicam colendi ratio cesserit, medicinæ annales luculenter docent, et bibliothecæ medicæ melius adhuc et certius testantur. Quot libri opinionum pleni quas nunc dies delevit; quot camelorum onera librorum, quos consulere, ne dicam perlegere, frustra tentamus,

ramus, adeo difficile est distinguere inter vera et falsa, inter opiniones auctorum et res ipsas quas observaverant, et quas omnis medici plurimum interesset novisse.

Patris ipsius medicinæ scripta, qualia saltem ad nos pervenerint, impia filiorum aliorumque discipulorum temeritate corrupta, ab hoc vitio non prorsus immunia videntur. Quid dicam de scriptis medicis per tot secula post *Hippocratis* tempora innumeris ineptiis philosophiæ vanæ et mutabilis implicitis? Quid de Herculeis, tamque male collocatis *Galen*i laboribus, doctrinam *Hippocraticam*, suamque, quæ propriis fundamentis, aut novis et sanis observationibus, niti debuisset, principiis philosophiæ *Aristotelis* suffulcire conantis? Quid de Arabum commentis, si commenta vocari mereantur, quæ disciplinis et scriptis medicis Græcorum adjecerunt, aut in iis mutaverunt? Quid de rabie *Chemicorum*, tempore et paullo post tempus *Paracelsi*? Quid de theoriis saniorum *Chemico-medico-*

rum seculi proxime elapsi? Quid de *Helmontii*, ejusque affectatorum, et *Stablii* opinionibus? Quid demum de *Iatro-mathematicis*, eorumque pseudo-demonstrationibus super rebus medicis, quibus credebant se sibi suisque has provincias in posterum vindicasse? Quid de egregio *Iatro-mathematico* ex nostratibus putandum est, de hostibus suis et humani generis, justo bello, ut credebat, devictis, triumphante, et exclamante, “Non dubito me solvisse nobile
“ problema; quod est, Dato morbo, in-
“ venire remedium. Jamque opus exegi.”

Parum certe medici profecerunt hactenus, et parum, ni fallor, profecturi sunt in posterum, qui, nulla adhibita ratiocinatione, sola experientia semet occupaverint. Plurimas res novas hoc modo facile didicisse potuerint, sed sibi aliisque pariter inutiles, nec unquam scientiam medicam provecturas; scilicet quarum rationem et ad usum medicum accommodationem, ignotas esse oporteret. “ Applicatio autem
“ experimenti

“ experimenti nihil aliud est, quam ingeniosa traductio ejus ad experimentum aliud aliquod utile*.” Utcunque vero necessaria in rebus medicis ratiocinatio fuerit, tamen oportet omni cura et diligentia distinguere inter res observatas et auctoris de iis judicium; ita ut siquando hoc fallax fuerit, certa experientia maneat, et sagaciori aut fortunatiori medico suum usum præstet.

Neque sane in opinionibus solis errarunt scriptores medici; in ipsis, quas credebant certissimas, rebus factis, observatione compertis et stabilitis, plurimum sæpe hallucinati sunt; scilicet quum ex unico vel paucis rei cujusvis exemplis, eandem certam et constantem crediderint, et pro *axiomate*, seu *aphorismo*, posuerint. Hoc modo plurimas res pro veris posteris prodiderunt, quæ nec sunt veræ, nec fuere unquam. Tot nimirum sunt variæ

* Bacon.

corporis conditiones, totque res externæ quæ idem afficere possint, ut summa prudentia et accuratissima circumspeditione semper opus sit, ut quid effectus singulis tribuendum sit, bene perspiciamus; neque morbo tribuamus quod viribus remediorum, neque remediis, quod Naturæ conatibus, vel forte multis rebus externis parum observatis, tribui debet. Par quoque ratio est, quod parum et caute admodum fidendum sit historiis morborum, et innumeris et miris de viribus remediorum observationibus quas omnes fere homines semper et ubique decantare solent; medicis sæpe vitio vertentes, eos tot tamque præclara prosperæ curationis monumenta negligere, quæ ipsi propriis se oculis vidisse testantur. Nec unquam forte extitit pharmacopola circumforaneus tam duri frontis, qui plura aut magis mira de suis arcanis prædicaverit, quam multi, non vulgi solum, sed ingenuorum etiam, testimonio suo, vel jurejurando, si opus esset, confirmaverint, neque arcani neque præmii participes,

pes, sed bona fide testantes ea quæ se novisse crederent. Quapropter oportet non modo observationes quas condere cupimus, vel experimenta, siqua de industria instituta fuerint, sæpenumero repetere, sed eadem quam maxime variare, et in aliis corporibus, aut eodem corpore alio tempore, et alia conditione, et rebus externis quam maxime diversis existentibus, tentare. Ut verbo dicam, medico non semper licet propriis oculis fidere; scilicet qui partem tantum rei, non totam rem quæ agitur, cernant.

Sæpe quoque erraverunt medici, propriis oculis nimis parum usi, aliorumque oculis plus æquo confisi; nimirum quum tanta veterum scriptorum veneratio fuit, ne dicam cultum pene divinum, tantaque magnorum nominum auctoritas, ut in verba eorum jurare medicis religio esset, contrariamque opinionem habere, nefas et flagitium. Neque profecto per aliquot secula medicis propriis oculis fidere licuit, proprioque

proprioque iudicio uti, si *Hippocratis* vel *Galen*i auctoritas sententiæ quam suaderent adversaretur. Quin et multis solenne fuit, magnorum auctorum nominibus et auctoritate pro decore simul et tutamine uti, cumque iis, se suasque male natas opiniones, veluti parmula, tueri. Nec defuerunt medici, quos cum magni nominis auctoribus splendide errasse, quam cum vulgo hominum obscure sapuisse, potius juvabat: adeo grata est cuique, vel in his rebus, ab aliis hominibus spes semet distinguendi.

Nequis autem temere sibi persuadeat, varias et prope innumeras ineptias, *Theoriæ* medicæ nomen pessime usurpantes, scientiam nostram, quam toties corruperant et fœdaverant, nunquam provexisse, neque generi humano quicquam profuisse. Paucae ex iis fuerunt adeo absurdæ, ut nihil boni aut utilis continerent. Præterea, medicorum animos ad varias scientiæ nostræ partes explorandas et excolendas impulerunt :

pulerunt: nec quisquam provinciæ nostræ existit angulus adeo sterilis et ingratus, quin agricolæ laborem largius vel parcius remuneraverit. Et profecto opiniones fatis ineptæ, haud raro ad egregia et utilissima reperta homines perduxerunt: neque, ut opinor, levis momenti fuit, hoc modo didicisse quid non fuit bonum, aut utile, aut verum; conjunctissima enim talis notitia sæpe est cum scientia rerum quas novisse cupimus; nimirum quæ ad veram sapientiam viam monstrat, monendo quoniam calles evitandi sint, et quam viam ingredi conveniat. Quod si medici nondum alienis periculis sapiverint, in iis certe est omnis culpa; fat enim superque exemplorum habuerunt quæ monuissent.

“ Illud interim,” ait *Bacon*, “ circa hujusmodi experimenta monemus; ut nemo animo concidat, aut quasi confundatur, si experimenta quibus incumbat, expectationi suæ non respondeant. Et enim quod succedit magis complaceat;

“ at quod non succedit, sæpenumero non
 “ minus informat. Atque illud semper
 “ in animo tenendum, (quod perpetuo in-
 “ culcamus), experimenta lucifera, etiam
 “ adhuc magis quam fructifera, ambienda
 “ esse *.” Præterea non minima varia-
 rum quas *Theoriæ* Medicæ scriptores habu-
 erunt opinionum utilitas fuit, res quas
 observando aut experiendo didicissent, et
 cum aliis communicare cuperent, quodam-
 modo ordinare et in formam reducere, quæ
 aliter sparsæ et confusæ, nulloque vincu-
 lo inter se connexæ, neque memoria reti-
 neri potuissent, neque ad arbitrium revo-
 cari aut seligi. Laxo verò et fragili vin-
 culo uti præstabat quam nullo.

Postremo, alium neque sane exiguum
 usum præstiterunt varix de *theoria* medica
 opiniones, quamvis ipsæ aut prorsus futi-
 les, aut saltem parum certæ, neque ad u-
 sum clinicum accommodatæ. Pari enim

* De Augm. Scient. lib. 5. cap. 2.

ratione ac observationes forte occurrentes ordinarent et necerent, sic ad nova tentanda experimenta consilio et ordine quodam medicos dirigebant. Liceat autem hac de re summi *Baconis* (gravissimi certe auctoris, et primi Naturæ interpretis) sententiam sæpe inculcatam citare, ipsaque ejus verba transcribere. “ Qui aliquid

“ quærit, id ipsum quod quærit, generali
 “ quadam notione comprehendit; aliter,
 “ qui fieri potest ut illud cum fuerit inventum agnoscat? Idcirco quo amplior
 “ et certior fuerit anticipatio nostra, eo
 “ magis directa et compendiosa erit investigatio. — Attamen quemadmodum
 “ possit quis, in via sua, triplici modo
 “ progredi: aut cum palpat ipse in tenebris;
 “ aut cum alterius manu ducatur,
 “ ipse parum videns; aut denique, cum
 “ vestigia adhibito lumine regat. Similiter,
 “ cum quis experimenta omnigena absque
 “ ulla serie aut methodo tentet, ea
 “ demum mera est palpatio; cum vero
 “ nonnulla utetur in experimentando di-

“ rectione et ordine, perinde est ac si ma-
 “ nu ducatur.—Verus experientiæ ordo,
 “ primo lumen accendit, deinde per lu-
 “ men iter demonstrat, incipiendo ab ex-
 “ perientia ordinata, et digesta, et mini-
 “ me præpostera aut erratica, atque ex ea
 “ educendo axiomata, atque ex axiomati-
 “ bus constitutis rursus experimenta nova,
 “ quum nec verbum divinum in rerum
 “ massam absque ordine operatum sit.

“ Itaque desinant homines mirari, si
 “ spatium scientiarum non confectum sit,
 “ cum a via omnino aberraverint; relicta
 “ prorsus et deserta experientia, aut in ipsa
 “ (tanquam in labyrintho) se intrinando,
 “ et circumcurfando; cum rite institutus
 “ ordo, per experientiæ sylvas, ad aperta
 “ axiomatum, tramite constanti ducat.”

His demum modis, scientia medica,
 quamvis plus minusve semper corrupta, et
 per multa secula sopita, et quasi extincta, a
 tempore *Hippocratis*, quo primum scientiæ
 formam

formam induisse videtur, ad finem usque superioris seculi, plurimum certe incrementum ceperat; multis nimirum observationibus adjectis acervo cujus ille prima fundamenta jecit, morbis quibusdam novis, et multis et præstantissimis novis remediis, cognitis et repertis, multisque in variis medicinæ partibus pulcherrimis inventis feliciter perfectis, imprimis in *Anatomia* et *Physiologia*, *Philosophia Naturali*, et *Chemia*, et scientia plantarum; præ omnibus vero maxime aucta fuit scientia medica, laudabili consuetudine, quæ tunc in omni scientia increbrescebat, per experimenta philosophandi.

Sed tota tum scientia medica rudis et informis fuit, cujus aspectus tantum abfuit ut intuentibus rideret, quod vel avidissimos scientiæ terruisset. Quod profecto nil mirum, quum spatio vix trium seculorum, univèrsa res medica tot miras et graves experta esset conversiones et vicissitudines, et tot victorum subiisset juga.

Cum

Cum primo post longam et atram noctem dilucesceret, literæque humaniores, tum Græcæ tum Latinæ, e ferreo tot seculorum somno expergisci inciperent, renascentibus disciplinis imbuti, veterumque scriptorum armis instructi, (Arabibus, qui tunc tenebant, et diu tenuerant, scholas medicas, facile fufis, et in fugam versis) vetus *Galen*i et *Hippocratis* imperium a barbaris hostibus vindicarunt, et in pristinum decus nihil imminutum restituerunt. *Chemici* vero, Græcis et Arabibus pariter infesti, utrifque, victoribus ac victis, bellum denuntiarunt atrox et inexorabile, quod, contra veterum Græcorum affectatores, (Arabibus interim, quibuscum primo decertatum fuerat, penitus deletis) per duo secula varia cum fortuna gesserunt.

Veteribus vero paullatim neglectis, eorumque scientia, diu jactata, magna ex parte oblivioni tradita, *chemici* tandem rerum potiti sunt, novamque scientiæ nostræ formam dederunt.

His

His autem brevi novi hostes, nova bella, nempe cum *mathematicis*, instabant, qui subiectis imperio suo, terra, mari, luce, astris, tota demum fere natura, nostras tandem invaserunt et facile occuparunt provincias; nihil enim *chemicis* fuit quo semet tuerentur, aut quod opponerent adversus hostes, *axiomatis, postulatis, propositionibus, lemmatis, problematis, theorematis, demonstrationibus, corollariis, experimentis, et calculis*, a capite ad calcem armatos, et necem undique minitantes. Difficilis autem victoriæ usus, quamvis victoria facilis. Redacta enim in provinciæ mathematicæ formam tota fere re medica, antiqua qua priores domini usi erant abolita, novaque introducta lingua, abrogatis pariter *Galenicorum et chemicorum* institutis, novisque promulgatis legibus, quibus (proscriptis pariter *qualitatibus, et clementis, et temperamentis, et coctionibus, et crisibus Græcorum, et Archæo Helmontii, et salibus, sulphure, mercurio, acidis, alcalinis, effervescentiis, fermentationibus, ebullitionibus, et deflagrationibus,*

nibus,

nibus, chemicorum) medicinæ imperium translatum fuit ad *distentionem* et *relaxationem mechanicam*, ad *plethoram veram* et *spuriam*, ad *obstructionem* et *errorem loci*, ad *nimum* aut *deficientem humorum motum* eorumque *lentorem*, aut *tenuitatem*, aut *dissolutionem*; brevi perspicuum fuit, neque victoribus multum profuturam esse provinciam nostram, neque ipsam sub duro eorum imperio felicem aut prosperam futuram.

Sic se res habuerunt, quum *Boerhaavius* scientiam medicam in formam redigere, et in decus et elegantiam quandam vindicare suscepit. Vir fuit hic ingenio paucis, industria, et doctrina, et scientia, nemini secundus; variis disciplinis medicis, tum *chemicis*, tum *mathematicis*, probe imbutus, ipseque *chemicorum* sui seculi facile princeps, et in plantarum scientia apprimè peritus; et, quod rarum eo tempore erat, veterum auctorum, quos *chemici* pariter et *mathematici* male neglexerant, ex-

imius

imius venerator et cultor. Tantam doctrinam, tantamque omnium quæ ad usum medicum pertinent rerum scientiam, insigni pietate, modestia, et benignitate, moribusque honestissimis et simplicissimis ornavit; miraque felicitate gavisus fuit, suam de re quavis scientiam, in formam concinnam, perspicuam, et elegantem redigendi; cujus rei *Institutiones* et *Aphorismi* ejus eximia documenta extant. Sua denique de re medica præcepta, eloquentia naturali et simplice auditoribus suis ita commendavit, ut non modo præceptorum, sed professoris quoque, amore tacti, laudes ejus incredibili ardore per totum terrarum orbem deferrent. Talibus monumentis innixus, et profecto de medicina et genere humano optime meritus, diu floruit, patriæ decus, et in republica nostra supremus. Suum denique inceptum, opus vere Herculeum, ad finem feliciter perduxit, et Æsculapii ædes, male materiata et ruinosa, cum novo decore et splendore denuo instauravit.

Plurimum vero abfuit, ut ædificium, quod tanto cum labore ſtrueret, tantaque arte et elegantia ornaret, tam firmum eſſet quam ſibi perſuaderet, tantamque generi humano utilitatem præſtiturum. Multa nimirum nova materia ad id perficiendum opus erat, ſed comparatu valde difficili. Hunc autem defectum bonus *Boerhaavius* intueri aut fateri noluit; ſed vetere materia, qua nemo melius uti noverat, opus perficere conatus eſt. Nil mirum igitur, tantam molem, quamvis ad ſpeciem pulcherrimam, annorum et tempeſtatis noxas male ſuſtinuiſſe, neque diu perduraſſe, ſed labefactis magna ex parte fundamentis, proprio tandem pondere corruiſſe.

Boerhaavii doctrinis pro fundamento erant ſcripta veterum, et præſertim *Hippocratis*. Quicquid vero ad rem ſuam conferre videretur, quicquid veterum doctrinam et obſervationes firmare aut illuſtrare poſſet, de libris *chemicorum* et mathematicorum pariter deprompſit, et adjectis propriis

priis opinionibus, et observationibus, et repertis, quæ pulcherrima erant, plurimo ingenio et arte elaboravit. Sic, præter doctrinam *Hippocraticam*, in scriptis ejus multæ extant de vitiis humorum, *acrimoniis*, *acidis*, aut *alkalinis*, et fermentis, et materia morboſa ſanguinem corrumpente, conjecturæ a *chemicorum theoriis* deſumptæ; et multæ opiniones quas ex ſcriptis mathematicorum hauſit, de vitiis partium ſolidarum, debiliū aut fortium, laxarum aut rigidarum; de nimio aut deficiente motu *circulatorio*; de obſtructione et errore loci; et de lentore et tenuitate humorum.

Pro principio ſumebatur non ſolum a *Boerhaavio*, verum etiam ab omnibus fere ſcriptoribus medicis qui ante tempus ejus floruerant, cauſas morborum ſemper hæ-
rere vel in humoribus corruptis, vel in univerſa ſolidarum partium compage aliquo modo vitiata; et hoc vitium ubicunque hæreret, ſemper eſſe definiendum, et noſtris ſenſibus attingendum. Plurimæ

vero et certissimæ observationes satis superque demonstrarunt, multorum morborum causas neque in humoribus neque in generali corporis compage solida fitas esse, neque ullo pacto sensibus nostris detegi posse; nimirum quæ sæpe in *genere nervoso* lateant, et oculorum et omnium sensuum aciem fugientes, solis effectibus sese prodant.

Hunc in doctrina *Boerhaaviana* defectum, tanti præceptoris non indignus discipulus, illustris *Gaubius*, (quem præceptorem in arte medica olim habuisse mihi gratulor), in elegantissimo suo libello de *Pathologia Medicinali*, aliquatenus supplere conatus est, et *Boerhaavii* doctrinam sicut in aliis rebus pulcherrime ornavit et explicuit, sic de hac re præsertim, plurima nova et ingeniosa eidem adjecit.

Neque vero solus *Boerhaavius* ejusque discipuli scientiam medicam, sub finem superioris seculi et initium præsentis, orna-

bant

bant et excolebant. Multi et æstimabiles auctores, singuli proprio Marte, magna in arte nostra conati sunt, et suos quisque affectatores, suasque non immeritas laudes, sibi vindicarunt.

Hoffmannus imprimis, vir apprime doctus, medicus sagacissimus, solertissimus, experientissimus, et scriptor immensus, nimirum qui per quinquaginta annos et amplius florebat, et fere tamdiu scribebat, plurimas et graves de natura morborum observationes acervo scientiæ medicæ adiecit. Huic auctori bene perspectum erat quantus eorum error fuisset, qui, humorum *pathologia* nimis occupati, et in commenta *chemicorum* et mathematicorum de morbis tum fluidarum tum solidarum partium plus æquo intenti, actiones et vitia *generis nervosi* tam male neglexerant. Igitur primus fere hanc medicinæ partem, eam quam magnitudo ejus postulasset diligentia et attentione excoluit: neque frustra laboravit; plurima enim nova, et ingeniosa,

et

et gravis momenti, observavit, excogitavit, protulit, qualia non modo ipsi laudi, sed multis aliorum auctorum opinionibus principio et fundamento fuerint. Veruntamen vitæ summa brevis nos vetat, egregii auctoris, et de re medica optime meriti, scripta longa, et verbosa, et fere innumera, et plerumque male ordinata, cum ea qua par esset, accuratione et diligentia evolvere.

Stablius, celeberrimus auctor, *Hoffmanni* æqualis et æmulus, qui scientiæ medicæ, in Germania saltem, divisum cum eo imperium habuit, doctrinam protulit pene novam, scilicet quam alii et antiquiores auctores leviter omnino tetigissent.

Docuit hic vir, non modo omnia fani corporis munera ab imperio et efficacia animi, quod bonum aut utile esset iudicantis et imperantis, pendere, verum etiam pleraque advertæ valetudinis signa et indicia, morbosque igitur, quales saltem nostris se sensibus offerunt, variosque qui
in

in hoc statu excitantur motus, eandem originem agnoscere, et revera nihil aliud esse quam ejusdem animi conatus, nunc prosperos, nunc forte inanes, semper vero sapiente consilio institutos, ut a causa morbosa, seu viribus nocentibus quibuscum luctaretur, semet liberaret. Porro, persuadebat sibi vir illustris, frequentissimam et gravissimam fere morborum causam esse nimiam sanguinis abundantiam, seu *plethoram*, et quæ inde penderet, sanguinis spissitatem seu lentorem, quibus Natura variis modis et viis semper semet liberare conaretur. Hinc variorum sanguinis profluviorum quæ sponte fiunt rationem deducere tentabat, et credebat insuper multos alios morbos ab eodem fonte derivari; nimirum quum Naturæ conatus non bene cedebant, sive temere et de industria a medico repressi fuerant, sive ipsi propter causas internas, corpori proprias, inanes evaserant.

Hinc sequebatur, *plethoram*, tanquam vitium bonæ valetudini infestissimum, om-

ni cura et solertia summovendam esse; medicique officium hoc præcipue cardine versari, ut vestigia Naturæ in morbis regendis et discutiendis quam proxime premeret, ejusque conatus sæpe tentaret imitari, excitare, gubernare, interdum moderari, scilicet si nimis vehementes visi essent, vix unquam vero reprimere aut penitus compescere.

Talem doctrinam, ingenio certe et doctrina haud mediocri, celebris *Stablius* suis discipulis et lectoribus explicuit et commendavit. Minime vero in crasso *Stabli* libro, qui inscribitur *Theoria Medica Vera*, tantum concinnitatem tantamque elegantiam et perspicuitatem reperimus, quantæ tam pulchre in scriptis *Boerhaavii* enitent. Nihilominus tamen non defuerunt *Stablio* in variis Europæ regionibus, sed præsertim in Germania, affectatores multi; quorum nonnulli præceptoris doctrinam et clarius et elegantius quam ipse illustrarunt. *Stablius* vero ejusque discipuli, dum vitium
scriptorum

ſcriptorum vitabant qui fictis humorum aut ſolidarum partium morbis, quales ſcientia *chemica* vel *mathematica* detegere et explanare poſſet, nimis credidiſſent, in aliud et fere pejus vitium cucurrerunt, et opiniones docuerunt quarum aliæ ſenſui communi, aliæ quotidianæ experientiæ adverſarentur, cunctæque, ſi fides iis data eſſet, ad medendi rationem perduxiſſent ſæpe peſſimam, ſemperque fere debilem, inertem, languidam, omnino imparem ad repellendos aut debellandos hoſtes ſtrenuos et actuoſos quibuſcum nobis res eſt.

Verum enimvero, ut ſuas cuique laudes tribuamus, celare non oportet, *Stablianos*, conſtante et perpetua attentione quam dabant hitoriis morborum, et conatibus Naturæ cum iis conſiſtantis, ſcientiam noſtram plurimis et utiliſſimis obſervationibus auxiſſe, et medicorum animos vertiſſe ad vires iſtas Naturæ ſalutares obſervandas et inveſtigandas, quarum notitia certe in morbis tractandis inſignis utilitatis fuerit.

Reiectis tandem multis ex opinionibus quas *Boerhaavius* docebat, scilicet quæ falsæ visæ sint, vel saltem incertæ, neque ad usum medicum accommodatæ; receptis nonnullis ex opinionibus *Hoffmanni* et *Stablii* quæ satis valido fundamento niti creditæ sint; adjectis interim multis novis et utilissimis repertis in variis medicinæ partibus; auctaque scientia nostra plurimis novis observationibus de ea parte *Pathologiæ* quam *Boerhaavius* minus excoluerat; medici nuper conati sunt, atque adhuc conantur, artem salutiferam promovere. Quantum vero in his rebus aut profecerimus aut erraverimus, non penes nos, sed nostros nepotes, judicium fuerit.

Longa demum experientia medici didicerunt, magna nomina non nimis venerari, et opinionum auctoritatem, veræ scientiæ semper inimicam, spernere; nec quisquam in posterum, utcunque ingenio felix, et laboribus indefessus, et omni doctrina ornatus, tantam famam tantosque honores adipiscetur

adipiscetur unquam, quanta magnis auctoribus quos secula præterita tulerint, lubenter ab omnibus data fuerunt. Fama enim rebus novis, præclaris, inusitatis, et miris, dari solet; rarissime utilibus, nisi aliquid præter meram utilitatem habuerint ad capiendos hominum animos. Quo magis vero pervulgata fuerit vera scientia, eo difficilius in posterum quisquam præ aliis sola scientia distinguetur: quo magis quoque aucta fuerit, eo minor cuiquam spes erit tantæ moli multum adjiciendi. Præterea, omnibus jam scientiæ cultoribus probe persuasum est, perfectionem ejus non tantum ab unius ingenio, utcunque acri, aut unius laboribus, utcunque felicibus, esse expectandam, quantum a conatibus et observationibus omnium philosophorum per multa secula continuatis. Longe enim aliter res se habet in Naturæ scientia, aut in arte medica, cum ista scientia adeo conjuncta, quam in artibus elegantibus; in quibus singulare ingenium, rarum illud Naturæ donum, tantum valet, ut in multis prorsus necessarium sit, et sæpe,

quamvis parum cultum, fere sufficiat, et felices ter et amplius quibus conceditur, ad miram excellentiam, summosque in arte sua honores, perducatur. Ut fileam *Homerum*, qui solo forte ingenio, nunquam aliis dato, summam in poesi perfectionem summosque honores attigit, liceat *Raphaelis* exemplum proferre, qui felicissimo a Natura ingenio donatus, quod multo studio et indefesso labore colere et exercere curavit, picturam, si quis alius, ad summam perfectionem perduxit. Tantam vero in illa arte excellentiam, neque posterum æmulari potuerunt, neque ipse aut præceptis docere, aut proprio exemplo discipulis suis impertiri, potuit. Unusquisque vero scientiæ cupidus, seculorum præteritorum præceptis, et repertis, et doctrina, nunquam perituris, exiguo cum labore potiri et frui potest, eademque nihil imminuta aut corrupta, et sæpe multis novis adjectis repertis locupletiora, posteris tradere; ita ut quisque discipulus magistros suos, et quodque seculum (nisi res adversæ ceciderint) superiora omnia, vera scientia

scientia superare debeat. Sacrum scientiæ flumen, quod nunc mirum et pene immensum contemplamur et veneramur, ex parvo et ignoto fonte derivatum, labitur atque labetur per omne ævum. Primo exiguus rivus, incrementis quæ plurima quamvis lenta accipit, crescit paullatim in amplissimum amnem, confluentibus nimirum undique innumeris rivulis, quorum singuli cum tanta mole comparati, nihil fere ad ejus magnitudinem conferre videntur; omnes vero, omnibus congestis aquis, flumen tandem efficiunt, quale jam spectamus, vastum, amœnum, felicia quæ præterfluit arva irrigans atque fœcundans. Et profecto, si hominibus unquam liceret gloriari, certe de hoc maxime glorandum esset, tantum scilicet profecisse genus suum, et tam præclarum tamque perenne existere ingenii humani monumentum. Tantam vero scientiæ humanæ magnitudinem quicumque rite contemplatus fuerit, is certe et ad magna natam esse mentem humanam agnoscat, et plura et majora adhuc ab ea expectanda esse fatebitur; et simul

tali

tali notitia imbutus, neque propria scientia, quam exiguam esse sentiet, nimis elatus erit, neque aut veterum aut magnorum auctorum opinionibus ultra modum addictus, neque novarum rerum nimis cupidus, neque novis opinionibus nimis credulus; scilicet qui bene noverit, longe alia ratione, quam aut veterum auctoritate, aut novorum scriptorum opinionibus et conjecturis, promovendam esse scientiam. “ De antiquitate autem (in-
 “ quit præclarus auctor jam citatus) opinio quam homines de ipsa foveant, negligens omnino est, et vix verbo ipsi congrua. Mundi enim senium et grandævitas pro antiquitate vere habenda sunt; quæ temporibus nostris tribui debent, non juniori ætati mundi, qualis apud antiquos fuit. Illa enim ætas respectu nostri, antiqua et major; respectu mundi ipsius, nova et minor fuit. Atque revera, quemadmodum majorem rerum humanarum notitiam, et maturius judicium, ab homine sene expectamus

“ mus quam a juvene, propter experien-
 “ tiam, et rerum quas vidit, et audivit,
 “ et cogitavit, varietatem et copiam ; co-
 “ dem modo et a nostra ætate (si vires
 “ suas nosset, et experiri et intendere
 “ vellet) majora multo quam a priscis
 “ temporibus expectari par est ; utpote
 “ ætate mundi grandiore, et infinitis ex-
 “ perimentis et observationibus aucta et
 “ cumulata. Authores vero quod attinet,
 “ summæ pusillanimitatis est, authoribus
 “ infinita tribuere, authori autem autho-
 “ rum, atque adeo omnis authoritatis,
 “ tempori, jus suum denegare. Recte
 “ enim Veritas Temporis filia dicitur, non
 “ Authoritatis.”

Quoniam vero tanta tamque diuturna
 in scientia medica variorum scriptorum
 opinionum auctoritas et imperium fuerint,
 operæ pretium, ni multum fallor, unusquis-
 que medicus facturus est, qui opiniones,
 seu *theorias*, si non omnes, principes fal-
 tem didicerit, utcunque falsas, imo dixe-
 rim

rim et ineptas, quæ olim et nuper in re-
publica nostra fuerint receptæ; fontesque
bene noverit unde tanti errores profluxif-
sent. Hac scientia innixus, ab effectibus
eorum, longe lateque per populos diffemi-
natis, facilius et certius cavebit; nam in
castris Æsculapii, non secus ac in aliis,

“Quicquid delirant reges, plectuntur Achivi.”

Nec, si quid olim patres medicinæ errarunt,
ætas delevit, et fallor ni feri nepotes post
bis mille annos adhuc luant.

Fateor tamen, parum ex hoc fonte peri-
culi nostris temporibus metuendum esse;
ubi magnorum nominum auctoritas nulla
est, et parca admodum et dubia ratiocina-
tioni fides datur, sed omnia prolata, quan-
tum fieri possit, ad experimenta reducun-
tur.

Aliud vero vitium, ab hoc omnino di-
versum, et ex diverso prorsus fonte deriva-
tum, medicinam nunc corrumpit, gra-
viusque,

viusque, ut opinor, periculum minuitur. Rejēcta auctoritate, rejēcta fere omni ratiocinatione atque doctrina, medici tandem artem salutiferam augere et locupletare susceperunt, solis observationibus et experimentis, quorum nullum esset dubium. Hinc credula fides, et infana admiratio medicamentorum, quotquot vel ipse deceptus, vel alios decipere cupiens, quisquam in medium proferret, summisque laudibus tolleret, et audacter assereret certo certis morbis remedio fuisse.

Nil mirum scientiam talem, indoctis et ignavis adeo accommodatam, multis, cum medicis tum aliis hominibus, placuisse, multoque operam collocasse, ubi labor tam parvus fuit et præmia tanta. Revera, multa remedia, quædam bene, plura male merentia, prolata sunt, et multæ observationes factæ, et multæ fictæ, a medicis, qui credebant se non modo artem medicam sic promovere, sed famam quoque et emolumentum sibi met comparare. “ At non solum (si

“ iterum *Baconem* citare liceat) copia ma-
 “ jor experimentorum quærenda est et pro-
 “ curanda, atque etiam alterius generis,
 “ quam adhuc factum est; sed etiam me-
 “ thodus plane alia, et ordo, et processus,
 “ continuandæ et provehendæ experientie,
 “ introducenda. Vaga enim experientia
 “ et se tantum sequens (ut superius dic-
 “ tum est) mera palpatio est, et homines
 “ potius stupefacit quam informat. At
 “ cum experientia lege certa procedet, seriatim
 “ et continenter, de scientiis aliquid
 “ melius sperari poterit *.”

Quod si omnes observationes, et omnia
 remedia quæ prolata sunt, quam optima
 fuissent, *theoria* quadam non eo minus o-
 pus esset; nempe ut sciret medicus, quan-
 do conveniret remedium dare, quando, et
 quo consilio, omittere et mutare, prout res
 mutare postulassent. Novit enim quisque
 in his rebus vel minimum versatus, quo

* Nov. Org. lib. 1. § 100.

præstantius medicamentum fuerit, eo magis periculi metuendum esse ab intemptivo ejus usu, majoreque cura opus esse ut tuto et cum fructu adhibeatur. Cæca tamen et credula fiducia in viribus medicamentorum quorundam ad certos morbos sanandos, nulla aliarum rerum ratione habita, vulgo hominum, et sane omnibus hominibus qui non vera scientia imbuti sunt, adeo naturalis et jucunda est, ut si medicos demum ipsos idem furor rapiat, labefactis quibus solis niti posset fundamentis, actum erit de scientia medica.

Talis vero credulitas atque jactatio, de miris et pene divinis quorundam medicamentorum viribus et excellentiis, quamvis pharmacopolis circumforaneis satis conveniant, et quidam vulgo hominum facile condonandæ sint, tamen homine sapiente et erudito, et medico imprimis honesto et ingenuo, adeo indignæ sunt, ut nihil magis; nimirum qui bene novit, vel saltem novisse debet, si propria ratione propriisque

oculis uti velit, nullius, vel levissimi, morbi, existere, aut posse existere, remedium certum et nunquam fallax. Neque profecto quisquam sanus (nisi alios decipere cupiat) cum tali fiducia unquam pollicitus fuerit, se levissimam tussiculam, aut dolorem capitis, aut dolorem vel unius dentis, per ulla medicamenta esse sanaturum. Tanta enim tamque certa virtus ne quidem in tota scientia et arte medica inest; et multo minus in singulis medicamentis, utcunque jactatis. A natura enim ita fabricatum et ita constitutum est corpus humanum, ut, variis ex causis, in varios morbos incidat, unde plerumque ferius ocyus convalescit iterum, aut solis naturæ viribus atque conatibus, aut ope remedium qualia istiusmodi naturæ conatus excitent et promoveant, vix unquam vero solis medicamentorum viribus, natura ipsa nil juvante. Quoniam vero conditio corporis, ut supra dictum est, variat quam maxime in diversis hominibus, et sane in iisdem, diversis temporibus, perspicuum est,

est, optima et efficacissima quæque remedia non semper eisdem effectus esse præstitura, neque semper ullo modo profutura, sed aliquando potius nocitura, ipsosque naturæ conatus, qui adeo solent juvare, interdum nimios, interdum nimis parvos, aut plane nullos, interdum demum abnormes, et ideo valde periculosos fore. Præterea, nonnulli morbi sua natura insanabiles existunt, nimirum in quibus neque corpus ipsum per vim suam insitam quicquam conatur, neque ulla remedia quicquam utilis efficere possunt. Igitur ab errore adeo naturali atque communi de facultatibus medicamentorum, et de efficacia et quasi imperio medicinæ ipsius, sedulo cavere oportet; scilicet qui non modo ipse sapiente et ingenuo medico omnino indignus sit, sed sæpe etiam ad graves et magis periculosos errores ducat. Olim quod hac de re sagacissimus et experientissimus senex *Ratcliffe* candidè fatebatur, omnibus medicis, et præsertim tironibus, quibus credulitas fere major, et experientia minor aut nulla est, in memoria residere debet, et alta mente reponi. “ Cum ju-
“ venis

“ venis eram, (inquirebat ille), et in arte me-
 “ dica adhuc rudis, adversus unumquem-
 “ que morbum viginti ad minimum reme-
 “ dia possidebam ; nunc vero, postquam in
 “ usu medicinæ consenuerim, viginti et am-
 “ plius morbos novi, quorum ne unicum
 “ equidem remedium habeo.”

Utcunque vero imperfecta, et incerta, et periculosa fuerit medicina mere empirica, et utcunque igitur necessaria fuerit scientia quædam seu *theoria* medica, non ego tamen auctor ero *theorias* medicas, qualescunque propositæ fuerint, sine investigatione aut discrimine, adoptandi. Bene novi quantum rei medicæ intersit, veras a falsis secernere. Quæ multa igitur Medicinæ *Theoreticæ* adhuc desint, imprimis indicare oportet, deinde summa ope niti ut suppleamus ; interea vero, quicquid falsi vel incerti eidem insit, si artem medicam promovere cupimus, firmoque et perenni fundamento stabilire, refellere et corrigere decet, probe memores, sapientiam esse primam, stultitia caruisse. — VALETE.

C O N S P E C T U S

MEDICINÆ THEORETICÆ

P A R S P R I M A,

P H Y S I O L O G I A M E T P A T H O L O G I A M

C O M P L E C T E N S.

Enumerare possum quæ sit in figuris animantium, et quam solers subtilisque descriptio partium, quamque admirabilis fabrica membrorum. Omnia enim, quæ quidem intus inclusa sunt, ita nata, atque ita locata sunt, ut nihil eorum supervacaneum sit, nihil ad vitam retinendam non necessarium. ——— Faciliusque intelligetur, a diis immortalibus hominibus esse provisum, si erit tota hominis fabricatio perspecta, omnisque humanæ naturæ figura atque perfectio.

CICERO.

C O N S P E C T U S

MEDICINÆ THEORETICÆ.

C A P. I.

De functionibus vivi corporis; de natura et causis morborum; de viribus corpori insitis, quæ sanitatem tuentur, morbosque depellunt; et de natura et viribus et actione remedium.

1. **C**ORPUS humanum, arte prorsus divina fabricatum, multis et miris fungitur muneribus; quorum alia ad res externas, alia ad seipsum tantum, pertinent.

2. Ad alterum genus referuntur sensus omnis, motusque voluntarius; quibus, quantumvis simplicibus, viribus, mundum cognoscimus, terrarum potimur. Hæ, functiones animales apud medicos dicuntur.

3. Minime vero omni tempore ad has functiones valemus: longa enim aut valida sive animi sive corporis exercitatione, utriusque vires insitæ exhaustiuntur. In hoc autem statu brevi monemur, et tandem dulci necessitate cogimur, labores omnes et voluptates pariter intermittere, curasque deponere, et nosmetipsos defessos et hebescentes, somni amplexibus committere, cujus gremio foti et resecti, resurgamus denuo, vegeti et alacres, et ad omnia vitæ munera aptissimi.

4. Ad alterum genus (1.) referri solent actiones cunctæ quarum ope corpus vivit, exhaustumque reficitur, corruptumque purgatur. Hæ vero sunt vel vitales vel naturales.

5. Vitales

5. Vitales dicuntur functiones illæ quæ ad vitam adeo necessariæ sunt, ut sine vitæ discrimine, ne quidem per exiguum tempus suspendi queant; cerebri nimirum nervorumque actio, sanguinis circuitus, et respiratio.

6. Machina vero animalis sic constituta statim defluit, cito etiam periret: nam omni motu partes solidæ teruntur, fluidæ dissipantur, corpus, debile, macrum, exhaustumque relicturæ: quinetiam utræque sponte putrescunt et corrumpuntur; forte etiam sic ipse sibi homo acerrimum venenum compararet.

7. Sed nusquam alma rerum parens prolem deserit. Contra, non modo his malis, quæ semper et ubique necem minitantur, et inopi sine dubio inferrent, remedium suggerit, verum insuper mirabili artificio efficit, ut ex hac ipsa homo necessitudine novum ferat et perennem vigorem.

8. Attrito enim corpore, parteque humorum absumpta, nutrimento et potu egemus; cibum itaque potumque appetimus, fumimus, concoquimus : concoctus uterque per totum corpus diffunditur, qua opus est apponitur; quod superest utriusque ejicitur. Putrescentes quoque vel aliter corrupti humores, a reliquis secreti, idonea via e corpore excernuntur. Plurimi denique a massa generali succi, diversi ab illa, diversi inter se, variisque intra corpus usibus accommodati, assidue fecernuntur.

9. Hæ vocantur functiones naturales, ad vitam quidem necessariae, sed quæ paulisper facile et sine periculo suspendi possunt : concoctio, scilicet, secretio, et excretio.

10. Vitalibus igitur et naturalibus actionibus, homo vivit, viget, reficitur, purgatur, ad animales exercendas idoneus evadit: nobile opus, nec nisi Uni excogitandum ;

tandum; certe omne humanum ingenium tantum excedens, quod mente quamvis sagace, toties exploratum, non capiatur; neque singularum partium actiones, neque universarum nexus, neque fons et origo virium quibus machina movetur, hæcenus detegantur,

11. Nulla enim præter animalem machina, proprio motu cietur; nulla alia, pericula sibi imminencia sua sponte summovet, nec res quibus eget sibi ministrat.

12. Primo statim aspectu, talis machina nisi forte vi externa corrupta, in omne ævum durabilis videtur: et quidem sola experientia contrarium docemur. Homo enim, quamvis sanus, et robustus, et vegetus, labentibus annis, et ipse dilabitur, senescit, moritur, in pristina elementa solvitur, aliis animantibus pabulum futurus.

13. Hæc autem Naturæ lex, hoc consilium; ut singuli pereant homines, gens humana

mana floreat. Hinc sexus, hinc generatio et proles, et quicquid suavis, quicquid amari, alma Venus habet.

14. Sed ipse terrarum, et quæ eas incolunt, animalium, dominus, parvus, debilis, fatuus, omnium rerum inops, nascitur: sola parentum cura, diu conservatur, fovetur, alitur: paulatim crescit, pubescit, adolescit, sapit: forma, et animi et corporis viribus, parentes æquat; eadem gaudet exercere munera: tandem, ingravescentibus annis, communem fortem subiturus.

15. Hæc omnia universo generi communia; nec defunt multa singulis hominibus propria. Non secus enim ac vultus, corporis constitutiones variant: Hæ quidem varietates nullo modo exequendæ sunt, tamen ad certa capita non inepte referri solent, quæ temperamenta κατ' ἐξοχην dicuntur; quorum scientia medico haud parum proderit.

16. Hujusmodi

16. Hujusmodi varietates non corporis modo, verum et animi quoque, plerumque congenitæ, nonnunquam hæreditariæ, observantur : Hoc modo parentes sæpe in prole reviviscunt ; certe parentibus liberi similes sunt, non vultum modo et corporis formam, sed animi indolem, et virtutes, et vitia. — *Claudia* gens diu Romæ floruit, impigra, ferox, superba : eadem illa-chrymabilem *Tiberium*, tristissimum tyrannum, produxit ; tandem in immanem *Caligulam*, et *Claudium*, et *Agrippinam*, ipsumque demum *Neronem*, post sexcentos annos defitura.

17. Quin et ab aliis causis, firma adhuc valetudine, corpus humanum multas et graves subit mutationes ; et imprimis a vitæ genere, et victu quo utimur, ab ipso sub quo degimus cœlo, et ab immensa vi consuetudinis : Hæc quoque medicum oportet novisse.

18. Secunda igitur valetudo nullis est definienda

definienda verbis, neque profecto facile describenda; quippe quam Natura ipsa, non sine sapiente consilio, variam fecerit. Scire tamen juvabit, perfectissimam florentis ætatis homini contingere sanitatem, cui mens sana, optimum Dei donum, data est, qualis non modo ad solita vitæ munera sufficiat, sed variis quoque casibus et fluctibus et negotiis facile se accommodet; quæ probe sentiens et perspicax et tenax, et percipit et intelligit et retinet ut decet; quæ firma et serena, siue gravior fuerit siue hilarior, sui que semper compos, neque suis inordinatis motibus, neque externis casibus, ludibrio est, sed propriis affectibus imperat, non paret, rebusque secundis modeste fruitur, adversas fortiter tolerat, et gravioribus siqui acciderint casibus, excitatur, non convellitur. Hæc quidem non modo sunt signa et indicia sanæ mentis, sed sani corporis quoque; et profecto ad hujus sanitatem haud parum conferunt: scilicet donec in compage sua corporea

corporea inclusa est, mens et corpus mutuum afficit, et ab eo afficitur vicissim.

19. Quod ad hoc vero spectat, validissimum et fere sanissimum est corpus justæ magnitudinis, et bene formatum, neque procerum nimis, neque breve, neque macrum, neque multa pinguedine grave, sed quadratum potius quam gracile, et amplo imprimis thorace latisque humeris instructum; cui ossa grandiora sunt, et musculi torosi, bene expressi, et firmi, et fortes, nunquam tremuli; et cutis mollis quasi humida, nunquam arida; et color, præsertim vultus, bonus et constans, sive is pulchrior fuerit sive fuscior, dummodo neque ad flavum neque pallidum vergat; et vultus vividus et hilaris, et oculi nitentes et vivaces; et dentes integri et fortes; et gressus firmus, artubus corpus bene sustentibus; et incessus erectus, et exercitatio omnis facilis, et labor tolerabilis quamvis diuturnus et gravis; et omnia sensuum externorum organa ad sua munera

probe valentia, neque torpida neque nimis acriter sentientia; et somni leves et diuturni, haud faciles ruptu, qui corpus multum reficiunt, et somniis vel prorsus carent vel saltem horrificis, et vel placida quiete et jucundis vitæ obliiviis penitus sopiunt, vel gratis imaginibus animum suaviter recreant.——Sani porro corporis indicia sunt, sanguinis motus temperatus, et pulsus arteriarum, validi, pleni, molles, æquales, neque nimis frequentes, neque tardi, neque facile præter solitum incitandi; et respiratio, plena, facilis, lenta, parum perspecta, neque multum ab exercitatione quavis accelerata, et vox fortis et sonora, et in viris gravis, haud facile rauca facta; et halitus oris gratus, saltem omni fœtore carens, et os humidum, et lingua nitida, non vero nimis rubra; et cibi appetitus magnus, nulla condimentorum ope egens, et sitis modica, et coctio omnis escæ facilis et bona, sine ructu aut ventriculo ullo modo gravato; et excretio per alvum naturalis, quotidiana, et
urina

urina justum tempus facile retenta, et cum tempus demum est, facile reddita; et quamvis varii coloris, et crassitudinis, et copię, (pro ratione cibi potusque), sedimentum idoneum suo tempore deponens; quo tardius eo fore melius; et exhalatio per cutem libera et constans, citra vero sudorem nisi validę causę concurrant; et secretiones internę pariter constantes et liberę, neque nimię neque nimis parcę. — Sani denique hominis est, Venerem appetere, et ad eam valere, et sobolem procreare. — Feminę vero sanitatem singularem et sibi propriam habent, quippe quę organis quibusdam gaudeant, muneribusque fungantur, a virilibus multum diversis. Harum igitur inter sanitatis signa notare oportet, æquabilem et liberum mensium fluxum, neque nimium neque nimis parum; et graviditatem felicem, et partum facilem, et quo decet tempore, copiosam boni lactis secretionem. — Pręterea, sani et validi corporis utriusque sexus est, non modo suas, nihil impediante, probe exercuisse

functiones, sed, tenacis prosperæ suæ valetudinis, multis, cœli, victus, vitæ generis, varietatibus semet accommodasse, et sic plurimas morborum causas impune tulisse, quales minus firmum aut sanum corpus vel prorsus fregissent, vel saltem in grave valetudinis discrimen perduxissent.——Postremo, sanitas eidem homini, quamvis semper sanissimo, non prorsus eadem est. Plurimæ enim et gravissimæ varietates corporis ab ætate omnino pendent: nec quisquam hominum ab aliis ejusdem ætatis tantum differt, quantum variis vitæ temporibus a se ipso discrepat; siue formam spectemus, siue vires corporis, siue dotes animi, siue demum intima corporis penetralia muneraque ab iis pendentia perscrutemur: quo fit ut valetudo quam perfectissima, quæ corpus parvum et tenerum ad suum vigorem et perfectionem primo perduxit, et diu in hoc statu sustinuit, idem paulatim minuat, et tandem ad finem perducatur; nam

“Nascentes morimur, finisque ab origine pendet.”

20. Harum

20. Harum rerum, quæ omnes ad sanum corpus pertinent, cognitio, *Physiologia* corporis humani vocatur.

21. Verum enimvero, homo, non modo certo, secundum Naturæ leges, tempore, nascitur, crescit, viget, senescit, moritur, sed variis quoque, prope innumeris, morbis obnoxius fit; qui formam quamvis pulchram corrumpant, vires frangant, singulas corporis actiones impedian, corpus sæpe gravibus doloribus excrucient; neque ipsi pepercerint “*Divinæ particulae* “*auræ.*”

22. Horum alii infantem fere nascentem adoriuntur, nec raro extinguunt; alii juvenem viribus fidentem potius invadunt, nunc cita morte rapiunt, nunc lenta tabe consumunt; dum alii labentis ætatis semitam magis obsident, qua corpus, debile, exhaustum, prælio impar, facilius opprimant, vel si non statim opprefferint, longa valetudine macerent, donec tandem vita
prorsus

prorsus inops et miseranda, cum optanda morte commutetur.

23. Tot, tamque variorum, graviusque morborum multas oportet esse causas : quarum naturæ, et sedis, et effectuum, et modi quo in corpus humanum operantur, scientia, *Pathologia* vocatur. Hæc vero est vel generalis vel specialis, quarum prioris tantum hic traduntur principia.

24. Morbus adest, quum corpus tantum a statu sano deflexerit, ut solitæ actiones vel prorsus impediuntur, vel ægre aut cum dolore perficiantur. Tunc dicitur homo ægrotare. — Unicuique corporis parti, tam fluidæ quam solidæ, unicuique functioni, sua accidere possunt vitia. Hæc vero vel singula occurrunt, vel plura simul juncta. Hinc morbi simplices vel compositi.

25. Simplicissimi exemplum erit, si ipsa corporis organa, rupta, vel quovis alio modo læsa, propriis muneribus minus idonea

idonea facta fuerint: aut si, salva omnino organorum fabrica, partes, siue solidæ siue fluidæ, a statu sano aberraverint: veluti si, propriis amissis vel corruptis dotibus, alias, forte noxias, sibi adeptæ sint; vel denique si vires moventes, aut nimix, aut nimis parvæ fuerint, aut contra Naturæ normam directæ.

26. Hujusmodi vero morbos rarissime spectamus, fere sola mentis acie attingimus: quippe nimirum simplicissimi etiam, alios, siue morbos, siue morborum indicia seu *symptomata* gignant, et his solis dignoscantur. *Symptomata* vel morbi indicia sunt singulæ quæ in ægro præter naturam observantur res; illorum vero præcipua, evidentissima, constantissima, morbum faciunt, definiunt; alia alia producentia, prima ab ipsa morbi causâ proveniente.

27. Varia profecto et prope innumera in ægris observantur morborum signa, quorum notitia, tum ad cognoscendos, tum quoque

quoque ad sanandos vel levandos morbos, medicinam facientibus imprimis utilis erit. Immenſa vero talium ſignorum varietas haud inepte ad tria genera ſeu capita referri ſolet; functiones, ſcilicet, impeditas, — ſenſus ſive perceptiones moleſtas, — et ſpeciem aliasque corporis qualitates manifeſtas, vel quæ ſenſibus percipiuntur, mutatas aut vitiatas. — Omnis nimirum morbus in læſa aliqua functione maxime conſiſtit (24.): harum vero nulla fere lædi vel impediri poteſt, quin brevi moleſtiam quandam ægro faceſſat, qua ſciat ſe male habere. Nec quiſquam fere diu ægrotare poteſt, quin ſpecies et forma corporis, et vultus color decens, quæ proſperæ valetudini contingere ſolent, eandemque tam pulchre depingere (19.), plus minusve corrumpantur.

28. Medico igitur inter adverſæ valetudinis indicia imprimis notanda ſunt læſarum functionum animalium (2.) ſigna; ſenſus, ſcilicet, motusque voluntarii male habentium

habentium indicia. Singuli enim sensus externi variis possunt vitari modis, et revera sæpe vitantur; nempe aut deficiunt et torpent, aut nimis acuti fiunt, nec sine molestia exercendi, aut abnormes fiunt et depravantur. Sensus porro interni sæpe a morbis afficiuntur: hujusmodi vero omnium sensuum affectiones medici attentionem optimo jure sibi vindicant, quatenus non modo ipsæ haud levis momenti morbi aliquando fiant, sed quantum naturam et augmentum vel remissionem aliorum graviorumque morborum sæpe quam optime ostendant.

29. Par ratio est quod ad conditionem et læsiones facultatis movendi semper sit respiciendum; five illa defecerit, ut in omnibus fere morbis soleat, quod debilitas vocatur; vel perditæ fuerit, ut in paralyfi; vel præter naturam intensæ, quod in quibusdam cerebri affectionibus nonnunquam accidit; five demum abnormis fuerit, ve-

luti in convulsionibus, aliisque similibus morbis.

30. Neque sane ægri conditio quod ad somnum negligi debet: qui, sive ipse pro functione corporis, sive tantum pro vacatione ab aliis functionibus habendus sit, modum suum naturalem et sanitatis legibus consentaneum habet, qui modus in plerisque morbis haud parum turbari solet; ita ut somnus vel nullus sit, vel nimius, vel interruptus, vel diris somniis terrificus; neque somnus qui fuerit, ægrum ut decet recreet.

31. Signa autem læsarum vel male habentium functionum vitalium (5.) majoris adhuc momenti sunt; scilicet quæ non modo morbi naturam et ægri statum bene ostendant, sed suo quoque periculo, vehementiora saltem si fuerint, non careant. Hujusmodi sunt omnes pulsuum varietates, nimirum quæ ostendant aut deficere sanguinis motum, aut nimium, aut abnormem

mem esse, veluti in febribus, inflammationibus, animi defectionibus.

32. Proximum his locum tenent non immerito spiritus affectiones morbidæ, veluti omnis spirandi velocitas aut tarditas insolita, aut difficultas quævis, aut tussis, sternutatio, suspirium, et similia; quibus forte adjicere licet varias vocis affectiones, quamvis profecto hæc potius ad primum (29.) genus pertineant.

33. Porro signa læsarum actionum naturalium (9.) sedulo observanda sunt; famis, scilicet, aut sitis, defectus, excessus, depravatio, conditio quævis insolita; actionis mandendi, et devorandi, et concoc-tionis, varia vitia; et alvi status, vel astrictæ præter naturam, vel nimis solutæ: et secretionum, et, quæ magis sub nostris sensibus cadunt, excretionum, præsertim urinæ et sudoris, excessus, defectus, difficultas, depravatio. — Neque sane negligendæ

gendæ sunt læsiones actionum, utrique sexui, muliebri imprimis, propriarum.

34. Quod ad sensus ingratos vel molestos (27.) pertinet; frequentissimi morborum comites et signa observantur; quorum pauci aliqua saltem molestia carent. Non aliter enim ac sanus suis facile, nec sine voluptate quadam, plerisque fungitur muneribus; sic æger, his impeditis, dolet, angitur, variisque molestiis afficitur. Igitur ad hoc caput pertinent, dolor, anxietas, pruritus, sensusque lassitudinis, torporis, stuporis, caloris, frigoris, ponderis, et alii forte bene multi sensus ingrati, nausea, vertigo, tinnitus, &c. quos medicis alio relegare placuit: quorum omnium tanta vis et molestia est, ut magnam sæpe morbi partem efficiant, et ægros miserrime agitent, fatigent, torqueant, terreant, tandem morte ipsa terribiliores evasuri: neque profecto periculo aliquo semper carent tales sensus molesti, qualescunque fuerint eorum causæ.

35. Ad

35. Ad tertium genus signorum morbidorum (27.), corporis nimirum qualitates manifestas vitiatas, referuntur res omnes in ægro præter naturam observandæ, neque ad alia genera pertinentes, de quibus nostris sensibus, non ægri dictis aut querelis, certiores simus. Cujusmodi sunt, color corporis, et præsertim vultus, vitiatas, et præter solitum pallidus, ruber, flavus, fuscus, lividus, varians; peculiaris quoque vultus aspectus, ab actione musculorum, aut motu sanguinis, et sæpe a statu animi pendens, nullisque describendus verbis, qui tamen ægri conditionem, quod ad vires vitæ, et ægritudinis levamen aut augmentum, omni sermone melius et certius depingit, nunquam negligendus; variæ imprimis oculorum conditiones, languor et hebetudo, aut rubor, aut splendor, aut vivacitas, aut ferocitas insolita, eorumque præter solitum distortio, et aliæ species morbidæ, veluti, si excavati sunt, vel alter vel uterque clauditur, vel alter altero major apparet non ita solitus. Sedulo quoque observandæ sunt, oris,

oris, et præsertim linguæ conditiones, rubræ, albidæ, fordidæ, nigricantis, aridæ, quæ præsentem morbum demonstrant, decedentes, aut in melius versæ, eundem decedentem sæpe ostendunt. Quin et odores varii morborum naturam morbi aliquando detegunt, et ideo observari merentur: odor, scilicet, sive fætor insolitus halitus pulmonis vel cutis, vel excretionum singularium, vel universi corporis, vel partis ejus cujuscvis, veluti in carcinomate, *variola*, morbis putridis.——Multæ quoque, quæ tactu maxime percipiuntur, qualitates corporis vitiatæ, calor, frigus, durities vel rigiditas, mollities, humiditas, siccitas, crassitudo, tenuitas, tumor, macies, vel universi corporis vel partium singularium, omni cura observari debent.——Ad hujusmodi autem qualitatum manifestarum corporis vitia eo magis attendere decet, quod facile observentur, et minime fallacia sint, neque æger ea medicum celare possit, neque, ut rem intelligat medicus,

multis

multis (quæ sæpe admodum ingratae sunt) opus fit interrogationibus,

36. Causa morbi multiplex ; sæpe obscura, interdum prorsus ignota. Igitur est et plenissima, perfectissima, proxima causa ; quæ presens, morbum facit, sublata, tollit, mutata, mutat. Sunt quoque remotæ in duplex genus distingui solitæ. Ad primum genus pertinent causæ quotquot corpus morbo opportunum reddunt ; scilicet ut, admota causa excitante, morbum suscipiat. Ad alterum genus pertinent quæ vocantur potentiæ nocentes, vel causæ excitantes ; res, scilicet, quæcunque in corpore jam proclivi factò, morbum excitare possint.

37. Corrigenda igitur est corporis conditio quæ morbo obnoxium facit ; evitandæ causæ remotæ quæ morbum excitant ; tollenda proxima morbi causa ; et mitiganda singula ejusdem indicia quæ maxime

ime molesta sunt. Sic morbi præcaventur, sanantur, levantur.

38. Causa remotior, quæ proclivitatem tantum ad morbos facit, in ipso corpore semper hæret, licet forte extrinsecus primam originem duxerit: causa vero excitans, vel intus vel extrinsecus esse potest. Junctis utrisque fit causa proxima, quam neutra sola gignere valuit. Neque enim in omni homine omnis causa morbi excitans morbum facit; neque omnes qui jam ad morbos proclives facti sunt, nulla admota causa excitante, in morbos incidunt.

39. Corpus itaque morbo jam factum opportunum, a statu sano et perfectissimo nonnihil deflexisse videtur, licet nondum actiones ejus adeo impediantur, ut verus morbus recte dicatur adesse (24.). Nonnunquam vero talis corporis conditio diu persistans eo usque ingravescit, ut sola, nulla adjecta causa excitante, justum morbum

bum faciat ; vel, ut quidam loqui amant, causa quoque excitans fiat.——Solidarum partium debilitas generalis, partiumque solidarum, quæ, distinctionis causa, vivæ dicuntur, mobilitas nimia, corporis plenitudo a nimia sanguinis abundantia, hujusmodi exempla sunt.

40. Nec quisquam hominum, tam firma valetudine, tantoque corporis robore, gaudet, quin, causis quibusdam excitantibus admotis, gravissimos morbos suscipiat. *Variola* semel, *lues venerea* sæpe, etiam sanissimos inficiunt ; venena necant ; caloris vel frigoris nimium multimodis nocet.

41. Causa quoque excitans, quanquam non statim morbum induxerit, si diu persisterit, temperamentum, quamvis validissimum, paulatim corrumpet, et variis morbis obnoxium reddet ; scilicet alteram causam remotam (nempe quæ corpus morbo opportunum facit) gignit, vel in eam

convertitur. Eadem igitur res nunc causa excitans, nunc rursus causa remotior, esse potest. — Coeli intemperies, desidia, luxus, hujusmodi exempla sunt.

42. Unde vero morbi, vel morborum causæ? Certe ab ipsa imprimis machinæ animalis constitutione. Ut vitrum ex officina prodit fragile, sic homines debiles, caduci, morbis opportuni, nascuntur. Hinc multi morbi, causâ modo excitante idonea admota, omnibus communes. Sed quidam præ cæteris homines, aliis atque aliis plectuntur morbis: Hujus rei ratio multiplex.

43. Ut sanus sanam prolem, sic morbosus morbosam gignit. Hinc morbi hæreditarii, in teros nepotes transituri: Hoc modo sæpe delicta majorum immeriti luimus. Sunt quidam ex his morbis qui prima ætate sese aperte produnt; sunt qui omnem ætatem carpunt pariter; nec desunt qui ad seniam usque novissimum occulti

culti delitefcunt, neque fufpecti, viresque paulatim naâti, fuo quifque demum tempore, gravius erumpunt.

44. Sunt qui nobifcum nafcuntur morbi vel vitia, neque tamen congenita: nempe, fi, donec in utero lateret, matre forte incolumi, foetus tantum a cafu quovis aliquid detrimenti acceperit. Sunt forte neque fimul nati neque congeniti morbi, quos cum primo nutricis lacte infans fu-xiffe videatur.

45. Porro, funt qui varia vitæ ftadia fequuntur, et fuum quifque folum comitantur; nempe, qui ex iis quas corpus, variis ætatibus, mutationibus fubit, originem ducunt. Hinc varii infantum, juvenum, fenum, morbi.

46. Quin et uterque fexus, præfertim muliebris, fuos morbos habet, cum a generali corporis habitu provenientes, tum quoque a fabrica fpeciali, et ftatu, et ufu,

quæ generationi inserviunt partium. Sunt igitur et virorum et fœminarum morbi ; sunt virginum, gravidarum, parturientium, lactantium, vetularum.

47. Cœlum ipsum sub quo degunt homines, nonnunquam ægros facit. Unicuique nimirum regioni suum inest vitium : five calidior justo, five frigidior fuerit, five varia, multisque et subitis tempestatis mutationibus obnoxia.

48. Aer quoque ipse, qui purus sacram vitæ flammam alit, impurus factus, eandem vel statim extinguere potest, vel multis vaporibus onustus, aut nocivis quibusdam effluviis corruptus, ingentem morborum cohortem inducere.

49. Cibi etiam potusque quibus utimur sæpe corrumpuntur, rebusque interdum inquinantur sanitati et vitæ infestissimis : Idem vero, quamvis sua natura optimi, ni-
mia

mia copia sumpti, ferius vel ocys corpori nocebunt.

50. Dantur porro venena, vi adeo lethali prædita, ut vel minima quantitate, sensibusque vix ac ne vix quidem detegenda, in corpus recepta, dirissimos morbos, vel forte inevitabilem mortem, induxerint.

51. Denique, innumeris casibus, nec raro maximis periculis, homo objicitur, plerumque quidem incolumis evasurus: sæpe tamen infelix succumbit; sæpe faucius, contusus, membra fractus aut luxatus, ægre evadit; nonnunquam prorsus insanabilis. Casusque hujusmodi, quamquam primam a causa externa originem trahant, haud raro in internos morbos definunt.

52. Hæc omnia extrinsecus; nec minora intus pericula imminet.

53. Dum spirat homo, lethale sibi aliis-
que

que spirantibus venenum fundit. Neque solus pulmonis halitus adeo nocet: manat et ab omni cutis foramine materia subtilissima, venenata, forte putrescens, quæ diu collecta, neque per auras diffusa, et corpori denuo adnota, aut iterum in id ipsum recepta, gravissimis morbis inficit; nec sistit gradum, sed veluti vires per pabulum nacta, longe lateque per populos grassatur.

54. Actiones quoque animales, quas nostro arbitrio regimus, sæpe aut negliguntur, aut nimis exercentur. Ex utroque periculum. Desidia, siue animi siue corporis, utriusque vires languescunt: nimia exercitatione, haud minus læduntur. Statuit enim provida rerum Parens, ut singularum partium, et universi corporis animique vires usu roberentur et acuantur; et huic iterum certos fines posuit: ita ut neque quem voluit Natura usus impune omittatur, neque ultra modum intendatur. Hinc athletæ, et otiosi et desides,

des, pariter morbis, sed singuli suis, obnoxii: hinc quoque damnum a nulla aut nimia mentis exercitatione: hinc quoque multi morbi, quibus varii obnoxii sunt artifices, morbosi fere et degeneres homines; scilicet qui eadem semper arte, ipsaque forte parum salubri, occupati, organa quædam plurimum, sæpe nimis, exercent, dum multis aliis organis parum utuntur; vel forte pravo corporis situ, aut malo vitæ genere, eorundem actiones multum impediunt; et sic, dum mirum quorundam organorum adipiscuntur usum et robur, generalem corporis vigorem, et, quæ ab illo pendet, prosperam valetudinem, male perdunt.

55. Cæterum et ab iis quas nullo nostro arbitrio regimus, tam animi quam corporis actionibus, valetudinis discrimen non leve esse potest. Animi imprimis affectus, qui modici grate excitant, vehementes, aut graves et diuturni, hujus pariter ac corporis vires frangunt; hominem interdum

terdum statim extinguunt, sæpius longa valetudine macerant. Somni etiam, quo ad exhaustas vires reficiendas egemus, excessus vel defectus, et animo et corpori nocent.

56. Sunt multa in statu sanissimo e corpore semper excernenda : Hæc si retinentur, malum est : si plus justo excernitur, malum quoque : si natura retinenda, sponte, vel casu, vel arte excernuntur, malum iterum. Ex his quoque (55 56.) facillime intelligetur, gravissimum sæpe oriri posse periculum ab inepto aut intempestivo remedium usu : quippe quæ varias actiones, corpori proprias et necessarias, aut excitent et intendunt præter naturam, aut sopiant et reprimant, secretionisque demum et excretiones sæpe minuant, sæpe ultra modum augeant, vel denique novas efficiant excretiones et detractiones humorum, quales natura neque instituerat unquam in statu sano, neque sine damno ferre potest.

57. Ut

57. Ut solidæ partes interdum flaccescunt, molliuntur, fere solvuntur, propriis muneribus impares factæ; sic fluidæ nonnunquam spissantur, et in massas solidas etiam durissimas formantur: unde organorum actiones impeditæ, dolor insignis, et varii et graves morbi.

58. Postremo, animantia quædam inter morborum causas recensenda sunt: nimirum quæ suam vitam aliorum malo tolerant. Ipse animalium dominus hujusmodi animantibus prædæ est et domicilio, quæ vel extrinsecus invadunt, vel intus habitant, et viscera adhuc vivi rodunt, sæpe cum insigni malo, et vitæ discrimine, nec raro ipsius jactura.

59. Verum neque tot tantisque periculis homo inermis objicitur; neque, simul ac morbus invaserit, nulla superest salutis spes. Gaudet enim corpus vi prorsus mirabili, qua contra morbos se tucatur; multos arceat; multos jam inchoatos quam

optime et citissime solvat; aliosque suo modo, ad felicem exitum lentius perducat.

60. Hæc, *Autocrateia*, *vis Naturæ medicatrix*, vocatur; medicis, philosophis, notissima, et jure celeberrima. Hæc sola ad multos morbos sanandos sufficit, in omnibus fere prodest: Quin et medicamenta sua natura optima, tantum solummodo profunt, quantum hujus vires insitas excitent, dirigant, gubernent. Medicina enim neque agit in cadaver, neque repugnante natura aliquid proficit.

61. His naturæ viribus, vulnera sanantur, sanguinis fluxus compescitur, ossa diffracta coalescunt, multa noxia e corpore ejiciuntur; et sic, quæ nulla ars attingere potuisset mala, sine ope externa sua sponte evanescunt.

62. Merito igitur his viribus medici confidunt, easque conantur languentes excitare,

citare, aut si plane defecerint, tum solitas earum actiones arte imitari. Non tamen iis solis semper fidendum est; quippe quæ in quibusdam morbis nullæ sint, in multis vero nimix, et adeo vehementes, ut sint quam ipse morbus magis metuendæ.

63. Leviores morbi, Naturæ viribus satis tuto relinquuntur: sed nemo sanus, hydropem, vel *luem veneream*, vel visceris cujusvis inflammationem, iisdem commiserit: scilicet quæ in illis nullæ sint; in his autem vehementissimæ, verum ineptæ, et gangrænam, vel suppurationem, fere haud minus exitialem, effecturæ.

64. A duplici errore igitur cavere oportet; neque vires Naturæ spernere, neque nimis religiose colere. Tantum enim abest ut semper illius vestigia premere conveniat, quod sæpe necesse sit contrarium prorsus iter tenere, contraque ejus conatus summa ope niti.

65. Neque medici officium tam arcto limite cohiberi ipsa Natura docet : suggerit enim prodiga, innumera remedia quæ maximis viribus in corpus humanum polleant, et varias et saluberrimas mutationes in eo efficere valeant. Hoc modo etiam plurimæ morborum causæ, a solerte medico, in præstantissima auxilia converti queant ; scilicet, quicquid corpus vehementer afficit, eidem nunc neci (47. 56.), nunc iterum remedio, esse potest.

66. Medici vero est, cognita natura et causa morbi, judicare quid mutationis requiratur, ut morbus in sanitatem mutetur. Hæc quidem est medicina rationalis sive *Dogmatica*. Est et altera, *Empirica* nimirum, quæ, missis hujusmodi ambagibus, sola remedia quærit et profert, certa et definita vi prædita ad certos morbos delendos.

67. Hujusmodi remedia omnis circumforaneus medicus jactat, omnis anus se credit

credit possidere : populusque, qui fere decipi quam sapere mavult, talibus remediis semper fidit ; neque profecto, postquam sanitatem cum re amiserit, facile finit gratissimum menti errorem eripi, scilicet quem nolit intueri, adeo blanda est sperandi pro se cuique dulcedo. Quam pauca vero istiusmodi remedia adhuc reperta fuerint, peritissimi medici fatentur et dolent. Quod si remedia quædam fuerint quæ vi nondum explorata aut intellecta in corpus agent, id minime mirum ; quippe quia tot existent morbi quorum natura et causæ prorsus lateant. Cæterum, quo perfectior fuerit scientia medica, eo facilius erit medicamentorum virium et modi quo operantur rationem reddere.

68. Remedia igitur ordinari solent, secundum effectus manifestos quos in corpus humanum edunt. Agunt vel in partes solidas vel in fluidas. Illas alunt, consumunt, firmant, laxant, excitant, sopiunt. Has vel quantitate vel qualitate

tate vitiatas, corrigunt, evacuant ; id-
que vel viis naturalibus, vel aliis info-
litis et arte factis. — Nec defunt auxilia
adversus concretionem intra corpus forma-
tas, aut animalia in eodem hospitantia
(57. 58.). — Medicamentorum vero effec-
tum, et modi quo in corpus agunt, sci-
entia, *Therapeia* vocatur.

C A P.

C A P. II.

De solida materia ex qua corpora animalium sunt, variisque ejus dotibus, tum chemicis tum mechanicis : de conjecturis circa ejus fabricam ; de tela reticulata ; et de adipis origine, et natura, et usu.

69. **C**Orpus humanum constat e partibus solidis et fluidis, quarum mutua actione, functiones vivi hominis (quatenus corporeæ sint) peraguntur. Utræque assidue mutantur et renovantur ; solidæ vero lentius : Ab his igitur incipiendum est ; quippe quæ formam et firmitatem dent universo corpori.

70. Solidam materiam, ex qua corpora animalium

nimalium constant, *solidum animale*, brevitas causa, vocamus. Hoc autem variis gaudet dotibus, *chemicis*, *mechanicis*, *vitalibus*, quarum nulla non medici attentionem meretur.

71. Naturam hujus solidi, medici conati sunt arte *chemica* explorare, et huic operi plurimum laborem impenderunt. Duplice modo in sua elementa simplicissima solvitur; aut putredini quam sponte subit commissum, aut viribus ignis expositum. Est sane et alia ratio, sed minus perfecta et accurata, *solidum animale* in diversa elementa quodammodo dividendi, ope nimirum aquæ fervidissimæ, quæ omne gluten quod habet excoquit, relicta parte terrea. Hæc vero ratio eodem redit quo aliæ, si gluten ipsum accuratiori investigationi, sive per putredinem sive per ignem, subjectum fuerit.

72. Dat igitur *solidum animale*, terram, oleum, salem, aquam, *phlogiston*, et
magnam

magnam vim aeris *mephitici*. Hæc elementa varia proportionē in variis partibus reperiuntur: unde variæ quæ variis partibus et organis constant dotes *mechanicæ*, a durissimo ossē aut dente ad mollem et delicatissimam oculi *retinam*. Quin et, elementorum proportionē imprimis, solidæ differunt a fluidis partibus animalium, præsertim prout plus minusve habuerint terræ aut aquæ.

73. Multum quæsierunt medici, cuiusnam horum elementorum universæ compagis adhæsiō tribuenda esset. Alii terram, alii gluten, alii demum aera, cæteris partibus vinculo esse, sibi met persuasērunt. Verisimilius autem est, et sanæ philosophiæ magis congruum, singula elementa semet invicem attrahere, nullum reliquis vinculo esse. Nam, aucta vel minuta cuiusvis elementi copia, totius massæ dotes mutantur; restituta, restituantur.

74. Neque tanta vi attrahuntur aut in-

ter se conjunguntur elementa *solidi animalis*, quin semper, etiam durante vita, vergant ad dissolutionem. Ab hac autem natura præcavit (7. 8.). Verum, post mortem, corpus statim putrescit, si modo tantum humoris adfuerit, ut locus sit motui intestino. Quo major calor quoque est, eo citius in putredinem ruit. Aera *mephiticum* exhalat, et salem volatilem quem continet, solutaque hoc modo adhæfione elementorum, corpus in putrem colluviem abit, donec tandem partes volatiles omnes avolent, sola terra superstita.

75. Veruntamen, multum abest, ut hæc compositionis *solidi animalis* investigatio sit aut accurata aut perfecta: Nemo enim, conjunctis elementis quæ in carne *chemia* detexerit, carnem iterum effecerit. Deest nimirum cognitio vel elementi cujusdam, vel modi quo omnia conjungantur. Investigatio *chemica* multorum fossilium satis perfecta videtur: conjunctis enim elementis quæ arte *chemica* sejunxeramus, integrum corpus,

corpus, cumque pristinis dotibus nihil imminutis, restituitur.

76. Sed, quamvis imperfecta fuerit hæcce notitia de natura et dotibus *chemicis solidi animalis*, hoc saltem boni præstat, ut naturam et causas quorundam morborum fatis detegat, et sic medicos ad idonea remedia perducatur.

77. Dotes *mechanicæ* quibus *solidum animale* ad vitæ usus aptatur, sunt tres; adhæsiō scilicet fatis magna, mollities quædam flexilis, et insignis vis resiliens. — Munera vitæ in variis motibus pleraque consistunt: ad multa eorum validissimi motus requiruntur. Tanta igitur adhæsiōne partium opus est, ut hi sine lacerationis periculo perficiantur: oportet quoque, ob eandem causam, partes solidæ, aliæ magis, aliæ minus, se flecti sinant: denique, necesse est, ut partes ita flexæ, vel loco dimotæ, figuram et situm pristinum

fua ſponte recuperent, quam primum vis dimovens ſublata fuerit.

78. Variant multum hæ dotes, non modo variis partibus, ſed et iisdem partibus in variis hominibus, et ſæpe in eodem homine diverſis temporibus. Huiusmodi varietates, quamvis ſatis inſignes, valetudinem ſæpe parum afficiunt. Nonnunquam vero, ſanitatis limites tranſeuntes, juſtos et ſane haud leves morbos faciunt.

79. Duplice modo variare aut vitiari poteſt, quod ad dotes *mechanicas*, omnis pars ſolida; ſcilicet, aut nimia aut nimis parva adhæſione, aut mollitie, aut vi reſiliendi. Auſta adhæſione, ſeu firmitate partis cujuſvis ſolidæ, augetur plerumque ejus reſiliendi vis; mollities autem neceſſario minuitur: imminuta vero adhæſione, mollities major fit, et viciffim vis reſiliendi minor.

80. Cauſæ horum affectuum certe multiplices

tiplices sunt: tamen ad certa capita reduci possunt. Aut ipsa materiæ compositio *chemica* vitiabitur, aut, salva omnino compositione, particulæ ita disponentur, ut plus minusve fortiter semet invicem attrahant. Quod compositionem *chemicam* spectat, omnia forte elementa (72. 73.), varia quantitate, *solido animali* inesse possunt, et suum quodque peculiare vitium efficere. Sed de multis horum nihil certi novimus: satis vero constat, materiam humidam, quæ fere aqua est, et siccam, quæ ex diversis elementis est, multum variare: quo plus humidæ, eo minus adhæfionis aut vis resiliendi, plus vero mollitiei; et contra omnino, si nimium siccæ materiæ in compositione fuerit.

81. Variæ sunt causæ remotæ (36. et seq.) alterutrius materiæ vel abundantis vel deficientis. Ipsa imprimis constitutio corporis congenita multum huc confert. Quidam, præ cæteris, homines, et viri præ fœminis in universum, durior et siccior temperamento

temperamento gaudent, vix, ac ne vix quidem, ullo vitæ genere mutando.

82. *Ætas* vero majus adhuc discrimen facit; a prima enim ad novissimam usque, ficcius et durius evadit quotidie corpus: a fluido, nempe, et crudo fœtu, ad rigidum et exsuccum senem, cui vita, propter hanc ipsam causam, fere deficit.

83. *Victus* porro, quo homines utuntur, prout plus minusve aquosa fuerit, similem solidarum partium conditionem efficit. Hoc, in aliis animalibus dudum observatum, in homine quoque locum habet. Neque ratio gravissima deest cur credamus, non corporis modo habitum et vires, sed et animi indolem, a victus genere quodammodo pendere.

84. Multum quoque pendet a bona vel prava ejusdem cibi concoctione, et ab appositione nutrimenti ex eo parati.

85. Denique,

85. Denique, status aëris, scilicet, quod ad humorem vel ficcitatem, corpus haud parum afficit: Hinc monticolæ, vel qui ficas regiones habitant, ab incolis humidarum et paludifarum multum diverſi.

86. Poſtremo, vitæ genus ad eundem effectum nonnihil confert: Exercitatio corporis, quod nimium humoris fuiſſet, exprimit, exhalat: Ignavia contrarium prorfus effectum habet, partesque humidiores abundare facit.

87. Verum, falva omnino compoſitione *chemica* ſolidarum partium, ab aliis cauſis multum affici poſſunt. Denſatio nimium particularum, five a cauſis *mechanicis*, five a calore et frigore, variam dabit partis cujuſlibet firmitatem et vim reſiliendi.

88. Quantum hic valeat compreſſio *mechanica*, Clar. *Clifton Wintringham* experimenta luculenter docent. — Diſtentio quoque

quoque *solidi animalis*, dotes ejus jam memoratas haud parum afficit. Quo plus tenditur, eo durius, et firmitus, et magis resilientis evadit, eoque difficilius ulteriorem patitur distentionem, donec tandem, amplius distendi impatiens, nova admota vi, distrahitur et dirumpitur, superata nimirum particularum adhæsione qua hæc debilior fuerit. Hinc ratio deducenda est multarum rerum quæ summi momenti sunt; corporis incrementi, status, immutationis, firmitatis indies crescentis, et mortis senilis inevitabilis.

89. Varia fortasse solidarum partium densitas ab ipsa Natura derivatur: Sed magis constat de viribus exercitationis, aut ignaviæ, in statu earundem mutando: Quarum igitur effectus generales, tam boni quam mali, in partes solidas facile intelligentur.

90. Porro, diuturna quiete, pars quælibet Natura mobilis, veluti junctura artus,

tus, paulatim rigescit, pristinam mobilitatem, tarde, forte nunquam penitus, recuperatura: et contra, valido et crebro usu, modo hic non nimius fuerit, omnes fere corporis partes miram sæpe adipiscuntur mobilitatem. Neque profecto melius datur aut certius remedium ad superandam illam rigiditatem artuum quæ longa quiete induci solet, quam frequens exercitatio, quæ primo difficillima, et diu exigua, fere indies facilior, liberior, et perfectior evadit.

91. Calor omnia corpora laxat, expandit: Frigus vero densat, durat: Utrumque effectum homines probe experiri solent. Quamvis corpus suum fere semper calorem conservet, fieri nequit quin ejus superficies saltem ab aëre ambeunte externo afficiatur: neque minima vis est, quam calor hoc modo in universum corpus edat. Quantum differt homo, qui Austro expositus, nebes, languidus factus, membra ægre trahat, ab illo qui sub frigido Aquilone

curfu glaciali se exerceat, univcrsum corpus firmus, mobilis, expeditus !

92. Variæ causæ, quæ tot modis dotes *solidi animalis* afficere solent, conjunctæ majores adhuc effectus præstabunt: docent experimenta a *Bryan Robinson* instituta; docent effectus balnei calidi; docet quotidiana experientia.

93. Ex *solido animali*, varia corporis organa, variis muniis apta, fiunt; nondum certa fide constat, quænam sit *solidi animalis* ultima et minutissima fabrica: Sive ex fibris, filiis scilicet longis, parum latis, varie inter se textis, constet, ut docet *Boerhaavius*; sive ex fibris serpentinis, mirum in modum convolutis, ut quædam observationes nuper factæ suadent; sive ex fibris laminisque *tela cellulosa* fiat, et ex hac maxima pars omnium organorum corporis, ut celeb. *Hallerus* ostendere conatus est.

94. De fibris, earumque dotibus, alibi
locus

locus est dicendi (107. et seqq.). *Tela cellulosa* ubique in corpore observatur; fibras ipsas, quæ in multis organis satis manifeste apparent, circumdat, et nectit, et varias partes, quæ motum aliquem in vicinas habere debent, leviter conjungit. Eadem probe densata, firmissimas, et quæ videntur tenuissimæ, membranas facit: Quarum quæ simplicissimæ apparent, accurate exploratæ, hanc structuram ostendunt.

95. Crescit sæpe mirum in modum *tela cellulosa*, partesque ex ea factæ, membranæ, vasa, &c. imprimis lenta distensione; subita autem distensio eam vel rumpit, vel tenuiorem facit. Crescit quoque nonnunquam inter partes vicinas, easque junxit quas Natura liberas fecerat: Hujusmodi concretiones præter naturam sæpe observantur, post inflammationem pulmonis, vel viscerum abdominis. Et novæ istæ membranæ vere *cellulosæ* sunt.

96. Concrevit etiam sua sponte, si secus,

vel alio modo separata, fuerit. Quod si ingente inflammatione, et suppuratione facta, magna pars *tela cellulosa* destructa fuerit, tunc non renovatur, et fœda cicatrix relinquitur.

97. Quin et pars, ut fertur, vel ejusdem, vel alieni corporis, certis conditionibus alii jungi potest hujusmodi concretionem. Hoc, si ullo fundamento, nitebatur ars *Taliacotii*, et alia nupera multum jactata, dentes transponendi.

98. *Tela cellulosa* est aliis partibus reticulata, aliis adipe referta. Scilicet, ubicunque magna moles, aut compressio, periculo aut incommodo fuissent, veluti in capite, pulmone, oculis, palpebris, pene, scroto, &c. ibi nullum adipem colligit, sed laxa et pure reticulata est. At, inter musculos corporis et artuum, sub cute, et in abdomine, imprimis in omento et circa renes, plurimus adeps fecernitur et colligitur.

99. Adeps

99. Adeps purum oleum animale est, ab oleis vegetabilibus expressis et mitibus parum diversus; in vita fluidus; sed variis partibus crassior aut tenuior. A sanguine secernitur, in ipsum facile, et sæpe subito, resorbetur, quamvis rarissime sincerum oleum in sanguine conspiciatur.

100. Verisimile est oleum per digestionem, partim in ventriculo et intestinis, partim in pulmone, in gluten converti: Et hoc iterum per secretionem in oleum revertere. Nulla profecto adipis organa secernentia ostenduntur: Oportet tamen istiusmodi sint, et fabrica quoque specialis *telæ cellulose* earum partium, quæ debent habere adipem, ut oleum jam secretum contineant, neque ad alias transire sinant. Nam, in partes pure reticulatas viam sibi nunquam aperit, quamvis per *telam cellulosam* facilis via sit aëri, aut aquæ, per totum corpus a capite ad calcem.

101. In tenero foetu, nihil adipis, in
maturo,

mature, parum reperitur : Infantes vero, modo bene aliti sint, fere solent pinguescere, donec ambulare et propriis viribus semet exercere incipiant : Tum graciles fiunt, et sic manent ad virilem usque ætatem, qua minus crebra et valida uti solent exercitatione. Tum quadrati fiunt, et sæpe obesissimi : Matura senectute, paulatim marcescunt. Puellæ vero quodammodo pinguescunt circa ætatem puberem ; unde forma nitida, teres, amabilis adeo, et apta premi : Et fere omni ætate, fœminæ, plus quam viri, pinguescunt. Viri quoque habitum corporis laxi et flaccidi, firmioribus obefiores fiunt.

102. Adeps colligitur usu multi cibi animalis, oleosi, nutrientis (modo concoc-tio bona sit) et potus validi, cerevisiæ imprimis, et animi et corporis quiete et tranquillitate, multo somno et torpore, castratione, frigore, repetita sanguinis detractio-
ne, multisque aliis exinanitionibus ; quicquid scilicet, salva sanitate, vires
vitales

vitales et animales minuit, huic favet. Multum vero pendet ab ipsius corporis temperamento, neque homo, ut bos, ad libitum faginari potest.

103. Certa, secundum ætatem hominis, obesitas, prosperæ valetudinis signum est et effectus. Nimia vero, ipsa morbus est, et aliorum morborum causa: Semper vero et certissime debellanda, si modo bona voluntas et vis animi fuerint, valida corporis exercitatione, brevi somno, parca et sicca diæta. Nec facile miles gregarius repertus fuerit, qui tali morbo laboret.

104. Adeps semper partem haud exiguum corporis facit, aliquando maximam. Non est igitur dubitandum, quin suos usus habeat. Motum faciliorem et liberiores reddit, partes moventes oblinendo, et sic frictionem minuendo: Hoc modo, ne abradantur solidæ partes, quod aliter fieret, impedit; nec sinit partes vicinas con-
 crescere, quod aliquando fit, si ulcere, vel
 alio

alio casu, pars aliqua telæ quæ adipem continet destructa fuerit.

105. Quin, et ad corporis formam, et pulchritudinem, haud parum confert, magna interstitia inter musculos implendo, quæ corpus deforme et horrendum redderent. Justa autem pinguedine, hoc, nitidum, teres, atque rotundum fit. Porro, adeps colorem dat candidum, cereum, qui roseo mixtus, venustissimum oris colorem efficit. Hinc fit, ut puellæ, cum nitido corporis habitu, oris quoque venustatem perdere soleant.

106. Nutrire creditur adeps ex suis cellulis in sanguinem resumptus : Sed hoc minus certum est. A frigore quodammodo defendit ; animalibus frigidarum regionum magna copia datus.

C A P. III.

De solido vivo, seu genere nervoso, ejusque dotibus, et fabrica, et usibus; et de conjecturis quæ circa ejus naturam et actionem prolatae sunt.

107. *S*olida viva, vel *vitalia*, dicuntur partes solidæ quæ sensu et mobilitate gaudent. Hæ dotes, a vita pendentes, cum ea incipiunt et desinunt: Dotes vero partium solidarum, de quibus (69. et seqq.) actum fuit, etiam post mortem supersunt.

108. Partes autem, quæ vel sensu, vel mobilitate, vel utroque gaudent, sunt cerebrum, cerebellum, *medulla oblongata*, et
VOL. I. H *spinalis*,

spinalis, nervi ex his oriundi, per totum fere corpus diffusi, in varia singulorum sensuum organa et musculos impensi, et demum musculi ipsi.

109. Sensus multo generalior est mobilitate, quippe qui omnibus partibus jam recensitis communis sit, quamvis plane per nervos solos fiat. Mobilitas solis fibræ musculosæ propria : Ubicunque igitur sensus est, ibi nervi ; ubicunque vero mobilitas observatur, ibi fibræ musculosæ creduntur esse.

110. Quin et mobilitas ipsa a nexu, quem musculi cum nervis, &c. habent, pendere videtur : nam resecto, vel compresso, vel ligato nervo, musculi quibus impendebatur, vim suam brevi amittunt ; nec aliter res se habet, si cerebrum ipsum, vel origo nervorum, male affecta fuerint.

111. Sunt qui credunt musculos a nervis oriri et formari, et ex eadem materia constare. Utrique sane simili structura gaudent,

gaudent, quatenus fibris valde minutis contentæ; utrique albi sunt, dummodo muscoli probe eloti, et a sanguine, quem multum habent, purgati fuerint: Neque ope *microscopii* ullo modo distingui possunt fibræ nervosæ, quæ bene multæ musculos subeunt, ab ipsis fibris musculosis. Porro, idem sensus utrisque est, et stimulantia, et sedantia, eosdem plane effectus in musculos edunt, sive ipsi musculo, sive nervo qui eum adeat, admota fuerint.

112. Quantis difficultatibus prematur scientia originis multarum corporis partium, alibi locus erit dicendi; sive eodem tempore, sive aliæ post alias, certo ordine produci credantur: Interea tamen non dissimulandum est, partes quasdam musculosas perquam mature in fœtu conspici, et insignem vim et robur jam adeptas esse, quum cerebrum ipsum adhuc molle et fere fluidum reperitur; earumque actionem ad hujus functionem et augmen requiri; et musculos semper partibus vere nervosis

multo firmiores esse, et vi propria, irritabili nimirum, gaudere, quam nervi nunquam participant.

113. Oportet, igitur, vel ex diversa musculi constituti fuerint materia, ab ea ex qua nervi fiunt, vel, si ex eadem utrique consent, fabricæ prorsus diversæ sit in his, ac in illis, ut vires adeo dissimiles habeat. Quod si, igitur, diversa sit musculorum ac nervorum substantia, tum facile patebit, multam substantiam nervosam cum musculoſa semper misceri. Nam acicula tenuissima non potest in musculum adigi, quin inde simul multi ramuli nervosi pungantur, vel lacerentur.

114. Igitur tam arctus inter musculos nervosque intercedit nexus, tum quod ad officium attinet quo funguntur, tum quod ad fabricam quam habent, ut merito omnia *solida viva* pro partibus ejusdem generis habeantur, cui nomen *Genus Nervosum* a medicis imponi solet.

115. Miræ

115. Miræ quibus hæ partes gaudent dotes medicorum et philosophorum attentionem optimo jure sibi vindicarunt: plurimique et ingeniosissimi viri (quos inter, summum *Newtonum* numerare oportet) operam haud exiguam in causa earundem investiganda collocarunt, variasque quæ singulis placebant de ea conjecturas in medium protulerunt. Nondum vero ratio ulla proposita est rem per experimenta explorandi: et experientia bis mille annorum fatis superque demonstravit, sapientissimos etiam hominum, Naturæ arcana conjectando rarissime detegere. — Male omnino *Newtoni* nomine, nunquam non venerando, abusi sunt scriptores nonnulli, qui opinionem quam tueri cuperent in ejus auctoritatem rejecerunt totam: quamvis ille, solita modestia et prudentia, (quas laudare quam imitari plerique auctores maluere), suam de hac re sententiam, pro conjectura tantum seu questione proposuerit, idoneis experimentis et argumentis aut refellenda aut confirmanda. Sed

ne quidem *Newtoni* conjecturas pro veris sumere licet : non sic ille imitandus ; non sic scientia promovenda.

116. Variæ profecto sententiæ, de modo quo sensus motusque in corpore animali fiunt, prolatae sunt ; omnibus vero hoc fundamentum commune est, forte et vitium quoque, nempe, quod rationem utriusque petant a motibus quibusdam *Generi Nervoso* propriis et peculiaribus, ab organo sensus incipientibus, et per nervos ad cerebrum propagatis, dum sentimus, et a cerebro incipientibus, perque nervos (sive eosdem qui sensui inserviunt, sive alios omnino diversos et distinctos, quamvis in eundem fasciculum cum aliis colligatos) ad musculos delatis, dum musculos nostros ad arbitrium movemus.

117. Hos motus alii crediderunt per ipsam substantiam nervorum fieri tremantium vel *vibrantium* ut vocabant, non sensus.

cus ac lyræ chordæ tremunt plectro percussæ.

118. Alii, quibus bene perspectum erat quam male accommodati essent nervi et cerebrum ad tales perficiendos et propagandos tremores vel motus, (quippe qui toti mollissimi existent, et vicinarum partium tactu multum impediti, vel sæpe etiam ad vicinas partes alligati sint), motus, quos fieri, et necessarios esse, contendebant, in humorem tenuem et valde mobilem rejecerunt, quem nervis inesse fingeant, inque iis suis legibus moveri, multisque et miris dotibus et excellentiis gaudere.

119. Alii demum ad *Ætherem Universalem* potius confluxerunt, qualem et nuper et olim multis philosophis persuasum est totum mundum pervadere, implere, variisque legibus temperare; cujus ope et ministerio sidera mearent, sol fulgeret, mare cresceret decresceretque, flumina laberentur, venti spirarent, plantæ pullularent,

Jupiter

Jupiter ipse tonaret. — Utilissimus certè et strenuissimus æther, sed nusquam prehensus, nusquam ad quæstionem deductus, ut sui rationem redderet, Proteo ipso mutabilior et fugacior, diu multumque jam frustra agitatus, tandem requiescat in pace. Nam quæ spesprehendendi, “ *cui in plures*
“ *jus est transire figuras;*”

“ *Nam modo te juvenem, modo te videre leonem;*
“ *Nunc violentus aper : nunc quem tetigisse ti-*
“ *merent*

“ *Anguis eras : modo te faciebant cornua taurum :*
“ *Sepe lapis poteras, arbor quoque sepe videri.*
“ *Interdum, faciem liquidarum imitatus aqua-*
“ *rum,*

“ *Flumen eras : interdum, undis contrarius ig-*
“ *nis.*”

120. Male vero de his aut similibus commentis medici prius disputaverint, quam vel observando, vel experiendo, demonstratum fuerit, talem ætherem existere, talesque in genere nervoso motus fieri, vel saltem credibile factum fuerit, talibus conjecturis,

fecturis, nodum solutum iri. Concessis enim omnibus de æthere et motibus in *genere nervoso* postulatis, parum omnino proficitur: nam tremores nervorum, vel motus ætheris, qualescunque commentorum hujusmodi amantissimi sibimet fingere potuerint, nusquam aut sensus erunt, aut sensui similes, aut in sensum (secundum notas Naturæ leges) unquam mutabiles.

121. Nec facile quisquam ostenderit quo pacto voluntas animi, cui voluntati nihil inest corporei, in tenuissimum, et subtilissimum, mobilissimumque ætherem, facilius aut melius quam in saxum ageret, eumque in motus conjiceret.

122. Nec melior hoc modo aut magis perspicua ratio redditur sensuum qui dicuntur interni, memoriæ scilicet, imaginationis, et iudicii. Vix credibile erit motus ullos in *genere nervoso* retineri et condi, nostro arbitrio denuo erupturos et renovandos; neque im-

pressiones, aut vestigia, aut imagines ullas eorum motuum in cerebro imprimi, veluti sigilli in cera, quas ad arbitrium nostrum iterum iterumque contemplemur, motusque qui eas primo effecissent denuo integremur: Tamen vividissima sæpe est sensuum præteritorum renovatio, recordantibus, imaginantibus, somniantibus.

123. Quod si tales motus ad internorum æque ac externorum sensuum actionem necessarii sunt, tum plane oportebit, vel motus sensum præcedant, vel hic illos, vel denique uno eodemque temporis puncto utrique fiant.—Si prior est sensus, a motu quovis fluidi nervorum oriri nequit, et aliam igitur debet habere causam.—Si prior est motus ille, causa ejus quærenda erit, scilicet qui minime pendere possit a sensu aut voluntate quæ sequuntur.—Si demum uterque, motus nimirum et sensus, simul fit, utriusque aliam fugere oportet causam; neuter enim alterius causa esse potest,

potest, quia prius non potest agere quam est.

124. Vix sane, aut ne vix quidem, animo concipere possumus, mutationem ullam in rebus corporeis fieri, quæ a motu quodam non pendeat, vel saltem cum motu aliquo modo conjungatur: Res vero de quibus hic agitur, sensus nimirum, tum externus tum internus, et voluntas, et vis quæ musculos movet, non sunt corporeæ, neque iisdem ac tales res principiis explanandæ.

125. Missis igitur hujusmodi commentis de rebus quas Natura forte visibus humanis negaverit, tanquam ad inutilia, et incomprehensibilia, vel absurda fortasse, ducentibus, magis e re sua erit, si medici ad singulas res factas et veras de hoc argumento investigandas semet gnaviter accinxerint.

C A P. IV.

De sensu, ejusque varietatibus, et usibus, et voluptatibus, et molestiis, et vitiis.

126. **S**ensus nulla definitione eget, neque revera facile definiri potest; quippe quo nihil fere simplicius sit, aut melius intellectum. Describi tamen, vix autem explanari solet, hujusmodi verborum circuitu, longo, et parum accurato, et quidem satis inepto; mutatio cujus conficii sumus in statu animi, mutatione aliqua in statu corporis effecta.

127. Utcunque vero simplex primo aspectu sensus videatur, philosophi, rem accuratius perscrutati, duplicem ejus naturam

ram se detexisse crediderunt, et ideo moment probe esse distinguendum inter duas res ad sensum pertinentes, quæ vulgo sub uno eodemque nomine comprehendi solent; quamvis profecto nemo sanus existat tam stupidus qui res ipsas confuderit; et sane perperam omnino talem vulgo hominum errorem objecerunt philosophi.

128. Harum rerum altera (mutatio nimirum quæ in animi statu efficitur) ad animum solum spectat, et huic propria est, sua natura fugax et peritura, et simul simplicissima, nullisque aut definienda aut describenda verbis, rei externæ quæ sensum excitat dissimillima, ab omni corporea conditione atque natura alienissima, ita ut neque ipsa, nec quicquam ipsi simile, in re externa quam percipimus inesse possit.

129. Altera vero res quæ vulgo sub nomine sensus comprehenditur, perceptio nimirum, seu notitia qualitatis cujusvis rei externæ, quam sensus (mutatio scilicet in
animi

animi statu) nobis representat vel suggerit, longe diversæ videtur esse naturæ.—Qualitates enim rerum externarum quas sensus ope percipimus, ad illas res solas pertinent, neque animo ullo pacto inesse possunt, nec quicquam cum animo, variisque ejus statibus, simile aut commune habent, sua natura constantes et durabiles, siue perceptæ a nobis fuerint, siue ignotæ aut neglectæ, neque adeo simplices, quin multæ saltem earum, facile et accurate definiri aut describi, et inter se invicem comparari, possint.

130. Plurimam profecto et utilissimam de rebus externis scientiam, facillimo et simplicissimo modo, per varios sensus, visum præsertim et tactum, sine ullo studio aut labore acquirimus; ita ut bene perspicuum sit, hoc (quadam saltem ex parte) consilio, istas sentiendi facultates a Supremo Opifice nobis esse datas. Non omnes vero sensus hunc usum præstant; neque tam facilis ad totius Naturæ scientiam patet via: et sane multa ostendunt, varios quibus

quibus gaudemus sensus, aliis sæpe et eximiis usibus inservire.

131. Fit sensus in homine sano et vigile, quodocunque status partis cujusvis *generis nervosi* aliquantum mutatus fuerit, sive ista mutatio ab externa causa, sive ab interna, facta sit.— Qui a priore causa fiunt sensus, ab impressione vel impulsu, qui a posteriore causa fiunt, a conscientia, dicuntur esse.

132. Neque ab omni sane impulsu in *genus nervosum* fit sensus : ut sentiamus, oportet certa vi aut impetu in partem sensu præditam impulsus factus sit. A leviori enim impulsu, sensus obscurus, aut plane nullus est; ab impulsu autem multo vehementiore, dolor fit, sine ullo distincto sensu; quod si impulsus demum vehementissimus fuerit, tantaque vis parti sentienti illata fuerit, ut organi ipsius fabrica lædatur, tum stupor fere oritur.

133. Neque

133. Neque perbrevis impulsus sive impressio, quamvis alioquin satis vehemens, ullum sensum dare potest, nimirum ad quem temporis aliquod, et diuturnitas quædam impressionis, requirantur. — Docent corpora, et quidem satis magnæ molis, tanta velocitate mota, ut conspici nequeant. — Par quoque ratio est multorum dolorum, quos præstigiatores solent exhibere; quibus hominibus, *Axioma*, et quasi artis totius fundamentum, esse solet, motum visu multo esse velociorem.

134. Cessante vero impulsu, sublataque ideo externa sensus causa, ipse qui excitatur sensus, per aliquod, quamvis exiguum, temporis spatium, durare solet. — Docet circulus flammeus, quem conspiciamus cum scintilla ignis, vel baculum ardens, velocissime in gyrum circumfertur.

135. Sensus autem non adeo est corporeus quin multum pendeat a statu mentis: Hac enim aliis rebus occupata, impulsus
fatis.

fatis validi in organa sensuum facti, vix, aut ne vix quidem, percipiuntur. Contra, si probe animum attendimus, neglectis vixque perceptis gravioribus, levissimos sæpe impulsus facile percipere possumus.

136. Hoc ut videtur fundamento, magna saltem ex parte, nititur mirum illud et fere incredibile singulorum sensuum externorum acumen et perfectio, quæ varii homines, variis occupati negotiis, multo usu solent adipisci. Quamvis satis sit verisimile perfectionis hujusmodi nonnihil tribuendum esse conditioni organorum, quæ variis modis acui possint crebra exercitatione, et ad propria munera melius aptari. Bene notum est, organa motus hoc modo haud parum proficere.

137. Attentio a voluntate quodammodo pendet; tamen plerumque datur sensibus validis, novis, jucundis, ingratis, iisque demum qui mentem quivis modo præter solitum afficiunt vel commovent.

138. Hinc tot res vix ac ne vix quidem perceptæ, quamvis idonei in organa sensuum impulsus ab iis facti sint; vel si quodammodo, quamvis minus accurate, perceptæ fuerint, statim oblivioni traditæ: Hinc novæ semper res, cæteris paribus, maxime observatæ, novique sensus vividissimi: Hinc sæpe repetiti sensus, quamvis validi, brevi familiares fiunt, et fere negliguntur: debiliores vero impulsus, qui tamen sensum satis validum dare solebant, sæpe repetiti, neque omnino percipiuntur, neque ulla sui vestigia in animo relinquunt.

139. Homo, ut videtur, unicum tantum sensum vel rei externæ perceptionem eodem tempore contemplatur. Verum tam facile, tamque subito, ab uno ad alium sensum ita reditque, ut primo intuitu multos simul capere se credat.

140. Sensus vero ejusdem generis plures simul percipere potest, dummodo hi ita conjungi et quasi misceri possint, ut unam

nam perceptionem, a singulis diversam, et ex iis compositam, efficiant.—— Hæc conjunctio fieri potest, vel impulsibus uno eodemque tempore factis, vel novis impulsibus prioribus tam subito succedentibus, ut prior sensus nondum desiverit, cum posterior jam inceperit: sensus enim sæpe diutius quam ipse impulsus durat, præsertim si idonea adhibita fuerit animi attentio (134. 135.).—— Docet sonorum compositio musica: docet charta variis coloribus tincta, quæ, rapide in circulum acta, eundem colorem medium vel mixtum, ex aliis compositum, exhibet, ac ipsi colores mixti darent.—— Odores quoque et sapes, singuli, ut videtur, suo genere, pares compositiones accipiunt, quarum aliæ gratæ, aliæ ingratiſsimæ reperiuntur.—— Hoc fundamento, magna saltem ex parte, nititur ars coqui et unguentarii.—— Perceptiones vero sive sensus quos tactus dat, tot tamque diversi sunt, quod vix ita conjungi queant, ut unicum, quasi medium vel compositum sensum efficiant.

141. Data causa externa, impulsu nimirum in organum sensus certa vi facto, et certum tempus durante, varius ex eo erit sensus, propter multas res internas, corpori sentienti proprias, multasque partes quæ ad sensum efficiendum necessariæ sunt. — Animi imprimis ratio habenda est, quod ad attentionem; tum quoque cerebri, quod ad delirium, torporem, somnum, vigiliam, &c.; tum nervorum qui organum sentiens adeunt, prout integri, liberi, sani, vel prout compressi, aliterve læsi fuerint; tum finium nervorum ipsius organi, prout magis minusve sentientes fuerint, vel a prima corporis fabricatione, vel ab aliis impulsibus antea factis, vel a calore aut frigore, vel a statu vasorum sanguinem vehentium, quæ minutas nervosas fibras comitantur inseparabilia, quæque vel præter solitum laxari vel distendi, vel demum inflammari possunt; tum denique partium, qualescunque fuerint, rationem habere oportet, quæ fines nervorum tenuissimos et acerrime

me

me sentientes tegunt et defendunt, et vim impressionum vel augent vel temperant. Quales sunt cuticula ubique corporis, auris tum externa tum interna, ejusque meatus uterque ; et varii demum oculi humores.

142. Porro a multis causis internis, nulla aut juvante aut concurrente externa, sensus nonnulli oriuntur. Ipsa mens sui conscia, et varii ejus status, cogitatio, memoria, imaginatio, voluntas, affectus omnes, huc referri possunt.—Tum quoque varii corporis status, vigor, debilitas, alacritas, torpor, lassitudo, dolor, anxietas, pruritus, appetitus, veluti fames et sitis, propensiones demum multæ, quales ad tussim, vomitum, alvum deponendam, et similia, impellunt. Plerosque vero horum sensuum, quatenus corporei sunt, ad sensum tactus referre solemus.

143. Sensus, tum externi, tum interni, nunquam accurate ad classes vel genera
relati

relati sunt. Externi vero, semper et ubique ad quinque genera referuntur, nempe visum, auditum, olfactum, gustum, et tactum. Quod priores quatuor spectat, paucæ corporum externorum qualitates, quas unusquisque eorum percipit, facile in classes a se invicem diveritas reducuntur, et ad unum et proprium sensum referuntur: imprimis, quia sensus ipse singulare et proprium organum habet, neque alibi in corpore infidet, aut quivis modo excitari potest; tum quoque quia sensus organum ab uno genere impulsus afficitur, veluti lucis, tremorum æris, particularum volatilium; tum denique quia perceptiones ex singulis istorum sensuum, quantumvis inter se videantur differre, aliquid semper commune habent, ita ut comparari possint, earumque similitudines et differentię detegi.

144. Hoc verissimum est de rebus quas aures, nares, vel lingua percipiunt: Oculi vero plures res capiunt, easque satis dissimiles;

diffimiles; colorem scilicet, figuram, magnitudinem, et motum. Omnes tamen hæ perceptiones ad unum sensum facile referuntur, quia per idem organum, idemque *medium*, ut vocatur, idemque genus impulsus, percipiuntur.——Reliquæ autem perceptiones, utcunque dissimiles fuerint, ad sensum tactus referuntur.

145. Sensus plerique vel grati vel ingrati reperiuntur: scilicet non modo nos de rebus externis monent, earumque qualitates nobis representant, sed animum simul ita afficiunt, ut eisdem sensus vel cupiamus, vel nolumus, continuari aut repeti.

146. In quibusdam sensuum exemplis, sensus ipse (mutatio scilicet quæ in animi statu efficitur) jucundus est, et ab eo solo voluptas nascitur: In aliis vero exemplis, non tantum sensus quam perceptio (qualitas nimirum seu conditio rei externæ
quam

quam percipimus, et sensus ope cognoscimus) voluptatē dat.

147. Prioris generis exempla sunt, jucundi sensus seu voluptates quas gustus, olfactus, auditus, nobis suggerunt; quibus adjungere oportet sensus quosdam, veluti caloris, quos tactus dat. In his nimirum exemplis ad sensum solum attendimus, neque ab eo quicquid docemur de causa seu qualitate corporis externi quæ sensum efficit. — Siquid istiusmodi novimus, id, ope aliorum sensuum et judicii, observando, periclitando, ratiocinando, plane didicimus.

148. Posterioris exempla sunt, perceptiones quædam jucundæ qualitatū rerum externarum, quas vel visus vel tactus nobis suggerunt: veluti pulchritudinis omnis visibilis, formæ, proportionis, motus, coloris forte; vel denique formæ tactilis, aut lævoris, aut mollitiei. In his scilicet exemplis perceptio ipsa placet: neglectoque

que sensu, seu mutato animi statu, ad rem seu qualitatem quam sensus ille suggerit statim transimus, eamque sæpe cum voluptate contemplamur.

149. Difficillimum profecto explanatu videtur, cur tot diversi sensus a variis impressionum generibus in certa corporis organa factarum oriantur (143. 144.). Multo autem difficilius explanatu est, cur ab omni fere genere impressionum in varia corporis organa, tales excitentur sensus, quales non modo suam singuli perceptionem (128. 129.) animo representaverint, sed eundem simul vel plurimum delectaverint, vel insigni dolore, angore, molestia, fastidio, affecerint.

150. Sensus enim, utcunque inter se (secundum varia eorum organa, resque in hæc agentes) diversi, tamen constantes sunt, eademque semper singuli causas agnoscunt; neque eidem homini, variis temporibus, eadem impressio varium dat sensum seu perceptionem;

ceptionem ; neque ratio ulla existit, cur credamus eandem rem seu impressionem diversum diversis hominibus sensum aut perceptionem dare, nisi in nonnullis rarissimis exemplis, in quibus verisimile est vitium aliquod, neque sane leve, in corpore subesse, vel hujus saltem sensuum organa a solito et naturali statu multum alienari.

151. Voluptas vero, vel molestia, vel fastidium, quæ tot sensus comitantur, variant quam maxime, cum in variis hominibus, tum in iisdem, variis temporibus.

152. Insignis quoque, et fere incredibilis, est vis consuetudinis in voluptates aut molestias sensus ; exigua autem in sensum ipsum, et nulla omnino in perceptionem qualitatis rei externæ quam sensus suggerit. Nemo enim sanus, vel natura vel ulla consuetudine, mel pro absynthio, aut absynthium pro melle, aut amarum pro dulci gustare potest ; quamvis aut singulari corporis constitutione, aut demum sola consuetudine,

consuetudine, amarissima ista herba dulcissimo melle gratior et jucundior gustui fieri possit.

153. Quamvis sensus plerique plus minus grati sint, tamen non est negandum, insigne eos inter hac de re discrimen intercedere, et alios natura fere omnibus hominibus esse gratissimos, alios valde ingratos, nonnullos demum adeo indifferentes, ut neque voluptatem neque molestiam ullam dent.— Hujusmodi sensuum discriminum ratio nulla hæctenus reddita est.

154. Est quoddam tamen novissè, unumquodque fere sensuum genus, vel gratum esse, vel ingratum, (natura ejus nil mutata), secundum ipsius vehementiam. Nullus enim existit sensus adeo jucundus, quin ultra modum intensus, ingratus evadat, nonnunquam fere intolerabilis. Et contra omnino, qui natura, et solita vehementia, multum offendunt, leviores facti,

tolerabiles sæpe fiunt, et interdum admodum jucundi.

155. Par fere ratio est quod multi sensus, primo grati, delectare cessent, si sæpius repetiti fuerint, quamvis semper ejusdem naturæ, et vehementiæ, quantum ipsam impressionem spectet; et multi primo ingrati displicere desinant, et tandem placeant, quamvis neque natura, neque vehementia impressionis vel minimum mutata fuerint. Scilicet, sola consuetudine familiares facti, sensus sæpe repetiti, segnius percipiuntur (138.), et tandem negliguntur penitus, nulla adhibita attentione animi.

156. Hinc quoque ratio reddi potest, cur novi sensus fere magis placeant; cur varietas adeo jucunda; cur validiores sensus, vel saltem impressiones in organa sensus cujuscunque, cupiamus, ut voluptatem vel augeamus vel continuemus: cur ad tot voluptates vix ac ne vix quidem attendamus, neque fere tales ante extitisse sciamus quam
eas

eas amiferimus ; cur tot voluptates, tamque constantes et puræ, tantaque ideo et tam continua animi hilaritas, pueris præsenibus. — Quantum enim cunque voluptatis, nova sentiendi facultate subito donatus, aut cæcus visui denuo redditus, haberet, tantum, omnes, ab omnibus sensibus olim habuimus, quamvis longus usus et consuetudo istam voluptatem jam pene deleverint.

157. Sensus plerique satis validi ut facile et accurate distinguantur, suo quisque genere et modo, fere placent maxime : Varia autem existunt voluptatum genera ; variique igitur sensus variis modis animum delectare possunt. Neque profecto aut splendor solis, aut pulchra et vivida totius Naturæ facies meridiana, sola hominum oculos, neque magni concentus soli aures eorum delectant ; scilicet qui longe diversa, sed tamen haud exigua voluptate, obscura Numinis templa spectant, et umbrosos lucos per lunam adeunt, noctisque demum

demum nigram formidinem lubentes contemplantur; et zephyrum sylvas agitantem, aut apum susurrum, aut fluminis murmur, auscultant. Quin et tempus est, quo tenebræ, silentium, omnisque demum sensus absentia, sola placent.

158. Sui igitur sunt, et quidem satis arcti, limites, voluptatibus sensuum; quippe quæ neque multum augeri, neque nimis sæpe repeti, neque diu produci aut continuari possint: quasi ipsa Natura hoc modo moneret, non solis voluptatibus, saltem non hujusmodi voluptatibus, hominem esse natum: omnes enim nimis cultas languor aut fastidium abrumpunt; nonnullas insignis molestia aut dolor tandem excipiunt. Et profecto, ut voluptas in molestiam aut dolorem tam facile transit, sic pari fere ratione, doloris, saltem magni, cessatio subita, incredibilis aliquando voluptas est, qualis nimirum, si minore aut alio quovis pretio emendi facultas esset, certe non deessent emptores. — Voluptas

et

et dolor (ut pulchra *Socratis* fabula docet) forores fuerunt, utcunque dissimiles, diversamque fortem expertæ; altera nimirum optata et grata omnibus, altera pariter invisa; quas tamen Jupiter ita sociavit, et tam indissolubili vinculo conjunxit, ut quamvis natura contrarias, et diverse spectantes, quicumque alterutram amplectitur, alteram trahat simul.

159. Magna autem hac de re inter varias sentiendi facultates, variasque quas dant voluptates, differentia observatur: quædam brevi fatiscunt, neque res quas debent, distinguunt bene, neque amplius delectantur rebus ipsis quas satis distinguunt, et quæ primo gratissimæ fuerant: aliæ diutius ad sua munera valent, et magis diuturna fruuntur voluptate. Sic olfactus et gustus fere brevi fatiantur; auditus tardius; visus omnium externorum sensuum longe tardissime: Voluptates autem quæ a sola mente seu sensibus internis derivantur, sunt

funt omnium maxime longævæ. — Omnes demum voluptates, eas variando, aliasque cum aliis miscendo, vel forte minus gratas res iis quæ magis delectant interponendo, ita ut ne quid nimis sit, haud parum producere possumus.

160. Superfunt et aliæ quædam res, a jam memoratis plane diversæ, quæ nonnullas sensuum voluptates multum regunt; variæ nimirum conditiones vel universi corporis, præsertim nervorum, vel quorundam præ aliis organorum aut functionum, quibus functionibus, organa quædam sensus, forte et sensus ipsi, magna ex parte, inserviunt. Et hæc inter alias causas est, quod multæ, et quæ maxime coluntur, voluptates, immortales esse nequeant. Sienti puri aqua pro nectare est; esurienti omnis cibus gratissimus, etiam odor cibi jucundus : æstuanti aut febricitanti frigus, frigenti calor, placet. Iisdem vero hominibus, aliis temporibus, eadem res non modo non grata sunt, sed sæpe valde ingrata, veluti

veluti cibus aut potio, utcunque delicata, statim post pastum aut potum: neque profecto aut epulæ perpetuæ, aut alterum prandium statim a primo, perditissimum possunt delectare helluonem: neque Venus ipsa, strenuissimis etiam cultoribus, semper placet.

161. Quin et ab aliis sensibus præter illos qui ab impressione externa (131. 142.) fiunt, voluptas aut molestia oriri possunt:—ab actione musculorum, quatenus hæc fortis, facilis, alacris, fuerit, neque ad fatigationem continuata, voluptas percipitur; contrarii vero ab actione musculorum sensus, hebetudinis nempe, lassitudinis, difficultatis, debilitatis, semper molesti sunt: varii demum animi status, affectus, exercitationes variæ memoriæ, imaginationis, iudicii, pari fere ratione, nunc grati nunc molesti reperiuntur.

162. Ex his omnibus, ut videtur, concludere æquum est, tanta benignitate et

liberalitate hominibus providisse Naturam, totque iis voluptates suppeditasse, ut non modo viverent, sed vita quam dedit fruerentur.

163. Neque sane suis et eximiis usibus carent sensuum voluptates. Suavitas illa generalis quæ omnes fere sensus, præsertim prima ætate, comitatur, invitat nos ad varias sentiendi facultates probe exercendas, et sic acuendas, plurimamque simul et utilissimam scientiam (129. 130.) nobismet quotidie acquirendam.

164. Pari fere ratione ad sua organa motus modice et crebro exercenda invitantur homines, præsertim pueri, quorum sic vis insita promovetur, et facilis et promptus usus discitur.

165. Quin et ad quasdam et maximi momenti actiones, qualibus nimirum aut singuli homines conservantur, aut genus humanum

humanum propagatur, egregiæ voluptatis præmio invitamur.

166. Postremo, voluptate illa quæ a modica mentis exercitatione oritur, ad nobilissimas ejus facultates exercendas et excolendas, inducimur, quæ neglectæ et otiosæ, exiguæ sunt, probe cultæ, pene divinæ fiunt.

167. Singuli demum quibus gaudemus sensus, tum externi tum interni, variis obnoxii sunt vitiis: unusquisque scilicet, præsertim externorum, potest esse vel nimis acutus, vel nimis obtusus, vel abolitus, vel denique depravatus.—Huc forte referri quoque possant multi sensus molesti, qui, sive ipsi primarii morbi, sive tantum aliorum morborum signa sint, medici attentionem optimo jure sibi vindicant (34.)

C A P. V.

De tactu, ejusque vitiis; et de dolore, et anxietate, et pruritu.

168. **O**Mnium sensuum externorum tactus simplicissimus est, et maxime generalis; quippe qui toti generi nervoso communis sit: sed certis partibus acutior, veluti cuti, et imprimis apicibus digitorum. Hi papillas nervosas habere dicuntur, quæ, influente sanguine, quodammodo in tactu erigantur, sensum accuratiorem daturæ; sed potius conjectura a linguae fabrica derivata, quæ non gustus modo, sed tactus quoque delicatissimum organum est, hæc opinio nititur, quam certis rei observationibus.

169. Varias

169. Varias corporum externorum dotes tactus percipit; duritiem, mollitiem, asperitatem, lævitatem, calorem, frigus, molem, figuram, distantiam, pressuram, pondus: Raro fallax vel depravatus; quia scilicet corpora, quorum dotes sunt explorandæ, proxime ad ipsum organum admoventur, nullo interposito *medio*, cujus varietates sensum fallerent vel corrumpere.

170. Quod ad vitia tactus pertinet, nimis acutus in universum rarissimis si ullis exemplis observatus est. Parti singulari acutior justo sæpe fit, vel a cuticula nimis tenui, aut molli, aut sublata, vel parte ipsa inflammata, vel nimio calori exposita.

171. Nimis obtusus fit, aut plane aboletur in universo corpore, vel in magna ejus parte, a variis vitiis cerebri nervorumque, compressione, vulnere, vis vitalis defectu; hæc *Anæsthesia* vocatur, paralyticos aliquando comes.

172. Deficit

172. Deficit in parte singulari, vel a vitio ejus nervi, compressione, obstructione, vulnere, &c. vel parte ipsa nimio frigori exposita; vel demum, cuticula quæ tegit vitiata, nimis crassa, aut dura facta, asperorum aut nimis calidorum corporum contractione, quod vitrariis, et fabris ferrariis accidit, vel a subjecta cute elevata, interposito sanguine, sero, pure; vel ipsa cute macerata, laxata, torpida facta, quod hydropicis nonnunquam accidit; vel demum toto organo corrupto, gangræna, ulsione, algore, contusione.

173. Rarissime depravatur tactus, nisi forte inter delirium, quum omnes cerebri functiones mirum in modum turbantur.

174. Ut a reliquis sensibus, sic etiam a tactu, voluptas aut dolor oriri possunt. Lavorem, mollitiem, calorem modicum, cum voluptate contemplari solemus. Levis quoque pruritus, seu titillatio, quæ pro voluptate habenda est, ad hunc sensum

sum pertinet, quamvis sæpe a causis internis oriatur.

175. Dolorem ad hunc sensum referimus, cæterosque fere sensus molestos, anxietatem, pruritum, &c. quamvis revera ab omni sensu vehementiore dolor oriri possit.

176. Dolor est sensus ingratus, vehemens, acer, quem ad certam corporis partem referimus; idque minus accurate, si pars interna dolet, sed magis accurate, si corporis superficies afficitur. Neque tamen causa doloris semper in parte dolente hæret. Nascitur a magna vi parti sentienti illata, siue intus siue extrinsecus illa vis fuerit. Quicquid igitur pungit, secatur, lacerat, distendit, comprimit, contundit, percutit, rodit, urit, vel ullo modo stimulat, dolorem creare potest.

177. Hinc tot morbis, frequentissimum, molestissimum comitem se jungit; sæpe ipso

ipſo morbo intolerabiliorem. Modicus dolor partem affectam, et paulatim totum corpus, excitat; majorem ſanguinis et viſ nervoſæ fluxum ad partem facit, et ad motus neceſſarios et ſalubres ſæpe ſtimulat, fidelis, quamvis ingratus monitor: Hinc inter præſidia vitæ nonnunquam numerandus.

178. Vehementior autem dolor nimiam irritationem facit, inflammationem, ejusque conſequentias, febrem, et omnia mala quæ a nimio humorum motu profluunt; totum *genus nervoſum* convellit, et pervigilium, convulſiones, delirium, debilitatem, animi defectionem inducit.

179. Immanem dolorem neque animus neque corpus diu ferre poſſunt; et profecto certos fines Natura poſuit, quos ultra dolorem intendi non permiferit, quin delirium, aut convulſio, aut animi defectione, vel demum ipſa mors, miſerum ſupplicio eripiant.

180. Diuturnus

180. Diuturnus dolor, quamvis mitior, sæpe partis affectæ debilitatem, torporem, paralyfin, et rigiditatem, inducit.

181. Doloris tolerantia pendet multum a vi animi quam æger possidet: et, prout ipse tulerit, mala quæ a dolore nascuntur graviora vel leviora erunt. Nam in hoc, ut in aliis exemplis, leve fit quod bene fertur onus.

182. Dolor, si non nimis vehemens fuerit, neque eum febris aut ægritudo aut anxietas comitentur, ad claritatem et acumen ingenii aliquando conferre videtur. Hoc, qui podagra laboraverunt se expertos fuisse testantur.

183. A dolore quem sentiunt, homines iudicium aliquod ferunt de modo quo causa ejus agit: veluti pungendo, lancinando, lacerando, urendo, &c. scilicet inter res quas viderint, vel alio modo noverint, et

res magis obscuras, convenientiam et similitudinem quandam sibi fingunt.

184. Alius sensus molestus est anxietas, a dolore plane diversa, obtusior, minus accurate ad partem singularem referenda, et sæpe omni dolore intolerabilior. Probe distinguendum est hanc inter anxietatem, de qua sensu medico agitur, eamque de qua communi sermone loquimur. Hæc nimirum a mente est, neque a statu corporis pendet; quippe quæ oriatur a metu periculi vel mali cujusvis prævisi. Illa autem vere corporea est, non secus ac dolor, a certo corporis statu originem ducens. Nihil vero obstat, quo minus utraque simul adsit, vel altera alterius causa sit. Revera, ingens anxietas corporea metum et animi anxietatem firmissimo pectore incutit: Et hæc vicissim, si gravis fuerit et diuturna, fractis corporis viribus, imprimis quæ sanguinis cursum efficiunt, alteram inducere potest.

185. Anxietas,

185. *Anxietas*, medico sensu, oritur imprimis a causa quacunque sanguinis motum, per cor vasaque magna prope cor pulmonemque, turbante vel impediante. Hinc vitia cordis ejusque vasorum multiplicia, amplificationem, constrictionem, conversionem in os, polypum, palpitationem, *syncopen*, inflammationem, debilitatem, et ideo nonnullos animi affectus, comitatur.

186. Oritur quoque ab omni spirandi difficultate, qualiscunque ejus causa fuerit; quia tum sanguis minus libere per pulmonem transit. Hujusmodi *anxietas* profunde in pectore sentitur.

187. Dicitur quoque oriri a difficiliore transitu sanguinis per jecur, cæteraque viscera abdominis.

188. Genus quoddam *anxietatis hypochondriacis* familiaris, et molestissimæ, oritur a stomacho et intestinis, vel multa saburra gravatis, vel aëre per concoctionem

minus fanam extricato distentis. Tali saburra, vel distentione, stomachus, organum delicatissimum, male afficitur: Nil mirum igitur si sensum ingratum dat; quin et ventriculi distentio liberum septi transversi descensum impedit, et sic respirationi obest. Hujusmodi anxietas, expulso aëre, multum et subito levare solet, et hoc et aliis pravæ digestionis signis facile dignoscitur. In his exemplis, anxietas, ad ventriculum, sed parum accurate, refertur.

189. Febres quoque omnigenas anxietas sæpe comitatur, nunc gravior nunc levior: tum propter generalem debilitatem, tum propter sanguinem a superficie corporis pulsam, inque magnis vasis accumulatum, veluti ingruente febre intermittente; tum quoque propter ventriculum male affectum, saburra cibi crudi, corrupti, gravatum, vel multo potu, imprimis calido, medicato, distentum et nauseantem. Ingraveſcente febre, æger magis magisque angitur, insigniter, ut testantur medici,

mox

mox ante crisin, vel nocte quæ eam præcedit, veluti ante eruptionem super cutem, vel sanguinis profluvium, vel sudorem, vel alvi fluxum, quales febres aliquando solvunt. Angitur quoque æger a repulsa eruptione, vel translatione salutari.

190. Quin et febres, et plerosque morbos, pariter anxietas comitatur, quum, vita jam deficiente, mors instat, cujus prænuncia est et signum: Fit, nimirum, quum vires vitales, propriis muneribus impares factæ, circuitum sanguinis absolvere nequeunt. Qualis autem sit hæcce anxietas, cætera appropinquantis mortis signa satis superque docent.

191. Porro, inter somnum ab iisdem causis anxietas oriri potest: Hinc dira somnia, quæ somnum sæpe subito et cum terrore rumpunt.

192. Pruritus, sensus scilicet inquietans, cum scalpendi cupiditate, sæpe molestissimus

mus est, quamvis voluptati magis quam dolori affinis fit.

193. Ut dolor a gravi irritatione, tam *mechanica* quam *chemica*, sic pruritus a leviori fit. Titillatio, seu frictio, veluti indusii lanei minus assueto homini, et delicatioris cute præditi, pruritus excitat; et multa acria fossilia, vegetabilia, animalia. Sic primus sensus, a *cantharidibus* cuti admotis, pruritus est, quamvis idem auctus dolor fiat.

194. Acria quædam in cutem delata, veluti in febribus quas eruptio super cutem comitatur, aut morbo regio, aut demum varii ipsius morbi, scabies, lepra, eundem effectum edunt.

195. Pediculi, vermes, *ascarides* imprimis, vel cutem vel intestina irritantes, molestum pruritus excitant.

196. Species quædam pruritus interni,
homines

homines ad multas et necessarias, tam sani quam morboſi corporis, actiones impellit; urinæ et alvi excretionem, tuſſim, ſternutationem, et ſimilia.

C A P.

C A P. VI.

De gustu; ejusque usibus, et varietatibus, et vitiis.

197. **H**Ujus organum princeps est lingua: Eaque quo propior apici, eo acutiore, quo propior gutturi, eo obtusiore sensu, gaudet: Quamvis revera acria nonnulla, circa apicem vix gustata, prope radicem linguæ, vel in ipso gutture, acerrimum sensum excitent.

198. Lingua insignibus et pulcherrimis papillis nervosis instruitur, quæ proxima gustus sedes videntur esse. Hæ inter gustandum elevantur, eriguntur, quo acutiorrem sensum habeant.

199. Nihil

199. Nihil gustatur, nisi quod in saliva, quæ fere aqua est, solubile sit, ut fluida forma linguæ admotum involucra ejus pervadat, pulpamque nervosam afficiat. Hinc terræ insolubiles nullius saporis sunt.

200. Neque fat est solubile esse corpus, ut gustetur: Oportet salis, vel saltem acrimoniæ nonnihil habeat, quod nervosam substantiam stimulet. Quicquid igitur quam ipsa saliva minus falsum aut acre est, nullum habet saporem.

201. Saporum varia genera facile distinguuntur, sed plus minusve accurate: Veluti sapor acidus, dulcis, amarus, falsus, acer, aromaticus, putridus; hic vero cum odore quoque jungitur. Omnium saporum varii sunt gradus, omnesque varie inter se conjungi possunt.

202. Sapores alii suavissimi, gratissimi, sunt; alii ingrati, vixque tolerandi. Mira tamen de hac re hominum diversitas: ita

ut quod aliis maximæ voluptati est, alii non sine nausea et horrore respuant.

203. Quin et suavissimos sapes, qui magnam primo voluptatem dederant, homines brevi fastidire solent : Dum pessimos et ingratissimos, quales sunt *nicotianæ*, *assæ fatidæ*, et similia, consuetudine amare discunt et appetere.

204. Ufus gustus videtur esse, ad cibum bonum et salubrem invitare, a noxio aut minus idoneo divertere. Plerique et optimi cibi gustui grati sunt : Qui vero gustui incorrupto mali saporis sunt, ii fere nocent. Hujusmodi instinctu, raro fallace, quem olfactus quoque juvat, bruta animalia ad idoneum cibum perducuntur, a noxio arcentur.

205. Hic vero instinctus, non secus ac reliqui, minus perfectus homini quam bel-
luis datur; quippe qui tali auxilio minus egeat, aliis facultatibus præditus : Ipse ve-
ro

ro qui datur instinctus, vitæ genere parum naturali sæpe corrumpitur.

206. Statuit porro alma rerum Parens, ut actio ad vitam alendam adeo necessaria, sua voluptate non careret. Grato cibi sapore, tanquam præmio, ad cibum sumendum et conficiendum allicimur. Re vera ista voluptas pendet multum a statu ventriculi, et a necessitate novi cibi sumendi: vilissimus enim cibus, et fere insulsus, homini esurienti gratissimus est; saturi vero fastidium crearet. Porro, inter mandendum saliva copiosior affluit, quo accuratior evadat gustus, et cibi sapor gratior. Fluit etiam saliva esurienti ad conspectum, vel etiam ad imaginem grati cibi, quem appetit.

207. Gustus raro nimis acutus observatur, nisi a vitio cuticulæ, quæ linguam tegit: Hæc, si sublata fuerit, aut vulnerata, aut ulceribus, *aphthis*, similibusque malis, obfessa, tum gustu nimis acre facta,

sapores non sine dolore percipiuntur; vel aliquando fapor nullus distinguitur, solus dolor sentitur.

208. Deficit, non secus ac tactus, a variis cerebri ipsius nervorumque vitiis: Hujusmodi vero exempla rara sunt. Nonnullis hominibus admodum obtusus datur: Hi quoque parum olfactus habere solent. Deficit sæpissime propter defectum salivæ: Nam sicca lingua gustare nequit. Hinc in multis morbis obtusus est, febribus imprimis, gravedine, &c. tum ob salivæ, tum quoque ob appetitus defectum, qui in sano homine adeo juvat; vel propter linguam ipsam tenace et fædo muco obduc-tam.

209. Depravatur sæpe gustus: Scilicet, vel gustamus nihil omnino linguæ admoto; vel, si quid ei admotum fuerit, saporem percipimus a vero et solito alienum. Hoc fit plerumque a vitio salivæ quæ ipsa gustatur. Hoc modo fapor dulcis, falsus, acer,

cer, amarus, putridus, rancidus, percipi potest, prout saliva, vel a statu generalis massæ humorum, vel organorum quæ ipsam secernunt, vel oris ipsius, vel ventriculi, unde vapor et ructus, præsertim si male se habet, ad os surgunt, corrupta fuerit.

210. Verum, præter salivæ vitia, ab aliis causis gustus vitatur, veluti papillarum nervosarum conditione: Cujus vero parum hætenus notum est. Nam gustus nonnunquam plane alienatur, quamvis saliva ipsa aliis hominibus nullius saporis sit.

211. Ad linguæ conditionem medici in omnibus morbis, præsertim febribus, multum solent attendere; nec immerito: Nam ex ea judicare possunt de statu ventriculi, de siti, vel potius de necessitate potus sumendi, cum æger, propter delirium, stuporem, &c. neque sitim sentit, neque de ea potest conqueri; et demum de natura,
et

et augmento, vel remissione febris, ab inspecta lingua, medici judicium aliquod deducere conantur.

C A P.

C A P. VII.

*De olfactu; ejusque usibus, et varietatibus, et
vitiis: et de natura odorum, eorumque effec-
tibus in corpus humanum.*

212. **H**Ujus sensus sedes est in mem-
brana illa mollissima, delica-
tissima, nervorum et vasorum sanguinem
vehentium referta, quæ naribus internis,
variisque sinibus et antris, quibus iter ex
iis est, obducitur: acutior sensus circa me-
dium septum, ossaque spongiosa, quibus
membrana crassior et mollior datur, quam
in antris profundioribus, ubi membrana
tenuior, minus nervosa, et vasis minus re-
ferta est: quamvis hæ quoque, ut vide-
tur, partes, olfactu non omnino careant.

213. Ut

213. Ut gustu de partibus corporum solubilibus, sic olfactu de partibus volatilibus, quæ subtilissimæ per aëra volitant, judicamus. Ut accurate olfaciat aliquis, apertis quantum possit naribus, clausoque ore, aëra fortiter inhalat, quo plures particulæ volatiles, majoreque vi, olfactus organo admoveantur.

214. Organum quoque olfactus, non secus ac organum gustus, quo acutiorem sensum habeat, madidum servatur, partim proprio muco, partim lachrymis quæ ex oculis assidue destillant.

215. Ut gustus cibi itineri, sic olfactus ostio viarum, quas aër subire debet, custos præponitur, moniturus ne quid noxii, via quæ semper patet, in corpus admittatur. Porro, ut gustus, hic quoque sensus ad salutarem cibum invitat, a noxio aut corrupto, putrido imprimis vel rancido, deterret.

216. Quin et odores quidam insigni vi
in

in *genere nervoso* pollent, et mirandos nonnunquam effectus edunt. Alii grate excitant, et animo fere deficientem statim recreant: Alii animo linqui faciunt, et aliquando, ut fertur, hominem plane extinguunt. Huc quoque pertinent quæ vocantur antipathiæ, ridiculæ profecto, sed sæpe nulla vi animi debellandæ.

217. Olfactus interdum nimis acutus fit, tum propter vitia quædam organi ipsius, quod rarius observatur, tum quoque propter universum *genus nervosum* nimis sentiens, ut in febribus quibusdam, in phrenitide, in *hysteria*, aliquando observatur.

218. Obtunditur sæpius, aut a vitiis cerebri nervorumque, veluti a vi capiti illata, vel a causa interna, provenientibus; aut a vitio ipsius organi, aridi, propter solitos humores suppressos, vel alibi versos, vel nimia muci lachrymarumque copia obruti: Utriusque exemplum est in gravedine,

ubi initio morbi nares arescunt, postea vero vel multo humore inundantur, vel spissiore muco obstruuntur. Sed in his aliisque bene multis exemplis, membrana nasi ipsa afficitur inflammatione, relaxatione, tensione nimia, qua fieri non potest quin nervi, qui magnam ejus partem efficiunt, videntur. Porro, quicquid liberum aëris in nares introitum, aut per eas transitum impedit, olfactui non obesse non potest.

219. Depravatur nonnunquam olfactus, et odores percipiuntur, ubi nihil odorati fuit, vel odores rerum percipiuntur a veris et solitis alieni. Particulæ odoratæ, post longam in antris moram, demum erumpentes, et organum denuo afficientes, hujusmodi depravationem, in sanissimo etiam homine, nonnunquam efficiunt. Multa quoque vitia narium, partiumque quibus ad eas iter patet, ulcera, caries, cancer, corruptio quævis oris, dentium, gutturis, pulmonis, prava etiam in ventriculo concoctio, vaporem foetidum exhalando, olfactum

olfactum corrumpere possunt. Depravatur forte a vitiis cerebri nervorumque, quorum ratio magis obscura est.

P 2

C A P.

C. A. P. VIII.

De auditu; et sonis, et vitiis auditus; et tinnitu aurium.

220. **H**IC sensus excitatur tremoribus
aëris, quos corpora sonantia
faciunt. Hos auris externa, cartilaginosa,
et meatus auris uterque, colligunt, ad
tympanum deferunt, et simul intendunt,
quo majore vi membranam tympani feri-
ant: Hæc membrana, ipsa commota et
tremens, malleum sibi annexum commo-
vet, et junctam sibi incudem ferire facit,
juvantibus simul propriis mallei musculis:
Incus vero suum motum ossi *orbiculari* et
stapedi impertit, qui iterum, tum hoc mo-
tu, tum quoque actione sui musculi, ita
trahitur,

trahitur, ut pars posterior ejus bascos in fenestram *ovalem*, ipsumque vestibulum, impellatur: Porro, tremores membranæ tympani, cum aëre per *tubam Eustachianam* in tympanum delato, simul communicantur; qui demum aër fenestræ rotundæ membranam ferit, qua in labyrinthum, seu aurem intimam, pervenitur. Duplice igitur, ut videtur, modo, tremores ad labyrinthum perveniunt, qui totus, mollissima et admodum sentiente nervosa membrana, obductus, et aquula pellucida, subrubra, ad omnes tremores suscipiendos et propagandos aptissima, plenus, ultimum auditus organum est.

221. Neque fane quicquid certa fide de singularum auris internæ partium actionibus notum est, præterquam ossicula ipsa ad tremores suscipiendos et reddendos vel propagandos aptissima esse, et ideo ad auditum conferre: ita ut per dentes et maxillam, et petrosum os, soni ad ultimam nervosam organi partem perveniant, et sic
homo

homo fere surdus, neque per aëra audiens, musica quodammodo fruatur. Potius confitendum est, multum hic subesse obscuri, et actionem et usus multarum partium, quæ in aure sunt, parum adhuc intelligi.

222. Soni sunt fortes vel debiles, graves vel acuti. Soni magnitudo vel claritas pendet a vi seu magnitudine tremorum, quos corpus sonans aëri impertit. Gravititas a numero tremorum qui dato tempore absolvuntur. Sunt tamen certi fines, quos citra et ultra, vel nullus sonus est, vel acerrimus, et auri ingratissimus, vixque tolerabilis.

223. Porro, vis soni intenditur repercussu multorum corporum, quæ tremores a tremente aëre suscipiunt et reddunt; soni itaque reflexi, quotquot cum primario concordant, cum eo aures feriunt, eumque fortiolem faciunt: Hinc vox sub pleno Jove debilior quam in cubiculo. Quod si, certo post intervallo, reflexi soni ad aures perveniunt,

perveniant, a primario distincti audiuntur, et sic echo fit.

224. Sonorum immensa varietas est : quippe quorum vel levissimæ mutationes et conjunctiones, ab acuta et docta aure, percipiuntur. Insignis quoque eorum vis est in animum hominis, et ideo in corpus. Varios animi affectus, tristes imprimis et lætos, inspirant ; et plerique hominum ex hoc inexhausto fonte puras et suavissimas voluptates hauriunt. Auris vero, quæ vocatur musica, non omnibus datur ; cujus rei ratio hætenus latet : Nullo modo pendet ab acutiore vel obtusiore auditu : Semi-furdi nonnunquam musicæ satis periti sunt et amantissimi, qua bene audientes parum sæpe fruuntur : Neque ratio ulla est cur defectum talem inæquali per binas aures auditui imputemus. Facultas ipsa Naturæ donum est, nullo studio acquirenda : Cultu vero et usu, non secus ac reliquæ hominis facultates, mirum in modum acuitur et roboratur.

225. Auditus

225. Auditus fere omnium sensuum sæpissime vitatur, quod profecto nil mirum; scilicet, quia organum habet delicatissimum, et plurimis et valde minutis partibus compositum.

226. Sæpe acutior justo fit auditus, vel a generali corporis habitu nimis irritabili, qualem foeminæ *hystericæ* aut puerperæ sæpe habent; vel a cerebro ipso nimis sentiente, quod in febribus haud raro observatur; tum quoque in phrenitide, et aliquando in vera insania; vel ab aure ipsa male se habente, et inflammatione, dolore, tensione nimia, affecta.

227. Obrunditur vel plane aboletur hic sensus, ita ut æger vel graviter audiat, vel omnino surdus fiat, ab iisdem causis, sed vi diversis; et imprimis a defectu auriculæ externæ, aut meatu vel altero vel utroque, mucos, *cerumine*, pure, rebus externis, obstructo; ejusque concretione, qualis post suppurationem, nonnunquam post *varicellam*,

lam, observata est; vel propter membranam tympani rigidam factam, aut relaxatam, aut erosam, aut ruptam; vel tympanum ipsum vel tubam *Eustachianam* aliquo modo obstructam; vel propter officulorum, aut membranarum, aut muscutorum aliquem labyrinthi ipsius, concretione, *spasmo*, paralyfi, torpore, affectum; et denique propter varia cerebri nervorumve vitia, salva omnino ipsius organi fabrica. Hinc sæpe morbus *nervosæ generis* surditas, subito invadens et sponte decedens: Hinc quoque senibus familiaris, quibus omnes partes solidæ rigent, omnes nervosæ minus sentiunt.

228. Febre laborantes, illo imprimis febris genere, quod debilitas insignis et stupor comitari solent, sæpe surdi fiunt: quod forte aliquando, cum aliis signis cerebri valde oppressi, viriumque ægri exhaustarum accedens, malum signum erit. Plerumque vero optimi ominis est, quam-

vis etiam sopor aliquis comitetur. Hujus rei ratio satis obscura.

229. Depravatur sæpe auditus hac potissimum ratione, ut soni, veluti tympani, campanæ, lapsus aquarum, audiantur, cum nullus in aëre tremor est, neque sanus homo quidquam audit. Hoc malum tinnitus aurium vocatur, cujus varia genera observata sunt. Leve plerumque et fugax malum : nonnunquam vero pertinax, diuturnum, molestissimum, diu noctuque vexat.

230. Tinniunt sæpe aures a levissima causa, meatum ipsum vel tubam *Eustachianam* pro parte obstruente, ita ut imperfectus, interruptus aëri aditus concedatur; quo fit ut hic membranam tympani, vel forte partes interiores, inæqualiter, et cum impetu nimio, feriat : Hinc bombi, tinnitus species, etiam a sanissimo homine, interhiandum audiuntur.

231. Frequentior

231. Frequentior et molestior tinnitus multos morbos, tum febres, tum *nervosi generis* affectiones comitatur: partim ab aucto sanguinis versus caput impetu, auctoque simul *nervosi generis* sensu, ut ipsarum arteriarum ictus audiantur; partim ab aucto nervorum et muscutorum auris labyrinthi sensu et mobilitate; quo fit, ut partes quæ debuerunt quiescere, donec aëris tremoribus excitatæ essent, sua sponte motus concipiant, eosdemque aliis partibus, jam nimis sentientibus, impertiantur.

232. Oritur quoque tinnitus a vehemente animi affectu: interdum a ventriculo male se habente, nascitur: interdum a malo *rheumatico*, caput et aures afficiente, vel a gravedine quæ tubam afficere solet: nonnunquam vero tinnitus solus invadit, malum profecto non exiguum.

233. Variæ tamen causæ, tum hujus tum aliorum auditus vitiorum, sæpe diffi-

cillime dignoscuntur, non magis propter abditum organi situm, quam propter notitiam variarum ejus partium actionum, quam parum accuratam habemus. Ex utraque vero causa fit, ut multiplices auditus affectiones neque certe neque facile fiantur.

C A P.

C A P. IX.

De visu, ejusque varietatibus et vitiis.

234. **R** Adii, ab omni puncto corporis
lucentis vel illuminati quod
contemplamur, dimanantes, vel reflexi, in
corneam oculi membranam incidunt: qui
valde obliqui sunt, reflexi, vel in *uvea* vel
pigmento nigro, quod *processus ciliares* ob-
linit, suffocati, ad interiores oculi partes
nunquam perveniunt: qui vero rectius
in *corneam* incidunt radii, per pellucidam
illam membranam, et qui proxime jacet
humorem aquosum transmissi, ad *lentem*
cristallinam jam nonnihil refracti perve-
niunt. Vi hujus *lentis*, et vitrei humoris
qui proximus est, magis adhuc refringun-
tur,

tur, et in punctum, seu *focum* ut vocatur, demum colliguntur, pulcherrimam, distinctam, quamvis inversam, corporis unde profluxerant imaginem super *retinam* depicturi.

235. Hæc vero delicatissima nervosa membrana, ultimum visus organum est; et ex imagine corporis inversa super eam depicta, homo, cerebrum nervumque opticum sanus, corpus ipsum, erectum, distinctum, propriisque coloribus expressum, videt.

236. Varii dantur oculi humores, quamvis unicus ad radios refringendos, et in *focum* colligendos, imaginemque in *retinam* exprimendam suffecisset, hoc potissimum, ut videtur, consilio, ut ab alieno colore, quem unica et simplex *lens* dare solet, propter radios lucis inæqualiter refractos, præcaveretur: et sic homo, qua oportebat accurratione, de veris corporum coloribus judicare posset. Certissimis enim
experimentis

experimentis constat, *lentem* certa ratione compositam, hoc non levi simplicioris incommodo carere. Ad eundem finem haud parum conferre videtur, varia singulorum oculi humorum variis partibus densitas : qua forte varia vi refringente, diversa ipsorum radiorum ad refringendum facilitas compensatur.

237. Neque profecto minima humoris vitrei (qui omnium oculi humorum longe maximam partem efficit) utilitas est, globum oculi implere, *retinamque* probe distendere, ita ut fere sphaeram concavam repræsentet, quo plura ejus puncta imagines rerum visibilium distinctas et accuratas accipiant : nam si planior fuisset oculi fundus, vel cujuslibet fere alius figuræ quam rotundæ, propter inæqualem variarum ejus partium a centro oculi distantiam, unicum tantum *retinæ* punctum, puta centrum ejus, distinctum visum habuisset. Qui vero in alia puncta incidissent radii, vel nondum satis refracti, vel postquam in *focum* semel collecti essent,

dimanantes

dimanantes iterum, imagine confusa super retinam depicta, visum multum corrupissent.

238. Rotundus est oculus; ut radii per eum transeuntes in justum *focum* prius colligantur quam in *retinam* incidant. Par ratio est *corneæ* convexæ, prominentis, quæ fere tanto magis prominet, quanto planior oculus animali datus est. Quin et rotunditas oculi ad liberrimum et rapidissimum ejus motum haud parum confert.

239. Mira conspiratio vel consensus inter binos oculos, interque varias oculi partes, observatur. Alter oculus motum alterius sua sponte sequitur, hac ratione, ut axes utriusque semper in idem punctum corporis, quod contemplamur, dirigantur; quo fit, ut imago ejus prope centrum utriusque *retinæ* exprimatur; nam ibi loci optimus est et perfectissimus visus.

240. Pupilla in tenebris patula, admissa
vel

vel vividiore facta luce, statim contrahitur: et hoc consensui inter *retinam* et musculum qui pupillam regit, eamque vel arctat vel amplificat, tribuendum est, neque irritationi ipsius musculi. Nam sano omnino musculo isto, si nullus visus est, nulla observatur pupillæ contractio. Quin et musculi pupillarum utriusque oculi conspirant; ita ut, admissa ad alterum oculum luce, utriusque simul pupillæ contrahantur.

241. Contrahitur quoque pupilla, siquid, ad exiguam ab oculo distantiam positum, accurate intueri cupimus: hoc, ut videtur, consilio, ut radii superflui et maxime obliqui, et quos vires oculi refringentes in justum *focum* vix potuissent colligere, excludantur. Par debet esse ratio, quod pupilla infantibus et junioribus admodum patula, senibus fere contractior sit, quibus oculi planiores fieri solent. Nondum pro certo constat, num aliis quoque modis, oculus ad varias rerum quas

contemplatur distantias, semet accommodet: hic tamen creditus est esse usus *processuum ciliarium*, nempe ut *lentem* a solita sede dimoveant, et longius a *retina* trahant, quo magis refringantur radii, priusquam in eam incidant. Certissimum vero est, oculum, vel his viribus tum musculi qui pupillam regit, tum *processuum ciliarium*, vel aliis minus cognitis, quodammodo mutari, et ad varias rerum quas contemplatur distantias, intra certos limites, accommodari.

242. Diu multumque disputatum est inter *physiologos*, *mathematicos*, *metaphysicos*, quo pacto factum esset, ut, ab inversa super *retinam* depicta imagine, rem ipsam erectam videremus; et cur a duplici imagine, una nimirum in utroque oculo expressa, unica tantum res spectaretur.

243. Res ipsæ parum utiles vetant medicum in hanc arenam descendere, ubi tot magni nominis viri non sine laude semet exercuerunt.

exercuerunt. Scire tamen juvat, ad hoc tandem ventum esse, simplicissimam et perpetuam dari naturæ legem, scilicet, ut omne visibile spectetur secundum directionem rectæ lineæ a puncto retinæ, super quod depicta fuerit ejus imago, per centrum oculi transeuntis. Nondum prolata sunt experimenta neque argumenta, quæ ostendant dictam directionem, mathematica accurate, esse veram: sed neque error ullus, vel levissimus, in hac re detectus est. Oportet igitur, ex jam institutis experimentis, concludamus, directionem, qua punctum visibile spectatur, esse vel hanc, vel huic quam proximam. Homo igitur sic constitutus, hujusmodi videndi lege lata, si imago erecta fuisset, rem ipsam inversam vidisset; et pari ratione, quæ inversæ depinguntur, easdem erectas videt.

244. Nec verum est, quod primo intuitu simplicius et clarius videretur, rem spectari secundum verum quem habet situm et directionem; vel secundum directionem radiorum lucis, aut in *corneam* aut

in *retinam* incidentium : facili enim experimento spectari potest corpus omne, loco non suo, vel pluribus locis eodem tempore ; et radii lucis a puncto quovis dimanantes, vel quum primum in oculum incidunt, vel postquam, a variis humoribus refracti, ad fundum oculi perveniunt, tot diversas directiones habent, quod si visus inde penderet, omne visibile, variis eodem tempore directionibus spectatum, multiplex et confusum videretur.

245. Quæstio de simplice visu a duplice imagine, parum accurate primo proposita, postea ad majorem accurationem redacta est : neque profecto verum est, visum in homine sanissimo semper esse simplicem. Simplex vel duplex est, prout oculi variatione in rem quam spectamus conversi fuerint. Si axes binorum oculorum in idem punctum directi fuerint, imago ejus puncti, in centro utriusque *retinæ* expressa, simplicem visum dat. Porro, res quotquot pari ab oculo distantia, ad utrumque latus talis puncti sitæ sunt, simplices

plices simul spectantur: quarum scilicet imagines super *retinam* utramque depictæ, similem cum centro ejus comparatum situm habent. Centra igitur binarum *retinarum*, et puncta in iis quæ similem quod ad centrum situm habent, supra, nempe, vel infra, vel dextrorsum, vel sinistrorsum, consentire dicuntur, vel simplicem visum dare. Res vero propius vel remotius ab oculo positæ, quam punctum in quod axes oculorum conveniunt, simul cum illo spectari possunt, earumque duplex visus est. Facile ostenditur imagines earum rerum, partes *retinæ* utriusque occupare, quæ dissimiliter quod ad centrum ponuntur: nempe, in dextra parte alterius oculi, in sinistra alterius, depingi. Partes igitur *retinarum*, dissimiliter quod ad centra positæ, non consentiunt; hoc est, duplicem ejusdem rei, cujus super utramque imago depicta fuerit, visum efficiunt.

246. Varietates quædam, seu vitia leviora, hujus sensus, quæ vix morbosa habentur,

bentur, sæpe observantur. *Myopes* dicuntur, qui visum brevem habent, scilicet, qui nil clare et accurate vident, nisi proxime ad oculum admoveatur. Hoc fit propter radios lucis nimis refractos, in *focum* nimis cito collectos, et iterum a *foco* dimanantes, priusquam ad *retinam* perveniant; quo fit ut indistinctam super eam imaginem depingant. Causa hujus vitii frequentissima est, nimia totius oculi vel humoris ejus cujusdam convexitas, veluti *corneæ* nimis prominentis, &c. quæ radios lucis per oculum transeuntes nimis refringit. Incommodum, junioribus familiare, dum senescunt, aliquando, ut fertur, sublevatur: quod tamen minime perpetuum est. Quum primo levius hujusmodi vitium observatur, consuetudine res remotas contemplandi, oculosque a valde minutis et vicinis rebus cohibendi, quodammodo vinci, non secus ac contrario usu idem vitium acquiri, potest: nimirum, quia oculus quodammodo ad rerum, quas contemplatur, distantias sese accommodat

(241.). Vitrum concavum, quod radios plus facit dimanare, priusquam in oculum incidant, simplicissimum est, et certissimum *myopibus* auxilium.

247. *Presbyopes* vocantur, qui visum longum habent, vicinarum rerum confusum, remotiorum satis distinctum. Contrarias hoc vitium ac alterum agnoscit causas; oculum imprimis nimis planum, quo spatium refringendis radiis non datur; hinc senibus, etiam iis qui florentibus annis bene viderant, malum familiare, ratione haud obscura, usu vitri convexi sublevari solet.

248. *Nyctalopes* dicuntur, qui noctu quam interdiu, hoc est, luce valde debili, quam vividiore, melius vident: rarum hominibus vitii genus, *retinæ* nimis sentienti, pupillæ nimis patulæ, ad debitam contractionem minus valenti, imputandum. Hujusmodi incommodum, sed leve et fugax, sanissimi etiam patiuntur, qui
postquam

postquam diu in tenebris versati sunt, ad auras lucemque subito prodeunt.

249. Sublinitur totius oculi interna superficies pigmento nigro, quod ad *choroideam* tunicam, et *ligamenta ciliaria*, pertinet; hoc forte consilio, ut oculus perfectissima camera obscura fiat, et imago super *retinam* depicta accuratior evadat, nullis radiis reflexis corrupta. Fertur miseros esse quosdam (albos Æthiopes hoc genus hominum vocant) quibus *choroidea* rubra, non secus ac cuniculis albis, data est. Homines vero tali *choroidea* instructi interdum parum vel nihil vident, noctu melius.

250. Animalia vero, quæ sub nocte prædam quærunt, genus felis, bubo, et similia, *choroidea* gaudent colorata, splendente, quæ radios lucis bene reflectit. Hoc modo creduntur visum parum distinctum, sed quæ ad prædam captandam sufficiat, etiam in tenebris, habere; quod tamen parum certum est, neque hæcenus bene explicatum.

tum. His quoque animalibus pupilla datur mobilissima, a tenuissima vixque visibili rima, in magnum circulum, secundum lumen quod est, sese dilatans, et *retina* valde sentiens. Quædam ex his animalibus, albi Æthiopis instar, fulgente sole minus vident: An omnibus par vitium est? Non videtur. An arctissima pupillæ contractione corrigitur, qua parum lucis, idque ad centrum tantum oculi, admittitur? An credibile est plus minusve reflectere lucis *choroideam* ipsam, prout tali auxilio opus sit, et facultatem illam lucem reflectendi pendere iterum a sanguinis in membranam vasculorum plenam influxu, quem animal quodammodo regat? Validior sanguinis motus, et ideo varii animi affectus, oculos omnium animalium, et hominis ipsius, splendescere facit: deficiens hebetat; penitus demum cessans eorum splendorem prorsus extinguit.

251. Multis et gravibus vitiis obnoxius est visus. Acuitur interdum ultra modum, ita ut æger vel nihil distincte videat,

vel non sine magno dolore, pari ratione ac alii sensus, a generali corporis habitu nimis sentiente, a singulari cerebri statu, phreniticis, vel etiam aliis febricitantibus, familiari, veluti inflammatione cerebri vel ejus membranarum; sæpius vero a conditione ipsius oculi, lucis impatientes sumus. Inflammatio partis anterioris tunicæ *adnatae* et *scleroticæ*, ad posteriores partes earum aliquando serpit; et ideo ad *choroideam*, et *retinam* ipsam; hinc lucis impatientia, dolor, magnaue irritatio, delirium nonnunquam inducens vel augens.

252. Obtunditur sæpe visus, vel plane aboletur, ipsa ætate, cum ob oculum planiorem factum, aquoso humore non bene suppleto, et *cornea*, et *lente*, vel vitreo humore marcescentibus; tum quoque propter *corneam* siccam, et obscuram factam, quod languenti sanguinis motui imputandum est, et plurimis vasis minoribus obstructis, conclusis, excæcatis; tum propter *lentem* flavescientem, instar electri factam, et ipsam

sam *retinam* minus sentientem : nam omnem sensum senectus minuit.

253. Interdum visus prorsus aboletur, cerebro, nervo *optico*, vel *retina*, variis modis læsis, salva organi fabrica. Hujusmodi vitium *amaurosis* vel *gutta serena* vocatur: dilatata et immota pupilla, humoribus pellucidis manentibus facile distinguendum; compressioni, congestioni sanguinis, stupori nervi fere tribuendum. Si pars tantum retinæ torpet, maculæ nigræ in rebus quas spectamus conspiciuntur, et muscæ ante oculos volitantes, signum in febribus frequens, sed pessimum, et vix non lethale.

254. Visus porro haud raro aboletur partium quavis, per quas radii transire et refringi debent, obscura aut opaca facta, veluti si *cornea* maculis obsessa luci impervia evaserit, vel humor aquosus sanguine, fero, pure, corruptus fuerit; vel si *lens* (quod sæpe accidit, et *cataracta* dicitur) fuscum colorem adepta, vel humor vitreus

simili modo corruptus, vel omnes denique oculi humores inflammatione, suppuratione, soluti, confusi, mixti, lucem vel non transmittant, vel parcius et inæqualiter transire sinant: quo fit ut vel nulla, vel obscura, distorta, imperfecta, et male colorata imago super *retinam* depingatur.

255. Impedimenta visus, quod ad oculum, externa, vitia scilicet palpebrarum, partiumque vicinarum tumentium, crescentium, inflammatarum, nulla explanatione egent: neque profecto ipsius sensus vitium est, si quis non viderit, nulla luce ad oculum admissa.

256. Depravatur visus aliquando, et res colore non suo, vel etiam (quod rarius accidit) figura et situ alienis, spectantur. Hoc fit si humores insolito colore tincti fuerint, ut in morbo regio fertur accidere, (quod tamen valde dubium est), vel a sanguine ex propriis vasibus elapso, et cum aquoso humore mixto. Mira depravatio, vel defectus

tus visus constans et perpetuus, in hominibus alioquin sanissimis, et bene videntibus, non semel observatus est; nempe, ut certos colores, viridem exempli causa a rubro, distinguere nequeant. Alia depravatio est, quum, nulla ad oculum admissa luce, scintillas, guttulas flammeas, aureas, colores varios conspiciamus. Leve plerumque et fugax mali genus, temperamento corporis valde sentiente et mobili præditi familiare, a levi, ut videtur, impulsu in retinam oritur, arteriarum imprimis vehementius solito aut inordinate micantium: ab ipso digito oculum premente (clausis palpebris) circulus flammeus conspicitur. Par forte ratio est scintillæ, quam vident morbo comitiali laborantes, in immensum et splendidum jubar crescentis mox antequam convulsi corruant. Simile jubar se vidisse testantur homines, ad vitam reduces postquam strangulati, aut sub aquis meri fuissent. Cohibitâ nimirum respiratione, venæ capitis sanguine turgentes, totum cerebrum, partesque

tesque nervosas quæ in capite sunt, feriunt, comprimunt. Observantur porro istiusmodi scintillæ, haud secundo omine, ab iis quibus febre laborantibus phrenitis aut ferox delirium imminet: tum quoque ab iis quibus graviora capitis mala, paralyfis, *apoplexia*, *epilepsia* instant. An ipsis fibris nervosis *retinæ*, motum sponte concipientibus, perceptio lucis, ubi nulla lux est, recte tribuitur?

257. Visus distinctus, sed falsus, rerum visibilium nimirum quæ non sunt, læso cerebro, insanix, delirio, non oculo ullo modo laboranti, imputari debet.

258. Frequentissimum visus vitium est oculorum distortio, quæ *strabismus* apud medicos vocatur. Strabō est, qui axes oculorum præter solitum obliquos habet, neque ad idem punctum directos: hinc visus imperfectus, incertus, aliquando duplex, ideoque confusus, et sæpe ingens deformitas. Malum plerumque congenitum,

genitum, haud raro conatibus, quos infans nondum conscius sui vitii, facit ad visum jucundiorum et accuratiorum reddendum, corrigitur. Idem, imitatione, quæ omnes homines, imprimis infantes, etiam inscios, multum regit, facillime discitur: haud ita facile dediscitur.

259. Causam tanti vitii musculis oculorum sæpe inesse verisimile est, qui male conformati, vel paralyti, rigiditate, contractione, corrupti, oculos ordinate et æqualiter regere nequeant.

260. Inducitur nonnunquam hoc vitium, *epilepsia*, in qua vehementissimæ omnium musculorum et oculorum imprimis convulsiones fiunt: unde forte eorum distortionem, et lacerationem, aut alia mala immedicabilia.

261. Morbos quosdam capitis, hydropem præsertim, nonnunquam comitatur. A magna vi capiti illata aliquando inducta est

est oculorum distortio; aliquando, sed rarissime, sine nota causa subito accedit.

262. Est vel alterius vel utriusque oculi: quorum distortio, major, minor, quaquaversum esse potest.

263. Verisimile est malum nonnunquam oriri a vitio *retinarum*; veluti si solita earum puncta, centra scilicet, et similiter quod ad centra posita, non consentiunt: contorsio ibi erit, ne visus duplex fiat. Hæc quoque videtur esse ratio quod eadem horrendum in modum augeatur, cum strabonem prope oculum admovet, ut contempletur. Vel si centrum alterius aut utriusque retinæ parum vel nihil sentit, ut videat homo, oportet oculos contorqueat: si nervus *opticus* non oblique oculum adisset, sed centrum retinæ occupasset, omnes vel strabones fuisset, vel duplicem habuisset visum.

264. Sensum quendam molestissimum, quem

quem vertiginem vocamus, medicis placuit ad visum referre, quamvis revera ad tactum, vel potius ad conscientiam, æque pertineat; neque enim in tenebris, neque clausis palpebris, malum fugatur.

265. Vertigo est, siquando nosmet ipsos et res vicinas, quamvis revera immotas, titubare, circumferri, tremere, vel ullo modo moveri, videre aut sentire credimus. Si gravior est vertigo, neque videre potest æger, præ caligine velut oculis obducta, neque stare, quippe cui vires quæ artus regunt, deficient; vertiginem nausea solet comitari, alteraque alteram inducere.

266. Multorum et gravium quorundam morborum comes, et signum, et prænuncia observatur vertigo: *apoplexiæ, epilepsiæ, hysteriæ*, sanguinis profluvii e naribus vel aliis partibus, mensium suppressorum, magnæ corporis plenitudinis, febrium, tum quas debilitas, tum quas auctus versus caput

sanguinis impetus, comitatur. Vis quoque capiti illata, raro quæ ipsis oculis infertur vis, nisi quatenus totum caput afficiat, vertiginem inducit. Ingens et subita sanguinis aliorumque humorum jactura, debilitas, *syncope*, varii morbi intestinorum, ventriculi imprimis, venena multa in corpus admissa, *narcotica* præsertim, opium, et similia, et vinum, et omnis potus meracior, vertiginem inducere solent: hinc ebrietatis omnigenæ signum. Varii quoque motus inassuetis hominibus vertiginem creant: veluti rotatio capitis vel universi corporis, jactatio maritima, præsertim si navis parva, et mare turgidum, fuerint, et similia. In his et similibus exemplis, insoliti et inordinati motus sanguinis excitantur, et cum partibus nervosis quæ in capite sunt communicantur; vel hæ per consensum cum aliis partibus male affectæ, sensum confusum, quasi rotationis, dant.

267. Quin et ex animo, certa ratione affecto,

affecto, conspectu rotationis rapidæ, vel prærupti aquarum lapsus, vel præcipitii horrendi, vel etiam sine ullo visu a cogitatione intensa, veloce, vertigo aliquando oritur.

268. Aliorum morborum plerumque comes et signum, nonnunquam tamen princeps vertigo morbus, per intervalla rediens, paulatim ingravescens, actiones animi pariter atque corporis impedit, labefacit: neque firmissimum et vividissimum *Swiftii* ingenium tanto malo potuit resistere.

C A P. X.

De sensibus qui dicuntur interni, memoria, imaginatione, judicio; eorumque varietatibus et vitiis.

269. **P**Ræter jam descriptos sensus, seu facultates, homo et alios possidet; qui ideo interni vocantur, quod sine ope externa suis fungantur muneribus; et organa quæ iis maxime inserviunt, interna, abdita, externis rebus inaccessa, propriis viribus agant.

270. Perceptio re externa excitata, sua natura fugax et peritura, brevi definit: quod si eadem res organo denuo admota fuerit, non modo perceptionem renovat, sed

sed homo simul pristini quem habuit sensus reminiscitur; novit, scilicet, se eundem antea habuisse.

271. Hæc prima, simplicissima memoriæ species, primæ ætati contingit, quippe quam infans semestris ostendat, dum parentes aut nutricem agnoscit, ignotos homines declinat. Hæc facultas recordatio vocatur, distinctionis causa, et principium et fundamentum perfectioris memoriæ videtur esse.

272. Quin et nihil omnino ad organa sensuum externorum admoto, nullaque juvante externa causa, et internis sæpe causis parum perspectis, sensus diu ante percepti, obliti, sopiti, homini invito nec opinanti renovantur, reviviscunt. Hujusmodi recordatio propius adhuc ad memoriam accedit.

273. Vera et optima memoria dicitur facultas illa, qua perceptiones præteritas,
eodem

eodem quo fuerant receptæ ordine, ad arbitrium nostrum revocamus, detinemus, contemplamur, dimittimus.

274. Hæc, prima ætate, nulla est: paulatim accedit, augetur. Puerili ætate, promptissima, validissima, tenacissima fit; juvenili et virili, viget; senili nonnihil fatiscere solet; novissima senectute dilabitur, aboletur; et fere hac ratione, ut novas imagines dimittat facile, veterum, quas florente ætate recondiderat, adhuc tenacissima; ingravescentibus vero annis, omnes imagines, novæ pariter atque antiquæ, e memoria penitus delentur.

275. Aliis hominibus promptior, tenacior, aliis debilior, datur: cultu et usu (modo hi non nimii fuerint) incredibiliter augetur. Variis hominibus, iisdemque variis temporibus, plus minus vivida aut velox est: ita ut vel lente admodum imagines suas menti offerat, vel tanta velocitate eas ante mentis oculos transire faciat, ut
singulas

ſingulas vix contemplari aut agnoſcere queat. Multum hic pendet a ſecunda aut adverſa, qua homo utitur, valetudine ; a ſtatu animi, vel gravi affectu commoti, vel placida quiete fruentis, et ad ſuas imagines accurate attendentis. Tum quoque corporis ratio habenda eſt, magis minusve ſentientis aut mobilis ; ſanguinis motus quoque multum facit, incitator, aut languescens : veluti ab exercitatione, febre, dolore, torpore, ſopore, &c. Pueris, junioribus, et præter ſolitum vividis, rapidior ſolet eſſe memoria ; et hæc inter alias cauſas eſt, cur hi iudicio minus firmo aut certo polleant.

276. Viget inter ſomnum, ſaltem levio-rem, memoria ; ſed parum accurata, neque voluntati paret, neque res ſuo ordine, ut ſano et vigilantī homini ſolet profert.

277. Perceptiones validas, novas, ſæpe repetitas, jucundas, ingratas, vel quæ men-
tem

tem ullo modo magis solito afficiant, memoria potissimum retinet. Juvat, præ omnibus, ordo rerum quas semel percepimus: eoque uti solemus, ad rem quamlibet in memoriam revocandam. Scientiæ omnigenæ, et judicii, memoria fons et origo est, et ordo fere maxima pars, nimirum sine quo aut nulla foret memoria, aut vaga et prorsus inutilis, qualis somniantibus et delirantibus contingit.

278. Minuitur aut turbatur memoria, aut prorsus deletur, variis morbis, imprimis qui cerebrum afficiunt, *apoplexia*, *paralyfi*, *epilepsia*, tumoribus intra caput, vi externa eidem illata, febribus, imprimis quibus auctus est versus caput sanguinis impetus, aut cerebrum quacunque ratione valde affectum.

279. Rarissime depravatur memoria, ita ut res ordine non suo menti repræsentet: quod si tale vitium acciderit, ad læ-
fana

ſam imaginationem vel delirium referendum eſt.

280. Imaginatio eſt facultas qua homo imagines aut formas, quas memoria recondiderat, ad arbitrium ſuum conjungit, dividit, et novo ordine diſponit; veluti ſi mixtis et compositis, viri et equi, mulieris et piſcis, formis, Centaurum aut Sirenem ſibi finxerit:

281. Imaginatio quam memoria vividior eſt, et latius imperium in animum, ejusque affectus, et *genus nervoſum*, habet: quamvis memoria ipſa nonnihil hujusmodi vis poſſideat.

282. Imagines, quas hæc facultas ſuggerit innumeras, vix unquam, in ſano homine, cum ideis memoriæ, multo minus cum rebus veris, quas ſenſus percipiunt, confunduntur: neque ſanus homo, ſobrius, et vigilans, res quas imaginatio, ad ſuum arbitrium, repræſentat, aut eſſe veras, aut

unquam fuisse, credit. Si talis error acciderit, pro morbo habendus est.

283. Imaginatio infanti parva, juveni maxima, viro temperatior, seni fere reprimitur: eadem hilaribus, irritabilibus, mobilibus, et præter solitum acriter sentientibus, vividior; torpidis, frigidis, stupidis, fere nulla. Neque solis poëtis utilis facultas; quippe cujus species, rerum similitudines et convenientias, a vulgo hominum non observatas, fingat, quærat, detegat, ad conjecturas primo, ad veram scientiam, ope judicii, tandem perducens. Huic forte *Newtonum* pariter ac *Homerum* debemus.

284. Imaginationi et memoriæ hoc commune est, quod in perceptiones visus et auditus tantum imperium habent: neque profecto aliorum sensuum perceptiones, aut accurate, aut ulla vi renovare possunt.

285. Judicium facultas est, qua ideas qualescunque

qualescunque, sensus, memoriæ, imaginationis, contemplamur, comparamus, earum similitudines et differentias detegimus, variasque inde conclusiones deducimus. Hæc facultas infanti et puero debilis est; consistente ætate, firmior et certior, ætate paulatim corrumpitur, et morbis quotquot memoriā minuunt; nam sine memoria nullum potest esse iudicium.

286. Omnes hæ facultates tam pure mentis sunt, quod primo intuitu haud quicquam corporei iis inesse videatur: docent tamen morbi, qui eas impediunt, certum cerebri statum, ut bene exerceantur, requiri; idque sensuum internorum primum esse organum. Nec desunt philosophi et medici non parvi nominis, qui negant ullam in mente mutationem vel sensum fieri, quem certa et quæ eidem respondet cerebri mutatio, non comitetur. Res parum certa, parum utilis, neque facile ad experimentum reducenda (122. et seqq.). Tantum enim abest, ut ullam mutationum

quæ in cerebro fiunt, vel modi quo variæ ejus partes operantur, dum memoria, imaginatio, judicium exercentur, scientiam habeamus, quod ne quidem sana de hac re conjectura hætenus fuerit prolata.

287. Functionis igitur, cujus usus in sanitate tam atra caligine obscuratur, morbos parum intellectos esse oportet. Suos tamen morbos habet, graves, molestos, miserandos, omni attentione dignos: nimirum qui mentem ipsam, qua cæteris animalibus præstamus, vitient, et inutilem reddant.

288. Alienatur mens, siquando homo ideas memoriæ aut imaginationis cum perceptionibus sensuum externorum confundit, et sic, quæ non sunt, vel nunquam fuere, adesse credit: vel, si judicium de rebus male sanum, et a communi hominum sensu alienum, fert. Hoc autem rarissime, si unquam, accidit. Judicium sanum mente captus fert a falsis principiis: neque

neque male ratiocinatur, sed decipitur furens, qui Jovem se credens, Jovis fulmina posceret.

289. Mentis alienatio vefania in genere vocatur; si ex febre est, delirium; citra febrem, generalis furor, infania appellatur; dementia vero minus generalis, scilicet de re una alterave, sana de omnibus aliis mente, melancholia vocatur: quicum insignis aliquando tristitia conjungitur. Nullus tamen datur limes accuratus inter sanam mentem et vefaniam. Omnis præter solitum hilaritas ad infaniam vergit; et mœstus et meticulosus animus ad melancholiam appropinquat.

290. Delirium varii generis febres comitatur: aliquando leve, facile discessurum, et vix mali ominis: sæpe tamen grave, et pessimi ominis, magnam curam et attentionem postulat.

291. Delirium ferox est vel mite. Ferox præcedunt et comitantur, vultus rubor,

bor, capitis dolor, ingens arteriarum pulsus, aurium tinnitus, oculi rubri, inflammati, truces, micantes, lucis impatientes, et vel nullus somnus, vel dira quies horrendis somniis rupta, mores soliti exuti, novi induti, pro mitibus morosi et immanifueti, iracundia; animi alienatio, primo inter somnum et vigiliam observanda, imaginationi fides data, perceptiones ex sensibus externis nullæ vel neglectæ, et imagines memoriæ sine ordine prolatae, furor demum, et nonnunquam insolita et incredibilis vis artuum, ita ut plures homines unum ægrotantem vix possint compescere.

292. Mite, contra, delirium, cum pulsu sæpe debili, vultu pallido, collapsio, vertigine a situ erecto, prostratis viribus, sæpe observatur. Dolor capitis quoque adest, sed minus acutus quam in altero genere; raro iracundia, sæpe stupor, aliquando mœror insignis et metus: in semisomni primo observatur mentis alienatio, admissa luce, alloquentibus amicis, pro tempore
aliquando

aliquando pellenda; æger multum sibi
 mulsitat, quæ circum fiunt parum curat;
 tandem stupidus factus, neque famem,
 nec sitim qua fauces arescunt, percipit,
 nec alias solitas propensiones; quo fit, ut
 urina et stercus, inscio ægro, elabantur.
 Ingravescens malum, in *subfultus tendinum*,
 tremores, convulsiones, animi defectiones,
 mortem, definit. Alterum quoque delirii
 genus, deficientibus ægri viribus, in hoc
 sæpe mutatur.

293. Docent quæ utrumque comitantur
 signa, insolitum, inordinatum, inæqualem
 sanguinis per cerebrum motum, statum e-
 jus qui ad sanam mentem requiritur mu-
 tare: inflammationem cerebri, vel magis
 vel minus generalem et vehementem, ali-
 quando subesse satis verisimile est, quam-
 vis generalia inflammationis in corpore sig-
 na levia fuerint: docent cadaverum inspec-
 tiones, quæ sæpe ostenderunt insolitum, vel
 totius cerebri vel partis ejus, ruborem, et
 effusionem,

effusionem, suppurationem, &c. intra caput.

294. Verum et ab aliis causis, præter sanguinis motum, cerebri status multum affici potest, et delirium induci. In multis febribus, veluti in iis quas insignis debilitas ab ipso initio comitatur, *genus* ipsum *nervosum* prius et magis quam sanguinis motus laborat: cujus vitia bene multa, non secus ac sanæ actiones, sensibus non obvia erunt. Signa vero læsionis plane ostendunt inæqualem, inordinatam, ejus actionem, vel incitationem, ut multi vocant, fieri. Delirii a venenis hæc quoque ratio est.

295. Ex dictis, ratio non plene quidem sed aliquatenus redditur, cur varii generis, vehementiæ, ominis, delirium; cur sæpe motu, luce, strepitu, animi affectibus, medicamentis stimulantibus, calore, auctum; cur nunc misso ex venis sanguine, et tenui diæta, nunc vino et stimulantibus tollatur;
cur

cur aliquando visu et colloquio amicorum et adstantium, rerumque bene notarum conspectu, levetur vel compescatur; cur sæpe ingravescat si æger in lecto detineatur, mitius evasurum si surrexerit, et paulisper erectus sederit.

296. Melancholiæ et insaniæ ratio multo densioribus tenebris obtegitur: scilicet, quæ sine febre sunt, aut motu sanguinis ullo modo turbato; sæpe quoque hæreditariæ, a prima et congenita, corporis, et præsertim cerebri, fabrica, pendentes, cujus tamen vitium a subtilissimo *anatomico* non detegi posset: quæ per intervalla recurrunt sæpe longa, quibus homines mente sana in corpore sano frui videntur: et quæ denique a malis mentis, gravibus nimirum affectibus, sæpe oriuntur, quorum effectus in cerebrum, et modus quo agunt, prorsus ignoti sunt.

297. Notum tamen est, varia cerebri vitia, obstructions, tumores, vel ipsius, vel

calvariae in id prementis, vim capiti illatam, et, ut ferunt scriptores medici, cerebri ipsius duritiem, siccitatem, et irritamenta quædam *genus nervosum* stimulantia, malum inducere. Et profecto tanta irritatio mente captis est, ut sæpe per longum tempus parum vel nihil dormiant, neque solitis remediis sopiantur.

298. Sed neque hæc, quamvis exigua et imperfecta, de cerebri et mentis morbis, scientia, suis difficultatibus caret: nam data cerebri vel partis ejus cujusvis læsione, tumore, ossæ in mucronem crescente et irritante, &c. nemo prædixerit quidnam mali talis læsio factura sit; *epilepsiam*, *apoplexiam*, *hemiplegiam*, stuporem, melancholiam, furorem, dolorem capitis, aut nil præter solitum. Non desunt enim exempla hominum, qui, post amissam haud exiguam cerebri partem, convaluerunt, et diu vixerunt; vel qui, corrupta magna cerebri parte, nil incommodi perceperunt, donec

donec tandem subito corruerint convulsi et moribundi.

299. Supereſt et aliud ſenſuum internorum vitium, ab his omnino diverſum, fatuitas ſcilicet. Fatui ſunt qui iudicium de rebus nullum, et memoriam aut nullam, aut vitæ muneribus imparem, habent. Fatuitas quædam revera omnibus infantibus communis, naturalis, neque morboſa eſt: quod ſi ultra infantiam permanſerit, tum morbus eſt, gravis, et plerumque inſanabilis. Similes ac alia ſenſuum internorum vitia fatuitas agnoſcit cauſas, quantum hæc oculis vel ſcalpello detegi poſſint: *epilepſiæ* frequens comes et effectus obſervatur. Hæc, ſi a cauſis extra caput ſitis originem duxerit, veluti a vermibus in inteſtinis hoſpitantibus, expulſis vermibus, ſanataque *epilepſia*, mens fatuo aliquando accedit.

300. Haud abſimile eſt, fatuitatem infantum, et memoriæ, ideoque iudicii de-

fectum, qui fenibus accidit, a cerebro in his nimis duro et rigido, in illis vero nimis molli, oriri.

C A P.

C A P. XI.

De motu muscutorum.

301. **M**Obilitas est vis, seu facultas, qua, admoto stimulo, fibræ muscutorum se contrahant.

302. Varii dantur stimuli; omne imprimis acre *mechanicum*, quicquid scilicet pungit, fecat, vellit, lacerat, distendit, contractionem fibrarum muscutorum excitat; tum quoque multa acria *chemica*, animalis, vegetabilis, fossilis generis; frigus etiam, calor, scintilla *electrica*, cum his annumeranda sunt.

303. Quidam ex his stimulis, distentio imprimis,

imprimis, in partes solidas (quæ, distinctionis causa, mortuæ vocantur) (70. et seqq.) agunt. Multum vero differt contractio earum ab illa de qua nunc agitur. Parva enim est, et lenta, et constans, nec prius sit quam vis distendens sublata fuerit, scilicet quam superare nequit.

304. Contractio musculorum vero subita est, et validissima, vi distendente sæpe major, quippe quam aliquando vincit; porro, alternam relaxationem habet. Facile igitur distingui potest mobilitas illa quæ solis fibris musculorum propria est, a vi resiliendi, qua, plus minusve perfecta, omnes solidæ partes corporum animalium pollent.

305. Contractionis musculorum ratio, diu multumque frustra quæsita, adhuc latet: ejusdem autem hic fere modus, hæc lex est, si in fasciculo fibrarum e corpore exacto attente spectetur. Tremat tota, brevior sit, et crassior, et durior, et rugosa,

la, et pallida interdum, dum agit fibra: tum relaxatur, fit plana, levis, mollis et longa iterum, et demum suam contractionem integrat.

306. Multum vero abest, ut semper in vivo et integro corpore eodem modo agant muscoli. Longi enim musculi trunci corporis et artuum, ad arbitrium hominis, non modo contrahuntur, sed diu contracti manent: quamvis profecto sibi relictī brevi relaxarentur. Porro, cavi musculi, fibræ scilicet quæ cava corporis organa circumdant, relaxationem suam ostendere nequeunt; veluti in corde, arteriis, intestinis, vesica: quamvis harum quoque partium actiones, bene intellectæ, alternam relaxationem, contractioni succedere, demonstrant. Postremo, musculi illi qui varia quibus præponuntur ossia claudunt, et *sphincteres* vocari solent, nunquam in sano homine, ut videtur, penitus relaxantur.

307. Perspectis probe diversorum musculorum fabrica, et situ, et finibus, et, cum aliis partibus

partibus conjunctione et nexu, variæ illorum actiones, varique in corpore usus, facillime intelligentur; simulque perspicuum erit omnes quibus inserviunt actiones, communi illorum motu, scilicet vel simplice contractione, vel hac cum alterna relaxatione juncta, et repetita, absolvi. Sic longus musculus dum agit, oportet partes quibus adnectitur appropinquare faciat: cavus vero musculus oportet arcior fiat, et quicquid continet qua datur porta propellat; *sphincter* vero ostium cui præponitur claudat. Et hi profecto musculorum usus sunt.

308. Musculi fere definunt in substantiam tenuem, (si cum mole ipsius musculi comparata fuerit), firmam, validam, splendentem; quam veteres *nervum*, recentiores vero scriptores, distinctionis causa ab alio nervorum genere (108.) *tendinem* vocarunt. Hujusmodi autem fabricatio partibus musculosis, hoc plane consilio, a summo corporis opifice datur, quo facilius
et

et elegantius, ossibus, cæterisque quibus opus est partibus, adnecterentur; et quo plures muscoli ipsis ossium punctis quibus oportebat inserti, varios artus, et universum corpus, quam optime moverent et regerent. *Tendo* vero nihil agit, et pro fune in machina haberi potest, qua motus partis cujusvis cum aliis et remotis partibus communicantur.

309. Diu multumque disputatum est, musculi num augeretur an minueretur moles, donec contractus esset. Differentia, siqua revera sit, adeo parva est, ut neque ad mensuram facile reducat, neque qualis sit hætenus pro certo constet.

310. Immani vixque credibili vi agunt musculi. Docent ingentia quæ tollant pondera, quamvis multum absit ut tota fibrarum vis apte ad istum motum efficiendum impendatur; imprimis ob *tendin-*
em, proxime centrum motus insertum,

eundemque valde oblique decurrentem: tum quoque propter fibras singulas, quæ fasciculos constituunt, ipsosque demum fasciculos, oblique admodum tendentes, ad lineam directionis *tendinis*, quo fit ut magna pars virium, adeo oblique, fere contrarie, agentium, se perdat. Ex his principiis, subducto calculo, enormis vis musculorum eruitur, cujus denique duplum sumendum est, pro vi quam musculus exerat, vel sustineat; quoniam actio omnis istiusmodi reciproca est, et musculus ideo tanta vi ad suam originem trahitur, quanta partem cui inferitur trahit. Tantæ vis vel vigesima pars musculum e corpore extractum dirumperet et divelleret. Miram igitur, si nil erroris hic subest, oportet esse vim vitalem musculorum.

311. Neque profecto, dispendio virium tantum consuluisse videtur Natura, quantum corporis elegantiae et formæ, ad omnes motus pulcherrime accommodatæ.

312. Insignis

312. Insignis quoque est ipsa musculi contractio; sed varia variis partibus. Sunt qui quarta parte breviores fiunt musculi; sunt qui ad quartam partem, in quibusdam animalibus, ad decimam partem, pristinae longitudinis, contrahuntur.

313. Incredibili velocitate peraguntur et repetuntur musculorum contractiones. Docent cursus, præsertim quadrupedum; vel lingua, quæ quadringinta vocabula, forte bis mille literas, exprimit, spatio temporis quod *minutum* vocare solemus, quamvis ad multas literas exprimendas plures musculorum contractiones requirantur.

314. Musculi alii facilius, alii ægrius motus concipiunt: tum in variis hominibus, tum quoque in eodem homine variis temporibus, aliter atque aliter se habente.

315. Quin et eadem res quæ certos musculos ad motus incitant, alios parum afficiunt.

316. Philosophi motui muscutorum animos attendentes, varios se perspexisse fontes crediderunt, unde mira eorum vis derivata esset, subtilius aliquando quam vere de re satis simplice ratiocinati.

317. Vim resiliendi haud exiguam, non secus ac omnis pars solida corporum animalium, manifeste possident muscoli, etiam post mortem superstitem: quicquid vero motus amplius habent, id a vita omnino pendet, et a nexu qui ipsos inter et cerebrum et nervos intercedit.

318. Proxima tamen huic simplici vi resiliendi, est vis quæ vocatur *tonica* muscutorum: nimirum distentio ipsa stimulus est, cui omnis musculus paret (302. 303.); et omnes fere muscoli vivi hominis plus minus distenduntur ultra statum naturalem, eum scilicet statum, quem, suæ spontis facti, tenerent.

319. Hujusmodi distentio datur, imprimis,

mis, ipsis quibus adnectuntur crescentibus ossibus, tum quoque actione muscutorum oppositorum, reciprocorum, tum porro pondere partium quarundam quas musculi sustinent, et denique plenitudine cavorum organorum aut viscerum, quæ musculi circundant, vel quibuscum quivis modo connectuntur.

320. Vis *tonica* augetur, et vigor actionis musculi simul, majore distentione: minore, minuitur. Hinc intelliguntur vaporum plenitudinis effectus in motu sanguinis incitando: hinc quoque ratio pendet, sanguinis in multis morbis mittendi; nimirum quo non detur, ad impetum sanguinis temperandum, certius aut præsentius auxilium.

321. Huic autem vi *tonicæ*, quatenus a distentione pendeat, sui limites sunt: ingens enim aut diuturna fibrarum musculosarum distentio tantum abest, ut contractionem earum faciliorem et validiorem reddat,

reddat, ut eandem sæpe minuat vel destruat; et sic muscoli fere solvantur, pristinam vim neque facile neque subito recuperaturi.

322. Porro, musculus nullo præter solitum modo distentus, ad contactum stimuli cujusvis se contrahit. Huic facultati nomen vim *insitam* medici imposuerunt.

323. Denique, intacto musculo, si stimulus nervo qui cum adit admotus fuerit, similes motus excitantur. Vel, si cerebrum ipsum irritatum fuerit, plurimi aut omnes muscoli convelluntur. Hæc facultas vis *nervosa* appellatur; a vi *instita* sedetantum diversa.

324. Postremo, intactis musculis, nervis, cerebro, sola voluntate plurimos musculos ad contractionem ciemus: hæc vis recte *animalis* vocatur, quippe quæ solis animalibus contingat.

325. Non

325. Non omnes tamen muscoli voluntatis imperio subjiciuntur : et plurimæ et maximi momenti actiones, inscio, invito, vel contra nitente homine, absolvuntur. Hinc motus musculorum est vel voluntarius vel invitus.

326. Motus omnium, capitis, vultus, oculorum, oris ad *pharyngem* usque, cervicis, trunci, artuum, musculorum, in sano homine, voluntarius est, scilicet, sola voluntate excitari potest ; quamvis nonnunquam citra morbum, inscio aut nolente homine, isti muscoli exerceantur.

327. Inviti motus sunt cordis, artierum, organorum secernentium, totius tubi intestinorum a *pharynge* ad anum, pupillæ oculi, aliorumque *sphincterum*, (quamvis sane in plerosque horum nonnihil imperii habeamus), meatuum urinæ, vesicæ, uteri, *bronchiorum*.

328. Medium fere locum hos inter occupant

cupant respirationis musculi, septum scilicet transversum, musculi abdominis, et qui inter costas jacent, et quotquot cum costis ita conjunguntur musculi, ut horum contractio eas vel firmare, vel elevare, vel deprimere possit.

329. Vix aut ne vix quidem credibile est, vires, quas Natura fecit distinctas, facile posse confundi, hominemque sanum, imperium in voluntarios motus amisisse, in invitos adeptum esse unquam.

330. Motuum, qui citra voluntatem peraguntur, singuli excitantur stimulo quodam, aut ipsis musculis admoto, aut parti sentienti forte distante, quamvis per consensum nervosum cum iis conspiranti, aut in cerebrum, aut mentem ipsam, agente; unde, secundum primam atque congenitam corporis fabricam et constitutionem, certæ tantum partes afficiuntur, et ad motum cientur.

331. Admovisse

331. Admovisse igitur videtur provida rerum Parens incitamenta quæ oportebat iis organis, quorum actiones ad vitam sustinendam, corpusque reficiendum, vel ad certa vitæ munera exercenda, omnino necessariæ essent. In ea autem quæ partim vitali munere funguntur, partim aliis, minoris momenti, neque perpetuis, officiis inserviunt, divisum imperium homini dedit; reliqua demum ipsius arbitrio permisit.

332. Motuum qui ex voluntate sunt, homo sibi conscius est: vix fane uniuscujusque muscoli qui juvet, sed ipsius voluntatis et conatus, et motus totius membri, dummodo animum ad hoc attendat. Longa consuetudine sensus iste debilior evadit; nunquam vero penitus deletur.

333. Contra, qui inviti sunt motus, vix percipiuntur; neque in sano corpore percipi possunt. Quod, si vehementes, imperfecti, abnormes, difficiles, aut impedi-

ti fuerint, tunc sensus quidam molesti veluti dolor aut anxietas, nascuntur.

334. Medii hos inter, motus respirationis nempe, sibi permixti, parum sentiuntur: sed, adhibita animi attentione, percipi possunt. Quod si insolito more ad nostrum arbitrium exerceantur, tum majorem sensum faciunt; impediti hominem miserrime angunt (184. & seqq.).

335. Musculi voluntarii motus justo et valido usu, modo hic non nimius fuerit, firmiores, mobiliiores, et validiores redduntur, et magis torosi fiunt: hinc, ab ipsa forma, de viribus hominis judicare solemus. Res sculptoribus bene perspecta, qui alia ratione Herculem, quod ad musculos, alia Apollinem, alia Venerem exprimere norunt.

336. Robur et mobilitas singulorum musculorum usu augentur: quin et plurimum, qui ad eundem motum præstandum conspirant,

conspirant, musculorum conjunctio, sæpe repetita, ipsa consuetudine, facilior, promptior, expeditior, et accuratior fit.

337. Si vero motus vehementes, insoliti, difficiles, aut diuturni fuerint, tum vires exhauriuntur, homo defatigatur. Actiones, qualescunque exercebat, debiliores, incertæ, tremulæ, fiunt; sensus ingratus sui generis, deinde dolor, postea rigiditas, artubus laborantibus accedunt, debilitas et languor universo corpori; quæ omnia requiem et somnum fortiter suadent. Si nulla laborum intermissio intercedat, ingens et universus virium defectus, subitaque interdum animi defectio, ultima demum mors ipsa, iis finem imponunt.

338. Contra omnino, inviti motus musculi, neque usu roborari possunt, quippe quem in sano corpore unum eundemque semper habeant, neque ulla exercitatione fatigari. Cor ipsum, validissimus musculus, centies millies quotidie micat,

post octoginta annos, nihilo magis fatigatum. Post vehementem vero, aut insolitum, aut abnormem motum, inviti etiam motus musculi quodammodo debiliores evadunt: nunquam vero sensum defatigationis habent.

339. Musculi demum respirationis sibi permixti non defatigantur; voluntatis imperio recti, facile, non secus ac musculi voluntarii motus; ita ut ad insolitam actionem diutius non valeant. Sensus vero defatigationis vix ab iis percipitur.

340. Verum enimvero, ipsi motus voluntarii musculi, in sanissimo etiam homine, aliis quoque stimulis aliquando parent; qui hominem, nunc conscium, nunc inscium, aut nolentem, vel subito rapiunt immani vi, cui resistere nequeat, vel mitius et gratius sollicitant, invitant, et filo tenui, et parum sæpe perspecto, ducunt.

341. Animi imprimis affectus, ira, gaudium,

dium, mœror, metus, amor, odium, certos motus in musculis excitant, præsertim vultus; quo fit ut singuli sese in ore exprimant, plus quam Phidiaca arte. Diurni et graves, et sæpe repetiti, fortius et constantius depinguntur, difficillime delendi: hinc sæpe iracundiæ imago ubi nulla ira est: hoc fundamento nititur ars physiognomonis. Alii quoque muscoli, præter vultus, eadem causa in motum ciuntur; ita ut homo, corpore, gestu, voce, multos animi affectus exprimat. Quin et in musculos inviti motus, animi affectus latum imperium habent; in cor, arterias, organa fecernentia, ventriculum et intestina, respirationis musculos, unde sanguinis motus incitator, debilior, abnormis, secretiones et concoctio cibi vitiatæ, et insolitus respirationis modus.

342. Affectus animi recte distinguuntur in excitantes, et deprimentes: scilicet, qui vires vitales augment vel minuunt. Prioris generis sunt ira, gaudium; posterioris, mœror,

mœror, metus: sunt quoque affectus mixti, et quasi ancipites, nunc ad unum, nunc rursus ad alterum genus, referendi; veluti amor, qui excitat vel deprimit animos, prout ipse prosperus fuerit aut infelix. Ingens quoque et subitus terror excitantis nonnunquam affectus vice fungitur, et ad rapidos et vehementes motus impellit.

343. Quin ex utroque genere periculum esse potest: ipsique animi affectus inter causas morborum non immerito recensentur (55.). Qui valde excitant, prima sua in *genus nervosum* actione, hominem aliquando extinguunt: aut minus intensi, vitiato tantum humorum motu, eidem nocent. Qui deprimunt animos, totum hominem debilitant, ad omnes functiones vitales, naturales, animales, ineptum reddunt: unde lenta valetudo, et morbi sæpe insanabiles.

344. Curiositas alia, et haud levis motus animalis causa, hic quoque fortasse debet

bet annumerari, scilicet quæ ad res novas, ignotas, contemplandas, explorandas, hominem vix opinantem, sed conscium semper, impellit: infanti maxima, utilissima est, quippe qua ad organa sua exercenda, eorumque usus discendos, incitetur, et sic multa sine magistro discat, melius et certius, quam optimus magister docuisset. Hoc modo infans ipse propriis manibus futuræ suæ scientiæ fundamenta jacet. Eadem adulto homini sæpe minor, seni decrepito fere nulla est. Allicit natura hominem certa voluptate, tanquam præmio, ut organa sua, tum sensus tum motus, probe exercent, quo utraque roborentur, et ipse sic multa discat quæ sui intersint. Hoc quoque stimulo impellitur, hoc præmio invitatur, ad res remotiores, et quas densa caligo tegat, persequendas, donec tandem multas, quas natura visibus humanis negabat, oculis demum pectoris hauriat.

345. Porro, sola imitatione multa facimus,

mus, multa discimus. Imitatur nondum conscius infans quicquid vel videt vel audit: et vir adultus, et suæ spontis, inscius vel forte invitus, tantum adhuc imitatur, ut hominum quibuscum versatur mores et sermonis prolationem, quamvis sæpe nolens, acquirat. Omnem sermonem infans imitando discit, aliter, ut quibusdam persuasum est philosophis, mutum et turpe pecus futurus.

346. Huic quodammodo affinis est, altera illa, subita, et vehementior imitatio, quæ, dementiæ instar, non singulos tantum homines, sed totos populos, nonnunquam rapuit. Hac tanquam contagione, varii animi affectus, tristes, læti, ridiculi, ab unius vultu per omnium pectora dimanant. Ardor pugnæ, et plus quam spes victoriæ, ab alacri ducis cui confidunt milites vultu, totam aciem dicto citius pervadit, et multa millia pectorum pariter accendit: iidem vero milites, victoria jam parta, unius vel ignoti hominis terrore perculsi,

perculsi, turpiter terga dederunt, nulla auctoritate, nulla vi coërcendi.

347. Quin et fanaticorum quorundam furor, simili modo aliquando diffusus est : hominesque se sanos credentes, qui talem insaniam temptassent et irrississent, solo visu et auditu furentium, ipsi dementiæ facti sunt participes.

348. Par ratio est affectionum quarundam *nervosi generis* ; oscitationis, *hysteriæ*, *epilepsiæ*, quæ solo visu mirum in modum sæpe propagantur.

349. Instinctus etiam, qui vocatur, motus causa est, in cæteris animalibus notabilis, in homine ipso haud levis momenti. Hoc magistro instructus, novus in terris hospes mammam matris quærit, papillam ore prehendit, et, ope multorum musculorum simul conspirantium, fugit : actio aucto homini haud ita facile imitanda. Binos quoque oculos, musculis omnino di-

flinctis, diversosque nervos habentibus, rectos, ut decet, regere, et in eandem rem convertere novit.

350. Ad instinctum quoque pertinent appetitus varii, quibus ad proprium corpus reficiendum, genusque suum propagandum, homo impellitur. Fames itaque, fitis, cupido, motus excitant ad certos fines directos. Sunt et aliæ nonnunquam cupiditates definitæ, tam morbosæ quam salutares, a statu corporis pendentes, instinctus referentes, quæ non immerito inter appetitus annumerantur: absorbentium, acescentium, vegetabilium, carnium salutarum, aromatum, et similium rerum desideria.

351. Propensiones bene multæ tum sano tum morbido corpori contingunt, variosque, plerumque non sine conscio homine, motus efficiunt: cujusmodi ad alvum evacuandam, urinam reddendam, tussim, sternutationem, oscitationem, artuum extensionem,

sionem, et vomitum impellunt. Si levior fuerit propensio, voluntatis imperio aliquando utimur, ad motus naturales, quos excitare solet, reprimendos. Eadem vero gravior facta, impediri nequit quin suos demum motus efficiat.

352. Multi et miri ex tot variis causis in corpore motus fiunt, eo plures, et sæpe minus intellecti, quod partes ipsæ intactæ moventur a stimulo, qualiscunque is fuerit, aliis et remotis partibus admoto. Hoc, consensus, *sympathia nervosa*, vocari solet: cujus scientia, medico, tum ad dignoscendos tum ad sanandos morbos, imprimis utilis erit.

353. Totum corpus una máquina est, cujus variæ partes, variæque actiones, ad certum finem conspirant. Partes quædam forte illius munere sibi proprio funguntur: longe vero plures communem cum aliis partibus functionem habent: neque certæ partes affici possunt, quin tota machina,

ejusdem affectionis particeps facta, graves mutationes subeat. Hinc consensus iste generalis, quo omnes fere corporis partes reguntur: hinc quoque consensus ille specialis, quo fit ut partes quæ communi munere funguntur, semet invicem afficiant, reliquo corpore parum vel nihil mutato.

354. Generalis consensus observatur inter cerebrum et totum *genus nervosum*, ideoque inter cerebrum et universum corpus: quod profecto nil mirum, quippe cujus vis omnis a cerebro derivetur. Porro, consensus vix minus generalis, intercedit inter ventriculum et totum *genus nervosum*: quin et cutis ipsa, membrana reticulata, vasis nervisque probe instructa, tanto consensu cum reliquis partibus corporis gaudet, ut parva admodum ejus pars, certa ratione affecta, totam afficiat, et in remotis corporis partibus, ventriculo, renibus, et universo *genere nervoso*, miras mutationes inducat.

355. Specialis

355. Specialis consensus multa exempla sunt: inter binos oculos, inter *retinam* et musculum pupillæ ejusdem oculi, inter uterum et mammas, inter pulmonem et septum transversum, inter fauces et ventriculum, inter varias partes intestinorum, inter ventriculum, vel intestinum rectum, et musculos abdominis et septum transversum.

356. Consensus quidam naturales, quidam morbofi sunt: scilicet, alii in sano corpore observantur, ad vitæ et sanitatis munera conducentes, vel forte necessarii; alii non nisi morbo jam existente se ostendunt, ejusque signum et pars sunt. Hujusmodi inter renem et ventriculum, nares vel asperam arteriam et septum transversum, pedes et ventriculum, in calculo, podagra, *hysteria*, gravedine, observantur.

357. Postremo, nonnulli consensus in sanitate nunquam observandi, etiam in morbis insoliti, in quibusdam morborum exemplis observati sunt; veluti *trismus* a vulnere

vulnere forte levissimo; vel alii rarissimi, veluti dolor et calor plantarum pedum ab ulcere in vesica.

358. Ratio harum rerum satis obscura; neque plena explicatio hætenus data est. Juvat tamen monuisse plerisque consensus, tum generales tum speciales, pendere a nexu, quem omnes corporis partes cum cerebro habent: idque certa ratione certo stimulo (ubicunque is demum admotus fuerit) affectum, vel statum universi *generis nervosi* mutare, vel quasdam præ cæteris partes ad motum incitare. Secto enim, vel compresso, vel obstructo, vel quovis modo læso, nervo alterutrius partium quæ consentiunt, vel demum, destructo ipso cerebro, consensus nullus est; quamvis partes ipsæ ad contactum stimuli se vim suam moventem non amisisse ostenderent.

359. Alii vero consensus, utriusque generis, a vicinitate partium, vasorum sanguinem vehentium conjunctione, nervorum
nexu,

nexu, membrana reticulata ab alia ad aliam extensa, oriuntur; veluti totius cutis, tunicæ *adnatæ* cum *retina* et aliis partibus internis oculi; intestini recti cum vesica et utero, vesicæ cum ostio *urethræ*: fatendum tamen est, consensus, qui inter partes quæ longe distant observantur, rarissime hoc modo explicationem accepisse, multosque operam perdidisse, qui industria et acumine haud mediocri laboraverant, ut conjunctiones vel minutissimas, arteriarum, aut nervorum partium consentientium, detegerent.

360. Consensus quidam insoliti, morbofi, oriri videntur a parte jam præter solitum sentiente, et mobili, et debili, ideoque ab aliarum partium statu, vitiis, irritamentis, plus æquo patiente. Hæc forte ratio est, cur multi morbi a causa generali provenientes, in partes jam debiles aut morbidas facilius incumbant.

361. Plurimi denique motus in corpore,
tum

tum sano, sed multo magis si morbidum fuerit, excitantur; qui sæpe præter spem multa incommoda, multa pericula, multa mala jam urgentia, summovent, morbos vel arcent vel depellunt, et sic totam machinam diu incolumem præstant (59. et seqq.).

362. Adhuc sub iudice lis est de natura et potestatibus hujus *autocratiæ*: nimirum, siue ad leges motus animalis generales referendi sint motus isti salutares, siue ipsa machina animalis vi gaudeat speciali et definita, curandi, ne quid ipsa detrimenti capiat, motusque excitandi quales ad hunc finem oporteat.

363. Certissimum est, multas res, quarum natura est motus sopire et compefcere, motus aliquando validissimos, et quam maxime salubres, excitare. Neque tamen hoc litem adimit; quoniam, secundum leges motus generales, quas satis perspectas habemus, plurimæ istiusmodi causæ, certa ratione et conditionibus, stimulum
satis

fatis validum dare possint. Ipsa debilitas hoc sæpe facit, et quicquid fere solitas organorum actiones impedit.

364. Non defuerunt medici, nec parvi nominis, qui omnes hujusmodi motus ad mentem ipsam retulerint, judicantem, quid periculi instaret, et quomodo summovendum esset; et igitur tales motus excitantem, quales crederet ad eum finem aptissimos.

365. Nemo qui Naturam contemplatur tam excors erit, qui negaverit, multos quos sæpe excitat motus saluberrimos esse, et medicis igitur quantum fieri potest imitandos et promovendos: verum nec quisquam, qui propriis oculis vult fidere, non viderit alios eorum bene multos, inutiles, nimios, noxios, esse, et medicis ideo sopiendos, compescendos, temperandos, ut ægrum duplici periculo furripiant. Quod si omnes isti motus, ut quidam revera sunt, summo consilio et sapientia instituti

essent, non eo magis ad mentis actionem referri debuissent: nimirum, qui nullo modo a mente pendeant, quorum plerumque mens non conscia sit; quos sua sponte excitare nequeat, neque ab alia causa excitatos, aut impedire aut temperare: qui denique in stolidissimo hominum, aut in bellua, neque vitii neque remedii quod adhibetur conscio, pariter ac in sagacissimo et peritissimo philosopho aut medico perficiantur. Discant interea medici, quid boni sperandum sit, quid mali metuendum, a viribus quæ tam latum imperium in corpus habent: rationi qua agunt, quamvis hætenus obscuræ, non est dubitandum, quin serius ocyus dies lumen attulerit.

366. Omnes motus qui strictius animales vocantur, nempe, quotquot a voluntate pendent, et ipsi naturales et vitales in quos divisum imperium habemus, mirum in modum reguntur consuetudine. Vis, velocitas, ordo, tempus, reditus, sensus,
ab

ab hac potissimum pendent. Motus primo difficiles, nec sine gravi sensu perficiendi, et penitus voluntarii, sæpe repetiti, promptiores et faciliores fiunt; et tandem, incio fere homine, hoc est, non attendente, peraguntur. Sibi permixti, certo et solito ordine perficiuntur: aliquando etiam alieno aut novo ordine perfici nequeunt. Majorem vim et velocitatem motus musculi adipiscuntur usu, propter rationes (335. 336.) memoratas. Quidam stimuli, motusque ab illis pendentes, qui incertis intervallis redire solebant, consuetudine ad certa tempora reducuntur; veluti cibi appetitus, propensio ad alvum evacuandam et urinam reddendam, et similia. Quin et novi appetitus consuetudine sæpe discuntur, haud ita facile dediscendi; veluti vini, *thææ*, *coffææ*, *nicotianæ*, et multarum rerum, quas tantum abesset ut natura appeteremus, ut primo ingratae et vix tolerabiles fuissent. Par ratio est, quod multi stimuli, validiores quam quos Natura necessarios fecit, post longam consuetudinem necessarij fiant. Hinc fac-

tum est, ut homo, seipsum, si cupiat, plurimum mutandi, et quasi denuo refingendi, potestatem habeat: res medicinam facientibus haud mediocris utilitatis, ad vitia quædam constitutionis corrigenda, et multos morbos præcavendos; dummodo cautum fuerit mutatio, quam cupiunt, et efficere tentant, lente et prudenter inducatur.

C A P. XII.

*De vitiis motus musculorum ; mobilitate nimia,
torpore, paralyfi, spafmo.*

367. **V**IS movens multis vitiis obnoxia est, eo magis attentione dignis, quod ex his plerique corporis morbi pendeant ; quatenus ad omnes functiones vivi animalis motus musculorum requiratur.

368. Mobilitas ipsa nimia esse potest. Probe distinguendum est hanc inter et vigorem. Mobilitas est facilitas qua fibræ musculorum ad contractionem cientur : vigor, contra, est vis qua contractio perficitur. Nonnunquam juncta, sæpius adverfa,
hæc

hæc vitia observantur, contrariaque fere agnoscunt causas.

369. Mobilitas nimia est, si quando vel a stimulo justo leviori motus excitantur, vel motus nimii a solito stimulo; quod si acciderit, motus quoque abnormes esse solent.

370. Certum corporis temperamentum, aliquando hæreditarium, homines huic vitio opportunos reddit. Fœminæ plus quam viri mobiles sunt. Prima ætas valde mobilis, sæpe nimis; juvenus minus quam infantia, plus quam virilis ætas. Senectus sæpe vix satis. Vitæ genus otiosum, sedentarium, victus plenus, opiparus, excretiones solitæ suppressæ, plenitudo vasorum quæ sanguinem vehunt, nonnunquam subita exinanitio eorundem, laxitas seu flacciditas solidarum partium; aliquando vero tensio nimia fibrarum moventium, usus diluentium, præsertim tepidorum, calor, quo-

quomodocunque admotus fuerit, sensus acutior, nimiam mobilitatem dant.

371. Potest esse vel generalis vel specialis, prout causæ ejus, vel parti cuidam vel universo corpori, admotæ fuerint.

372. Vigor generalis raro morbosus est: nimius tamen quarundam partium musculosarum, præ aliis, vigor, nonnunquam observatus est. In mente captis, in phreniticis, ingens vis omnium musculorum, præsertim qui voluntati parent, spectatur, et non immerito morbida habetur. Ratio tanti excessus satis obscura videtur; qui tamen ad statum cerebri male se habentis plane referendus est.

373. Frequentior, et majoris momenti, vigoris excessus, observatur in fibris musculorum qui voluntatis imperium non agnoscunt, præsertim in iis qui sanguinem movent. Hujus circuitus sæpe præter solitum intenditur, non sine gravi valetudinis

nis

nis et vitæ incommodo aut periculo. Levior hujusmodi excessus, totum corpus pervadens, homines morbis inflammationem habentibus opportunos reddit, et *diathesis phlogistica* vocari solet: gravior autem et partis singularis, in ipsa inflammatione cernitur.

374. Nimius vigor fibrarum musculosarum oriri potest, vel a vi nervosa præter modum aucta, veluti in infania, phrenitide, aut vehemente animi affectu, vel a nimia fibrarum tensione, qua facilius et vehementius motus concipiant, veluti articularum distensione a magna plenitudine vasorum propter sanguinis abundantiam, vel a frigore vel calore frigus excipiente, ut tempore verno solet accidere; vel, denique, vi nervosa et tensione fibrarum nil mutatis, actio earundem nimia erit, a stimulo solito vehementiore admoto, vel a solito stimulo, si fibræ ipsæ jam nimis mobiles factæ fuerint.

375. Hinc

375. Hinc intelliguntur effectus multarum rerum boni malique pariter, et actio multorum remediorum quibus utimur, ad vim et actionem fibrarum moventium incitandam, temperandam, dirigendam; veluti diætæ tenuis vel lautæ, vini, opii, stimulantium, et quorundam evacuantium.

376. Mobilitati nimix torpor, vigori nimio debilitas, contraria vitia sunt. Torpor est imminuta mobilitas, neque ad vitæ munera bene exercenda sufficiens. Contrarias, ac nimia mobilitas, agnoscit causas; solidarum imprimis partium conditionem duriores, rigidiores, vel aliquando laxam, flaccidam, ætatem provecctam, temperamentum peculiare, *phlegmaticum*, frigidum, parum sentiens, laborem nimium, perpetuum, frigus, victum tenuem, exhaustum corpus. Malum eo magis metuendum, et sanatu difficilius, quod, solitis naturæ viribus deficientibus, neque corpus ipsum quicquam conetur, neque re-

VOL. I. C c media,

media, alioquin efficacissima, multum juvent.

377. Debilitas est, si quando motus musculorum, siue id genus quod a voluntate est, siue alterum, quod invitum est, iusta vi non perficitur. Major vel minor, generalis vel partis cujuslibet, omnes fere morbos comitatur, neque minima eorum pars est. Corpus quoque innumeris morbis obnoxium reddit, et quasi inerme obijcit. A prima et congenita corporis fabricatione sæpe pendet, nullis remediis, nullo vitæ genere, penitus corrigenda. Varia quoque vis et robur variis ætatibus contingunt, et quod vir, florente ætate, facile perfecit, aut impune tulerit, idem, puerum vel senem, oppresserit, vel e medio sustulerit. Sæpe itaque vix morbosa haberi potest. At debilitas præter solitum et vere morbosa accidit, a vi nervosa minuta, cerebro nervisque male se habentibus, musculis eorum vitia participantibus, aut propriis corruptis, debita fibrarum tensione

sione sublata, ipsis rigidis et torpidis factis, corpore exhausto victu parco, inedia, exinanitione, morbisque demum, vel totum corpus, vel partes aliquas, afficientibus.

378. Summa debilitas, vires scilicet musculorum penitus vel pene deletæ, paralyfis vocatur. Est vel generalis, vel quorundam tantum musculorum. Generalis oritur a vitiis cerebri nervorumque, aliquando parum perspectis, neque scalpello *anatomico* detegendis; scilicet, vis ipsa nervosa deficit, fabrica organorum adhuc integra; sæpe tamen compressio, obstructio, læsio, inundatio sanguinis, feri, puris, tumores, &c. deteguntur. A quibusdam venenis in nervos agentibus sæpe nascitur, fumis metallorum quorundam veluti argenti vivi, plumbi, &c. nonnunquam a morbis partium, a cerebro, et musculis solutis valde remotarum, veluti a *colica Pictonum*. Singulorum musculorum paralyfis, sed minus perfecta, sæpe fit, intactis cerebro nervisque, a gravi et diuturno dolore, in-

flammatione, tensione nimia (321.), relaxatione, quiete, vel fabrica corrupta, qualis, post *rheumatismum*, podagram, luxationem, fracturas ossium, suppressionem urinæ in vesica, solet accidere.

379. Paralyfis vero quæ generalis habetur, et quæ a vitio cerebri oritur, raro universi corporis est. Paralyticos plerumque altero latere captos spectamus. Hæc *hemiplegia* vocatur. Fertur, et fane plurimorum jam medicorum observationibus confirmatur, latus adversum ab eo in quo cerebri vitium est, sæpius resolvi. Si partes omnes infra caput resolvuntur, *paraplegia* appellatur. In paralyfi, sensus plerumque superest, aliquando deletur, sæpe obtunditur. Raro, quod tamen pessimum est, motus, sensus, pulsus, calor artuum, qui solvuntur, simul pereunt; scilicet, ipsæ arteriæ paralyticæ fiunt. Paralyfis universi corporis, quod ad motus voluntarios, cum *anæsthesia* et sopore, *apoplexia* vocatur. Hæc a læso cerebro provenit: status vero huic simillimus inducitur *narcoticis*,
opio,

opio, et ipso vino, vel alio potu generoso, ultra modum sumpto, et denique aëre fixo, *mephitico*, venenato, et *phlogisto* corrupto, in pulmonem recepto.

380. Superest et aliud motus musculorum vitium, idque non leve aut rarum; *spasmus* scilicet. Hic est actio musculorum vehemens, abnormis. In duplex genus distinguitur, *tonicum* et *clonicum*. Hoc sæpe convulsio vocatur, distinctionis causa ab altero, cui soli nomen *spasmus* dari solet.

381. *Spasmus*, igitur, est, vehemens, constans, abnormis, contractio fibrarum musculosarum: convulsio vero, insolita, vehemens, contractio, cum relaxatione alternans. Utriusque est, si musculos voluntarii motus occupat, sine voluntate perfici: affectio vero una eademque est, siue musculis voluntarii motus incumbat, siue iis quorum actio a voluntate non pendet. Porro, binæ species hujus mali similes causas

fas agnoscunt, sæpe in eodem ægro observantur, et altera in alteram sæpe convertitur.

382. Habitus corporis nimis fentiens, nimis mobilis, homines *spasms* opportunos reddit; hinc malum foeminis, infantibus, debilibus, luxuriosis, desidibus, sanguine plenis, familiare.

383. Inducitur hominibus jam prolivibus factis, stimulo quocunque (302.) cerebro, nervo, musculo, parti consentienti admoto; cujusmodi sunt, dentitio, vermes in intestinis hospitantes, eademque irritantes, materies acris sanguinem inficiens, ventriculumve aut intestina gravans, irritatio nervi aut cerebri, ab osse præter naturam excrecente et in cerebrum premente, tumore, nimia plenitudine vasorum quæ sanguinem vehunt; dolor, vehemens animi affectus, subita exinanitio, venena quædam in corpus admissa. Sæpe tamen malum consuetudine ingravescens
levioribus

levioribus causis excitatur, parum cognitis, neque facile observandis.

384. Multorum morborum *spasmus* causa est et effectus, et sæpe maxima pars : cognitu et sanatu pariter aliquando difficilis ; nimirum qui tot induat formas, et signa tam varia edat, prout varia organa affecerit, quorum functiones mirum in modum perturbet, intendat, impediat : malum in ipsis primordiis constitutionis hærens, neque levi aut subita quavis mutatione summovendum.

C · A · P. XIII.

De somno; ejusque usibus, et causis, et varietatibus, et vitiis, defectu, excessu; eorumque noxis: et de ratione et causis somniorum.

385. **H**omo non semper valet ad sensum motumque voluntarium exercendum: utramque functionem oportet per intervalla feriari, ut vires musculorum nervorumque, exercitatione exhaustæ, quiete et otio reficiantur (3.).

386. Alter status, quo bene sentimus, musculosque voluntarii motus ad arbitrium regimus, vigilia est: alter, quo neque sensus est, neque motus voluntarius, somnus vocatur.

387. Al-

387. Alteruter vero plus minusve perfectus esse potest, ita ut homo nec plene dormiat, nec vigilantis muneribus bene fungatur. Qui sanissimi altum dormiunt, iis neque motus voluntarius est, neque sensus externus, neque interni, si quis fuerit, memoria ulla: semisomnes autem multas res externas percipiunt, quamvis parum accurate; multum recordantur, imaginantur, cogitant, variisque animi affectibus agitantur; loquuntur sæpe, surgunt aliquando, vestes induunt, ambulant, multaque, vigilantis instar, faciunt. Actiones vero vitales, quin et naturales, pergunt etiam in somno quam perfectissimo, quamvis nonnihil lentiores quam in vigile plerumque observentur.

388. Post solitos diei labores, levem cœnam, Venerem modice cultam, suavissimus somnus obrepit, suadentibus tenebris et silentio noctis. Præcedunt amor quietis et animi pariter et corporis tranquillitatis, debilitas, lassitudo, defatigationis sensus,

in iis musculis præsertim quibus maxime
usi sumus, et oscitatio, et frequens et vali-
da artuum extensio; sensuum externorum
hebetudo, internorum confusio, attentio
distracta, neque voluntati parens, recor-
datio injussa, invita, imaginatio vaga et
credita demum, delirii species, postremo,
omnium rerum oblivio: musculi fatigati et
relaxati, neque singulas quibus adnectun-
tur partes, neque ideo totum corpus, re-
gere et sustinere possunt: palpebræ nic-
tant et tandem clauduntur: maxilla cadit,
caput nutat, omnia membra leviter flexa
quiescunt, et corpus ipsum antrorsum flec-
titur, nisi decumbat dormiens. Pulsus ar-
teriarum tardiores et pleniores fiunt, respi-
ratio lentior et profundior, et multi dor-
mientes stertunt; calor minuitur, et ple-
ræque secretiones; et soliti appetitus et
propensiones non percipiuntur.

389. Diuturnitas somni pendet multum
ab ætate, temperamento, consuetudine, et
demum corporis statu tempore quo som-
nus

nus obrepserat. Finem eidem imponunt varii stimuli, vel extrinsecus admoti, vel intus orti, lux, strepitus, tactus rudior, fames, sitis, propensio ad urinam reddendam, &c. Tandem somnus rumpitur, neque adeo subito, quin perturbatio sensuum internorum, insomnium, hebetudo, et imperfectus externorum sensuum usus, plerumque observentur, et sæpe insomnii matutini recordemur, aliorum plerumque obliti. Expergiscimur demum, oscitamus, membra diu flexa extendimus, non fecus ac dormituri feceramus; appetitus et propensiones naturales denuo percipimus; exiguo temporis spatio, omnium corporis animique facultatum compotes facti.

390. Causa somni, nimirum, plena et proxima causa, adhuc latet, et fortasse diu latebit. Male fluido suo nervis exhaustis vicissim et repletis tribuitur; quippe quia somnus, plurimis exemplis, prorogetur facile, exhausto ut creditur fluido, et pro-

D d 2 . . . ducatur

ducatur diu postquam nervi fluido proprio debuissent abundare.

391. Nec melius a compresso cerebro somnus oriri creditur; plerumque enim nulla talis compressio ostendi potest: et sopor, a compresso cerebro inductus, differt multum a naturali somno. Ille enim nec vires reficit, nec ita rumpi potest, quin statim in eundem æger relabatur, ut stimulus qui excitabat sublatus fuerit. Somnus vero naturalis, nihil omnino admoto quod cerebrum a compressione liberaret, a stimulo quocunque facillime pellitur.

392. Docent omnia quæ somnum comitantur signa, universi *generis nervosi*, et imprimis cerebri, statum multum mutari. Qualis vero ista mutatio fuerit, non docent. Juvabit tamen novisse causas somni et vigiliarum remotas, quibus ignotus iste status inducitur, et quarum ope medici conantur, neque frustra, somnum, prout res postulaverint, temperare.

393. Sensus

393. Sensus omnis, externus internusque pariter, omnis animi affectus, omnis actio musculorum, *genus nervosum* excitant, hominemque vigilem præstant, eo certius, quo ipsa vehementiora fuerint. Sic vivida lux, strepitus, dolor, ira, gaudium, mœror, metus, anxietas, fames, sitis, cupido vehemens, motus corporis, memoria aut imaginatio vivida, cogitatio intensa, somnum adimunt. Nulla vero, aut levior, in organa sensuum impressio, susurrus apum, murmur labentis rivi, oratio frigida plumbea, ipsius denique memoriæ talis exercitatio, qualis neque nimis laboriosa est, neque mentem ullo modo commovet, somnum invitant atque conciliant. Sanguinis versus caput impetus nimius, qualis sæpe in febribus accidit, somnum pellit: libera vero et æqualis sanguinis per totum corpus, partesque imprimis extremas, distributio, somnum sæpe inducit. Quicquid corpus solvit, somno favet: hinc variæ exanitiones, balneum, fœtus, calor ipse aliquando, ad somnum conciliandum utilia.

Post

Post cibum et post concubitum somnus facilius obrepit; pacato scilicet vehementi sensu, et corpore ipso nonnihil soluto. Frigus intensum et diuturnum, somnum dat, haud facilem ruptu, sæpe morti continuatum. Denique, sunt res, quæ corpori admotæ, aut in id ipsum receptæ, *genus nervosum* non modo non excitant, sed plane sopiunt, ad sensum motum que minus aptum reddunt, et sic altum somnum inducunt. Hujusmodi sunt quæ vocantur *narcotica* remedia, opium, et similia: quibus annumerare oportet vinum ipsum nimia copia sumptum, et vapores quosdam lethiferos, veluti carbonis ardentis. Postremo, ipsa vigilia somni quodammodo causa est, quatenus inter vigilias, homo sua organa plus minusve semper exerceat, et sic vim *nervosam* minuat, consumat. Et profecto, quo vehementius corpus exercetur, pari fere ratione premit somni necessitas.

394. Tempus quod foetus in utero latet somno transire videtur; et partus immaturus,

turi, sed superstites tamen, primos menses fere totos dormiunt. Infantes quoque multum dormire solent. Pueri, et homines qui vitam laboriosam degunt, plus quam adulti homines, aut luxuriosi et desides, et altius quoque dormiunt; scilicet qui corpus bene exercent, neque hoc cibo gravatum, neque mentem curis laceratam habent. Leves somni, laboris, virtutis, temperantiæ, præmium et solatium, immerentibus haud facile conceduntur.

395. Porro, dum crescit indies corpus, plus somni requiritur; scilicet qui ad corpus reficiendum et alendum haud parum confert. Media ætate, homines minus dormiunt. Consuetudo autem multum hic facit: alii quatuor horarum somno contenti sunt, alii decem et amplius horas de die somno consumunt. Quidam, senio fere confecti, somniculosi et torpidi facti, maximam temporis partem somno transierunt.

396. Ufus somni ex effectibus quos in corpore habet satis apparet. Vires et animi et corporis, exercitatione consumptas, reficit: huic vigorem, illi alacritatem pristinam conciliat: musculos valido labore defessos, rigidos, dolentes, tremulos, iterum vividos, validos, et mobiles reddit: pulsus arteriarum, sub vesperem frequentiores evadentes, temperat et ad moderationem matutinam reducit: cibi concoctioni, et appositioni nutrimenti ad reparandam partium solidarum jacturam, favere videtur: secretiones et excretiones minuit; et humores secretos spissescere finit, corpore scilicet minus sentiente et mobili facto. Hinc ad vitam et sanitatem conservandas, somnus non utilis modo, sed prorsus necessarius; et ad multos morbos sanandos vel levandos, præstantissimum remedium.

397. Defectus somni multimodis nocet: imprimis *generi nervoso*. Organa sensuum externorum et internorum, motusque omnigeni, ad sua munera minus apta reddit.

Hinc

Hinc sensus vel nulli, vel imperfecti et depravati, capitis dolor, vertigo, imbecillitas, memoriæ defectus, delirii species, ipsa demum infania; debilitas artuum, et imperfecta et inordinata vitalium organorum actio, pulsus frequentes, calor, febris, concoctio cibi prava, corpus parum nutritum, macies, secretiones demum et excretiones auctæ, vel impeditæ, vel perturbatæ.

398. Impeditur somnus, tum sanis hominibus, tum morbofis, variis causis jam (393.) recensitis. Deficit præterea in multis morbis, quorum pauci sunt, qui non tantum doloris aut anxietatis aut molestiæ faceffant, quantum fat fuerit ad somnum arcendum vel rumpendum. Febres omnigenæ fere male dormire faciunt, cum ob molestiam generalem, quæ nunquam non hoc genus morborum comitatur, tum ob incitatum sanguinis impetum, sæpe versus caput; tum quoque ob ventriculum male se habentem, et crudo cibo gravatum, aut potu distentum. Hæc quoque ratio est cur

multi *hypochondriaci* et *hysterici* tam male dormiant, scilicet qui male solent concoquere, et ventriculum habent multis quamvis sæpe levibus malis opportunum; quorum vel levissimi, præsertim si corpus jam nimis mobile et irritabile fuerit, somnum auferent.

399. Defectus somni, pari ratione in morbis ac in sanitate, sed magis adhuc et citius nocere potest; viribus scilicet ægri minutis, viribus morbi intensis, dolore capitis aut delirio inductis, cibique concoc-tione impedita. Igitur non modo ipse molestissimum adversæ valetudinis signum est, sed et aliorum sæpe et gravium malorum causa.

400. Excessus quoque somni haud parum nocet. Totum hominem debilem, torpidum, hebetem, fere fatuum reddit; motum sanguinis languidum facit, et pleraque secretiones et excretiones minuit. Hinc
plenitudo,

plenitudo, obesitas, flacciditas, et ad omnia vitæ munera impotentia.

401. Causæ hujusmodi excessus sunt, vel solitæ somni causæ jam (393.) recensitæ, ultra modum intensæ, vel vitium aliquod cerebri, veluti compressio, inundatio, &c. vel aliquando, ut videtur, debilitas magna, insolita, et ab insolita causa inducta, veluti sub finem quarundam febrium, vel in convalescentibus ex iis aliisque morbis, quamvis in his exemplis multum abest ut tam diuturnus somnus noceat; vel forte, siquando mœror aut metus graves et diuturni, mirum et inexpectatum soporem induxerint. Denique, sola consuetudine, plus justo dormire, non sine magno malo, quidam homines didicerunt. Nec desunt exempla hominum, qui, sine manifesta causa, totos dies, vel etiam menses, somno vix interrupto, transierunt.

402. Somnia, qualia dormientes sæpe agitant, delectant, angunt, terrent, in no-

vos orbes rapiunt, pro morbis haberi solent; quippe quæ in perfectissimo somno aut prorsus desint, aut nulla saltem sui vestigia relinquant (387.)

403. Fiunt vel propter hominem non plene sopitum, cui memoria et imaginatio adhuc vigent, quamvis voluntatis imperio manumissæ; vel propter impressiones quolibet, internas vel externas, adeo validas ut eum sentire faciant, quamvis non rumpant somnum, de quibus semisomnis judicare conetur, easque cum imaginibus memoriæ et imaginationis mirum in modum confundat. Hæ enim sua sponte inter somnum homini oblatae, neque ejus voluntati obediens, pro veris sumuntur.

404. Docent somnia obdormiscentibus et expergiscentibus familiaria, quamvis alioquin sanissimis, et nulli irritationi expositis; docent dira somnia quæ ab anxietate corpora (184. 191.) oriuntur, veluti a situ corporis supino, aut a ventriculo multo ci-

bo et vino gravato; docent singularia somnia, a dolore partis cujusvis, vel frigore admoto, vel lecto inæquali et durior, vel statu genitalium organorum, vel a febribus, vel denique a variis morbis pectoris, originem ducentia. Homo, ut videtur, sensus quem percipit causam quærit, et absurdas et ridiculas sæpe sibi fingit.

405. Perceptio somniantibus quam maxime vivida est, scilicet in qua homo totus est, attentione adhibita indivisa, nulloque temperante judicio. Hinc nulla in somnia vis animi; sed timor, mœror, libido, quicquid demum fuerit quod menti se obtulerit, eam statim occupat, et totum hominem rapit.

406. Somnia fugacia, velocissima; ita ut longa series annorum, et res gestæ innumeræ, spatio temporis adeo parvo ut nomine careat, animo obversentur, conspiciantur, et evanescant. Haud absimile est, vocem quæ jubet expergisci longum sæpe prius

prius dare somnium, quam somnum penitus rumpat.

407. Somnia multum reguntur consuetudine; ita ut quidam omnino arcere, alii sua somnia quodammodo dirigere, didicerint.—Inter tot absurda et ridicula, nil mirum si quædam minus inepta, vel denique vera fuerint; scilicet si quis, forte boni iudicii, plus vigilans quam dormiens, multa secum reputaverit, et præviderit probabiliora.

C A P. XIV.

De sanguinis circuitu.

408. **P**roximum ipsius cerebri actioni, et profecto, in homine similibusque animalibus, vix secundum locum, occupavit sanguinis circuitus: scilicet organa quæ sanguinem movent tantum cum cerebro commercium habent, et sanguinis motus, ad excitandum, suisque muneribus aptandum cerebrum, adeo necessarius est, ut hæ binæ functiones subsidium ferant et petant vicissim, neque altera sine alterius ope perfici queat.

409. Sanguinem per totum corpus moveri, docet ingens, vel lethalis nonnunquam, ejus

ejus jactura, a parvo vulnere in quavis corporis parte.

410. Cursus sanguinis in adulto homine hac ratione absolvitur. Sanguis ab omnibus corporis partibus redux, in *sinum venosum* et *auriculam* dextram cordis transit; hanc distendit, stimulat, et ad contractionem ciet: *auricula* se contrahens, sanguinem *ventriculo* dextro tradit: hic vero, pari ratione distentus et irritatus, se contrahit, sanguinemque in arteriam *pulmonalem* impellit, qua per utrumque pulmonem transit. Ab eo reducitur venis *pulmonalibus* in *sinum* et *auriculam* sinistram, cujus actione in *ventriculum* ejusdem lateris propellitur. Hoc demum se contrahente, sanguis insigni vi ejicitur et in *aortam* immittitur, cujus innumeris ramis ad omnes corporis partes defertur, per venas fodales in *cavam* et *auriculam* dextram cordis denuo reducendus.

411. Hunc cursum ostendunt valvæ in
corde,

corde, et in ostiis arteriarum et in venis positæ, reditum sanguinis prohibentes; docent quoque ligaturæ venis vel arteriis impositæ, quæ has citra, illas ultra ligaturam tumere faciunt: denique, hic cursus sanguinis in pellucidis animalibus facile conspicitur.

412. Multum vero abest ut hoc ordine singuli cordis sacculi sese contrahant: utriusque *auriculæ* contractio eodem tempore perficitur, relaxato tunc utroque *ventriculo*; et hi rursus eodem tempore se contrahunt, *auriculis* simul relaxatis.

413. In moribundis, *ventriculus* sinister primo quiescit, deinde *auricula* ejusdem lateris, nullo scilicet sanguine, vel parum, per pulmonem jam transmissio: postea *ventriculus* dexter, ultima *auricula* dextra definit contrahere. Hinc aliquando fit, ut sanguis per magnas *cavas*, ascendentem et descendentem, aliquatenus redire cogatur, et levem in iis motum efficiat.

414. In fœtu, qui nempe nondum spiritum traxerit, alias et longe diversas vias sanguis legit: imprimis magna pars sanguinis arteriæ *pulmonalis*, a pulmone averfa (nimirum qui nondum evolutus tantum penum sanguinis accipere nequit), per *canalem arteriosum* in *aortam* transit: tum magna pars sanguinis *aortæ* per arterias *umbilicales* ad *placentam* defertur; inde per venam *umbilicalem* redux, partim in *cavam* per *ductum venosum*, partim in jecur, transit, et non nisi altero per hoc viscus circuitu absoluto, tandem in *cavam* et *auriculam* cordis dextram redit.

415. Arteriæ et venæ pariter arborem referunt, cujus truncus in magnos ramos, hi in minores, minores in minutissimos sensibusque nullo modo detegendos ramulos, dividantur: et hac semper lege, ut singuli rami trunco unde oriuntur minores, omnes vero simul sumpti, eodem nonnihil capaciores sint.

416. Minimi

416. Minimi arteriarum ramuli (nunquam majores) reflexi, venæ fiunt, vel in venas hujusmodi jam formatas per *anastomofin*, ut vocatur, immittuntur: venæque minimæ, alias atque alias accipientes, paulatim grandescunt, et tandem *cavam* formant.

417. At in abdomine alia est fabrica, et longe diversus sanguinis reditus per venas observatur. Sanguis nimirum ab omnibus visceribus quæ cibi concoctioni inserviunt, ventriculo, intestinis, *mesenteria*, omento, *pancreate*, splene, redux, in magnum vas deferitur, venam scilicet portarum; quæ denuo, arteriæ more, per jecur diffusa, ingentem sanguinis copiam eo deferit: qui tandem, postquam fellis secretioni inservierit, per *cavam hepaticam*, in magnam *cavam* et ad cor redit.

418. In capite quoque sanguinis reditus quodammodo singularis observatur. Magnæ imprimis et frequentissimæ ibi conjunc-

tiones, seu *anastomoses*, ut vocantur, sunt; et quidem inter magna vasa: venæque minores statim fere suum sanguinem in magna vasa, quæ dicuntur sinus, fundunt, et iis fere retrogradæ inferuntur.

419. Denique, in organis quibusdam quæ interdum erigi debent, pene virili, papilla mammæ muliebris, et partibus ut videtur nonnullis genitalium organorum muliebris sexus, alia fabrica, alius sanguinis cursus est; nimirum qui in cellulas telæ reticulatæ effusus, copiosior per arterias delatus quam per venas reducitur, has partes distendit, erigit, suisque muneribus aptas reddit; et demum, suo tempore in venas resumptus, ad cor reducitur.

420. Vires autem quæ sanguinis cursum expediunt, sunt, cordis imprimis contractio, quæ sanguinem insigni velocitate in arterias impellit: multum vero abest ut hæc vis, quamvis ad extremas usque corporis partes probe sentiatur, sufficiat ad
sanguinis

sanguinis motum promovendum: docent pulsus calorque deficientes in brachio paralyfi affecto.

421. Juvat præterea actio arteriarum, non modo insigni vi resiliendi, sed vi propria musculosa se contrahentium: unda sanguinis e corde expulsa, sanguinem, qui jam in arteriis fuit, propellit, et simul, quoniam fluidi est quoquoersum premere, arteriam ipsam distendit. Hæc distentio pulsus est, quem digito percipimus. Arteriæ vero hoc modo distentæ ad contractionem cientur, non secus ac ipsum cor: earumque contractio tanta velocitate absolvitur, ut exiguum omnino distinguatur intervallum inter ictum cordis, vel quæ proxima est arteriæ *carotidis*, et pulsum in remotissima corporis parte.

422. Arteriarum actionem sine dubio demonstrant, ipsius arteriæ fabrica, manifeste musculosa tunica instructæ, et multa quoque experimenta in vivis animalibus instituta,

instituta, ubi arteriæ, admoto acri *mechanico* (nam veneno *chemico* parum fidendum est) validissime se contraxerunt: docet, præ omnibus, inflammatio, vel sua sponte orta, vel arte excitata, veluti applicatis ad cutem *cantharidibus*, finapi, aut similibus. Neque alia ratio est secretionis cujusvis præter solitum auctæ, dum sanguinis motus per reliquum corpus parum vel nihil mutatur.

423. Contractio arteriæ sanguinem semper a corde ad extremas corporis partes propellit; imprimis, quia valvæ *semilunares*, ad ostium magnæ arteriæ sitæ, viam penitus claudunt qua in cor rediret; oportet igitur qua datur porta viam ineat: quin et ipsa arteria prope cor primo contracta, (quamvis hæc contractio velocissime ad minutissimos ramos propagetur), cursum sanguinis quodammodo dirigit, et fere valvæ munere fungitur, præcluso scilicet reditu ejus, relicto libero progressu.

424. His

424. His viribus impulsus, sanguis in venas transit, ad cor reducendus. Nondum constat de harum structura, aut vi musculosa, nisi in magnis truncis prope cor. Videtur itaque sanguis in iis moveri, partim vi a tergo, scilicet quam a corde et arteriis habuit, partim contractione muscutorum vicinorum aut incumbentium, qui venas comprimant: hæ vero, præsertim in partibus musculosis, valvis instruuntur, quæ reditum sanguinis ad arterias prohibent, progressum ejus ad cor permittunt.

425. Quantum ad cursum sanguinis expediendum et incitandum valeat contractio muscutorum, docet motus sanguinis mirum in modum exercitatione incitatus: docet idem ignavia languescens, non sine gravi sæpe incommodo aut periculo; quamvis homines, quam maxime ignaviæ dediti, vel etiam dormientes, nonnihil semper motus musculosi exerceant.

426. Hinc ratio redditur multorum morborum,

morborum, et remediorum, quibus ad istos morbos sanandos utimur. Hinc intelligitur, cur in plerisque morbis acutis corporis quies adeo necessaria sit; cur in tot aliis, crebra exercitatio optimum remedium.

427. Postremo, sanguinis cursus per pulmones absolvi nequit sine respiratione: cujus ratio suo loco reddenda est.

428. Motus sanguinis prope cor velocissimus, in minoribus et remotis ramis arteriarum, multo lentior evadit. Frictio omnigena huc confert, tenacitas ipsius sanguinis, adhæsió ejus ad parietes vasorum, pondus partium dimotarum, et non perfecte resilientium: sed, præ omnibus, lentior fit sanguinis motus, propter auctam arteriæ capacitatem, prout in ramos divisa fuerit (415.). Et profecto omnes aliæ retardationis causæ ad hanc redeunt, nimirum quæ totius retardationis mensura est, dummodo nulla usquam obstructio fuerit. Nam
quicquid

quicquid per alias retardationis causas velocitatis suæ amississet sanguis, arteriarum contractiones restituere et compensare potuissent.

429. Pari ratione ac in arteriis, ob hanc causam, lentius fluit, quo longius distat a corde sanguis; sic in venis, quo propius ad cor accedit, eo velocius movetur (415.). Sanguinis vero motus in venis, quam in arteriis, multo lentior est: nimirum, quæ omnes simul sumptæ arteriis duplo vel triplo capaciores sunt.

430. Denique, pondus ipsius sanguinis impetum ejus nunc incitat, nunc retardat, secundum corporis, vel partis ejus cujuscvis, situm: quod profecto haud levis momenti est, tum ad inducendos, tum ad sanandos morbos.

431. Arteriæ variis modis terminantur: vel reflexæ venæ fiunt, quæ omnes sanguinis partes tam crassas, quam tenues acci-

piunt: vel in minores adhuc ramulos dividuntur, quam qui crassiores particulas admittere possint, et ideo pellucidum tantum laticem vehant, suasque demum venas sodales habeant: vel in vasa desinunt exhalantia, fecernentia, excernentia.

432. Exhalantia vasa tenuem sanguinis partem in omnia cava corporis organa fundunt: qua hæc, tum magna, veluti abdomen, thorax, caput, tum quoque parva, veluti cellulæ telæ reticulatæ ubique corporis, semper madent.

433. Excernentia autem vasa tenuissimam sanguinis partem, fere aquosam, cum pauxillo olei animalis, et parte haud exigua *phlogisti*, et aëris *mephitici*, a cute et pulmone exhalant. Secernentia demum vasa cum arteriis continua, in certis corporis organis, non modo certas partes sanguinis exhalant, a reliqua massa detractas, sed has quoque mirum in modum mutant, et in aliam fere naturam convertunt. De his
vero

vero postea locus erit dicendi, quum de secretione et excretionem agendum erit.

434. Pars tenuior sanguinis, quæ in varia cava corporis organa effunditur, assidue ex iis resorbetur, et ad cor denuo reducitur, ope vasorum resorbentium, vel *lymphaticorum*, ut vocantur, quæ ex omni fere corporis parte nascentia, prope magna vasa quæ sanguinem vehunt sæpe repentia, tandem in receptaculum *chyli*, aut ductum *thoracicum*, aut demum venam ipsam *subclaviam*, desinunt. Ad hoc genus vasorum pertinent quæ vocantur *lacteæ*, scilicet quæ ab intestinis orientia, perque *mesenteriam* repentia, nutrimentum in sanguinem vehunt.

435. Vasa resorbentia omnia, tum *lacteæ* tum quæ vocantur *lymphaticæ*, vel *hiantia*, vel pendula in cava unde oriuntur, humores suos hauriunt, ut videtur, vi quadam, qualis tubis capillaribus contingit:

neque enim vis ulla a tergo est qua impleantur, neque tali vi arte admota, a propriis cavis, veluti a thorace vel intestinis, impleri possunt. Juvat tamen motum lymphæ, vel *chyli* quem continent, vasorum refoventium vis musculosa, et pressura qualiscunque ipsis acciderit. Nam nullus plerumque datur reditus lymphæ, propter innumeras quibus vasa ipsa scatent valvas.

436. Hujusmodi vasa quoque innumeras *glandulas* conglobatas habent, quas subeunt, et revera formare videntur: adeunt tamen singulas earum ramuli quidam nervosi, et vasa sanguinem vehentia; unde sensus et vis irritabilis, et ideo inflammatio aliquando. Hæ *glandulæ* in quibusdam corporis partibus numerosæ admodum sunt: veluti in inguine, axilla, *mesenteria*.

437. Ufus earundem parum notus: dicuntur particulas quasdam albidas fingere, tornare,

tornare, quales in vesiculis rubris sanguinis reperiuntur. Sæpe obstruuntur, et ingentem molem tument, plerumque ab acri aliquo ad ipfas delato.

C A P.

C A P. XV.

De motus sanguinis varietatibus et vitiis.

438. **C**OR vasaque omnia quæ ad sanguinis motum conferunt, arteriæ, venæ, resorbentia, majora, cum reliquo corpore comparata, observantur primaquam provecta ætate: in fœtu maxima, indies pro rata parte minuuntur, multaque eorum paullatim concluduntur. Hinc recens natus totus rubet, infans, puer, juvenis sæpe, mollis, lævis, humidus, flaccidus, eximii coloris est; vir autem firrior, durior, coloris vultus fusci, minus pulchri; senex rigidus, ficcus, pallidus, macer.

439. Prima

439. Prima ætate, venæ multo quam arteriæ denfiores, firmiores, et validiores sunt. Hæ vero, propter perpetuam quam patiuntur pressuram, et vim quoque quam inter contrahendum exerunt, indies firmiores, duriores, et validiores evadunt, donec tandem vim venarum æquent vel superent. Haud raro in senibus pars magnæ arteriæ in substantiam corneam, vel demum in verum os, convertitur.

440. Hinc prima ætate plus sanguinis pro rata parte in arteriis, provecta autem plus in venis, continetur: res sane haud levis momenti, scilicet quæ rationem quodammodo reddit corporis incrementi, status, et imminutionis. Porro, si plus justo sanguinis in corpore fuerit, quicquid mali ex eo oriatur, oportet prima ætate in arteriis, provecta autem in venis, se maxime manifestet. Hæc videtur esse ratio quorundam morborum qui certa vitæ tempora comitari solent.

441. Fœminæ multorum, forte omnium animalium, habent arterias haud parum capaciores et laxiores, cum venis comparatas, venasque ipsas multo minores, quam mares ejusdem generis : quod imprimis notabile est in *aorta* descendente, si cum vena cava ascendente, quæ eidem respondet, comparata fuerit : cujus rei consilium haud obscurum est, nempe, quo melius valeant ad fœtum alendum, quem gestare debent. Par quoque videtur esse ratio, quod fœminæ ad plenitudinem corporis plus quam viri proclives sint. — Huic quoque majori arteriarum capacitati et parvitati venarum eximius fœminarum vultus et cutis color tribuendus est, et elegantia brachiorum nullis venis, ut in maribus, lividorum.

442. Quin et sanguis diversis partibus varia copia datur ; iisdemque partibus alia proportione, alio vitæ tempore. A primis fundamentis corporis jactis, ingens copia ad caput mittitur, scilicet, quod primum formari et evolvi, suisque muneribus aptari debeat :

debeat : et profecto caput ante alias partes justam suam magnitudinem attingit. Auctus vero renixus, partesque haud facile amplius dilatandæ, sanguinem alio divertunt : tum reliquum corpus, pro rata parte, plus quam antea crescit, et organa quædam, prius admodum imperfecta, et quasi inutilia, demum perficiuntur et evolvuntur, ad propria munera idonea facta.

443. Effectus quoque mutati sanguinis in infante cursus brevi post partum observantur : scilicet, quum nullus per umbilicum transit, et ideo plus per *iliacas* arterias ad artus inferiores mittitur : hi in foetu parvi et tenues, crescunt subito, ita ut sæpe ante sex menses infantes non modo propriis pedibus firmi insistere, sed haud indecore ambulare, possint.

444. A Pulsu medici judicare solent de statu circuitus sanguinis : ille autem admodum varius est, tum quod ad ejus frequen-

tiam attinet, tum quod ad vim et æqualitatem ictuum et intervallorum.

445. Communis pulsuum frequentia erit, in homine adulto et sano, circiter septuaginta in horæ *minuto*. In fœtu forte duplo et amplius velocior. In infante primis vitæ mensibus vix infra centum et viginti; puero et adolescenti paullatim lentior fit: in sene decrepito, aliquando ad quinquaginta et infra descendit.

446. Quin et multi, imprimis mobiliores, pulsus multo frequentiores; dum alii, florente etiam ætate, lentos admodum, habent. Fœminis quoque quam viris plerumque nonnihil frequentiores esse solent.

447. Frequentiores fiunt, cum in sano tum quoque in morbofo corpore, propter multos stimulos eidem admotos. Excercitatio imprimis, reditu sanguinis qui in venis fuit expedito, pulsus mirum in modum incitat. Irritationes quoque variæ,
quales

quales *genus nervosum* afficiunt, animi affectus, vel cogitatio vehemens, dolor, calor, stimulantia medicamenta, vinum, aromata, et similia, eundem effectum præstant. Acrimonia quoque ipsius sanguinis creditur pulsum frequentiore reddere.

448. Horis matutinis, quum primo expergiscimur, pulsus rarus est, paullatim frequentior evasurus, propter multa quibus objicimur irritamenta; post cibum, ex carnibus imprimis, aut acrem, aut conditum, intenditur; sub vesperem, levis quasi febricula accedit, cui requies et somnus remedio sunt. Hæc in sano homine vix observanda; in ægroto, febricitante, *hectico* præfertim, satis manifeste se produnt.

449. Denique, ipsa debilitas pulsum sæpe frequentiore reddit; nimirum, quia tum ventriculus cordis non bene depletus, citius iterum distenditur, et ad contractionem denuo incitatur. Quapropter medico

nunquam licet de impetu sanguinis judicare a frequentia pulsuum.

450. Postremo, in omnibus febribus, utcumque inter se diversis, pulsus nimis frequentes observantur, partim forte ob debilitatem, partim ob humorum acrimoniam, partim denique ob sanguinem a superficie corporis repulsum, et in magnis vasis accumulatum, eademque stimulantem; quamvis sane multum hic subsit obscuri, vel prorsus ignoti: nec facile quis dixerit quomodo *autocrateia* corporis hic agat; tantaque pulsuum frequentia referenda sit, necne, ejus conatibus.

451. Pulsus raro nimis tardi observantur, nisi a minuta corporis mobilitate, veluti in ultimo senio, vel a cerebro compresso aut male se habente. Gravior vero cerebri compressio ingentem pulsuum frequentiam efficere solet, veluti in *hydrocephalo*, *apoplexia*, &c. Aliquando in convalescentibus a febribus diuturnis, pulsus præter solitum

litum tardus observatur. Res sane haud magni momenti; cujus torpor aliquis videtur esse causa.

452. Pulsuum vero frequentia nihil mutata, singuli possunt esse vel pleni, magni, validi, fortes, duri; vel parvi, debiles, molles. Pulsus plenus, magnus, fortis, fit, quum ventriculus fortiter et plene se deplet, magnamque undam sanguinis arteriis tradit, quæ has probe distendat, et ad validam contractionem incitet. Hujusmodi pulsus contingit hominibus validis et sanis, raro morbosus habendus. Quod si nimis fortis evadit, et pulpam digiti explorantis vehementer et acriter ferit, tum durus vocatur. Durities pulsus oritur a subita et vehementemente ventriculi cordis et arteriarum contractione, quæ ramos remotiores, veluti carpi, nimis subito et acriter distendat, et ad contractiones pariter subitas et vehementes incitet. Denotat igitur pulsus durus nimiam cordis et arteriarum actionem.

453. Oritur

453. Oritur vero a variis causis: Imprimis, a nimia arteriarum tensione, veluti a nimia plenitudine, qua hæ ad motum proniores fiunt, et ad vehementes motus suscipiendos aptiores (318. 19. 20.); oritur quoque a nimia solidarum partium densitate seu firmitate; hinc in regionibus et temporibus frigidis frequentior, et hominibus robustis et validis, et laboribus assuetis, familiaris (86. 89.); denique, a variis irritamentis oriri potest, vel totum *genus nervosum*, vel tantum cor et arterias, afficientibus. Postremo, multas febres, et plerosque morbos qui inflammationem habent, comitatur: sive a generali stimulo corpori admoto, sive ab irritatione partium quarundam, quæ paullatim ad totum corpus extenditur. Talis conditio circuitus, qualem pulsus hic indicat, sæpe sanguinis detractioe eget, et fere semper sanguinis jacturam bene fert.

454. Pulsus parvus, debilis, mollis, contrarias fere causas agnoscit, contrariamque sanguinis circuitus et *generis nervosi* conditionem.

tionem indicat ; stimulantia sæpe requirit, neque sanguinis detractionem plerumque postulat, neque facile tolerat. Aliquando vero pulsus istiusmodi observatur, quamvis gravis inflammatio urgeat, veluti ventriculi, aut intestinorum. In his et similibus exemplis ad naturam mali, plus quam ad statum pulsus, respicere oportet.

455. Pulsus intermittens vocatur, si quando post solitum intervallum ictus non renovatur, et spatium intercedit, sæpe duplo vel triplo, vel nonnunquam quadruplo, solito longius.

456. Huiusmodi pulsus quibusdam animalibus fere naturalis et perpetuus est ; nonnullis hominibus optima sanitate fruentibus, familiaris ; iisdemque, donec febricitant, pulsus interdum æqualis fit, neque prius solvitur morbus, quam pulsus intermittens rediverit.

457. Nonnullis porro hominibus, quibus,

bus, dum sani sunt, pulsus æqualis est, si vel levissimo morbo detinentur, intermittens pulsus accedit. Alii, præsertim temperamenti mobilioris, veluti *hysterici* aut *hypochondriaci*, vel qui a ventriculo laborant, a levi malo ventriculi, vel ab aliquo animi affectu, vel interdum a minore neque observata causa, pulsum intermittentem habent, quem ipsi scire solent, quamvis pulsus arteriarum non exploraverint, sola anxietate quam profunde in pectore sentiunt, quoties pulsus deficit.

458. Denique, in quibusdam morbis pectoris, hydrope imprimis, et in omnibus morbis, præsertim febribus, prope finem, quum, viribus ægri jam exhaustis, mors ipsam vitæ arcem pullat, interruptio pulsus observatur: Signum tunc pessimum, sæpe lethi prænuncium.

459. Igitur videtur oriri, vel a vi *ner-
vosa* in cor, aliaque organa quæ circuitum promovent, minus æqualiter influente;
quod

quod parvi omnino momenti est ; vel a vi nervosa jam fracta et exhausta, et corde vix amplius ad contractionem valente, neque se deplente, donec plus solito distentum fuit ; vel denique a vitiis ipsius cordis partiumque vicinarum, vel a tumoribus aut aqua, et similibus prementibus, et actionem ejus impredientibus ; quod pessimum, et vix non lethale erit.

460. Alias porro pulsuum varietates haud paucas medici descripserunt, variofque morborum eventus ex iis prædici crediderunt : quarum rerum fides sit penes auctores. Nondum enim repetitis observationibus fatis comprobatae sunt, in nostris saltem regionibus, ut tuto iis fidendum sit ; neque profecto ratio earum hætenus redita est, neque status sanguinis circuitus, qui eas efficit, omnino cognitus est.

461. Motus sanguinis potest esse vel nimis vehemens, vel nimis debilis, vel denique, abnormis.

462. Motus sanguinis nimis vehementis ratio facile redditur ex prædictis (447. 453.). Pulsus frequens, cæteris paribus, rapidiorem ejus motum efficit: nimirum, quo citius ventriculus cordis sese deplet, eo velocius sanguis in arterias projicitur; earumque actionem huic validiori stimulo respondere oportet. Quin et pulsus magnus et validus, cæteris paribus, motum sanguinis intendit. Variæ igitur causæ utriusque generis pulsus, vel singulæ, vel plures simul agentes, hoc vitium circuitus inducunt: exercitatio, calor, stimulantia, plenitudo, irritatio omnigena, dolor, animi affectus excitantes, febres.

463. Nimius vero sanguinis impetus vasa distendit, totum corpus excitat, calefacit, sæpe debilitat: sudorem auget, reliquas autem secretiones fere minuit, varias functiones tam animi quam corporis impedit atque perturbat: sitim inducit, nutrimento obest, adipem consumit, putredini favet. Ingens aliquando sanguinis impetus, vasa,
qua

qua debiliora sunt, rumpit; unde effusiones, sanguinis fluxus, &c. Minime vero silentio prætereundum est, nimium sanguinis motum, utcunque vitiosus appareat, inter præstantissima auxilia esse, quibus natura utitur ad plurimos morbos sanandos.

464. Languescit sæpe sanguinis motus, imprimis ob debilitatem, torporem, defectum irritationis, veluti exercitationis: si cubi vel vires deficiunt, vel non, ut decet, excitantur, aut excitari possunt. Porro, motus humorum languescit, si obstructio vel causa quævis fuerit, qualis iter eorum impediat, vel difficilius reddat.

465. Hoc modo, ab ipso pondere sanguinis, si quis diutius pedibus institerit, humores tardius ab artubus inferioribus redibunt. Porro, vitium quodvis cordis et arteriarum, amplificatio, constrictio, conversio in os, motum sanguinis non impedire non potest. Quin et obstructio quæ-

libet, venas afficiens, motum sanguinis tardiores reddit; vel denique, respiratio impedita, qua minus facile, per pulmones, ad finistrum cordis latus, iter sanguini conceditur.

466. Cæterum, quicquid causa fuerit quod sanguis languidius moveatur, malum in venas maxime incumbit; nimirum, quia in his sanguinis motus semper tardior est (429.). Hinc varices venarum, et congeffiones sanguinis, præsertim in iis partibus, quarum venæ valvis carent, et in quibus motus musculorum sanguinis cursum juvare nequit.

467. Par quoque ratio est, cur ab impedito aut languido sanguinis motu Hydrops sæpe oriatur; scilicet, aucto in venis renixu, sanguis ægrius ex arteriis in eas recipitur, et plus humoris tenuis in vasa exhalantia (432.) impellitur, et ex iis deponitur, haud adeo facile per vasa resorbentia hauriendum.

468. Hæc

468. Hæc vero, et reliqua haud pauca, quæ a languido humorum motu profluunt, mala, eo lentius et difficilius sanantur, quod omnes simul naturæ vires deficiunt. Quæ vero a nimio humorum impetu proveniunt, iis aut mors cita, aut victoria læta, brevi finem imponit.

469. Quin et vitium circuitus sæpissime accidit, sicubi sanguinis, qui certa copia ad singulas partes deferri debet, plus justo ad quasdam defertur, et majore quam decet impetu: unde defectus in aliis partibus, quæ suo penu defraudantur.

470. Talis distributio abnormis humoris vitalis oritur sæpe a stimulo, vel parti cuilibet admoto, vel aliis forte remotis; vel cerebrum, vel demum animum primo afficiente, qui tamen, secundum consensus leges (352. 360.), certam et definitam sanguinis distributionem efficit.

471. Oritur quoque haud raro a *spasmo*
aliis

aliis partibus inducto ; scilicet, qui sanguinem a solitis viis pulsam in novas dirigat.

472. Prout major minorve fuerit hujusmodi distributio abnormis, eo plura et graviora, vel pauciora et leviora mala ex ea proveniunt : calor, tumor, rubor, inflammatio, lacerationes vasorum, sanguinis profluvia, effusiones, et telæ reticulatæ partiumque vicinarum solutio, destructio, corruptio, suppuratio.

473. Hoc quoque, ut primo intuitu videtur, vitio, natura sæpe neque frustra utitur, et in optimum remedium vertit. Neque medici dedignati sunt ejus vestigia premere ; et sanguinis distributionem in variis morbis, quantum potuerint, mutare atque dirigere ; neque fecisse pœnituit. Scilicet, jam probe experti sunt mutatam sanguinis distributionem sæpe præstantissimum esse auxilium, tum ad sanandos morbos,

morbos, tum ad levanda eorum indicia quæ maxime urgent.

474. Postremo, supersunt adhuc vitia quædam motus ipsius cordis, neque adeo levia aut simplicia, ut medicorum attentionem non mereantur: palpitatio nimirum et *syncope*.

475. Palpitatio vocatur actio cordis vehemens, abnormis, qualis plerumque, et ab ipso ægro non sine gravi anxietate in pectore sentitur, et ab adstantibus, si manum pectori admoverint; quin et spectari quodammodo potest, tanta scilicet vi costæ feriuntur, ut totum pectus moveatur. Dum palpitat cor, pulsus arteriarum plerumque debiles, inæquales, et intermittentes observantur.

476. Malum natura *spasmus* a variis causis inducitur, tum quæ totum *genus nervosum* afficiunt, tum quæ solum cor. Vicia omnigena organi ipsius, ejusque valva-
rum

rum vasorumque, constrictio, amplificatio, conversio in os, polypus, liberam cordis actionem et exinanitionem impediendo, ad insolitam et vehementem contractionem incitabunt. Sanguinis quoque nimia abundantia, vel nimius impetus, veluti a cursu, &c. eundem effectum præstare potest.

477. Quin et cor, insignis mobilitatis organum, a statu *generis nervosi* vehementer affecti, et præter naturam mobilis, palpitabit. Hinc sæpe ab animi affectu palpitatio : hinc malum *hystericis* familiare.

478. Sæpe quoque oritur a ventriculo male se habente, vermibus, saburra cibi crudi aut corrupti, aëre per concoctionem minus sanam copiose extricato, variisque acribus, stimulado, distento, gravato.

479. Podagram repulsam, aut male prodeuntem, sæpe comitatur. Aliquando a debilitate oritur, qualiscunque ejus causa fuerit ; sæpe etiam ab omni spirandi difficultate.

cultate. Variæ quoque palpitationis causæ simul conjungi possunt, et aliæ alias producere.

480. Hinc patet, cur malum sæpe im-
 medicabile, serius ocysus lethale evasurum ;
 cur sæpe leve et fugax ; sæpe per intervalla
 rediens, sæpe omni irritatione et exercita-
 tione accedens et ingravescens, aliquando
 vero stimulantibus remediis, et exercita-
 tione, leniendum aut summovendum.

481. *Syncope*, seu animi defectio, (cui va-
 ria nomina, prout gravius vel levius fuerit
 malum, medici imposuerunt), vocatur, si
 quando actio cordis, et arteriarum simul
 cum ea, subito et multum deficit ; unde
 vires animales, sensus, motusque volunta-
 rius, statim collabuntur.

482. Omnes fere causæ palpitationis *syn-*
copen quoque aliquando inducere possunt ;
 scilicet, quicquid motum cordis turbare et
 VOL. I. K k convellere

convellere queat, eundem debilitare vel suspendere potest.

483. Fabrica igitur ipsius cordis vitiata, graves animi affectus, tum deprimentes, tum qui subito et vehementer incitant, varia generis nervosi vitia, quidam morbi ventriculi, debilitas omnigena, omnis exinanitio, sanguinis imprimis jactura, excessus laboris, ejusque non intermissi, diuturna vigilia, calor, dolor, multa venena, &c. hominem animo linqui faciunt.

484. Quicquid sanguinis motum per vasa cerebri debiliorem reddit, *syncopen* inducere, quicquid eundem expedit, hominem vel jam deficientem reficere potest.

485. Hinc ratio in promptu est, cur solus corporis situs *syncopen* sæpe vel inducat, vel impediat, vel jam inductam depellat.

486. Patet quoque, malum aliquando pessimi ominis esse, neque ipsum suo periculo

riculo carere; nimirum quod sæpe morti continuatum est; aliquando vero levissimum esse, sponte discessurum, neque medici auxilium requirere. Nonnunquam, denique, a sollerte medico, Naturæ ipsius imitatore atque æmulo, haud absurde operari, et arte induci, ut ægrum a vehemente dolore, aut immani sanguinis impetu vel profluvio vix aliter temperando, incolumem præstet.

C A P. XVI.

De sanguinis natura; et varietatibus, et vitiis.

487. **M**ultum abest, ut sanguis ipse, cujus motus et distributio ad vitam adeo necessaria sunt, humor sit simplex, semperque idem. Varias partes, variaeque forte utilitatis, continet, et ipse suis varietatibus et vitiis obnoxius est.

488. E venis missus, inque idoneum vas receptus, suam naturam et compositionem aliquatenus manifeste prodit, dummodo quas sponte subit mutationes attente spectentur.

489. Tenuem vaporem primo exhalat,
fere

fere aquosum, levissime olidum, sed parca admodum quantitate: quiete, frigore, admisso aëre, brevi cogitur in massam profunde rubram, tremulam, mollissimam: paullo post, ex ejus superficie, citius si secta fuerit massa, guttulæ quædam humoris tenuis, subflavi, pellucidi, exiliunt, quæ plures prodeuntes coeunt tandem, partemque crassiorem circundant, et a vasis parietibus separant.

490. Pars crassior, quæ sola rubet, accuratius explorata, ulteriorem ostendit compositionem: multum continet partis tenuioris, quæ vocatur serum: probe elota, ruborem suum amittit, superstitie parte glutinosa, tenace, albida; hæc pars variis gaudet nominibus, fibra sanguinis, lymphæ *coagulabili*, glutine.

491. Continet præterea crassamentum innumeras particulas rubras, vulgo globulos dictas, quæ colorem impertiunt universo sanguini. Hæ, si ope *microscopii* explorantur,

rantur, singulæ pulcherrimam ostendunt fabricam, quæ tamen haud parum differt in diversis animalibus.

492. In homine, et plerisque aliis animalibus, rotundæ sunt, et planæ instar nummi. Exterior pars, quæ sola rubet, mantica seu vesicula est, quæ partem centralem, globulum ut videtur solidum, continet, multo se minorem.

493. Tenuis pars sanguinis, quæ vocatur serum, idoneo calore admoto, coit quoque in massam albidam, tenacem, lymphæ *coagulabili*, quæ sponte coit, fatis similem; unde tenuissimus iterum latex, *serositas* dictus, exprimi potest.

494. Continet quoque sanguis, præter aquam, multum salem, qualis in urina reperitur. Quin et princeps qui sanguini inest sal, peculiaris naturæ est, a communibus salibus, quos plantæ et fossilia corpora dant, haud parum diversus. Pro parte
sua

fua *alcalina*, *alkali* volatile, pro acida, acidum *phosphori*, habet.

495. Totus sanguis, qualis e vena fluit, nedum coactus, calore coibit multo minore quam qui ad serum cogendum sufficiat; multo vero majore quam vivo homini unquam contingit.

496. Particulæ rubræ, dum in sero, vel simili quovis humore, natant, qui salis aliquid in se solutum continet, propriam figuram bene conservant. Sed pura aqua dilutæ, brevi tument, vesicula exterior distenditur in formam globi, et rumpitur tandem, et solvitur, et particula centralis ex ea elabitur. Hic igitur videtur esse unus neque forte minimus usus feri saliumque quos continet, totam massam sanguinis diluere, et mobilem reddere, particulasque rubras integras, et qua decet figura, conservare.

497. Origo, et finis, et usus particularum rubrarum pariter incerta atque obscura.

ra. Sunt qui opinantur, particulas centrales in glandulis conglobatis vasorum reforbentium, et prima ætate in *thymo* formari, in sanguinem reforberi, ad varia corporis organa deferri, et a splene parte exteriori rubra indui, et per ejus vasa reforbentia ad cor demum reduci.

498. Non est dubitandum, quin particulæ tanta cura fabricatæ, insigni in corpore ufui inferviant, quamvis hic parum hæctenus cognitus sit. Creditæ sunt ad calorem animale gignendum quodammodo conferre; sed haud satis valida ratione. Vasa majora implent atque distendunt, neque minora intrant, neque facile e corpore elabuntur. Ad nutrimentum corporis quodammodo prodesse videntur, in valido et bene pasto animale quam plurimæ, in famelico et exhausto paucissimæ repertæ.

499. Gluten quoque vasa probe distendit et implet, et ne humor vitalis effluat impedit: tenuis enim humor, instar aquæ,
ad

ad vitæ munera non suffecisset, quippe quem vasa innumeris ostiis patula non potuissent continere. Ad nutrimentum imprimis conferre videtur; quoniam gluten ipsum multum nutrit, et omnia alimenta, per duplicem in corpore concoctionem, in gluten prius vertuntur, quam ad alendum corpus, et partium solidarum jacturam reparandam, impendantur.

500. Universæ massæ usus varii et maximi momenti sunt. *Genus nervosum* imprimis excitat, probe distributa; calorem animale gignit, eundemque per totum corpus diffundit; quin et sanguis penus est, unde varii humores, variis muniis apti, derivantur vel fecernuntur.

501. Sanguinis partes jam descriptæ raro defunt; raro aliæ in sanguine reperiuntur. In quibusdam vero exemplis, aut nulum fuit gluten, aut tam parum tamque corruptum, ut sanguis e venis missus non coiret, et particulæ rubræ, instar arenæ,

fundum vasis peterent. Res pessimi omnis.

502. Serum aliquando album, instar lactis, observatur, quod ab adipe resumpto, neque iterum in gluten redacto, oriri videtur. Sæpe etiam præter naturam flavum observatur serum, propter bilem in sanguinem redeuntem.

503. Sæpe alia minus solita ratione cogitur sanguis, et crassamentum obducitur crusta alba, tenace, instar corii. Hæc crusta nihil est præter purum gluten tardius solito coactum, quo fit ut particulæ rubræ colorantes quodammodo subsident.

504. Nullum, ut diu creditum est, sanguinis lentorem, densitatem, spissitatem, tenacitatem, indicat, sed potius tenuitatem, saltem minorem ad coagulationem proclivitatem. Critur plerumque a vehementiore sanguinis intra corpus agitatione, seu conquassatione; hinc multas febres, et inflammationes

flammationes fere omnes, et aliquando sanguinis profluvia, et febres quas eruptio super cutem comitatur, interdum corporis plenitudinem, aut dolorem, multasque irritationes, comitatur. Neque semper morbosa habenda est talis crusta, quippe quæ sanissimis aliquando contingat; veluti fœminis, donec uterum gerunt, a primis etiam mensibus; et viris quibusdam validis, laboriosis, laute viventibus, et omnibus sane hominibus, frequentius tempore hiemale et verno, quo robur solidarum partium et actio vasorum quæ sanguinem vehunt, maxima est (462.). Quin et a levissimis causis, dum fluit sanguis, vel postquam in pateram receptus est, veluti ipsius forma, induci aut impediri potest: ita ut sæpe in altera patera nulla, in altera densissima et tenacissima crusta observetur.

505. Hinc ratio redditur cur sæpe, dum talis crusta observatur, sanguinem mittere conveniat, ejusque jacturam corpus bene ferre soleat: patet quoque quantus eorum

error fuit, et periculi quam plenus, qui auctores erant sanguinem iterum iterumque mittendi, donec nulla amplius crusta super eum appareret; scilicet quam morbosam sanguinis partem credebant. Utilissimum profecto medico signum est, quamvis multum abest, ut ad illud solum respicere debeat.

506. Idem gluten sanguinis, nonnunquam dum vivit homo, sæpius vero post mortem, imprimis si vitium aliquod organi, amplificatio, obstructio, &c. adfuerit, in magnis vasis prope cor, aut in ipsius cordis sacculis, coit in massam tenacem, quæ vocatur Polypus. Similes massæ quoque haud raro in utero formantur, et Molæ vocantur.

507. Quantitas universæ massæ, et singularum partium sanguinis, haud facile ad mensuram reducitur. Multum variare potest, salva adhuc sanitate: quod, si vel nimium sanguinis vel nimis parum in corpore

pore fuerit, vel aliena ejus partium proportio facta fuerit, vitium demum erit non leve, et sæpe multorum et gravium morborum causa.

508. Nimia sanguinis copia colligitur usu multi cibi, validi, pinguis, ex carnibus præfertim, et potus validi, (modo concoctio bona fit), et vitæ genere otioso et sedentario, et multo somno, præfertim in iis qui prius multum sese exercere solebant; exinanitionibus quibusvis solitis cohibitis; consuetudine exinanitionum, qualescunque fuerint, nimirum quæ vim vitalem minuant, et excretionem languere faciant; præ omnibus, exhalatione per cutem vel sudore, aut suppressis, aut paullatim deficientibus. Homines corporis constitutionem laxi et debiles, præ aliis, huic vitio sunt obnoxii.

509. Multa mala a nimia plenitudine oriuntur. Homo nonnunquam fere opprimitur, hebes, languidus, debilis fit, neque ipsa quæ sanguinem movent organa ad
tantum

tantum onus impellendum valent. Pulsus languet, et aliquando *syncope*, et vertigo, et palpitatio observantur. Sæpius vero vasa nimis distenta, ad motus præter solitum vehementes et abnormes proclivia fiunt.

510. Hinc proclivitas ad febres, inflammationes, inæqualem sanguinis distributionem, insolitas ejusdem congestiones, vasorum lacerationes, et sanguinis profluvia. Porro, ob arctum inter vasa sanguinem vehementia et *genus nervosum* nexum, mobilitas nimia, et dispositio ad *spasmos*, et alios ejusdem generis morbos, a plenitudine oriuntur.

511. Hinc intelligitur cur aliquando pulsus obscurus, aliquando validus vel durus, plenitudinem comitetur; cur ipsa tot morborum causa et pars; cur sæpe prosperæ valetudinis effectus; qua ratione optime adimatur; vel novis institutis exinationibus, vel antiquis et suppressis restitutis, vel diæta tenui et parca, et valida et crebra corporis exercitatione.

512. Alias

512. Alias quoque haud paucas plenitudinis species, ab hac vera et absoluta diversas, medici crediderunt se perspexisse, de quibus multum quamvis sæpe nimia subtilitate ratiocinati sunt.

513. Plenitudo ad spatium vocatur, si quando, copia sanguinis ejusque mole nihil præter solitum auctis, vasa quæ eum continent, constringuntur, coarctantur, ita ut solitam sanguinis copiam et molem ægre, nec sine incommodo, contineant: veluti vasis extremis et minutis multum constrictis, ingruente febre, aut subito terrore, aut magno frigore: vel demum vasis ipsis, veluti in senibus, concrefcentibus, eorumque nonnullis imperviis factis; vel denique, ipso corpore, amputato membro, mutilato.

514. Plenitudo alia, spuria, ad molem dicta, accidere dicitur, sicubi sanguis ipse, quantitate non auctus, expanditur, mole augetur, vasaque continentia non fecus ac
vera

vera plenitudo distendit. Ingens calor, vel externus, vel a febre, aut exercitatione, aut stimulantibus, hoc mali genus induxisse fertur, sanguine nimirum pro rata parte plus rarefacto, quam vasa relaxata essent. Quin et insolita, præsertim subita, aëris levitas, qualis a magna tempestatis mutatione accidit, vel hominibus contingit qui altos montes ascendunt, sanguinem rarefacere, expanso quem habet aëre, creditur. Annon aliquando de his rebus nonnihil hallucinati sunt *Iatro-mathematici*, molem sanguinis credentes augeri, quum auctus ejus impetus (447. 453. 462.), propter calorem, exercitationem vehementem, aliaque stimulantia, potius in vitio esset?

515. Plenitudo ad vires vocatur, talis sanguinis abundantia, qualis vires moventes opprimat (509.). Ingens plenitudo hujusmodi incommodum semper efficit, et igitur ad vires dici potest. Frequenter tamen observatur istiusmodi vitium, vel ab exiguo sanguinis excessu, qualem validus ho-

mo impune tulisset, si vires ægri a quacunque causa multum fractæ fuerint.

516. Facile patebit varia plenitudinis genera eidem homini simul contingere posse, gravioraque mala a tali conjunctione sæpe esse profluxura.

517. Inopia sanguinis multum quoque nocet; hominem debilitat, ad omnia vitæ munera impotentem reddit, motum sanguinis languere facit, *syncopen*, convulsiones, et mortem tandem inducit: si levior fuerit defectus et diuturnior, corpus marcescit, ob defectum nutrimenti, et functiones ipsius variis modis vitiantur.

518. Talis inopia oritur a longa inedia, cibo pravo, parum nutriente, vel boni cibi prava concoctione, aut impedito nutrimenti ex eo parati in sanguinem itinere; aut febribus, aliisque morbis qui corpus exhauriunt et nutrimentum impediunt; vel demum a variis exinanitionibus, sanguinis

præsertim, imprimis si hæ subitæ fuerint : lentis enim exinanitionibus vasa mirum in modum se accommodant : præterea, si lente depletur corpus, excretiones minuantur, propter vis vitalis defectum, ita ut retentione insolita, insolitum dispendium pro parte saltem facile compensetur. Quod si subita et magna fuerit exinanitio, vel brevi lethalis esse potest, vel hominem ita frangere, ut nunquam plene convalescat.

519. Inopia sanguinis magna aut diuturna qualitates ejus humoris vix potest non vitare. Nimirum pars tenuior facile et cito reparatur; pars vero crassa, gluten, et particulæ rubræ, haud ita subito. Hinc sanguis, tenuis, pallidus, vix rubens, neque bene concreescens, neque corpus bene nutriens.

520. Fit porro nimis tenuis sanguis, multo potu, præsertim aquoso, cibo tenui, et parum nutriente, prava concoctione in ventriculo vel forte in pulmonibus; ipsif-
que

que organis quæ partes crassiores fingunt male se habentibus ; suppressis excretionibus solitis tenuibus, sudore scilicet et urina, veluti a frigore, aut vitio organorum, et demum a putrida universi corporis, et humorum præsertim, corruptione: sed tum alia plerumque sanguinis vitia concurrunt.

521. Sanguis nimis tenuis vel aquosus, facit vultum pallidum, corpus debile, languidum, torpidum, partes solidas laxas, flaccidas, ob defectum nutrimenti, et nimiam humidæ materiæ in compage quantitatem (80. 86.) ; effusiones aquosas hydrogicas in omni corporis parte inducit, aucta nimirum exhalatione humoris tenuis, qui omnia cava corporis organa irrorat, partim ob sanguinem ipsum nimis solutum, et facilius et copiosius justo elabentem, partim ob vasa præter solitum relaxata, neque ut decet renitentia: quin et tantum abest ut venæ resorbentes in hoc statu plus quam solent illius exhalati humoris hauriant, ut hæ quoque, generalis

debilitatis participes, vix ad solita munera valeant.

522. Verum enimvero, natura ipsa a tot tantisque malis simplicissimo plerumque modo præcavit; neque adeo facile, ut multi crediderunt, sanguis nimis tenuis sit; neque si ita factus fuerit, deest idoneum remedium. Nam statim fere, si corpus alioquin sanum est, excretiones tenuiores multum augmentur, et tota sanguinis massa sæpe brevi tempore ad justam spissitatem denuo reducitur.

523. Aliud et huic oppositum sanguinis vitium, nimia scilicet spissitas, qualem medici sæpe finxerunt, rarissimis si ullis in exemplis observatum est. Tale vitium a cibo spisso, sicco, tenace, glutinoso, vel a defectu potus, vel ab excessu excretionum tenuium, puta a calore, exercitatione, &c. oriri asseruerunt. Haud facile tamen ostenduntur exempla talis vitii, vel morborum compositorum, qui ex eo deriventur.

tur. Quorundam profecto, febrium imprimis, et inflammationum, quos huc referre placuit, alia plane ratio est.

524. Hæc ut videtur corpori lex data est: quamprimum sanguis ad justam spissitatem, vel quam minimum ultra, redactus fuerit, excretiones tenues vel supprimuntur vel minuuntur, et corpus simul plus humoris ab aëre trahit; fitis quoque oritur, et quantum opus fuerit ad sanguinem diluendum bibitur. Quod si ipsa aqua deficit, neque miseri, importunissimæ fiti quæ eos ad bibendum urget, indulgere possunt, tum demum, tantum abest ut sanguis spissetur, quod, orta vel aucta putredine, multum solvatur, et acer tenuisque fiat, ægre suis vasis continendus.

525. De acrimonia humorum multum scripserunt medici, et super hoc tenue et lubricum fundamentum, ingentem molem ædificare conati sunt.

526. Sanguis

526. Sanguis in fanissimo homine aliquantulum acer, a variis causis nonnihil acrior fieri potest, et varia neque levia mala facere: docet incitata cordis, aut arteriarum, aut organorum fecernentium, actio, ab acribus ingestis: docent humores secreti præter solitum acres, et vasa aliquando multum stimolata, nonnunquam plane erosæ.

527. Plurima revera acria in corpus quotidie ingeruntur: hæc autem in ventriculo et intestinis vel corriguntur, concoquuntur, permutantur, priusquam in sanguinem veniunt; vel saltem plurima aqua diluta, vel glutine, oleo, *phlogisto*, obtusa, multum suæ acritudinis deponunt, et assidue e corpore tanquam noxia excernuntur.

528. Hoc modo ingens copia falis acidi, *alcalini*, medii, veluti communis, per corpus transire potest, valetudine parum vel nihil affecta. Quod si nimia quantitas ejus fuerit, neque hæc probe diluta, neque excreta, tum demum nocebit.

529. Quin

529. Quin et dum vivit homo putrescit usque, multumque falem sui generis, quem animale (494.) diximus, gignit five evolvit: scilicet in hunc falem magna pars omnium quos ingerimus vertitur, et cum urina e corpore exit. Ista vero ad putridam conditionem proclivitas, si nimia fuerit, nimium quoque hujus falis dabit, præsertim si multum falis cum cibo assumptum fuerit, et parum aquæ, vel alius potus, in promptu fuerit, qui falem dilueret primo, et tandem e corpore elueret. Quod mali genus focii navales fatis superque experiri solent, quum plures menses solo comœatu nautico vivendum est.

530. Huic autem corruptioni corporis (529.) quæ sponte supervenit natura idoneum remedium suggerit; cibum nempe recentem, ex frugibus imprimis comparatum, acescentem, et aëre *mephitico* plenum, quem corpori impertiat.

531. Hujusmodi vero cibus si deficit, corpus

pus citius putrescit, et insignis humorum acrimonia et tenuitas gignuntur, præsertim si aqua deest, aut excretiones, quæ putrida e corpore vehunt, languent, veluti a frigore, ignavia, torpore, deprimentibus animi affectibus, morbisque qui corporis vires frangunt, et demum si magnus calor adfuerit, qui tali corruptioni semper favet.

532. Porro, humores velocius aliquando putrescunt, a putrido ut videtur fermento in corpus recepto, veluti in febribus quibusdam contagio ortis, juvante imprimis calore, victu ex carnibus, salibus quibusdam, debilitate, immunditia.

533. Denique, pars singularis corporis a variis causis sæpe putrescit, veluti ab inflammatione, gangræna, algore; et totum corpus nonnunquam inficit: quamvis plerumque lethalis evadat morbus, priusquam totum corpus in putredinem rapiat.

534. Quandoque autem massa sanguinis
putrescit

putrescit multum, non modo acris fit, sed solvitur quoque, ægre cogitur, et tenue et rarum crassamentum ostendit: quin et ipsæ particulæ rubræ dilabuntur et franguntur. Sanguis vero sic solutus et acer, tum propter falem evolutum, tum propter gluten suum rancidum et putridum, vasa sua stimulat, eroditque, et ex iis elabitur; et maculas primo rubras, postea livescentes vel nigrescentes, tumores, ulcera vix sanabilia nisi tempestive putredini occurratur, sanguinis profluvia ab omni corporis parte vix compescenda, et foetorem insignem et intolerabilem halitus et omnium excretionum facit; et laxitatem solidarum partium, summamque debilitatem, (quia *generi nervoso* veneno est), et mortem tandem, talis corruptio inducit.

535. Acrimonia acida nunquam sanguini humano contingit, neque humorum ulli quum primum ex eo secernitur, quamvis profecto unus ex iis jam secretus, lac scilicet, sponte et brevi ace scat.

536. Neque fane videtur sanguis unquam *alcalina* acrimonia infici. Putredo revera ad hanc vergit, et in hanc tandem definit, vix autem durante vita, quamvis profecto urina nonnunquam parum distet, etiam recens, ab *alcalina* natura.

537. Variæ forte acrimoniæ sanguini inesse possunt, veluti a nimio usu multorum acrium, puta aromatum, aut potus meracioris; sed de his nihil certi notum est.

538. Variæ tamen existunt acrimoniæ morbosæ; quæ corpus sæpe inficiunt, et gravibus morbis corrumpunt, *variolæ*, *morbillorum*, *carcinomatis*, *luis venereæ*, quarum natura, et origo, et modus quo adeo nocent parum intellecta, effectus vero fatis superque noti sunt.

539. A plerisque vero acrimoniis natura præcavit haud minore cura quam a nimia spissitate sanguinis: nonnullis antidoto dato,

to, vel excitata fiti, ut probe diluantur bibendo, vel auctis excretionibus ut ejiciantur, vel denique variis excitatis motibus et actionibus, quibus domitæ et permutatæ, vel innocuæ fiant, vel novis et insolitis viis et excretionibus e corpore expellantur.

C. A. P. XVII.

*De respiratione, ejusque usibus, et varietatibus,
et vitiis, voce, loquela, nixu, suspirio, osci-
tatione, risu, fletu, singultu, dyspnœa, tussi,
sternutatione.*

540. **S**UPEREST et alia actio, respiratio
nempe, quæ jure vitalis habe-
tur; quoniam in homine, et animalibus
quæ simili corporis structura gaudent, ad
vitam adeo necessaria est, ut ne quidem
per brevissimum temporis spatium sine ma-
ximo incommodo aut instante periculo
suspendi possit (5.).

541. In fœtu nulla est; statim a partu
incipit, duplici motu constat, inspiratione
nimirum et expiratione, quarum altera aër
in

in pulmonem recipitur, altera ex eo vicissim expellitur.

542. Medicorum observationibus satis constat, pulmonem proxime sub *pleura* costarum jacere, nullo scilicet interposito aëre, sicut olim opinio fuit: ampliato igitur thorace, oportet vel vacuum inter *pleuram* pulmonemque fiat, vel hic quoque sic distendatur, ut cavum thoracis iterum accurate impleat.

543. Ne vacuum fiat, vetat resiliendi vis et aucta igitur moles aëris qui pulmoni inest, et pondus aëris externi per asperam arteriam prementis, liberumque cum aëre qui in pulmone est commeatum habentis.

544. Duplex vero machinatio est, qua cavum thoracis ampliare possumus; aut septo transverso se contrahente, descendente, centrum suum deorsum trahente, et a concavo versus abdomen in planum fere verso; aut musculis qui inter costas
jacent

jacent se contrahentibus costasque elevantibus: hæ autem, propter obliquum quem cum spina dorsi habent situm, elevari nequeunt, quin simul protrudantur ipsæ, et *sternum* quoque protrudant, et latera pectoris opposita a se invicem recedant.

545. His itaque viribus, quibus vel singulis, vel omnibus simul junctis, uti solemus, prout res postulaverit, thorax quoque versum ampliatur, et longior, et latior, et profundior fit.

546. In validissima vero aut difficili inspiratione, alii quoque muscoli conspirant, quotquot scilicet costas superiores vel elevare possint, vel firmare, ut inferiores validius et certius ad eas trahantur.

547. Thorax sic dilatatus ad pristinam amplitudinem reducitur, relaxatis imprimis omnibus musculis inspirationis, ita ut propria partium dimotarum vis resiliendi haud parum ad hunc effectum conducat.

Costæ,

Costæ, ope cartilaginum, et fortium ligamentorum, cum *sterno* et dorso junctæ, statim fere ad primum situm hoc modo redeunt. *Mediastinum* quoque creditur centrum septi transversi sursum trahere; musculi vero abdominis, per inspirationem distenti, non modo resilientes, sed vi quoque vitali contracti, septum transversum sursum premunt, et costas deorsum trahunt: hoc modo aër iterum e pulmone expellitur, juvante simul contractione fibrarum musculosarum, quibus *bronchia* instruuntur.

548. In valida autem expiratione alii quoque musculi adjuvant; nimirum qui costas deprimere possunt; aut demum ipsi musculi abdominis, qui voluntati parentes, insigni vi contrahi possunt.

549. His igitur alternis viribus respiratio absolvitur. Quantum vero aëris singulis inspirationibus in pulmonem trahatur, ad certam mensuram difficillime reducitur: sed non desunt experimenta quæ ostendant,

dant, plus quam quindecim pollices cubicos, per mediocrem, quadraginta vero et amplius, per validam respirationem, recipi vel expelli,

655. Medium fere locum tenet respiratio inter actiones quæ a voluntate pendent, et eas quæ inscio aut invito homine perficiuntur. Quatenus ad vitam necessaria sit, probe curavit natura ut semper exerceatur; quatenus vero plurimis et admodum diversis neque perpetuis vivi corporis muneribus inserviat, eandem voluntati atque arbitrio nostro quodammodo permisit. Musculi omnes, ut videtur, respirationis, voluntatis imperio subjiciuntur; suggerit autem natura idoneum atque perpetuum stimulum qui eos, etiam inscio aut nolente homine, ad debitam actionem cieat.

551. Quis fuerit iste stimulus medicum multum quæsiverunt, et cur infans, qui, donec in utero lateret, nunquam spiraverat,

rat, quamprimum aëri objiceretur statim spirare inciperet.

552. Respirationem statim a partu incipientem alii singulari instinctui naturali tribuunt; alii nixui generali quem novum animal edit, (et profecto ad omnem nixum inspiratione opus est, ut partes quibus magni muscoli corporis annectuntur rite firmentur); alii demum ipsius septi transversi contractioni primum spiritum tribuunt, quod, quamvis maxime distentum, et prima occasione validissimam daturum contractionem, dum in utero latuit infans, nihil omnino efficere potuit; quia non aër, sed aquosus latex, eum circumdabat, et hic *glottidem* transire nequit, sed contra rimam ejus arctissime claudit, forti contractione ibi excitata.

553. Primæ inspirationi expiratio succedit, viribus jam recensitis facta; et huic iterum inspiratio, cum forte a simplice contractione septi transversi sursum pressi, nec

parum distenti, actione muscutorum abdominis, tum quoque a stimulo quem sanguis in pulmone collectus omnibus inspirationis musculis impertit: hunc, quippe qui nobis familiaris sit, in communi respiratione vix percipimus; verum, si diutius spiritum cohibemus, eundem validissimum esse sentimus, et quali non possumus resistere.

554. Ad inspirationem porro conatus quidam cujus conscii sumus requiritur: exspiratio sponte et sine conatu perficitur. Hinc ultimus in moribundo nifus inspiratio est; animam sine conatu efflat; nam omnes in expiratione moriuntur.

555. Respiratio variis usibus inservit. Creditur imprimis necessaria esse, quatenus ea opus sit, ad sanguinis circuitum per pulmonem promovendum. Pulmo, donec collapsus et compressus erat, veluti in fœtu, vel etiam in adulto, sub expirationem, tantum sanguinis recipere nequit, quantum cor dextrum ipsi tradat. In fœtu

tu igitur alia huic sanguini patet via : in adulto vero, ubi nulla alia est, sanguis in pulmone accumulatur, primo ingratum quamvis levem molestiæ sensum, cum inspirandi cupiditate ; postea vero, nisi prius homo spiritum traxerit, horrendum suffocationis sensum daturus. Neque melius, ut videtur, sub inspirationem sanguis per pulmonem transit : quamvis major sanguinis copia in hoc statu in eum recipiatur, ægre, ut videtur, transmittitur, quod fieri creditur propter ramulos minutissimos arteriæ *pulmonalis* a distentis cellulis pulmonis nimis compressos.

556. Quod si ita res se habet, fieri non potest, quin status quidam pulmonis, medius quasi inter compressionem et amplificationem maximam, sanguinem et accipiat et transmittat libere : nempe, qui vasa sanguinem vehentia quam maxime capacia reddet.

557. Istam vero necessitatem, si qua revera sit, natura evitare potuit, vel nullo

homini dato pulmone, vel homine corde simplice instructo, et pulmone fere arbitrario, qui totum suum sanguinem a ramo *aortæ* accepisset, qualem in amphibiiis, et plerisque frigidi sanguinis animalibus, fabricam spectamus. Præterea, leges philosophandi vetant plures causas fingere vel quærere, quam quæ ad rem explicandam sufficiant: et alia datur, neque dubia, cur spiritus interclusus, vel sub inspirationem vel expirationem, vel demum sub medium statum, quo vasa capacissima et liberrima esse debent, hominem brevi extingueret.

558. Alium scilicet respirationis usum ex effectibus ejus docemur. Omne spirans, præter halitum aquosum, plurimam mephitim e pulmone usque exhalat, quæ vel ipsi, vel aliis, lethali veneno foret, si in pulmone retenta, vel iterum in eum recepta esset. Non minimus certe respirationis usus est, hoc noxium excernere.

559. Porro, hujusmodi mephitis exhalatio

tio apud *chémicos* certum signum habetur mutationis cujusdam compositionis, quæ in corpore unde oritur fit. Neque abfimile est, sanguinem mutationem quandam *chémicam* ibi loci subire, cujus aëris *mephitici* exhalatio signum foret et effectus; præfertim si animum ad hoc attendamus, nimirum nutrimentum omne prius per pulmonem transire, quam majorem circuitum intret, nec unquam, saltem in sano homine, crudum in eo sanguine conspici, quem cor sinistrum ad reliquum corpus miserit. Cruda forte materies, qualis ex intestinis defertur, oleosa, subdulcis, acescens, mediæ quasi naturæ inter fruges et carnes, in pulmone subigitur, in verum sanguinem et gluten vertitur, concoquitur penitus, naturam animale demum induit, putrescens facta, neque postea a pristinis corporis humoribus distinguenda.

560. Denique sunt qui credunt calorem animalium in pulmone quodammodo gigni. In plurimis aliis exemplis, dum calor
gignitur,

gignitur, aër *mephiticus*, et alius quoque aër, venenatus, et *phlogisto* corruptus, insigni copia emittuntur; hoc ex flamma imprimis discitur, ubi magnus calor est, et simul ingens vis aëris *mephitici* et venenati avolat. Idem docet calor ille lenis qui in multis exemplis suboritur inter fermentandum, veluti a fimo, dum in fimeto paulatim putrescit.

561. Halitus iste venenatus, undecunque derivatus, idem esse videtur, sive spiritu, sive igne, sive fermentando evolutus. Vitam pariter et flammam extinguit: pars ejus a calce viva vel aliis causticis attrahitur; quod superest vero non eo minus vitæ et flammæ infestum redditur.

562. Animalia autem, quo calidioris sanguinis sunt, eo citius et gravius aëra quem spirant corrumpere observantur; et quo perfectiorem respirationem habent, eo plus calere. Sic vermes, qui per spiracula in cute spirant, vix unum gradum *thermo-*
metri,

metri Fabrenheitiani, supra elementum quod habitant, calent: pisces, qui branchias agitant, duos tresve gradus: amphibia, quæ arbitrario utuntur pulmone, paullo plus. His omnibus cor simplex est, et arteria *pulmonalis* ab *aorta* derivata, et spiritus qui aëra vel aquam ubi degunt tarde corrumpit, et sanguis frigidus, nostro saltem multo frigidior.

563. Animalia vero quotquot corde duplici instruuntur, quorum totus sanguis prius per pulmones transit quam a venis in *aortam* iterum redeat, quibus spiritus constans, multa mephiti onustus, ne quidem per breve spatium, sine vitæ discrimine, intercludi potest, ad unum omnia, homo, quadrupedia, aves, genus cete, phocæ, si-ve terras si-ve aquas habitant, calidi sanguinis sunt: calent scilicet centum circiter gradus, secundum instrumentum jam dictum.

564. Denique, insecta quædam spirantia,

tia, vel saltem aëra multum et cito corruptentia, ejusdem caloris sunt: de apibus hoc verum est, quarum singularum calor vix explorandus; examinis earundem vero calor humani corporis calore vix minor est.

565. Calor gigni creditur, vel respiratione, vel quivis alio modo, quo aër mephiti et *phlogisto* corrumpitur, hac potissimum ratione; quod, dum aër *phlogiston*, seu elementum illud quicquid demum fuerit, ab alio corpore attrahat, quod ipsum *mephiticum* et venenatum reddat, calorem suum latentem quem plurimum habet, simul magna copia edit. Sanguis vero sic *phlogisto* suo spoliatus, et calore ab aëre derivato plenus, pari ratione creditur novum *phlogiston* a corpore putrescente attrahere, suumque eidem calorem simul impertire; donec tandem, ut prius, ad cor dextrum redeat, per pulmonem iterum transiturus, *phlogisto* onustus, calore aliquantum spoliatus.

566. Hæc

566. Hæc vero, non fecus ac aliæ de ortu animalium caloris opiniones, suis difficultatibus non carebit: quoniam hic calor semper fere idem est, five aër qui circumdat, et quem trahimus, frigidissimus fuerit, five fervidissimus; scilicet, quo majore caloris subsidio egemus, eo plus caloris nobismet comparamus, quo minore opus est, eo minus gignimus. Quin et quo calidior aër fuerit, et quo plus ipse homo caluerit, eo frequentius et plenius spiritum recipiat. Denique, sunt qui totis viribus contendunt, corpus aliquando non modo nullum gignere calorem, sed revera frigus gignere, et sic semet multo frigidius fervare aëre calido qui circumdat: veluti si quis spatium temporis haud exiguum in clibano, aut vaporario, parum calefactus permanferit.

567. Non est dubitandum, vaporationem tum a cute, sed multo magis ab ipso pulmone, calorem corporis, qua ratione cunque is fuerit genitus, temperare multum:

neque abfimile est, hanc vaporationem aliquando calorem respirando genitum plus quam compensare, et corpus itaque revera frigidius reddere.

568. Tamen fateri oportet, multum adhuc requiri, ut hæc opinio pro certa et stabilita doctrina recipiatur. Multa sane et pulcherrima de hac re nostris temporibus instituta sunt experimenta, quæ fidem faciant, *chemicos* tandem idoneam ingressos esse viam, quam frustra nuper et olim quæsierant *physiologi*, ut hoc Naturæ arcanum detegerent et patefacerent. Neque profecto mirum, latissimum campum, adeo nuper patefactum, nondum ita exploratum esse, ut plenam ejus notitiam habeamus.

569. Multi et nuper et olim fuerunt, qui crediderint potius sanguinem alibi calefactum in pulmone frigescere: calet enim aër spiritu emissus quem frigidum traxeramus.

570. Alia

570. Alia quoque officia bene multa scriptores medici pulmoni imposuerunt; globulos rubros sanguinis fingendi et torrandi, aliquid ad vitam necessarium ab aëre hauriendi, et similia. De his vero nihil certi constat, ne quidem multum verisimilis habemus.

571. Respiratio regularis et naturalis hac fere lege absolvitur, ut quatuor circiter cordis et arteriarum ictus fiant tempore unius respirationis. Incitato pulsu, celerior est spiritus, temperato tardior. Sed non semper talis convenientia observatur: in infantibus enim quibus pulsus velocissimus est, spiritus non adeo celer: idem in febribus nonnunquam observatur. In respiratione vero difficili et laboriosa, pulsus aliquando duodecim et amplius observantur tempore unius respirationis. Quin et solo voluntatis imperio facile efficere possumus, ut pulsus triplo vel quadruplo plures solito fiant, antequam spiritum recipiamus. Urinatores

vero, ut ferunt, decies fere diutius, quam alii homines, spiritum suum cohibere discunt.

572. Imperium in omnes respirationis musculos habemus, quippe qui variis usibus, præterquam spiritui, inserviant (655.)

573. Imprimis igitur omne animal cui pulmo datur vocem edit, qua varias suas cupiditates, aliosque animi affectus, exprimat. Hæc vero fit transeunte aëre per *glottidem*, nunc magis nunc minus constrictam; tanta vi, ut cartilagines et ligamenta *laryngis* in tremores conjiciat, quales sonum faciunt, et quorum aër ipse particeps fiat. Vox quoque fortior, clarior, gratior fit, dum per os et nares transit, quarum partium ossa et cartilagines membranæque demum ipsæ juvant, sono quem acceperant percussio et aucto. Variat insuper vox non modo secundum variam *glottidis* aperturam, sed prout *larynx* tota stricteior vel laxior, depressa

pressa vel elevata fuerit. Docent visus et tactus gutturis vel nasi dum vocem edit aliquis, et vox ipsa variis et miris modis corrupta, propter vitia quæ dictæ sunt partium.

574. Soli homini loquela datur, quippe qui solus mirabili dono uti noverit. Multa profecto animalia loqui didicerunt, nulla vero loquela uti: scilicet quia mens deest. Fit autem loquela ope linguæ, labiorum, gingivarum, dentium, veli penduli palati, ossis palati, et nasi, et demum gutturis, variis modis conspirantium; qua tandem machinatione, vox interrupta et mutata, in literas distinctas seu elementa formatur: has prima ætate discimus, nedum laboris conscii, nec modi quo singulas literas efficimus.

575. Uniuscujusque vero literæ ratio proferendæ, et machinatio partium qua formatur, sedula observatione detectæ sunt; neque tantus labor generi humano prorsus inutilis

inutilis fuit : hac enim notitia, varia loquelæ vitia corrigere docemur. Immo sunt quibus unum opus est, sermonem mutis docere. Hi plerique furdi tantum, non organis loquelæ manci aut imperfecti, nascuntur : nec voces possunt imitari, quas nunquam noverint existere. Quin et pueri jam loquentes, si casu quovis furdi fiunt, obmutescere solent. Nunc vero utrique, siue natura siue morbo furdi et ideo muti facti sunt, tactu et visu organorum loquelæ, dum loquitur aliquis, discunt literas distinguere, et tandem suis organis proferre : opus revera tædii plenum, sed nobile præmium.

576. Opitulantur præterea respirationis musculi variis actionibus viscerum abdominis. Ipsum per abdomen, et jecur præsertim, sanguinis motum promovere creduntur, alterno et valido sæpe quo agitantur motu. Contractis vero septo transverso simul et musculis abdominis, abdomen totum, et quicquid in eo est, velu-

ti in prelo comprimuntur. His viribus plerumque opus est ad alvum evacuandam et urinam reddendam, (imprimis ad superandum renixum qui a musculis ostium vesicæ et anum cludentibus oritur; hoc enim superato, vis contrahens intestinorum et vesicæ sufficit ad urinam et stercus expellendum); pari ratione partum promovet, et cum ventriculo male affecto, et jam nauseante conspirant, et vomitum faciunt.

577. Inspiratio præterea, quatenus thoracem distendat, si spiritus reprimitur, humeros, et dorsum, et cervicem, figit, et sic firmitus fundamentum dat musculis trunci et brachiorum validissimis, quale in omne majore nisu requiritur.

578. Denique, affectiones quædam respirationis, nedum morbidæ, statum tum animi tum corporis indicant, idque sæpe inscio aut nolente homine.

579. Suspirium

579. Suspirium dicitur plena expiratio tanta vi facta, ut aures astantium feriat. Præcedit sæpe inspiratio præter solitum vehemens et plena. Fit propter sanguinem per pulmonem male expeditum, ob debiliorem cordis aliarumque virium moventium actionem. Hinc multos morbos comitatur: sanis tamen familiare, exhaustis viribus longa vigilia aut nimio labore. Animi demum index sæpe est, quatenus a mœstitia, vel metu, vel graviore quovis affectu corporis vires frangente, originem ducat.

580. Huic quodammodo affinis est Oscitatio, quantum a languidiore sanguinis motu per pulmones oriatur; ita ut alterum pro altera non indecore substitui possit. Oscitatio est ingens, plena, sonora inspiratio, hiante ore facta, quam æqua expiratio solet excipere, et interdum omnium artuum valida extensio comitatur, quæ *pandiculatio* vocari solet. Affectio esurientibus, somniculosis, labore et vigiliis exhaustis,

lis, familiaris; *hystericis* frequens, et inter sanissimos etiam contagio seu imitatione (348.) mirum sæpe in modum propagata.

581. Risus est plena inspiratio, cui repetitæ, interruptæ, et valde sonoræ expirationes succedunt, adeo ut spiritus nonnunquam fere intercludatur, vel vasa sanguinem vehentia pulmonis ultra modum distenta demum rumpantur, non sine suffocationis periculo. Nascitur plerumque ab animi affectione aliqua nova, levi, grata, ludicra, ægre definienda, vel a titillatione partium corporis quarundam, quæ acriore sensu gaudent. Vehemens periculo non caret, modicus saluberrimus habetur, cursum sanguinis grate promovet, et totum corpus quatit excitatque; nec minus forte ad rem pertinet, quod mentem gravioribus curis vacuum denotat. Risum comitatur vultus hilaris, verbis laud facile depingendus.

582. Fletus huic oppositus, si causas ex-

citantes spectamus, machinatione partium, qua fit parum differt; huic quoque plena inspiratio contingit, et breves, fractæ, sonoræ expirationes, cum voce edita querula atque ingrata. Vultus simul tristis est, et lachrymæ effunduntur. Ab aliquo gravi animi affectu, mœrore imprimis, plerumque oritur, eundemque multum levare solet. Infantes quoque dolor corporis flere facit. Raro periculosus est, nisi aliquando infantibus, quibus et risus et fletus a levissimis causis vehementiores sunt quam adultis. Uterque *hystericis* frequentissimus, et immodicus, non tamen, ut videtur, sine causa aliqua, vera vel imaginaria, quamvis causam hanc sæpe nolint fateri. Uterque homini proprius, forte quia ab animi affectionibus oritur, qualibus belluæ carent.

583. Singultus forte his annumerandus est, quippe qui sæpe integra valetudine utentibus accidat, veluti si risum immodicum secutus fuerit; quamvis sæpe etiam morbidus sit, et in quibusdam morbis pessimi ominis signum. Est vero nihil aliud quam

quam subita et sonora convulsio septi transversi; ventriculus quoque, ut videtur, aliquando convellitur; frequentissima ejus causa (præter jam dictum, vehementem scilicet septi transversæ actionem) est irritamentum quodvis ventriculum afficiens: distentio ejus sola singultum sæpe inducit; hinc ebriosis aut crapula gravibus familiaris. Ventriculi vel intestinorum inflammationem et gangrænam comitari solet. Sæpe a debilitate sub finem longorum morborum, aut in paralyfi, sæpe post exactum calculum ex vesica, si male cessura est curatio, observatur importunissimus. Singultus autem ratio sæpe valde obscura est.

584. Quin et sæpissime respiratio variis morbis plus minus impeditur, insigni hominis incommodo nec raro periculo.

585. *Dyspnæa* apud medicos vocatur malum, si quando spiritus difficiliter, laboriose, neque plene, neque sine dolore,

trahitur: vitium profecto frequentissimum, multorumque morborum comes et pars.

586. Varias agnoscit causas, propter multa organa quæ respirationi inserviunt, eademque cum aliis partibus connexa, et demum propter multas externas res, aëris imprimis dotes, densitatem, raritatem, calorem, &c. quæ variis modis corrumpi possunt.

587. Igitur impeditur respiratio, sano prorsus homine, a multis vitiis aëris ipsius: veluti nimia, præsertim subita, levitate, raritate, humiditate, impuritate, corruptione, imprimis si vaporibus noxiis, et acribus, aut venenatis, onustus fuerit: quorum nonnunquam tanta vis est, ut non modo respirationem impediant, sed vitam ipsam brevi extinguant (48.).

588. Porro, obstructions variæ, five a mero tumore, five ab inflammatione, five contractione, oris, narium, gutturis, *glottidis*,

tidis, asperæ arteriæ, *bronchiorum*, quæ vias quas aër subire debet aliquo modo claudat, respirationem impedit.

589. Impeditur quoque ab omni vitio pulmonis, inflammati, tumoribus obstructi, inundati multa aqua, muco, fero, sanguine, neque ut decet dilatato.

590. Sano vero pulmone, et liberis omnibus viis quibus ad eum itur, thorax ipse oppletus aqua, sanguine, pure, aëre ipso per vulnus admissio, pulmonis amplificationem, et ideo respirationem, impedit. Vulnus vel unius lateris thoracis (alia tunc nimirum aëri patente via, si thorax ampliatur, quam per asperam arteriam) respirationem impedit: utriusque vero lateris vulnus eandem brevi supprimit.

591. Vitia quoque multiplicia organorum quæ pectus ampliant, debilitas, paralysis, *spasmus*, inflammatio, dolor, rigiditas, septi transversi, aut musculorum abdominis,

dominis, aut qui inter costas jacent, respirationem imperfectam et difficilem reddent. Quin et, sanis ipsis organis moventibus, actio eorum quovis modo impedita, quo minus pectus ampliatur, respirationem faciet difficilem: veluti costæ rigidæ factæ, ægre movendæ, vel descensus septi transversi impeditus, propter aquam, aut aëra, aut cibum, aut potum, aut foetum, abdomen, vel uterum, vel intestina, vel ventriculum, distendentia, auctamve visceris cujusvis molem, vel demum omnia plus justo sursum prementia: hinc gravior fere omnis spirandi difficultas decumbenti ægro.

592. Denique, organa respirationis, tum magni muscoli, tum quoque ut videtur fibræ minutissimæ, quibus *bronchia* instruuntur, per consensum cum aliis partibus, ventriculo imprimis, vel convelluntur interdum in motus abnormes rapti, vel ad solitos motus ægre valent: unde impedita respiratio.

593. Postremo,

593. Postremo, sanguis ipse per pulmones ægrius transmissus, vel a vitio, puta læsa fabrica, organorum quæ eum movent, vel a virium moventium debilitate, spiritum sæpe facit difficilem et laboriosum, qualis moribundis solet contingere.

594. Tot tamque diversis impeditæ respirationis bene perspectis causis, (quarum aliæ alias invicem inducunt intenduntque), ratio in promptu erit, cur malum adeo frequens, cur tot morborum comes et signum, cur sæpe malum *nervosi generis*, cur nunc leve et fugax, nunc grave et insanabile, aliquando hæreditarium, aliquando periculi plenum, et subito lethale, nonnunquam vero periculo vacuum; cur per intervalla sæpe recurrat; calore et valida corporis exercitatione cur inductum, modica vero exercitatione interdum sublevatum, plenitudine ingravescens, detracto e venis sanguine sæpe fugatum, vel saltem mitius factum.

595. Impedita

595. Impedita respiratio, qualiscunque demum ejus causa fuerit, motum sanguinis plus minusve impedit: hinc generalis debilitas, variae functiones impeditæ, et multi morbi, generis hydropici imprimis (463. 467.). Pulmo quoque compressus aliquando, et nunquam ut decet dilatatus, suum halitum difficilior, neque plene exhalat; hinc sæpe humore aquoso obruitur: quin et simul irritatur, quo fit ut plus ejus muci, ejusque tenacioris, secernatur, qui demum vias quas aër subit obstruit, stimulat, tussimque vehementem et molestantem excitat, qua tandem pulmo suo se onere liberet.

596. Aliis quoque vitiis, tussi nimirum et sternutationi obnoxia est vitalis hæc functio, quæ, quamvis primo intuitu gravissima videantur, suis tamen usibus non carent, et merito sæpe inter saluberrimos Naturæ conatus recensentur (59. 64. 361. 5.); sæpe tamen periculo non vacant, et gravi incommodo, siue tantum nimis vehementes,

tes, five demum inepti fuerint conatus (64. 365.), neque sapiente consilio instituti. Utcunque tamen hæc se res habuerit, medici est naturam et causas et effectus earum affectionum novisse, quo melius sciat salutares promovere, nimias temperare, noxias et ineptas compescere.

597. Tussis vocatur vehemens sonora expiratio, sæpe invita, aëra per *glottidem*, nunc magis nunc minus fortiter clausam, magno impetu subito expellens. Convulsio muscutorum expirationis dat insignem aëri impetum: contractio *glottidis* dat sonum. Tussis sæpe repetita et diuturna est, intercedente nimirum reciproca, post singulas expirationes, inspiratione, sed difficili, obstructa, imperfecta, propter contractam *glottidem*.

598. Excitatur tussis acri quovis vel *chemico* vel *mechanico*, viis quas aër subit admoto. Hæ membrana obducuntur delicatissima stimuli que omnis adeo impatiens, ut ne quidem blandissimi corporis, veluti

guttulæ aquæ, tactum ferat, quin statim musculos expirationis in violentam convulsionem rapiat, *glottidemque* simul claudat, propter consensum (355.) quo hæ partes, communi munere fungentes, conjunguntur. Hinc aër tanta vi expellitur, ut rimam *glottidis*, quamvis fortiter clausam, aperiat, et irritamentum quicquid fuerit quod tussim excitaverit, sæpe dimoveat et ejiciat: non utilis modo actio, sed necessarium vitæ tutamen, quippe quæ sola pulmonem liberare possit ab irritamento, aut saburra, quæ hominem brevi suffocaret.

599. Quicquid præter solitum in viis quas aër subit fuerit, mucus ipse nimius, spissus, tenuis, acer, sanguis, serum, pus, aqua, tussim excitant: omnem pulmonis inflammationem, omnemque respirationem difficiliorem, comitatur fere inseparabilis. Quin et sæpe aspera arteria, *bronchiisque* nimis sentientibus, vel inflammatis, vel suo muco qui ab aëre ipso defendere solet orbatis, ne purissimus quidem aër sine dolore, irritatione, tussique vehemente, trahi potest.

Denique,

Denique, exempla non defunt ubi a vitiis et irritationibus aliarum partium, vel universi generis nervosi, tussis frequens et molestissima excitata fuerit: auris aliquando, vel ventriculi vel intestinorum a vermibus, vel jecoris ab inflammatione, irritationes hoc fecerunt.

600. Tussis quoque a voluntate excitari potest, et tum ad arbitrium nostrum regitur: sæpe etiam cum invita prorsus est, eandem temperare, vel contrario conatu suppressere possumus: vehementi tamen ad tussim pro-
pensione nullo modo resistendum est.

601. Excitata semel, pergere solet, donec vel expulsum fuerit irritamentum, vel sensus irritationis deletus, sopitus, forte superatus fuerit, graviore sensu, quem ipsa tussis dederit: tum redeunte post intervallum irritatione, tussis denuo redibit. Hinc rationem docemur importunissimum malum sublevandi sæpe et sopiendi, quamvis non detur causam ejus penitus tollere.

602. Vehementissima periculo sæpe est: intercluso nimirum spiritu, et valido nisu, plurimus sanguis in pulmone congeritur, cujus vasa distenduntur, nonnunquam rumpuntur; unde sanguinis profluvium aliquando ingens, vel forte lethale; sæpius vero origo lentioris, sed vix minus exitialis morbi: quin et tussis crebra, et molesta, sine gravi aut fane ullo sanguinis profluvio, tantam pulmoni inferre potest labem, imprimis si debilioris fuerit fabricæ, ut phthiseos vix non immedicabilis fundamenta jecerit.

603. Denique, a longa et vehemente tussi, impedito per pulmonem sanguinis transitu, sanguis per venas refluit, imprimis ad caput: hinc vultus rubor, et sæpe livor, et nonnunquam sanguinis profluvia vel e naribus, vel ex vasis internis in ipso cerebro, et paralyfis, aut *appoplexia*, aut convulsio, aliquando lethalia.

604. Postremo, compressis insigni vi
quotquot

quotquot in abdomine continentur visceribus, si pars quædam præter solitum debilis fuerit, hernia, prolapsus, abortus, et similia mala accidere possunt.

605. Quod si lenior fuerit tussis, sed importuna et frequens, quamvis nil istiusmodi metuendum sit, periculo tamen non carebit: ægrum nimirum agitat, fatigat, vires corporis frangit, somnum adiunit, febrem intendit, ipsum pulmonem quatit et irritat, cibi concoctionem cæterasque fere functiones impedit, ægro tandem intolerabilis evasura.

606. Huic multum affinis est sternutatio, ingens nimirum plena inspiratio, cui sonora et violentissima succedit expiratio, et hæc simul descendente velo pendulo palati, ita directæ, ut aër, immani vi, per nares, quas transeundo verrat, expellatur. Convulsio ipsa tussi multo vehementior est, vix ad arbitrium excitanda aut imitabilis, si propensio adest, difficillime compescenda,

pefcenda, corpusque univerfum, magis quam tuffis, quatiens, et excitans.

607. Ut tuffis ab irritatione *glottidis*, et *asperæ arteriæ*, et *bronchiorum*, et pulmonis, fic fternutatio ab irritatione membranæ narium oritur, rarius a confenfu cum remotis partibus; pari ac tuffis ratione, caufam irritationis fummovet, vel abftergit, et corpori igitur sæpe prodeft, aliquando vero nocet, fcilicet fi nimis vehemens fuerit, aut nimis sæpe repetita, aut nimis diu continuata.

C A P.

C A P. XVIII.

De concoctione alimentorum.

608. **C**Orpus variis actionibus, tum animalibus, tum vitalibus, brevi exhauritur, fluidis nimirum partibus dissipatis, solidis attritis, et utrisque ad putredinem sponte vergentibus (6.)

609. Monemur vero et incitamur importunissimo appetitu, et dirigimur instinctu, quem juvat gustus, et olfactus, et experientia, ad res ingerendas, quales idoneæ fuerint ad corporis jacturam reparandam, ejusque corruptionem arcendam et corrigendam.

610. Vacuo

610. Vacuo jam ventriculo, et corpore quoque nonnihil exhausto, inedia, solitissime vitæ laboribus, sensus ingratus, quem ad ventriculum referimus, cum edendi cupiditate oritur, primo levis, paullatim ingravescens, nisi idoneo cibo pacatus fuerit, tandem immanis evasurus, et quali nullo modo resistendum fit.

611. Porro, quum fluidæ partes multum dissipatæ fuerint, vel acre quodvis, vel cibus ficcior in corpus ingesta fuerint, fauces arescunt, et ingens bibendi cupiditas oritur. Hæc Sitis, illa Fames, vocatur.

612. Neque profecto homo semper esurit a vacuo ventriculo: exinanitio aliqua universi corporis, libera imprimis per cutem excretio ad hunc effectum haud parum conducit (354.). Quin et contractio quædam fibrarum musculosarum ipsius ventriculi subesse videtur, famemque gignere: nam multa stimulantia in eum recepta,

cepta, ipsiusque demum modica distentio appetitum aliquem homini, alioquin non e-
furituro, conciliabunt: quod helluones sæ-
pe, non sine magno suo malo, experiun-
tur.

613. Porro, si cibus prorsus fluidus et
tenuis assumptus fuerit, corpus haud bene
alit aut reficit: docuit igitur natura ho-
minem, crassiores vel sicciorem aliquem
cibum quærere et appetere, quem sumat
simul, quamvis sæpe infusum, et parum
nutrientem.

614. Omnis cibus est vel ex animalibus
vel ex plantis derivatus. Utrumque genus
homo natura appetit: et vel ab altero, vel ab
utroque simul, quod usitatus est et melius,
fatis alitur, et bene se habet. Quamvis
nonnulli, se credentes natura sapientiores,
vetent animalia mensis imponi, et jubeant
solis frugibus vivere.

615. Fossilia quædam, et multæ fruges,

quæ parum vel nihil nutriant, pro condimentis fumuntur. Hujusmodi condimenta, aliquid nimirum gustui grati, vel saltem acris, quamvis sæpe rancidi et fœtidi, et admodum ingrati, donec consuetudo amare docuit, omne animal, et homo præsertim, appetit. Neque suis usibus carent istiusmodi condimenta. Linguam stimulant, meliusque gustare faciunt, quo gratior cibus evadat, ipse forte parum saporis habens: quin et ventriculo quoque stimulo sunt, et sic concoctioni, præsertim si ille debilior fuerit, opitulantur: neque bene concoquitur, si condimenta solita negata fuerint.

616. Parum concoctionis vel mutationis, præter solutionem partium solidarum, requiritur, ut cibus animalis nutrimento corpori humano sit: quippe qui parum omnino differat a natura corporis humani. Olea vero, tam animalium quam plantarum, quæ multum alunt, longius distant a natura humorum aut carniū humani corporis. Remotiora adhuc videntur esse fruges

fruges glutinosæ, vel quæ farinam aut saccharum præbent, et demum radices, et olera, quibus tamen omne animal nutritur, vel ipsum herbas depascens, vel aliis vivens, quæ eas depaverant.

617. Cibum labiis prehendimus, his, et buccis, et lingua, in ore volvimus, dentibus dividimus, contundimus, conficimus: affluente vero plurima saliva, et muco, et aliis oris humoribus, cum ob stimulum et saporem cibi, tum quoque ob motum partium dum manditur, cibus in massam mollem, fere fluidam, subigitur, quam *pharyngi* tradimus, neque amplius in eam potestatem habemus; neque profecto opus est: hujus enim actione in gulam impellitur, quam dilatat, et ad contractionem ciet, qua demum contractione a *pharynge* incipiente, et ad ventriculum propagata, cibus ad ventriculum pervenit, ibi quod decet tempus detinendus. Neque sane tantum suo pondere, quantum motu et contractione ipsius gulæ, descendit cibus: multa

enim animalia sursum devorant, quod et homo ipse facere potest.

618. Cibus autem non statim per ventriculum transit; detinetur ibi aliquamdiu, contracto scilicet, et nonnihil simul elevato *pyloro*, cum a fibris quæ ipsum circundant, tum quoque a longioribus, quæ partem ventriculi superiorem occupant; tandem vero, relaxato iterum et descendente *pyloro*, *duodeno* traditur cibus, jam multum solutus, et actione ventriculi subactus, agitato, propulsus.

619. Similis massa alimentaria, ex carnisbus et frugibus mixtis confecta, cum aqua aut saliva in pulpam mollem probe subacta, et mollita, et diluta, et demum calore, qualis in corpore esset, fota, extra corpus continuo fervere incipit: agitur scilicet multum, et plurimum aëra exhalat, et acefcit primo, et deinde putrefcit.

620. Sæpe etiam in vivo homine idem
accidere

accidere docet ructus, docent dolor ventriculi, et vomitus materiæ acidæ vel putridæ, male concoquentibus familiares.

621. Porro, experimenta haud pauca, de industria instituta, ostenderunt alimenta in ventriculo hominis, quamvis fanissimi, semper aliquantum fermentescere, ipsamque massam alimentariam, paucis post prandium horis, totam acescere.

622. Fatendum tamen est, vel nulla vel levissima saltem istiusmodi mutationis indicia, in sano homine, se unquam manifeste prodere: et bene notum est, quo vehementius fermentatum fuerit in ventriculo, eo hominem pejus et tardius concoquere.

623. Creditur igitur aliquid in ventriculo esse, quod istud incommodum impediat, neque sinat alimenta adeo vehementer fermentescere. Succus ipsius ventriculi proprius, copiosus secretus, hoc præstare videtur.

detur. Si vero diutius justo cibi in ventriculo detenti fuerint, (quod sane vix acciderit si concoctio alioquin bona fuisset), hic succus non sufficit ad compescendam hanc alimentorum ad fermentandum proclivitatem, quæ tum sese manifestis signis prodit.

624. Quin et idem succus cibos solvit, neque facile ventriculus quos continet cibos prius intestinis tradiderit, quam probe soluti fuerint. Neque vis solvens in omnibus animalibus eadem est: sunt enim quæ carnes, sunt quæ herbas, facile solvunt, neque alterum genus omnino tangunt. Homo vero, et animalia omnivora, nempe quæ aliis animantibus et herbis promiscue vescuntur, utrumque genus pariter solvunt. Docent experimenta quædam extra corpus instituta, et melius adhuc et certius, quæ nuper in vivo homine facta sunt. Plurimæ autem fruges, tam duræ quam molles, neque solvuntur, nec ullo modo concoquuntur a homine sanissimo,

fimo, nisi prius dentibus confectæ, vel alio modo fractæ aut contusæ fuerint.

625. Neque cibi jam quodammodo soluti, et insignem acorem, si permansissent in ventriculo, brevi acquisituri, postquam in intestina demissi sunt, ulla (saltem in sano corpore) acoris indicia ostendunt. Obstat forte succus intestinorum, ventriculi succo haud dissimilis, et copiosus *pancreatis* latex, salivæ simillimus, sed, præ omnibus, fel ipsum a jecinore delatum, quod non finit massam alimentorum amplius fermentescere, neque propius ad acidam naturam accedere, et sane acorem jam existentem mirabiliter corrigit. Quin et solutionem alimentorum promovere videtur fel, oleosa cum aquosis probe miscendo; et intestina quoque incitare ad justam contractionem.

626. Actione igitur manducandi, et vi solvente humorum oris, et ventriculi, et intestinorum, et demum fellis, cibi in fluidam formam rediguntur, juvante forte ipso
forum

forum ad fermentescendum proclivitate, quæ vincula adhæſionis laxet. Humor vero nutriens, dum tota massa per intestina descendit, a vasis *lacteis* pendulis vel hiantibus in intestina forbetur, his per mesenteriam repentibus ad ductum *thoracicum* deferitur, et in sanguinem rapitur, postquam per pulmones iter absolverit in naturam animalemi penitus mutatus. Plurimo vero affluente ex intestinis, jecore, *pancreate*, humore, massa quæ superest vix spissescit, donec ad crassa intestina pervenitur: tum vero parcius diluta, et multo decedente humore, stercoreis tandem formam induit, sæpe firmi, et vestigia cellularum coli retinentis.

627. Multum vero abest ut plenam mutationum, quas cibi in ventriculo aut intestinis subeunt, notitiam habeamus. Natura enim et vires *fermentationis*, forte etiam varia ejus genera, parum adhuc intelliguntur, neque ex ea concoctionis ciborum ratio reddi potest. Neque incerta solutio nondum

dum solvet: cibi enim non modo soluti, sed multum mutati, novasque sibi nacti dotes, sub forma *chyli* in sanguinem deferuntur. Lac ipsum, simplicissimus et *chylo* simillimus cibus, cogitur primo in ventriculo, deinde concoquitur, et solvitur, et in *chylum* ut alii cibi vertitur, priusquam idoneo corpori nutrimento fuerit.

628. Motus intestinorum in sanitate simplicissimus est, et *peristalticus* vocatur. Portio alia post aliam ad contractionem cietur, partim acrimonia, partim mole alimentariæ massæ, quæ tandem in intestinum rectum propulsa hanc partem stimulat, desidendi cupiditatem inducit, et intestinum ipsum, et, quæ cum eo consentiunt, musculos abdominis et septum transversum, ad contractionem ciet, qua, superato renixu musculi qui anum claudit, e corpore demum excernitur.

629. Alias revera bene multas concoctionis rationes reddere conati sunt philosophi et medici: alii maximam partem calori, alii

agitationi et trituræ, alii *fermentationi* tribuentes; quamvis haud satis validis argumentis tuiti sint varias quas amplecterentur sententias. Neque tamen omnem quam impendebant huic rei operam perdididerunt. Rationem saltem reddiderunt multarum affectionum quibus sæpe corrumpitur utilissima hæcce functio, et idonea itaque remedia indicarunt.

630. Cibi alii facile alii ægerrime concoquantur. Mira autem de hac re hominum diversitas, et magis adhuc mira vis consuetudinis; ita ut quod huic cibo, illi fere veneno fuerit. Quin et dura messorum ilia, lapideum fere cui assueverint cibum, facilius quam delicatissimum aliquando concoxerint.

631. Omnes fere quibus utimur cibi, mitescunt flamma et molliuntur: mixtura quoque, et *fermentatio*, et condimenta plurima, alia atque alia ratione, cibos solutu et concoctu faciliores reddunt. Hoc modo

ars

ars coquinaria non grata modo, sed fere necessaria assuetis: eadem vero nimis culta, et contraria et dissociabilia miscens atque confundens, imprimis nocet; et sane hac potissimum ratione, quod homines ad ingluviem invitat: neque profecto aut qualitas, aut mixtura ciborum, (quamvis hæc sane haud parum aliquando noceat, sicubi totam massam nimis cito et vehementer fermentescere faciat), helluoni tantum nocet, quantum ingens copia quam ingurgitat. Homo enim sanus, neque famelicus, unius et simplicis cibi generis raro plus justo sumet: varietate autem, et condimentis, et exquisita coqui arte allectus, triplo plus quam debet sese onerabit.

632. Cibi plerique duri, aut sale, fumo, pipere, aromaticis, conditi et indurati, aut glutinosi, et oleosi, cum fruges tum quoque carnes, difficiliores solent esse concoc-tu: carnes quoque juniorum animalium, et carnes avium, quam quadrupedum difficilior ut videtur concoquuntur.

633. Tanta autem vis est edacis humoris jejuni ventriculi, in aliis atque aliis animalium generibus, ut non modo olea, gluten, cartilaginem, sed ossa demum, et durissimum ebur, solvat et concoquat. Dicitur quoque ventriculum ipsum aliquando rodere brevissimo post mortem tempore.

634. Ex his denique ratio reddi potest, cur concoctio tam sæpe vitiata, cur alimenterum in ventriculo corruptio, acida primo, dein putrida, male concoquentibus familiaris, cur subito turbetur et corrumpatur ciborum concoctio, non modo a corporis morbis, sed sæpe etiam a gravi animi affectu; cur corporis exercitatio sæpe promoveat, aliquando vero impediat actionem ventriculi in cibos; cur cyathus meri multis hominibus profit, et concoctionem juvet, multis vero noceat, eandemque corrumpat.

C A P. XIX.

*De vitiis concoctionis, variisque organorum
quæ concoctioni inserviunt affectionibus mor-
bosis.*

635. **A**ppetitus cibi sæpe deficit, cum a
ventriculi, tum quoque a reli-
qui corporis, statu. Multorum itaque mor-
borum *Anorexia* comes est et effectus; ne-
que tamen semper morbosa habenda. Ma-
le enim de appetitus defectu conqueruntur
helluones, quum corpus, mente fanius, ci-
bum quo non eget fastidit et respuit.

636. Nullus vel debilis est appetitus, si-
cubi ventriculus quem proxime sumpserat
cibo se nondum liberaverit: hinc post cra-
pulam,

pulam, sæpe nullus, donec hæc bene exhalata fuerit. Deficit quoque, si quando concoctio alimentorum prava est; nam ventriculus crudum cibum ægre intestinis tradiderit. Deficit sæpe propter exercitationem neglectam, qua totum corpus debuisset depleri, (612.) quamvis ventriculus ipse satis bene se habeat, et concoctio bona fuerit. Deficit fere a suppressa per cutem exhalatione; ab omni etiam ventriculi debilitate, qualis sæpe subito inducitur; et in omni demum febre appetitus cibi parvus est: neque profecto certius datur signum febris decedentis quam appetentia redux. Quin et multum abest, ut defectus appetitus, et quæ inde sequitur inedia, ægris, præsertim acutis morbis decumbentibus, tantum noceat, quantum similis inedia sano homini noceret. Neque profecto silentio prætereundum est, fastidium cibi, quod primis febris stadiis æger habet, sæpe potius in salutem cedere. Sapiens nimirum Natura onus recusat, quale
neque

neque concoquere potuisset, neque impune ferre.

637. Cibi appetitus etiam sanis admodum varius, nonnunquam mirum in modum intenditur, ita ut non immerito morbosus habeatur. Rarum mali genus, nonnunquam tamen observatum, et creditum oriri, vel a longa inedia, vel ab ingentibus exinanitionibus, (ubi subsidio solito majore revera opus esset), vel ab acri quodam in ventriculo genito aut in eum recepto, eundemque nimis stimulante, vel a læsa imaginatione, vel denique a prava consuetudine. Non dubium enim est, homines solo usu avidiores cibi et capaciores evadere.

638. Depravatio ejusdem appetitus, et rei insolitæ, parum idoneæ aut non esculentæ, desiderium, plerumque a læsa imaginatione oritur, sæpe a nimia indulgentia, præsertim ubi ad ventriculum diu male se habentem plus justo attenditur. Hæc videtur esse ratio quod malum, mulieribus
dum

dum uterum gerunt, natura aliquando accidens, scilicet quæ a ventriculo fere soleant laborare, eo magis ingravescat, et ipsis et aliis plus molestiæ faceßat, quo sibi plus indulgeant: rarissimum ubi mos vetat ei indulgere, jubet celare talem appetitum abnormem; frequens et vehemens, neque semper ad res ullo modo esculentas directum, ubi fœminæ potius decorum sibi ducunt, et mos jubet omnem maritum gravidæ uxori indulgere, et sane metus cogat, ne pro filio monstrum pariat uxor; vel denique, si quid forte fortuna mali, aut abortu aut puerperio, mulieri acciderit, ipse suæ uxoris parricida habeatur.

639. Nonnunquam appetentia vehemens rei insolitæ vixque esculentæ observatur, a certo statu ventriculi, quæ tamen salubris esse potest: veluti cupiditas *absorbentium*, ut vocantur, a multo acore in ventriculo, vel acidorum et omnis herbæ in *scorbuto*, vel vini et similium in febre. Hujusmodi desideria,

sideria, si iis modice indulgetur, sæpe profunt, raro nocent.

640. Sitis, non secus ac fames, aliquando deficit, aliquando nimia observatur. Defectus ejus vix morbosus habendus est, dummodo valetudo cætera secunda fuerit, et concoctio cibi bona; nimirum, quia tunc verisimile est, corpus potu non egere. Sunt qui nunquam sitiunt; homines, scilicet, constitutionis corporis humidæ, fluidoque cibo utentes, quibus copiosior oris humorum secretio nunquam finit fauces arefcere.

641. Sitis vero nulla, cum fauces aridæ, lingua scabra, aliaque signa testantur multo potu opus esse; ea demum vere morbosa est, et haud secundi ominis; ad stuporem, delirium, læsum aliquo modo cerebrum, fere referenda, quo fit, ut æger stimulum, quamvis validum, nequeat percipere.

642. Nimia sitis, frequentius multo vitii genus, oritur, vel ab inopia partium flui-

darum in corpore, veluti si potus diu negatus fuerit, vel corpus valida exercitatione, sudore, alvi aut urinæ ingente profluvio, suo exhaustum fuerit humore; vel ab acri aliquo in corpus admissio, quale Natura provida docet multo potu diluendum esse, ut innocuum fiat; veluti si sal, piper, saccharum, aliaque condimenta, aut cibi demum duriores, acriores, sumpta fuerint; vel a ventriculo ipso male se habente, suaque saburra gravato, quod helluones et ebriosi satis solent experiri; vel a suppressa aut minuta oris humorum secretionem, qualis a vehemente animi affectu, aut febre, aut *spasmo*, sæpe observatur; vel ab humoribus tenuibus alio versis, quamvis sat superque eorum in corpore fuerit; cujus hydrops omnigenus exemplum esse potest. Quin et varix causæ quæ sitim intendunt in eodem ægro conjungi possunt, graviusque ideo malum inducere: veluti in febribus plerisque, quibus fere ingens sitis contingit, cum ob dissipatos corporis humores, tum ob calorem, tum ob minutam secretionem humorum

humorum quibus os debet madere, tum demum ob ventriculum pessime affectum, neque concoquentem rite, neque onus suum intestinis tradentem.

643. Ratio itaque in promptu erit, cur nimia sitis adeo frequens ; interdum salutaris naturæ instinctus, interdum affectio prorsus inutilis ; cur nunc plurimo potu sitiens egeat, eundemque ventriculus, statim fere ut haustus fuerit, forbeat, qua opus est deferendum ; cur sæpe exigui haustus sufficiant, et profint magis, neque ventriculus largiores aut forbere, aut sine incommodo tolerare possit ; cur acida, aciescentia, fructus maturi, pauxillum demum vini cum potu mixtum, sitim pura aqua melius et certius pellant ; et denique cur sitis, ne nectare quidem sedanda, vomitorio medicamento aliquando pellatur.

644. Impeditur nonnunquam aut corrumpitur actio manducandi, variis vitiis plurimorum quæ eidem inserviunt orga-

norum ; dolore, tumore, inflammatione, ulcere, debilitate, rigiditate, *spasmo*, defectu, dentium, maxillarum, buccarum, labiorum, linguæ.

645. Impeditur quoque similibus causis, vel os, vel guttur, vel gulam afficientibus, quæ huic succedere debet, actio devorandi, veluti in *angina*, *hydrophobia*, paralyfi, summa denique debilitate, qualis sub finem multorum morborum, præsertim februm, accidit : signum tum pessimum, vix non lethale.

646. Ciborum vero jam in ventriculum receptorum concoctio sæpissime vitatur, cum majore plerumque ægrotantis incommodo quam periculo.

647. Concoquitur male, imprimis, propter ipsos cibos, quantitate, qualitate, mixtura, minus idoneis sumptos, neque ut decet in ore confectos ; unde ventriculus, vel nimio onere distentus et gravatus, neque
solvere

solvere neque propellere potest cibos quos continet; vel massa alimentaria, aut indissolubilis aut in corruptionem nimis prona, brevi fermentescit atque corrumpitur, viribus ventriculi, quæ istam alimentorum ad fermentandum proclivitatem temperare debent, (623.) parum valentibus.

648. Cibi vero optimi, et concoctu facillimi, propter vitia bene multa ipsius ventriculi, partiumque quæ præcipue cum eo consentiunt, vel denique universi corporis, ægre sæpe concoquuntur.

649. Defectus humorum ventriculi, varia eorundem vitia, debilitas fibrarum quibus ventriculus instruitur, obstructio quævis circa *pylorum*, qualis non finit ventriculum massam quam continet intestinis tradere; tardior intestinorum motus, varii ipsorum morbi, infirmitas corporis generalis, five a morbis, five a gravibus animi affectibus, five a neglecta exercitatione; suppressa demum, vel minuta per cutem exhalatio,

halatio, ab ignavia, vel a frigore, pedibus præsertim admoto, vel a constitutione aëris frigido et humido, concoctionem ciborum sæpe corrumpunt.

650. A prava concoctione ciborum innumera oriuntur mala, neque levia, neque sanatu facilia, quamvis raro periculosa observentur: oppressio, anxietas, dolor ventriculi, ructus ab aëre inter fermentandum extricato, et ventriculum irritante, et per gulam erumpente; nausea et vomitus a ventriculo irritato et distento; alvus aliquando tarda, aliquando nimis liquida; defectus nutrimenti, generalis infirmitas, partes solidæ laxæ, fluidæ nimis tenues, omnes functiones impeditæ, dolor capitis, vertigo, *syncope*, *asthma*, palpitatio, spiritus valde demissi, præsertim si æger peculiaris constitutionis fuerit, interdum podagra, nonnunquam demum hydrops, vel febris lenta, qualis tandem lethalis esse potest.

651. Motus intestinorum aliquando deficit, aliquando nimius est. Hinc alvus astricta, vel nimis soluta.

652. Durities alvi, robustis et quidem fanis sæpe familiaris, gravior et diuturna morbus demum habenda est, ipse haud vacuus periculo, multorum quoque morborum comes, et effectus, et causa. Oritur vel a læsa fabrica intestinorum, veluti, si constricta aut conclusa, aut obstructa fuerint, *spasmo*, *schirro*, parte quavis in aliam delapsa, aut demum, inflammatione; vel a stercore ipso, duro, sicco, ægre propellendo, a cibi genere nimis solido et potu parco; vel a defectu humorum qui massam alimentariam diluere (626.), intestinaque humectare et lubrica reddere debent: hi vero parcius justo fecernuntur, vel ob vitia organorum fecernentium sæpe parum intellecta, veluti in febribus fere omnibus, primis saltem temporibus, vel propter sanguinem alio versum, veluti ad cutem; quod revera accidit

cidit a crebra et valida exercitatione, calore, sudore multo. Alvus quoque dura interdum observatur a debilitate, nonnunquam forte a paralyfi fibrarum moventium intestinorum, vel denique, a defectu soliti stimuli, veluti fellis quod in morbo regio supprimitur, vel a cibo nimis parco, neque adeo acri ut intestina more solito stimulet, et ad justam actionem excitet.

653. Excretio vero per alvum, utcunque putrida et acris videatur, præ omnibus aliis regitur consuetudine, et minore periculo pro tempore supprimi potest. Cibi plerumque spatio circiter unius diei per corpus transeunt: sæpe vero multo velocius aut tardius; sunt enim qui alvum vix ter in mense deposuerint, alioquin sani. Multum hic pendet ab ætate et constitutione singulorum hominum, et a genere cibi, plus minusve acri, quo utuntur,

654. Ab alvo diu astricta tubus intestinorum primo afficitur, deinde totum corpus.

pus. Venter male se habet, male concoquitur, totum corpus præter solitum excitatur, et calet, quod in febribus imprimis notabile est; forte etiam, putrida materia ab intestinis delata, sanguis ipse corrumpitur. Sanguis minus libere per viscera abdominis fluit; unde sæpe congestiones abnormes, varices venarum, sanguinis effusiones in intestina, ejusque profluvium ex ano; quod malum *hæmorrhoids* vocatur. Quin et intestina ipsa, plurima saburra acri et putrida, distenta et irritata, ad novos et validiores motus incitantur; qui, si obstructionem superare nequeunt, insignem dolorem sæpe inducunt, et tormina, et *colicam*, et *ileum*, et inflammationem, et gangrænam brevi lethalem.

655. Alvi fluxus seu *diarrhœa* vocatur, siquando alvus liquidior justo nimis sæpe dejectitur: multiplex profecto, et frequentissimum malum; aliquando primarius morbus, sæpius aliorum effectus; inter-

dum salutaris naturæ conatus, qualem medicum sæpe decet imitari, et arte inducere. Quibusdam hominibus, præsertim infantibus, alvi fluxus familiaris est; et hi sane ab astricta alvo multum pati solent.

656. Oritur a variis causis: acri imprimis quovis in corpus recepto, aut in intestinis genito, massæ alimentariæ corruptione cum acida tum putrida, aut felle præter solitum abundante aut acri, aut sanguine vel pure in intestinis effusis, ipsisque intestinis erosis, vel proprio muco orbatis, vel ab humoribus a superficie corporis pulsas partesque internas versus directis, veluti a frigore, præsertim pedibus admoto; vel a generali corporis corruptione, ut in phthisi, febre *hectica*, vel febre putrida, vel *scorbuto*, imprimis sub finem istorum morborum. In febribus aliquando salutaris alvi fluxus vel penitus solvit morbum, vel eum mitiorem reddit; sæpius vero nihil juvat, viresque ægri potius exhaurit, a putredine originem ducens, si neque idonea ad hanc

hanc corrigendam tempestive data fuerint remedia; neque evacuantia remedia adhibita, qualia convenirent ad ventriculum et intestina liberanda plurima materia corrupta qua in istiusmodi morbis gravari solent. Oritur aliquando alvi fluxus vix compescendus, et fere brevi lethalis, post institutam operationem ad fistulam ani sanandam. Denique, sunt qui habent intestina adeo debilia et mobilia (360.), ut a levissima causa veluti frigore suscepto aut animo præter solitum commoto, ingente alvi fluxu plectantur. Postremo, qualiscunque prima origo mali fuerit, si diu persistiterit, viscera adeo debilia et irritabilia reddit, ut morbus, quamvis sæpe depulsus, levissimis, neque semper detegendis causis recurrat, non secus ac multi alii morbi solent (383.)

657. Hinc ratio patet morbi vel sistendi vel sublevandi, medicamentis evacuantibus, diluentibus, glutinosis, gummosis, interdum quæ acorem, interdum quæ putredinem corrigunt, opio, astringentibus,

aut aëre aut vestitu calidiorē, vel sudore demum arte excitato.

658. Nocet multum alvi fluxus impedito imprimis nutrimento corporis ob pravam cibi concoctionem, (nam ventriculus fere laborat), massamque alimentorum tam subito per viscera transeuntem, ut neque concoqui possit, neque nutrimentum ex ea per vasa *lactea* rite forberi, ut in sanguinem recipiatur.

659. Nocet præterea vehemens istiusmodi exinanitio, exhausto scilicet corpore profluvio, quod multum materiæ nutritivæ e sanguine detrahat; neque profecto sola alimentorum massa citius justo excernitur, sed magna simul copia humorum qui in intestinis secernuntur. Quin et totum corpus intestinorum debilitatem brevi participat.

660. Aliquando alvi fluxus vehemens et diuturnus eo usque ingravescit, ut cibi
parum

parum vel nihil mutati per corpus transeant: quod mali genus *Lienteria* vocatur. Nonnunquam, quamvis raro, a simili causa, vel ab obstructis *glandulis mesentericis* aliisque viis quibus in sanguinem itur, *chylus* ipse, instar lactis, cum stercore excernitur. Malum hoc fluxus *Cæliacus* vocatur.

661. Morbus est cui nomen *Dysenteria* imponitur, ubi immania tormina ventris urgent, et frequens desidendi cupiditas adest, et conatus inanes fiunt, qui nihil fere præter intestinorum mucum, vel pauxillum sanguinis, excernant; ingente debilitate, et sæpe putredine, et febre comitantibus. Creditur oriri a constricta aliqua parte intestinorum, præsertim colo, quo fit ut hæc, quamvis multum irritata, nihil fere demittere possint. Neque facile prius solvitur morbus, quam idoneis medicamentis alvus probe purgata fuerit.

662. Tenesmus vocatur frequens, inextinguibilis, inanis desidendi cupiditas, cum
 ingenti

ingenti nixu, qui tamen parum omnino exprimat. Irritatio omnis, vel ipsius intestini recti, vel partium vicinarum, acria quædam in corpus recepta, medicamenta fortiora, alöe imprimis, quæ lente omnino solvi solet, et ad rectum intestinum usque parum mutata pervenire, alvi fluxus gravior et pertinacior, *dysenteria*, *hæmorrhoids*, vermes, fistula ani, calculus vel ulcus, in vesica vel in *urethra*, &c. tenesmus sæpe inducunt. Haud parum sæpe nocet, cum insigni quam ægro faceffit molestia, tum, viribus ejus exhaustis, frequente et inani nixu, tum quoque isto nixu, prolapsu ani inducto, et gravi irritatione cum partibus vicinis, vesica, &c. communicata.

663. Inversus intestinorum motus sæpe observatur, ita ut res quas continent ab inferioribus ad superiores partes propellant. Hujusmodi inversio, quamvis levior, subest, siquando aër, per concoctionem minus sanam extricatus, in abdomine volvitur, ad ventriculum surgit, vel in ventriculo incipiens, ostium ejus superius aperit, et inverso
ventriculi

ventriculi motu per gulam et os expellitur, quod ructus vocatur.

664. Gravior vero istiusmodi affectio, non aëra modo, sed cibos crudos et corruptos, vel quicquid demum in stomacho fuerit, paullatim rejicit. Sunt quibus talis affectio familiaris est. Sunt qui eundem motum, levi conatu, ad arbitrium imitari et inducere norunt, et sic instar bovis ruminari.

665. Simili, ut videtur, modo, sine ægritudine aut gravi nixu, infantes lac quod nimium suxerint facile et subito evomunt.

666. Sæpissime vero ventriculus male affectus ingratissimum sensum dat, quem nauseam vocamus. Hanc sæpe vertigo comitatur (264. 268.). Ingravescente nausea, non modo motus ventriculi inversus est, sed sæpe magnæ partis intestini quod proximum est; et tandem, septo transverso,

et

et musculis abdominis, per consensum qui ea inter et ventriculum intercedit, in motum raptis, abdomen totum, et ventriculus imprimis, veluti in prelo comprimuntur; quo tandem auxilio, quicquid in eo fuit insigni vi per gulam et os ejicitur. Vomitus præcedere solet ingens humorum oris fluxus, et interdum labii inferioris tremor; eumque comitatur plena et valida expiratio, qua cautum est, ne quid *laryngem* et asperam arteriam intret.

667. Nausea et vomitus, frequentissima mala, innumeras fere causas agnoscunt, tum quæ ventriculum ipsum afficiunt, tum quæ remotissimas corporis partes, quarum irritationes, vel affectiones qualescunque fuerint, secundum consensu leges, ventriculum multum afficiunt.

668. Ventriculi igitur irritatio omnis, distentio, saburra cibi crudi, prava coctio, obstructio circa ostium inferius, acrimonia omnia in eum recepta, morbi jecoris, intestinorum,

intestinatorum, renum, uteri, capitis, pedum, universæ cutis, et sane universi corporis;— inflammatio, calculus, morbus regius, *schirrus*, *apoplexia*, compressio, fractura calvarię, vertigo, *syncope*, dolor immanis, podagra, repulsă imprimis, febres, animi affectus, imagines demum vel descriptiones fastidiosæ, nauseam et vomitum sæpe inducunt.

669. Ratio ergo in promptu erit, cur malum adeo frequens, sæpe primarius morbus, sæpius aliorum morborum effectus; cur sæpe salutaris naturæ conatus, summa medici ope promovendus; interdum vero inutilis prorsus et ineptus, idioque compescendus quamprimum, veluti in febribus, ubi aliquando morbum solvit, sæpius vero ejus effectus et pars est, eundemque intendit, vel saltem ægri vires frangit.

670. Prodest etiam vomitus, vel nausea, sæpe non modo ventriculo ipsi, quem forte onere insigni liberet, sed aliis quoque par-

tibus, vel denique universo corpori. Sputum multum promovet, sicubi pulmo vel suo gravatus fuerit muco, vel sanguine, ferro, pure, aqua; et sudorem quoque, et liberam sanguinis ad corporis superficiem distributionem promovet, partim forte magno nixu qui vomitum comitatur, magis tamen, ut videtur, mirabili consensu qui inter cutem et ventriculum intercedit. Hinc in multis morbis vomitus præstantissimum remedium.

671. Nocet aliquando, si vel nimis vehemens vel nimis frequens fuerit, partim debilitato et mobiliore facto ventriculo, qui vehementem et abnormem motum impune tolerare nequit, partim violento nixu, qui ægrum fatigat, et prolapsum, aut herniam, aut abortum, aut sanguinis profluvia inducit, vel ab ipso ventriculo, vel denique a pulmone, aut capite, propter longam et validam expirationem; quod tamen rarissime accidit. Porro, vomitus diuturnus, et vehemens, et frequens, non secus ac alvi fluxus, totum corpus debilitat, exhaurit,
et

et debitam humorum ventriculi secretionem corrumpit; unde prava cibi concoctio, et quotquot ex ea profluunt mala.

672. Inversus aliquando omnium intestinorum motus, ab ano ad os usque, observatur: malum pessimi ominis, cui nomen *ileus* plerumque datur. Oritur frequentius ab obstructione aliqua massæ alimentorum vel stercoris descensum impediante, *spasmo*, *schirro*, inflammatione intestinorum, alvi duritie *colicam* inducente, cujus *ileus* pars est et effectus. Aliquando vero observatus est perfectissimus *ileus*, cum nulla in intestinis obstructio fuisset: et sic lotiones interdum per guttur inferius infusæ per os redditæ sunt, et ægri nihilominus post plures dies talis morbi tandem convaluerunt.

673. Incipit plerumque *ileus* torminibus ventris, nausea, vomitu, frequente ructu, aëre nimirum primum ascendente; postea plurimam materiam fuscam, atram, biliosam, corruptam, æger eructat; tandem ple-

no ore evomit, cum frequente et valido nixu, et immani viscerum dolore: alvus simul pertinaciter astricta, nihil transmittit, neque ventriculus, importunissima nausea et vomitu agitated, quidquam fere retinet. Vires ægri multum et subito collabuntur, et ipse in summo periculo versatur; nam morbus brevi solet inflammationem et hæc gangrænam inducere.

674. Levior profecto istiusmodi affectio, superioris scilicet intestini partis motus inversus, ab omni vomitu vehemente et diuturno accidit, veluti a jactatione maritima, vel ab hausto nimis valido vomitorio medicamento; sæpe enim plurimum fel hoc modo ab intestino in ventriculum ascendit, et tandem ex ore vomitur.

675. Ingens simul vomitus et alvi fluxus Cholera vocatur. Oritur a valida tubi intestinalium irritatione, ubi nulla obstructio in eo est; plerumque a felle nimio, aut nimis acri; unde nomen habet. Quamvis

vis ab aliis quoque acribus similis affectio
oriatur, veluti medicamento nimis forti,
aut fructibus maturis nimia copia assumptis.
Malum sæpe violentissimum, ægrum valde
debilitat; nonnunquam, nisi idonea adhi-
bita fuerint remedia, brevi extinguit.

C. A. P. XX.

De secretione et excretionē ; earumque varietatibus et vitiis.

676. **A** Massa sanguinis qualis per aortam ad omnes corporis partes diffunditur, plurimi humores, diversi a sanguine, diversi inter se, fecernuntur; quorum alii variis in ipso corpore usibus inserviunt, alii, superflui vel noxii, ex eodem assidue expelluntur, alii demum, ad genus propagandum, novumque animal, quum primo in lucem editur, alendum, necessarii sunt.

677. Ad primum genus pertinent saliva, alique oris humores, succus ventriculi et
intestinorum,

intestinatorum et *pancreatis*, fel, halitus ille qui cava corporis five magna five parva irrorat atque humectat, adeps, sebum seu unguen cutis, mucus viarum, quas aër, vel cibus, vel urina, subire debent, lachrymæ, humor aquosus oculorum, et *cerumen* ut vocatur aurium.

678. Ad secundum genus pertinent halitus pulmonis, quamvis hic sane ab arteria *pulmonali* potius quam ab *aorta* derive-
tur, et halitus cutis, et sudor, et urina.

679. Ad tertium demum genus pertinent semen masculinum, liquor lacteus *glandulæ prostaticæ*, liquor bullarum seu ovorum quæ in *ovariis* foeminarum reperiuntur, liquor *amni* forte, alique humores quotquot foeminæ ad generationem conferunt, et demum lac mammarum, quod certo post partum tempore fecernitur copiosissimum.

680. Dividuntur ab auctoribus sæpe hu-
mores

mores secreti, et in classes rediguntur secundum ipsorum qualitates.

681. Aquosi humores dicuntur halitus pulmonis cutisque, saliva, succus *pancreatis*, lachrymæ, humor aquosus oculi.—Mucosi sunt humores tenaces, et quasi gummosi, qui vias quas aër, vel cibus, vel urina, subeunt, oblinunt, et ab omni acri defendunt. His quoque annumerantur semen, et humor lacteus *glandule prostaticæ*.—Glutinosi vocantur humores qui varia corporis cava irrorant, et liquor *amni*, et forte ovarum quæ in *ovariis* mulierum reperiuntur.—Oleosi humores dicuntur, præter adipem et medullam ossium, sebum seu unguen cutis, et fel, et *cerumen* aurium, scilicet quæ multum olei continent, et probe siccata facile et vehementer inflammantur.

682. Quin et hi humores sæpe miscentur, nec facile sinceri obtinentur. Os madet saliva simul et muco; nares muco et lachrymis; sudor ex halitu aquoso cutis et adipe

adipe et unguine ejusdem constat, et succus ventriculi, et intestinorum, et artuum, et omnium cavorum, ex oleo, et moco, et glutine, et aqua constat. Denique, lac, quum primo fecernitur, habet multum aquæ, olei, muci, et glutinis, ut notissima experimenta docent. Ipsi demum oleosi, quum primum formantur humores, haud parum aquosi sunt.

683. Porro, alia animalia plures humores habent, quorum plerique nostris humoribus similes sunt, veluti albumen ovi in omnibus oviparis; alii haud parum diversi, veluti humor acidus insectorum, venena apum aut serpentum, atramentum sepiæ.

684. Quidam ex humoribus secretis in ipso sanguine fere perfecti reperiuntur, ita ut simplicissima secretio seu separatio fere fiat fuerit ad ipsos puros et sinceros producidos: cujusmodi sunt, halitus pulmonis et cutis, saliva, succus *pancreatis*, lachrymæ, humor oculi aquosus, urina, halitus,

qui omnia cava humectat, scilicet qui vel ex pura aqua constant, vel ex aqua cum paulillo glutinis salisve, qualia sanguini insunt.

685. Alii vero humores diversæ prorsus naturæ sunt, neque ipsi sanguini, nec ullis quæ in eo reperiuntur partibus (487. 494.) similes; quales sunt, adeps, medulla, sebum, fel, *cerumen* aurium, mucus, et denique semen ipsum, mirabilis humor, numerosis minutissimisque animalibus scatens.

686. Alii denique constant partim ex elementis qualia in sanguine reperiuntur, partim vero ex aliis, quæ ægre in sanguine ostenduntur; veluti lac, cujus pars glutinosa quæ admixto coagulo cogitur et caseum præbet, multa habet communia cum fero (493.) sanguinis si hoc multa aqua dilutum fuerit; nihil vero in sanguine ostenditur simile parti oleosæ, et saccharo lactis, quæ butyrum et serum præbent.

687. Omnis vero humor jam secretus,
vel

vel natura, vel morbo, plus minus refo-
beri potest, et in sanguinem redire, eun-
demque nonnihil corrumpere, et tum for-
te per organa non sua rursus fecerni, vel
saltem transire.

688. Hoc modo semen masculinum mul-
torum animalium totum corpus suo fœ-
tore inficit; et fel, in morbo regio repres-
sum, in sanguinem redit, cutemque flavam
facit, et cum urina e corpore exit; et de-
mum, urina repressa, et in sanguinem re-
sumpta, totum corpus inundat, et in ip-
sum aliquando cerebrum effunditur.

689. Nondum vero prolata sunt exem-
pla humoris cujusvis secreti, in organo non
suo formati; nam alia prorsus ratio est hu-
moris jam formati, inque massam sangui-
nis denuo resumpti, et tandem ad aliena
organa cum sanguine delati.

690. Nulla secretionis ratio aut explica-
tio hætenus data est, neque profecto fa-
brica organorum fecernentium hætenus

fatis nota est; neque conjecturæ bene multæ, quas medici, tum mathematici, tum chemici, de eorum officio atque actione proposuerunt, multum verisimilis habent.

691. Organum fecernens formari videtur ex vasis sanguinem vehentibus, tum arteriis tum venis, in cavum hiantibus, vel ductus sibi continuos habentibus, qui humorem secretum quo debet deferant. Tale organum in certam figuram cum tela reticulata formatum, et firmiore ejusdem telæ membrana obductum, *glandula* vocatur: qualia sunt jecur, renes, testes, prostata, mammæ, tonsillæ, parotides, cæteraque quæ oris humoris fecernunt organa, *cryptæ*, seu folliculi qui mucum aut unguen continent, &c. Splen quoque, et cerebrum ipsum, propter fabricæ similitudinem, inter *glandulas*, seu organa fecernentia, annumerari solent. Nondum vero constat de glandulis conglobatis vasorum resorbentium (436. 437.), siue inter organa fecernentia recenseri debeant necne.

692. Ingens

692. Ingens copia sanguinis ad pleraſque *glandulas* mittitur, ſi cum mole ipſius organi comparata fuerit. Arteriæ quoque organorum ſecernentium, et vena *portarum*, (quæ fere pro arteria habenda eſt), multo validiores ſunt quam aliæ corporis arteriæ. Venæ autem quæ his reſpondent, et ſanguinem poſt factam ſecretionem ad cor reducunt, præter ſolitum ampliæ, tenues, laxæ, et debiles obſervantur.

693. Huiusmodi pleriſque *glandulis* fabrica dari creditur, hoc potiffimum conſilio, ut ſanguis quam plurimus earum actioni ſubjiciatur, quo copioſior humoris ſecretio fiat; ut arteriæ, inſolita vi gaudentes, eo melius valeant ad partes tenues maſſæ ſanguinis exprimendas, ſive craſſus ſive tenuis fuerit ipſe humor ſecretus; et demum, ut vis quam maxima arteriæ ſit, et renixus quam minimus venæ, quo facilior humoris ſecretio fiat, et expeditior reliqui ſanguinis in venas reditus. Illis autem et huiusmodi

jusmodi commentis parum omnino fidentum est.

694. In quibusdam enim organis fecerentibus, veluti in jecore et testibus, motus sanguinis valde tardus est: in illo, nimirum, a sanguine venarum secretio fit; in his autem, tenues arteriæ longe currentes, multos ramos dantes, ipsæque nonnihil dilatæ et sæpe multum convolutæ, languidum humoris flumen ad testes deferunt. Neque credibile est hoc sine consilio fieri, præsertim quum similis in omnibus fere animalibus fabrica observetur.

695. Quin et secretiones nonnullæ, et copiosæ profecto, sine *glandulis* perficiuntur; nullæ saltem quæ iis inserviunt *glandulæ* hætenus sunt detectæ; halitus nimirum pulmonis et cutis, sudor, adeps, et exhalatio humoris glutinosi, qui varia corporis cava humectat, sine *glandulis* fecernuntur. Hi igitur humores videntur per minutas arterias, vel in cava corporis, vel in pulmonem, vel in cutem hiantes,

antes, a sanguine decedere, vi nondum satis explorata. Adeps enim sincerus vix ac ne vix quidem in sanguine cernitur : neque cum eo, aut halitu glutinoso cavorum corporis, aut aquoso cutis halitu, aut demum sudore, sal, qui plurimis sanguini inest, tenuissimus, et probe solutus, in sano corpore unquam miscetur.

696. Nec melius intelligitur quomodo in veris *glandulis* sanguis subigatur, mutetur, et in alios humores vertatur ; vel quomodo hi ex eo fecernantur, et puri demum prod-eant.

697. Varias sanguinis ad certa organa delati dotes, variasque particularum magnitudines, et figuras, et densitates, finxerunt *Iatromathematici* ; variasque quæ his responderent organorum et arteriarum densitates, attractiones, aperturas, figuras, ipsaque organa, colorum instar, (quibus ad purganda multa fluida utimur), certo humore

humore imbuta, ita ut partes quasdam in sanguine jam existentes traherent ad se, et aliis atque aliis organis vel transmitterent vel detinerent. Lubrico vero nituntur, si ullo fundamento, hujusmodi conjecturæ; neque enim constat diversum ullo modo sanguinem ad diversa organa deferri, (nisi ad jecur, cui sanguis a venis datur), neque variorum humorum particulas prius in sanguine existere quam organorum discernentium actionem subiverint, neque varias esse particularum figuras vasorumque aperturas; neque, si ita hæ res se habuissent, ullus potuisset unquam purus secerni humor; quoniam tenuiores semper, (scilicet quorum particulæ minores essent), cum crassioribus elabentes, hos inquinassent; et sic forte urina cum bile, semine, muco, lacte, adipe, secreta, omnes istos humores corrupisset. Quin et crassissimi qui videntur humores, bilis, *cerumen*, mucus, multo tenuiores secreti, alia atque alia ratione, debitam tandem adipiscuntur crassitudinem. Porro fel ipsum, jam se-

cretum

cretum et crassum factum, in sanguinem iterum resumptum, cum tenuissimo humore, urina scilicet, e corpore facillime elabitur.

698. Nec multum profecerunt chemici, qui aliam omnino ingressi sunt viam, ut hujus rei rationem redderent. Crediderunt nonnulli sanguinem, ad organa secermentia delatum, mutationem quandam chemicam ibi subire, quæ ipsum in aliam naturam verteret, non secus ac mustum in vinum, et hoc in acetum vertuntur; et quo melius et certius hoc fieret, fermentum quoddam singulis *glandulis* insitum finxerunt, quale certam et definitam humoris quicum misceretur mutationem induceret. Nihil vero istiusmodi *glandulis* inesse videtur, neque, si fuerit, rem explicabit.

699. Magnam et miram compositionis mutationem in organis secernentibus humores plurimos subire, certissimum est. Hæc vero, num recte ad actionem fermenti

ti referatur, judicent ii qui naturam, et vires, variasque species fermentorum noverrint, et ipsam mutationem intellexerint quam isti humores subeunt. Frustra de vocabulo disputatur. Probe autem memoria tenere oportet, mutationem istam pendere multum ab actione vasorum organi secernentis, et, prout hæc affecta fuerint, copiam humoris secreti multum variare, et qualitates ejus ita corrumpi nonnunquam, ut ipse in aliam fere videatur converti naturam. Quin et per secretionem semen producitur, mirabilis humor, vividis animalibus plenus, cujus rei neque mathematici neque *chemici* rationem facile reddiderint.

700. Quamvis vero primariam et maximam, quæ in secretionem fit, mutationem non detur explicare, plurima tamen, neque inutilia, de hac functione jam detecta sunt.

701. Multi humores, statim ut secernuntur,

nuntur, vel ejiciuntur e corpore, vel propriis usibus intra corpus impenduntur. Alii vero, per ductus excernentes seu effe-
rentes, a *glandulis* suis transeunt in ido-
nea receptacula; in quibus sæpe diu com-
morantur, et mutantur amplius. Pluri-
mus enim humor per vasa resorbentia hau-
ritur; quod superest vero spissescit, et a-
crius fit, quo melius ad sua munera valeat.
Porro, hoc modo copia quæ decet humoris
secreti colligitur, suo tempore vel ejicien-
da e corpore, vel justo usui intra corpus
impendenda. Hujusmodi machinationis
exempla sunt, vesicæ urinæ, fellis, feminis,
et folliculi mucosi ubique corporis.

702. Auctus universi sanguinis impetus
singulares secretiones parum auget, præter
exhalationem per cutem et sudorem; hæc
vero mirum in modum augentur, dummo-
do neque contractio neque alia obstructio
vasorum minimorum cutis fuerint, neque
frigus corpori admotum. Docent exercita-
tio, calor, febris, stimulantia plurima.

703. Augetur vero omnis secretio, aucta sui organi vasorum actione, dummodo hæc non nimia fuerit. Hoc modo plurimæ secretiones incitantur omni stimulo earum organis admoto, vel in massam sanguinis recepto, et quasdam præ aliis partibus afficiente. Docent acre quodvis in oculum, aut sal in os receptum, et argentum vivum, multaque stimulantia, *diuretica* imprimis, quomodocunque sanguinem ingressa sint.

704. Porro, stimulus qui videretur generalis, et qui universum corpus, vel forte animum ipsum afficit, secundum consensus leges (358.), secretiones alias intendit sæpe, alias minuit. Lachrymæ mœrore, fel ira, copiosius solito fecernuntur: utroque affectu fauces sæpe arescunt. Saliva fluit esurienti ad conspectum vel imaginem grati cibi; et pari ratione, feminis plus solito fecernitur maribus multorum animalium, ad conspectum vel odorem fœminæ pronæ in venerem; et viris sæpe

sæpe a sola imagine optatæ fœminæ, vel etiam a recordatione rerum venerearum.

705. *Spasmus*, vel contractio, vel actio abnormis, qualiscunque fuerit, vaforum organi fecernentis, secretionem aliquando impedit, aliquando auget, nonnunquam forte corrumpit. *Spasmus* quoque remotarum partium, (pulso scilicet sanguine a solitis, et in novas directo vias (381. 471.); secretiones sæpe auget. Docent varii et miri urinæ et lactis affectus, ab *hysteria*, terrore, ira, frigore.

706. Augentur sæpe, aliquando forte inducuntur, secretiones quædam, stimulo quamvis levi omnino, ductibus excernentibus admoto; sive is *chemici* sive *mechanici* generis fuerit. Ipsa manducandi actio salivam ciet, et sapor cibi, præsertim acrioris; medicamentum fortius fel movet; et infans non modo lac e mammis ducit sugendo, sed ejus secretionem promovet; a-

liquando

liquando etiam, ut videtur, ubi nullum fuit antea, lac venire facit.

707. Secretiones pleræque perpetuæ, et ad vitam et sanitatem necessariæ. Sunt tamen quædam, scilicet quæ generationi inserviunt, aut nutrimento novi animalis, quæ certo tempore incipiunt et desinunt, et certo stimulo inducuntur. Semen masculinum, et genitalis humor, si quis fuerit, foeminarum, vix ante ætatem puberem fecernuntur; neque vetulis vis genitalis est, neque forte viris senio fere confectis. Lac quoque vix fecernitur nisi post partum; quod insigni inter uterum et mammas consensui tribuendum est.

708. Mirum inter varias secretionem observatur æquilibrium, ita ut pari fere ratione ac aliæ augmentur, aliæ minuantur, quo cautum est, ne corpus adeo facile et subito ut aliter fieret exhauriatur. Hoc imprimis notabile est inter halitum cutis et sudorem, et urinam, et excretionem alvi, quamvis

quamvis in aliis secretionibus idem sæpe observetur.

709. Secretiones aliæ aliis hominibus copiosiores vel parciore, blandiores vel aciores, sunt : et fere quo parciore, eo aciores evadunt. Infantibus omnes humores blandi et copiosi sunt, si cum iisdem humoribus in adulto homine comparati fuerint. Fœminis quoque nonnihil quam viris blandiores esse solent. Hujusmodi varietates in saliva, sudore, urina, felle, femine, sæpe observantur. Sunt quibus os semper madet, neque fitis ulla est. Sunt qui multum et fere semper sudant. Sunt quibus cutis arida est. Sunt qui multum patiuntur a felle nimis copioso aut acio. Urina aliis hominibus limpidior et blandior, aliis rubra et acris est. Semen ipsum quibusdam præter solitum olet.

710. Quamvis multum hic pendeat a prima corporis fabricatione, et varietatibus quas ætas facit, multum quoque pendet

det a vitæ genere, et victu quo homines utuntur.

711. Denique, status generalis massæ sanguinis, humores, qui ex eo derivantur, haud parum afficit. Post cibum et potum, copiosiores secernuntur humores quidam, lac præsertim, et urina, et halitus cutis, et fudor. Lac, copiosissimus in nutrice humor, post aliquot horarum inedia, vel nullum secernitur, vel parcum et acre, quale infans respuerit, neque profecto impune suxerit. Idem vero brevissimo post cibum spatio, copiosum, et blandum, et nutriens fluit. Urina quoque, statim fere ut multus potus haustus fuerit, imprimis frigidior, copiosa secernitur; quod adeo subito nonnunquam observatur, ut vix credibile sit ipsum potum ad renes pervenisse. Probabile est stimulum quendam ipsis renibus dari, per consensum quem cum ventriculo habent, et *spasmus* aliquem forte induci vasis remotioribus, qualis plus sanguinis ad renes dirigat (471.), eorumque actionem intendat. Nec facile quisquam
diu

diu aut multum sudaverit, nisi vel humidæ admodum constitutionis fuerit, multumque humorem tenuem in venis habuerit, vel denique inter sudandum suos humores probe diluerit, corpusque impleverit bibendo. Quin et hac ratione, diluendo nimirum, vel urinam vel sudorem movere possumus, prout corpus ipsum frigidum vel calidum servatum fuerit.

712. Postremo, inter somnum pleræque, forte omnes, secretiones minuuntur, scilicet quia tum motus sanguinis temperatior est, et organa fecernentia, non secus ac universum corpus, minus sentiunt, et ægrius igitur et tardius ad solita munera excitantur. Quod si sudor inter somnum videtur augeri, hoc sine dubio tribuendum est vestitui calidiori, quo tum nosmet fovere solemus: multum enim abest ut vel sudemus vel caleamus, si vestibus tantum quibus vigilantes utimur tecti, nosmet somno tradiderimus.

713. Secretiones aliæ copiosæ, aliæ parvæ omnino sunt : singularum vero quantitas nullo modo ad certas mensuras reduci potest ; quippe quæ variet maxime tum sano, sed multo magis morboſo corpore, propter rationes (709. 712.) memoratas. Plurimis enim in exemplis insignis et fere incredibilis copia ſalivæ, ſucci ventriculi, aut demum fellis, brevi tempore ſecreta eſt.

714. Neque facile judicatur de copia excretionum, urinæ nimirum, et ſudoris, et halitus cutis et pulmonis, quamvis plurima experimenta inſtituta fuerint, ad hanc rem indagandam, ſcilicet quam medici haud difficilem exploratu crediderint, et insignis utilitatis, cum ad tuendam ſanitatem, tum quoque ad ſanandos morbos.

715. Urina proſecto ponderatur facile : variat autem inſigniter ſecundum conſtitutionem, ætatem, vitæ genus, cibum potumque, quibus utimur ; ſed imprimis pro-
ut

ut exhalatio per cutem copiosior fuerit par-
ciorve, five ab exercitatione aut ignavia, five
a calore aut frigore corpori admoto. Mira-
bile enim inter has binas excretiones ob-
servatur æquilibrium. Aliquando vix u-
nica libra urinæ, aliquando quatuor vel
quinque, etiam a sano homine, quotidie
redditæ sunt : in morbis vero sæpe duode-
cim libræ et amplius : media autem quan-
titas quam homo sanus reddiderit in die,
erit a tribus libris ad tres cum semisse.

716. Exhalatio per cutem et sudor pari
ratione variant ac urina ; sed haud ita fa-
cile vera eorum quantitas detegitur : scili-
cet, quia statera excessum tantum humo-
ris exhalati, supra eum qui eodem tempore
hauritur, ostendit. Nec desunt certissima
experimenta quæ probant corpus sæpe,
forte semper, haurire aliquid ab aëre :
quod sane multum derogat observati-
bus *Sanctorianis*. Tantum enim hoc modo
corpus ab aëre nonnunquam attrahit, quan-
tum copiam exhalationis æquaverit, vel

multum etiam superaverit : quod imprimis notabile est, si quis valido labore et inedia exhaustus fuerit, vel ingente urinæ profluvio, vel hydropse recrudescente, postquam aqua arte educta fuisset.

717. Nocet omnis secretio copiosior, vel parcius justo ; (56.) nimirum, quia tum functio, cui inservit, aut impeditur, aut saltem nonnihil corrumpitur. Sic olfactus, et gustus, et concoctio ciborum, vitiantur sæpe a nimis aut nimis parcis narium, vel oris, vel ventriculi, vel intestinorum, vel jecoris, humoribus. Nocet quoque haud parum excretio humoris natura non excernendi : veluti salivæ, quam multi sæpe, non sine magno suo malo, movent præter naturam, variis quibus utuntur acris medicamentis, et assidue exspuunt : sic corpus exhauritur exinanitione præter solitum facta, et concoctio ciborum, deficiente quæ juvare debet saliva, ægrius perficitur.

718. Quod si humores natura excernendi

di, suppressi vel retenti fuerint, vel nimia copia excreti, urina præsertim, et halitus cutis, valetudo magis adhuc et citius afficitur (56.).

719. Exhalatio per cutem nimia fit, imprimis propter auctum sanguinis impetum, (462, 3.), qui alias excretiones parum, hanc vero multum, afficit (702.); vel propter solutam ipsius cutis compagem, ejusque vasa et foramina laxata et patefacta, veluti a calore, balneo calido, constitutione corporis laxa et flaccida; vel denique propter sanguinem multo humore tenui dilutum, quem (520. 522.) facile dimittit atque exhalat. Hinc ratio haud obscura redditur sudoris quarundam partium dum aliæ arefcunt, vel sudoris frigidi, qualis sæpe observatur, deficientibus quæ sanguinem moyent viribus, et sane haud secundo omine.

720. Excessus excretionis per cutem hac potissimum ratione nocet, quod corpus exhauriat,

hauriat, debilitet, solvat, cutem laxet, hominemque debilem et sentientem præter solitum omnibus quæ a frigore proveniunt malis obnoxium reddat. Ingens vero sudor, exhausto subito et soluto corpore, *syncope*, vel mortem ipsam, inducere potest. Haud facile vero ostenduntur exempla sanguinis hoc modo inspissati, corrupti, hominumque ideo ad febres, inflammationes, &c. proclivium factorum.

721. Ingens quibusdam hominibus sudor familiaris, vixque morbosus habendus, neque sine gravi sæpe et instante periculo reprimendus. Copiosus quoque sudor multos morbos, præsertim febres, solvit: multorum vero signum et pars est, quanquam neque solvat morbum, neque ullo modo in salutem cedat, sed, exhaustis corporis viribus, agro potius noceat. Sola experientia docet, singulis morborum in exemplis, bonus an malus fuerit sudor qui acciderit. Scire tamen juvat eum plerumque non inutilem esse, qui generalis est, qui ad pedes usque libere

libere fluit, tenuis, calidus, constans, qui corporis calorem temperat, quem æger benefert, pulsusque arteriarum molliores, pleniores, tardiores, comitantur, et os et lingua humidiores, et anxietas minor, et levamen universæ ægritudinis, et cibi appetitus renovatus: contra, malum esse sudorem tenacem et glutinosum, frigidum, olidum, quarundam tantum partium, veluti vultus, aut colli aut pectoris, dum reliquum corpus, et artus præsertim, arcescunt; qui ægrum multum exhaurit, neque ægritudinem levat: nam talis exinanitio nisi prodest, plerumque nocet.—Denique, sudorem copiosissimum, in multis morbis, medici, a Natura ipsa edocti, arte eliciunt, cum insigni sæpe ægrotantium commodo.

722. Minutus vel suppressus sudor halitusque cutis haud raro observantur. Deficiunt hæ excretiones paullatim propter vitæ genus otiosum et sedentarium, graves animi affectus (342. 343.), qui impetum sanguinis valde minuunt, debilitatem fere omnem,

omnem, cœlum aut tempus frigidum et humidum, immunditiam, cibi genus durius, exhalatu difficilius, et demum propter plurima foramina cutis, et vasa minora, coarctata aut conclusa, veluti in senibus, quibus semper exhalatio per cutem parcior est, urina vero copiosior, pro rata parte, quam junioribus.

723. A tali defectu multa profluunt mala. Totum corpus plenum (nisi aucta alia secretio insolitam retentionem compensaverit) et hebes et languidum fit, et animus quoque demissus et tristis; nam hilaris et lætus animus exhalationem promovet, et a libera exhalatione efficitur vicissim. Concoctio quoque ciborum vitiatur, et appetitus minuitur, propter insignem (354.) inter cutem et ventriculum consensum. Denique, retenta diu materia putrescente, vel noxia saltem, quæ debuisset excerni, haud absimile est, totam massam humorum paullatim corruptum iri.

724. Subito

724. Subito autem suppressus sudor magis adhuc et citius nocet; non modo propter retentam materiam quam oporteret exhalare, sed propter humores ad superficiem corporis libere fluentes, inde pulsos, et in alias partes directos valida contractione vel *spasmo* vasis minutis cutis inductis. Hinc sæpe febres, inflammationes, congestiones sanguinis abnormes, sanguinis profluvia, aliaque excretiones, urinæ et alvi imprimis, auctæ et vitiatæ.

725. Exhalatio et sudor sæpe et subito supprimuntur: imprimis a frigore corpori æstuantem admoto, vel interdum a gravibus animi affectibus, morbisque *spasmodicis* generis, veluti *hysteria*. Supprimuntur quoque contractione aliqua, ut videtur, minutis vasis cutis inducta causis quibusdam, veluti quæ febres, tum intermittentes tum continuas, faciunt, quarum actio parum hæcenus intellecta est.

726. Urina quoque sæpe nimis copiosa est, sæpe diminuta vel suppressa, vel ægre et cum dolore reddita, interdum etiam multum vitiata. Plurima redditur citra morbum a multo humore tenui sanguinem diluente, aut plurimo sale eundem inficiente, et acriorem solito reddente, vel ab humoribus a corporis superficie pulsis, et in partes internas versis. Ingens sæpe urinæ profluvium oritur, ab acri quovis sanguinem inficiente, et ad renes delato ipsosque irritante; scilla, *colchico*, &c. Sæpe etiam a *spasmo*, ut videtur, vasorum quæ sanguinem ad renes vehunt, sive ab ipsorum irritatione, veluti a calculo, sive a consensu cum aliis partibus, intestinis forte, aut cute, veluti in *hysteria*, urina limpida et copiosissima fluit. Denique, a vitio quodam parum sæpe intellecto, sive renum, sive aliarum partium, sive demum universi corporis, incredibilis aliquando observatus est urinæ fluxus, ejusque a sana urina valde diversæ, multumque oleum et saccharum continentis. Hoc morbi genus
vocatur.

vocatur *Diabetes*, cujus natura et causæ nondum plene deprehensæ sunt: tamen probabile est, præter renum vitia, *spasnum*, relaxationem, &c. corruptionem quandam universæ massæ sanguinis subesse, forte a prava concoctione, cum in ventriculo, tum quoque in pulmonibus: quoniam humor, a solito et naturali adeo diversus, a sanguine derivatur, isque, ut videtur, haud dissimilis alimentis nondum iusta concoctione subactis.

727. Ratio igitur in aprico erit cur nimius urinæ fluxus homini noceat, fractis nimirum viribus, impedito nutrimento, exhaustoque corpore. Neque profecto inauditum est, quosdam tali morbo succubuisse; neque mirum, affectionem vix quidem intellectam, ægerrime sanari, vel sæpe omnino insanabilem esse.

728. Urinæ autem profluvium, quamvis haud exiguum, plerumque levis omnino momenti est et fugax malum, *hysteria*,

aliisque *nervosi generis* morbis laborantibus familiare. Juvabit quoque novisse nonnullos morbos, febres aliquando, et hydropem varii generis, tali profluvio solvi. Quocirca factum est, ut medicis fere solenne fuerit ad statum urinæ ægrotantium, imprimis febricitantium, respicere, multique operam dederint, ut ejus varietatum rationem redderent, variorumque eventuum quos crederent ex iis prædici. Multum vero abest ut medici nostris temporibus tantum hujusmodi signis confidant quantum majores confisi essent. Non dubium vero est, notitiam istarum varietatum sagaci et solerti medico, qui minima non spreverit, haud mediocris interdum utilitatis fore.

729. Postremo, ratio suavit, et experientia satis comprobavit, plurimis in morbis non inutile esse urinam præter solitum arte movere; cujus rei ratio suo loco reddenda est.

730. Urina

730. Urina sæpe supprimitur cum insigni ægrotantis incommodo, et sane instante periculo, nisi brevi restituta fuerit. Malum hoc, cui nomen *Ischuria* datur, bifariam alii, alii quadrifariam, distinguere solent. Parum refert quot morbi species numeraverint, dummodo bene perspectum habeant, multiplex malum, a variis renum, ureterum, vesicæ, urethræ, partiumque vicinarum aut conspirantium vitiis, originem ducere. Sic irritatio aliqua, vel obstructio, vel alterius, vel utriusque renis, vel ureteris, a calculo, sabulo, muco, sanguine, inflammatione, suppuratione, *schirro*, *spasmo*, partium vicinarum tumore et compressione, veluti a distentis visceribus et utero, aut ipso abdomine, a fœtu, vel stercore, vel aëre, vel aqua; vel non sinunt urinam sæcerni, vel parcius justo, et sæpe multum mutatam; vel denique ejusdem jam secretæ iter ad vesicam impediunt.

731. Quin et urina in vesicam jam delata ibi haud raro reprimitur, propter varia
hujus

hujus organi vitia, irritationem sæpe, vel inflammationem, vel *spasmus*, veluti a calculo, aut acribus ingestis, aut consensu cum partibus vicinis; vel propter læsam ipsius vesicæ fabricam, veluti ab hernia aut laceratione, vel propter debilitatem aut paralyfin ejus fibrarum, ut in paralyfi generali, nonnunquam vero a nimia distentione (citra aliis cujusvis partis paralyfin (321.) observatur; vel demum propter vesicam ipsam callosam, *schirrosum*, ulceratam, vel propter plurimum pus, aut sanguinem mucumve crassiores, vel calculum, collum vesicæ obstruentia, vel denique propter vitia haud pauca *urethræ*, obstructæ, vel coarctatæ, vel concrefcentis, cujusmodi mala nonnunquam post morbos venereos imperite tractatos, *gonorrhæam virulentam* imprimis, observata sunt.

732. Postremo, a stupore generali (141. 171.), cerebro male se habente (292.), veluti in febribus quibusdam, urina reprimatur in vesica, sicubi æger neque solitum stimulum, ne quidem multo graviores percipere

percipere potest, neque fibræ ipsius vesicæ in contractionem cientur; quo fit ut hæc tandem adeo distendatur, ut paralytica facta, vix aut ne vix quidem ad justam contractionem iterum excitari possit. Signum in febribus, et fane omnibus morbis, semper malum, nonnunquam fere lethale.

733. A suppressa diu urina, quicquid demum ejus vitii causa fuerit, ingens oritur et fere incredibilis aliquando vesicæ distentio, oppressio, molestia, dolor, non ipsius modo, sed partium vicinarum, et fane universi corporis; *spasmus* forte, vel contractio insuperabilis musculi qui vesicæ ostium claudit, debilitas aut vera paralyfis (321.78.) aliarum fibrarum quæ contrahentes eam deplere solent, ita ut ne quidem immisso tubulo ad educendam urinam, hæc profluat; inflammatio vesicæ, et gangræna aut laceratio; universi corporis gravis primo irritatio, deinde nausea, vomitus, vertigo, stupor generalis, inundatio totius massæ sanguinis humore instar urinæ (520.21.

534.), qui demum in varia cava corporis et capitis effunditur, soporem, tremores, convulsiones, et mortem brevi inducturus.

734. Ab iisdem causis, sed vi diversis, omni scilicet irritatione infolita, inflammatione, ulcere, callo, calculo, vesicæ, mucosæ ejus abraço, aut morbido factò, acribus quibusdam medicamentis, morbis vicinarum partium, urina ægre et cum dolore redditur; quod mali genus Dysuria vocatur. Urina quoque sæpe rubra, nigra, sanguinolenta, purulenta, mucosa, fabulosa, redditur: quarum rerum omnium haud obscura est ratio.

735. Frequentissimum mingendi vitium accidit, ubi molesta fere perpetua et inextinguibilis urinæ reddendæ cupiditas urget, quamvis paucæ tantum guttulæ excernantur, plerumque non sine dolore aliquo. Hoc malum Stranguria vocatur. Acris quædam, etiam in sano homine, hoc vitium sæpe inducunt; malum senibus familiare

liare est, qui sæpe a renibus et vesica variis modis laborant; oritur sæpe a calculo vesicam irritante, aut ipsa vesica inflammata, ulcerata, suo muco orbata, vel hoc propriis vitiis corrupto, vel denique a morbis aut statu peculiari partium vicinarum, aut consentientium, veluti uteri, vaginæ, *urethrae*, *glandulae prostaticae*, intestini recti, renum, inflammatione, tencsino, calculo, prolapsu, graviditate.

736. Huic quodammodo affinis est alia neque rara meiendi affectio, scilicet ubi lotium, ut decet, retineri nequit, et iusta copia et tempore excerni, sed vel nolente vel inscio prorsus ægrotante, propria suorum organorum actione redditur, nullo, ut in sanis solet, adhibito voluntatis imperio; et aliquando inscio ægro, assidue, fere guttatim effluit, quod strictius incontinentia urinæ vocatur; interdum vero urina retinetur aliquamdiu, maiore copia, quamvis invito adhuc vel inscio saltem ægrotante, tandem profluxura.

737. Homo urinæ incontinens sæpe fit, propter debilitatem, paralyfin, ulcus, vulnus, gravem et diuturnam irritationem vesicæ, præsertim muscoli qui ostio ejus præponitur, veluti a calculo, aut paralyfi generali, aut partu difficili magnam vim partibus vicinis inferente. Simile vitium in plurimis morbis observatur, imprimis in febribus, et hydrope capitis, ubi tantus sopor est, ut æger propensionem non percipiat, quamvis solito stimulo vesica ipsa, et qui cum eo consentiunt muscoli respirationis, pareant. Par fere ratio est, cur multi pueri urinam non bene retinent, præsertim inter somnum, alioquin sanissimi: nimirum, quibus secretiones magis copiosæ sunt, et somni altiores haud adeo faciles ruptu, et fibræ omnes musculorum mobiliores, et igitur vesica amplificationis magis impatiens quam adultis. Urina nonnunquam ægre continetur, propter tumores partium vicinarum vesicam compri-
mentes, veluti graviditatem. Aliquando præter naturam ejicitur violentissime, vel a

spasmis

spasms generalibus, vel a vehementibus contractionibus musculorum respirationis, quales totum abdomen valde comprimunt, veluti a tussi, sternutatione, risu, partu, &c.

738. Denique, inter urinæ vitia annunciare oportet calculorum formationem, quales tot tantaque mala facessere solent (57.). Urina, præter aquam salesque, portionem haud exiguam continet terræ et glutinosæ partis sanguinis, jam nonnihil corruptæ, et in ulteriorem corruptionem pronæ.

739. Hinc fit, ut sanissimi etiam hominis urina, copiosum, dum frigescit, sedimentum deponat, quale matulam brevi solet incrustare. In sano homine, urina intra corpus nihil istiusmodi demittit: si vero frustum vel minimum cujuscvis materiæ solidæ in vesicam immissum, et ibi relictum fuerit, brevi tegitur tali crusta, et crescit paullatim in magnam molem. Haud absimile est, vitia quædam humorum pa-

rum forte intellecta aliquando subesse, et proclivitatem ad calculum formandum multum augere. Probe enim constat, morbum non modo congenitum sæpe, et hæreditarium observari, verum etiam homines qui calculo laborant sæpius ventriculi morbis, acori imprimis, obnoxios esse, multosque eorum haud exiguum levamen accepisse a variis remediis, qualia acorem in ventriculo et intestinis vel impedian, vel ibi jam existentem corrigant. Porro, olim et nuper opinio fuit, aliud victus, et potus præsertim, genus, vina acida, vel vina e pomis parata, &c. homines calculosos facere, aliud, eos fere incolumes a tali morbo præstare. Quamvis hæc omnia minus firma sint, tamen non est negandum, urinam aliis atque aliis hominibus plus minus fabulosam esse, et vel plus materiæ concrefcentis continere, vel eam quam continet facilius demittere, vel ipsam demum facilius in talem materiam converti.

740. Præterea, a variis causis, quibusdam præ cæteris hominibus, nuclei in viis quas urina subit formabuntur, quales fundamenta fuerint calculorum. Sic mucus ipse renum, vel morbosus secretus, propter vitia suorum organorum, puta inflammationem, vel jam secretus, inspissatus, aut coactus in massam crassiolem, vel sanguis, vel gluten, vel pus, e vasis delapsa, propter relaxationem aut inflammationem; aut in rene demum concretiones vel minimæ formatæ, nucleos dabunt.

741. Hujusmodi vero concretiones, utcumque primo exiguæ, indies crescunt, propter rationes (739.) memoratas. Sæpe descendunt e renibus sponte, sine magno dolore aut incommodo, neque in vesica commorantur, sed brevi cum urina excernuntur. Sæpius vero in renibus hærent, donec tantam adeptæ fuerint molem, quanta ægre per *ureterem* descenderit. Diu aliquando in rene latent, parum nocentes, neque prius suspectæ, quam in *ureterem* delapsæ

lappæ hunc irritent et obstruant, renemque vel alterum vel utrumque per consensum afficiant, et totum corpus convellant. Hinc ingens et dira malorum cohors: dolor sæpe immanis *ureteris*, renum, partiumque vicinarum, nausea, vomitus, concoctio ciborum depravata, contractio *ureteris*, qui fibris moventibus instruitur, obstructio urinæ, gravis irritatio, sæpe inflammatio, aliquando suppuratio renis, stranguria, dysuria, *ischuria*, urina limpida interdum, sæpe mucosa, quasi purulenta, vel sanguinolenta, vel nigra, et febris aliquando vehemens; nonnunquam tabes *renalis*, mira aliquando corruptio, obstructio, tumor, macies, fere destructio renis, ita ut alter aliquando defuisse visus fuerit. Sæpe etiam, dum calculus in *uretere* hæret, vel ægrius per eum descendit, dolor ad testem, vel crus ejusdem lateris, propagatur: frequentius vero de stupore cruris, et sensu quasi testis retractus esset, conquerruntur ægri. Hæc signa, ipsa profecto levis momenti, a compressa *fune spermatica*,

tica, proxime sub *uretere* jacente, vel saltem a ramulis quibusdam forte minutissimis nervorum per *psoam* musculum ad testem vel crus tendentibus, irritatis, vel compressis, sive ab ipso meatu urinæ plurimum distento, sive a musculo isto propter viciniam atque consensum (359.) cum parte laborante, tumente, vel forte inflammato, originem ducentia, medici tamen attentionem jure sibi vindicant, quatenus naturam morbi, ambiguis cæteroquin signis nonnunquam stipati, manifeste plurumque declarent.

742. Causa tot malorum satis in aprico est: neque obscura ratio qua calculus paulatim descendat, urgente lotio, et distento aut relaxato ipso urinæ meatu: neque obscurior medendi ratio ad mitiganda singula mala quæ maxime urgent, vel expediendum calculi descensum, remediis quæ inflammationem et febrem summoveant vel temperent, quæ sensum minuant, irritationem tollant, contractionem ipsius
meatus

meatus solvant, totum corpus laxent, intestina depleant, vomitum compescant, viasque quas urina subit eluant, ipsam urinam diluant, ejusque organa irritata et dolentia foveant et oblinant gummoso aut glutinoso humore, qui naturalis muci, vi morbi abradi, officium fungatur.

743. Hoc modo ab instanti periculo præcavetur: parum vero proficitur, si in vesica calculus hæserit, quia tum paullatim crescens brevi excerni nequit, et gravem irritationem, dolorem tum vesicæ, sed magis adhuc ostii *urethræ*, stranguriam, dysuriam, *ischuriam*, incontinentiam urinæ, inflammationem, suppurationem, ulcus, gangrænam, callum vesicæ, inducit, et tandem, (nisi his malis citius æger succumbat), exhaustis miseri viribus, perpetuo dolore et irritatione, febrem lentam, *hecticam*, maciem, et tabem, tarde fortasse, sed certe lethales.

744. Postremo, silentio non est prætereundum,

reundum, organa fecernentia, quæ stric-
tius *Glandulæ* vocantur, obstructioni, et
diris quibusdam quæ ex ea profluunt ma-
lis, præ reliquis partibus corporis obnoxia
esse.

745. Hinc sæpe tumor insignis, et mira
durities, non modo sine dolore, sed sæpe
cum minuto partis affectæ sensu; quod
mali genus *Schirrus* vocatur. Idem diu
aliquando manet sine dolore, vel sane ulla
molestia: serius ocysus vero dolere incipit,
et quidem acerrime; paullatim in suppu-
rationem tardam atque malignam abit, et
tandem ulcus horrendum fit, non modo par-
tem primo affectam consumens, sed vicinas
omnes depascens, et totum corpus acerrimo
et immedicabili veneno corrumpens.
Hoc Carcinoma vocatur, nonnunquam
subito lethale, eroso scilicet magno vase
sanguinem vehente, plerumque vero len-
tam et miserandam tabem, cum febre *hectica*
certissime exitiali, inducturum.

746. Ratio horrendi mali hæctenus obscura est. Credibile tamen videtur, fabricam *glandularum* motum sanguinis in iis præter solitum languidum reddere: unde facilior obstructio, et imperfecta et maligna suppuratio. Porro, constitutio corporis peculiaris, sæpe congenita et hæreditaria, homines huic morbo opportunos reddit; constitutio scilicet debilis, et languida, et torpida. Strumosi quoque, diro huic morbo, præ aliis hominibus, obnoxii esse observantur. In vetulis quam junioribus multo frequentior est morbus, inque iis qui vel ignavia debilitati fuerint, vel nimio et perpetuo labore exhausti: et in iis demum qui victu pravo, parum nutriente, difficili coctu, vitam tolerant, vel denique quibus animi affectus graves et diuturni, vires omnes, præsertim quæ sanguinem movent, multum fregerint.


747. Incipit sæpe *scbirrus* sine nota causa externa; aliquando post inflammationem


nem non bene refolutam accedit ; sæpius a vi externa parti *glandulis* refertæ illata oritur : neque harum rerum obscura ratio, nimirum quæ fabricam glandulæ lædant, eamque sæpe obstruant.—His omnibus rite perpenſis, non mirum erit morbum, etiam incipientem fanatu difficillimum, inveteratum tandem infanabilem evadere.

FINIS VOLUMINIS PRIMI.


E R R A T A.

<i>Par.</i>	<i>Lin.</i>	<i>pro</i>	<i>lege</i>
115.	22.	questione ———	quæstione
143.	8.	unifquisque ———	unusquisque
221.	1.	quicquid ———	quicquam
370.	1.	coporis ———	corporis









RB 2.12.1991

